


清代傳記叢刊·名人類②
周駿富輯

漢名臣傳


(四)

三十二卷

清國史館編



明文書局印行



漢名臣傳卷二十五

方苞 裴倅 度 梅穀 成 張大經

王玉廷 劉順 李因培

方苞列傳

方苞江南桐城人寄籍上元康熙四十五年
由舉人會試中式以母病未預

殿試五十年十月副都御史趙申喬劾編修
戴名世所著南山集子遺錄有大逆語下刑
部擬名世凌遲詞連苞從祖孝標曾降吳逆

所著滇黔紀聞亦不法應戮屍于登嶧雲旅
孫世楨緣坐苞為名世作序論斬

命九卿詳議五十二年二月

諭曰戴名世從寬免凌遲著卽處斬方登嶧
方雲旅方世楨俱從寬免死並伊妻子充發
黑龍江此案內干連人犯俱從寬免治罪著
入旗是月苞隸旗籍三月

上知苞文學

時命入直南書房八月直

蒙養齋編校

御製樂律算法諸書六十一年六月

命爲武英殿修書總裁十一月

世宗憲皇帝嗣位頒

恩詔其一以族人犯罪牽連入旗者赦歸籍
時入旗合

詔條者惟戴名世案而原讞例不得援赦刑
部特請

上肆赦苞及其族人雍正元年苞旣承

恩宥二年請假歸墓三年還京

召見有

先帝持法朕原情汝老學當知此義之

諭九年

特授左中允十年五月遷侍講七月遷侍講
學士十一年四月擢內閣學士菴以足疾辭
命仍在修書處行走不必辦理內閣事務六
月教習庶吉士八月充一統志館總裁十三
年正月充

皇清文穎館副總裁十一月疏言常平倉穀定例存七糶三有司奉行失宜必穀旣貴始詳上司定價示期開糶未奉批不敢擅開請嗣後各州縣遇穀偶貴卽酌定官價一面開糶一面詳報又穀之存倉則有鼠耗盤量則有折減移動則有腳價糶糶守局則有人工食用春糶價稍有餘卽彌充諸費庶中材可守若廉亂之吏遇秋糶價賤盈餘較多聽據實詳明別貯一倉備款歲發賑用下部議行

乾隆元年三月疏言救荒之政宜豫周官保
章氏以星土之法五雲之物先期知水旱降
豐荒之稷象以修救政雖其法無傳然夏末
秋初則水旱豐歉情形十得八九舊例報荒
必待八九月後災民朝不待夕而奏請得
旨動經旬月請嗣後各州縣水旱五六月卽
據實奏報臣又思古者城必有池故易曰王
公設險以守其國周公立司險掌固二官以
通守政所恃惟溝樹耳凡國都暨近郊遠鄉

必設溝樹三重鄙邑三重詩曰築城伊減池
與減卽周官所謂溝也本無城而創作則起
土而濶形已具本有城以築外垣使附城民
得保焉卽春秋所稱郭與郊保也不獨通川
之地濬溝卽可爲池卽地不通川而溝深三
丈則行潦所滙可納城市流澌春秋戰國時
雖彈丸小邑莫不有溝以爲限有樹以爲蔽
秦漢以降古法不講故盜賊滋多請將城堡
溝樹之政及時修舉又吳楚蜀越嶺徼皆賴

通志卷之二
川流塘堰以灌秔稻不專恃雨澤請

飭各省凡通川之地可開支河及沮洳可與
大圩與大塘大堰宜創作修復者詳報核估
造冊具題北五省塘堰圩隄可興者少則查
千家數百家之鎮集宜開溝渠築垣堡者亦
造冊具題遇歉歲及時興作以工代賑至溝
樹之地不能無廢民田而歉歲官給原價買
之民亦樂從部議五六月報災恐滋捏飾浮
冒所請不可行至溝樹塘堰諸事應令各督

撫因時地熟壽而行得

旨如議六月

上憐苞老病

命太醫時往診視尋

諭曰國家以經義取士將使士子沉潛于四
子五經之書含英咀華發擴文采因以覘學
力之淺深與器識之淳薄而風會所趨卽有
闕于氣運誠以人心士習之端倪呈露者甚
微而徵應甚鉅也顧時文之風尚屢變不一

苟非明示以準的使海內士子于從違去取
之介曉然知所別擇專意揣摩則大比之期
王司無以操繩尺而度羣才士子豈能合矩
矱以應搜羅乎有明制舉之業體備各種如
王唐歸胡金陳章黃諸大家卓然可傳本朝
文運昌明英才輩出劉子壯熊伯龍以後作
者接踵莫不根抵經史各抒杼軸此皆足爲
後學之津梁制藝之料則者自坊選之禁垂
諸功令而大家名作不得通行士子無由睹

斯文之炳蔚率多因陋就簡剽竊陳言襲取
腐語間或以此倖獲科名又輾轉流布私相
仿效馴至先正名家之風味杳乎難尋所係
非淺鮮也今朕欲褒集有明及本朝諸大家
時菽精選數百篇彙爲一集頒布天下以爲
舉業指南學士方苞工于時文著司選文之
事務將入選之文逐一批抉其精微與竅之
處俾學者了然心目間用以拳服摹擬嗣後
並弛坊間刻文之禁倘果有學問淹博手眼

明快者不拘鄉會墨卷房行試牘准其照前
選刻但不得徇情濫觴及狂言橫議致釀惡
俗褻遵

旨選錄有明制義四百八十六

國朝制義二百九十七以清真雅正爲宗呈
欽定頒行天下尋充三禮義疏館副總裁
命再入南書房二年六月擢禮部右侍郎苞
仍以足疾辭

詔免隨班行走七月教習庶吉士九月疏陳

九卿會議二事一 九卿中有異議者宜並列
上
聞以俟

聖裁一詹事科道宜仍與九卿一體會議所
議不符亦隨九卿議並奏疏下總理事務王
大臣等議駁

諭曰廷臣會議其秉公建白與否皆發于其
人中心非立之章程可迫之使然者若如方
苞所奏不但事有難行卽定以爲例而不肯

視國事如已事之人其緘默仍如故也嗣後
九卿等當思受朕簡畀之恩凡遇廷議事件
胸有所見卽據理直陳互相叅酌以歸于至
當毋得推諉至稿衙門隨班畫題以了故事
負朕博採眾論之至意十二月苞復以老病
請解侍郎任

許之仍帶原銜食俸教習庶吉士四年二月
命武英殿重刊十三經廿一史苞疏言庫貯
書籍並無監板經史而現今監板更剝蝕無

憑校對講

勅內府及內閣藏書處徧查舊本

諭在京諸王大臣及有列于朝者如家藏明泰昌以前舊本奏明交館並

勅江南浙江江西湖廣福建五省督撫購送舊板經史彼此互証再孔穎達賈公彥等所引十三經及傳註並周秦間諸子多訛誤請詳校開列呈

覽酌改又前侍講學士何焯曾博訪宋板校

正前後漢書三國志遺訛應就其家索原書照式改註別本其原本仍行給還從之五月諭曰方苞在

皇祖時因南山集一案身罹重罪蒙

恩曲加寬宥令其入旗在修書處行走效力及

皇考卽位特沛殊恩准其出旗仍還本籍又漸次錄用授職翰林晉階內閣學士朕嗣位之初念其稍有文名諭令侍直南書房且陞

授禮部侍郎之職伊若具有良心定當痛改
前愆矢慎矢公力圖報効乃伊在九卿班內
假公濟私黨同伐異其不安静之錮疾到老
不改衆所共知適值伊以衰病請改侍郎職
任朕俞允之仍帶原銜食俸上年冬月因伊
條奏事件偶爾召見一次伊出外卽私告于
人曾在朕前荐魏廷珍而叅任蘭枝以致外
間人言藉藉在朕訪聞令大學士傳旨訓飭
伊奏對支吾朕復加寬容未曾深究近訪聞

得伊任魏廷珍之屋魏廷珍未奉旨起用之
先伊卽移居城外將屋讓還以示魏廷珍卽
上被召之意又庶吉士散館屆期伊已將人
數奏聞內閣定期考試矣伊復于前一日將
新到吳喬齡一名補請一体考試朕心卽疑
之今訪聞得伊所居之屋卽吳喬齡之產甚
覺華煥伊受托爲之代請似此數事則其平
日之營私可以概見方苞深負國恩著將侍
郎職銜及一切行走之處悉行革去專在三

禮館修書効力贖罪苞以年近八旬時患疾
痛懇回籍調理大學士等代奏

恩賞侍講銜准其回籍十六年卒

裴侔度列傳 于宗錫附

裴侔度山西曲沃人由附貢捐納主事康熙
三十五年授刑部主事四十五年遷員外郎
四十六年遷戶部郎中四十九年授雲南澂
江府知府五十四年調廣南府五十五年擢
河東益運使尋改兩浙五十九年遷湖北按

察使六年遷湖廣布政使雍正元年正月擢
江西巡撫九月疏言江西設關權稅原在九
江後議徙湖口臣抵任以來商旅紛紛控籲
以湖口當江湖衝水溜湍急商船時遭覆溺
查九江舊關上有龍開河官牌夾下有老鶴
塘白水港地勢寬平泊船安穩而離湖四十
里曰大姑塘者又商艘必經之路遇水漲則
有女兒港張家套停泊水落則平湖一
岸泥沙無風波礁石之險請仍移開九江

于大姑塘設口為抽裕課恤商誠為兩便
諭曰此議甚好爾會同督臣查勘納料理移
關可也二年閏四月疏言南昌一府糧額浮
多由元末陳友諒竊據南昌袁州瑞州三府
橫征暴斂明代沿襲未改我

朝順治年間袁瑞二府已題請減免而南昌
未及臣以常賦未易屢更而同省寔難歧視
皇上體恤窮簷無微不至臣職任封圻不敢
不據寔陳奏疏下部議豁免南昌浮額銀七

萬五千五百四十兩有奇先是萬載棚民溫
上貴寧州棚民劉允公等糾黨滋事率度督
緝均就獲

諭照保甲例編查六月疏言閩廣民流寓江
西入山搭棚垦種靛烟謂之棚民良匪雜處
有人籍年久納糧當差者有人籍未久去留
無定者有遠在山等星散各居者有土民僱
其傭工地主招其垦田者有山主利其力作
曲爲隱庇者臣現飭屬查出萬五千餘戶編

甲造冊按年入籍並諄諭各州縣寔力稽查
上獎勉之是月

上以江西里長催收累民又俗尙邪教

諭嚴禁革九月倅度疏言臣自上年到任察
知里長累民勒石永禁現行滾單之法令花
戶自封投櫃其距城遠之畸零小戶從不入
城自願公舉一人輪催交納者聽從民便仍
嚴防毋許于累至邪教自宜嚴拿治罪不敢
因循姑息江西省醫卜星相一應術士多于他

省流棍往往假術煽惑地方雖非邪教亦易藏奸亦宜不時嚴懲

諭曰甚屬可嘉足見實心任事十月請
陞見

諭曰卿自巡撫江右以來甚愜朕意卽來京朕亦無多面諭之處不必來三年二月報墾南昌十二縣地五十二頃有奇下部知之時總督查弼納議開廣信府之封禁山

諭倅度酌議因奏言封禁山舊名銅塘山相

傳產銅然有名無實奸民誘衆聚匪徒滋擾
害故自明封禁迄今順治十年有議採木者
郡縣力陳不便題明勒碑永禁臣揆查弼納
意因前此寧州萬載棚匪爲害疑有巢穴或
卽在此山中故爲破巢搗穴之計然寧州萬
載相距甚遠兩不相涉流匪偶然烏合原無
巢穴若以山內有沃土可以藏奸尤傳聞之
悞此山封禁日久荆榛充塞稔毒滋藏無可
容身之地正爲弭盜而封禁並非有梗化頑

民盤踞在內自耕自食臣細訪此山開則擾
累封則安寧成案具存確有可據康熙五十
九年擒獲鉛山縣匪徒恐餘黨竄入山中派
兵入山搜查數旬並無一人是其明驗但慮
年久禁弛惟當密諭嚴防開之寔多不便
諭曰當開則不得因循當禁則不宜依違但
不存貪功圖利之念寔心爲地方興利除害
何事不可爲也三卿等秉公相度時宜酌
定之于是定議封禁如初四年二月遷戶部

左侍郎留任巡撫七月擢都察院左都御史
九月

上聞江西州縣倉穀多腐

遣吏部侍郎邁柱往查卽

命樺度留任五年正月

諭曰各省所儲倉穀原備款年賑濟之用寔
百姓性命所關地方官員虧空倉穀者較之
虧空銀兩其罪更爲重大是以朕卽位以來
時刻以倉儲爲念總爲民命起見也雍正元

年特頒諭旨令各省州縣于三年之內將所
虧倉穀悉行買補務期足數違者重治其罪
嗣後又屢頒諭旨諄諄申飭並諭各省督撫
若所屬地方有不能如期補足情由亦據實
陳奏乃江西巡撫裴倬度奏稱江西倉穀俱
已補足並無虧缺且有數人在朕前稱江西
乃產米之鄉不必多貯穀石應將現儲之穀
酌量減價糶賣者今據邁柱摺奏現在查出
江西州縣倉穀虧空甚多是裴倬度所奏顯

屬徇隱欺罔而從前之奏稱江西穀石當發
糶者向皆受裴倖度之囑記欲借此以掩蓋
倉穀之虧空耳又據憲柱奏稱現在清查倉
穀請將存七糶三之例暫行停止庶免朦混
據此則江西從前之存七糶三不過借百姓
之名以爲官員掩飾虧空之計非真有出陳
易新之事也裴倖度及原任布政使張楷陳
安策均著革職質審務將虧空之項徹底明
白清楚聞三月

諭曰據江西巡撫邁柱奏稱江西存倉穀石
向係二錢一石掛價存留各州縣價銀二錢
買穀一石實屬不敷朕思離任官員交代之
際並無穀石存倉而以二錢一石之賤價交
與接任之員力難賠墊以致穀石空虛弊端
種種國帑民生均受其累此皆裴倅度及歷
任布政使徇情市惠強令接任官員收受之
故着將江西通省折價銀兩交與裴倅度及
歷任布政使作憑照數買穀還倉不得借端

繇亳派累小民十年買穀竣釋還籍乾隆六
年卒子宗錫由監生捐納同知乾隆十五年
選山東濟南府同知尋授青州府知府二十
二年調濟南府二十四年遷濟東萊武道二
十七年調督糧道二十八年三月調直隸霸
昌道五月遷按察使九月疏言古北口外山
場產菠蘿樹土人但伐作薪不諳養蠶此樹
本名椽樹入土卽生三四年後葉可飼蚕臣
前在濟東飭屬遍栽頗有成效今以堪牧繭

絲之樹供薪殊覺可惜請照東省養蚕法勸民廣栽試養則地無曠土而民獲利益

諭交直隸總督方觀承實力妥辦三十二年雲南用兵

命督查直隸驛站是年六月丁母憂回籍三十四年因前按察使在內悞給驛站車馬部議降調照總督楊廷璋原咨聲明宗錫會自行檢舉得

旨銷去加二級仍于補官日降一級用復

諭曰直隸臬司管理通省驛站偶有一二誤
應之處原無心公過而裴宗錫經朕由府道
用至臬司觀其爲人頗可造就尙欲再加遷
擢數年來因其母已年老相法官署難于迎
養他往是以久留不調今以下憂離任朕予
大小官吏凡遇公過處分多有留任眾應知
之今閱此本則由楊廷璋據按察使呈稱准
裴宗錫移咨此明係周元理到任後查出錯
悞令裴宗錫補行此文移爲周旋僚友之地

而楊廷璋亦附和聲明雙請安得謂裴宗錫自行倫舉耶此等尋常公過若據實直敘在他人尙不致于實降况裴宗錫爲朕所深知又何必爲之顧慮而令其作此趨避是裴宗錫之降實因楊廷璋周元理等瞻顧使然所謂愛之適所以害之卽裴宗錫知此獲譴之由亦必心服而感悔也周元理楊廷璋俱著交部議處三十五年三月

諭曰裴宗錫將屈服關著仍補授直隸按察

使六月授安徽布政使尋擢安徽巡撫十二月以失出部議降調

詔革職留在三十六年正月奏安徽買補倉穀請照江蘇巡撫薩載奏准之例於正價外每石增銷運腳銀八分疏下部議

特允所請二月疏言安慶瀕江舊有漳葭港河土人呼爲老河上通潛山太湖望江三縣下達于江爲漕艘南船往來停泊之要區淤久漸成平陸前撫臣張楷于上游開新河一

道地高水急重載逆上仍難進口暴風猝起
每處覆溺請仍將老河開通使歸故道較爲
妥便

諭侯摠督高晉履勘再行酌辦尋高晉勘奏
如宗錫議行三十七年疏言農田水利民食
攸關鳳泗所屬州縣高阜之地無水源可引
宜多作池塘低下處夏秋水漲易浸宜厚築
圩圍以脩灌溉而資捍禦現飭屬相度挑築
又鳳陽一帶高岡曠野不宜五穀令各隨土

宜種樹資用

諭獎其留心本務二十八年疏列屬員賢否
諭曰據裴宗錫奏到屬員賢否單各府州內
列三等者凡三員中有知府李世瑞余模據
稱二員俱係拿獲鄰省盜犯陞用者其才具
皆屬中平現在留心察看如果未能向上難
膺表率當卽據實糾劾所奏甚是向因拿獲
盜犯人員于鄰境匪犯尙能留心緝捕每令
送部引見着其人尙覺明白者卽予記名陞

用以示鼓勵但衡人之道原難以一節槩其
生平此等人員內有本屬中材不能開展用
至方面大員輒形竭蹶者亦有倖邀遷擢卽
意存自滿不復黽勉思奮者其干表率重寄
皆非所宜全在督撫等畱心考核遇事程材
方于吏治民生有益若以經朕特簡遂不論
賢否槩予姑息使闕茸無能之輩濫等竊祿
貽悞地方豈大臣實心察吏之道嗣後各省
督撫均宜照裴宗錫所奏虛公甄別弗存成

見于特用人員內見有不堪策勵之員卽據
寔具奏斷不可有意遷就稍事優容斯謀績
公而官方自肅三十九年以甄別教職過少
部議降調

詔免四十年五月奏江西民人王作梁等編
造逆書寄至安慶被人首告請移提審辦
上以各項人犯多在江西應咨明江西巡撫
海成就近拿訊乃轉拘泥迂緩

訓飭之是月調雲南巡撫十月調署貴州巡

撫四十二年四月奏黔省地處邊圉司庫備貯銀宜寬裕請

勅部撥銀三十萬兩解黔備用從之十一月以鎮遠稅額不敷咨部增設稅口部議不准諭曰此項稅務因已革知府蘇壻每次征多報少侵肥人已已按律治罪是以交督撫委員試收一年據實奏報該撫自應董飭關稅之員實力妥辦且蘇壻管理兩年皆有盈餘何以一經歸官卽形不足必無是理至添設

稅口尤爲滋擾裴宗錫平日辦事尙屬認真
不應荒唐如此着交部嚴加議處四十二年
二月疏言黔省每年額辦京楚白鉛七百餘
萬斤鉛廠僅三處開採年久物力漸絀臣到
黔後察知上下游附近水次地均產礦飭屬
試採現增新廠二一爲松桃廳屬巴坭山歲
可得鉛百餘萬斤一爲遵義縣屬新寨歲可
得鉛百餘萬斤分撥京楚兩運計每歲節省
銀四萬三千八十兩有奇得

自嘉允四月回雲南巡撫任疏言黔省古州一帶牛皮大箐綿亘數百里山深林密從前列屯置軍未思辦及屯田臣思安屯以養軍設防以固守箐內平曠之士開墾成田寓防于屯斯爲周備查丹江一屬有名雷公垸者地平衍可墾四五百畝又歐收甬荒高箐一二處畸零平地可墾三四百畝應令附近之震威堡屯軍派撥試墾成熟後劃界分管另立屯堡以資防守再查現議開墾之箐相距

四十餘里有雞溝汛係丹江管轄駐守備千
總把總各一兵二百其地距箐較遠請于該
汛撥千總一兵五十入箐設卡駐守另爲一
汛與箐外各屯汛聲勢更爲聯絡

諭曰此事所辦甚屬可嘉可謂畱心封疆之
大臣交圖思德妥爲之十月疏言滇省管廠
官向多雜職微員臣思銅銀各廠動關鉅萬
銅廠之採挖煎煉出納經營尤非易事雜職
旣難深信而虛報銅斤濫放工本之弊亦復

不免查承運京銅例遼州縣丞倅試用人員
運員與廠員事同一例請嗣後廠務悉歸地
方官經營卽距廠較遠必須另委專員抑改
委州縣丞倅等官庶事權歸一積弊可除
詔如所議行四十四年六月以病請解任總
督李侍堯代奏

諭曰裴宗錫在巡撫中尙屬實心辦事之人
今既患病較重着暫行解任調理俾安心攝
養以異就痊並令該撫自行酌量如在滇省

延醫調治可以痊按卽侯病愈時仍令接印
任事若在披水土不甚相宜卽着緩程來京
調理痊愈再行錄用是月卒

諭曰裴宗錫簡任巡撫以來辦事實心足資
倚任昨據李侍堯奏患病情形降旨令其解
任安心調理以冀速痊今聞溘逝殊堪軫惜
應得卹典該部察例具奏尋

賜祭葬如例五十一年

上西巡宗錫子候選主事正文迎

駕于五台

諭曰裴宗錫前在巡撫任內于地方事務尙能實心辨理伊子裴正文現係候選主事念其得缺爲期尙遠着加恩交部遇缺卽行補用

梅穀成列傳

梅穀成安徽宣城人祖文鼎貢生精天文算學康熙四十一年大學士李光地以所著書進呈

上南巡回銜

召見于德州舟次

御書績學參徵額以

賜俾還籍

論光地曰朕留心數學多年此學今鮮知者
如梅文鼎真當世僅見也五十一年

上聞鼓成能承家學

召入內廷于是鼓成以生員供奉

蒙養齋彙編

黃谷正傳

卷之二十一

言

御製天文樂律算法諸書五十三年

欲賜與人五十四年復

賜殿試成進士改庶吉士散館授編修雍正
七年改江南道御史

命巡視通州漕務八年轉工科給事中九年
三月遷光祿寺少卿八月遷通政司叅議尋
丁母憂服闋補原官乾隆元年擢順天府府
丞二年充增修時憲算書館總裁官三年十
月順天武鄉試有益山縣武生趙大武等因

探知外場合式倩人入內場被獲黻成疏言
武鄉試外場請照會試例分四圍較閱其合
式挑好字及獲好字者皆暗記密送內場以
防洩漏又內場點名冊請按圍分造卽令原
監試御史點名識認下部議行尋以失察頂
冒黻成降一級調用四年補光祿寺少卿總
管算學五年疏言舉人會試所領
恩給盤費間因患病事故半途而返或到京
不能入場者部臣恐其假托冒領擬行追繳

連年累月追求不已情殊可憫懇自己未科以前概免核追部議查明寔係丁憂患病及力不能完者准豁免餘仍追繳六年疏言臣見兩江總督那蘇圖請禁無印硃票一疏竊思無印之票固宜禁止而印票不銷蠹役持以嚇詐鄉愚流毒更甚請差票專竣卽銷上司時加查察違者揭叅部議從之尋遷鴻臚寺卿七年奏言正一人張遇隆遣人到寺投職名欲隨班恭祝

萬壽臣未知真人應否隨班應列何品行查
禮部據稱應列左都御史下侍郎前臣思道
家濫厠班聯不合典禮似宜厘正查正一真
人襲自明初秩視二品隆慶初臣工多言張
氏所爲不法世襲宜革遂改爲上清觀提點
秩五品厥後負緣復故號迨至
本朝相沿已久祈禳驅邪時有小驗仍而不
革可也假以祀貌可也而乃竟入班行儼然
與九卿並列殊于觀瞻有碍我

皇土聖作明述修祀正樂因太常寺樂員沿明舊例用道士承充特頒

諭旨謂二氏異樂不宜用之朝廷今駁奔之選已遵

旨改業則舞蹈之班何可仍廁乎其間或言張氏世襲冠帶非同常道殊不知張氏之襲乃假以冠帶約束黃冠亦如僧人之僧錄僧綱雖有品級安得與臣工伍臣請勅部定議嗣後正一真人不必令人班行

上是其言下部議行八年疏言外任官自京
赴任者例由鴻臚寺引至
午門前謝

恩載在會典近惟月選官遵例報名其保舉
題陞揀選等官臣寺無憑查考請

勅吏兵二部一体移會以便稽查九年又言
臣前請定候考序班額並遵會典行學政咨
取不許生員赴寺具呈經部議覆准定額而
生員具呈謂既有同鄉官印結自無冒濫臣

思質緣請託之樊不可不杜請嚴禁

詔並允行十年遷通政司右通政尋擢宗人
府府丞十二年四月遷都察院左副都御史
十一月疏言前經禮部議覆臣所奏道流濫
廁班聯一疏據江西通志內稱真人張繼宗
于康熙十九年授光祿大夫署真人張昭麟
又于乾隆二年題請承襲彼時臣因封典非
鴻臚寺職掌未敢瀆陳今當重修會典何敢
緘默查道教本屬異端而符籙更道教旁門

正一真人秩視二品原係前明做政仍而不
改已非所宜况又加至光祿大夫官階之極
品封及三代錫類之曠典若係特邀

異數必降

明旨何以不存于檔冊不見于會典我

國家于世襲之典尤極慎重其襲替之高卑
久暫皆視其功績大小不容絲毫假借張繼
宗卽果蒙封典亦必無准其世世承襲之理
且以

孔子之聖後裔乃襲公爵顏曾思孟所襲不
過博士儒林已不勝其榮今張氏所襲遠過
大賢幾與聖裔無別可否照提點演法之類
給與品級出自

聖恩疏下部議正一真人不許援例請封授
秩正五品十三年正月疏劾浙江按察使萬
國宣于尼僧羅柴氏控貢生陳學愈逼斃三
命一案不行詳究反將學愈開釋經御史沈
廷芳奏

特遣刑部郎中德福往審沉寃始重國宜玩
法縱奸草菅民命請交部嚴議

諭曰梅穀成據寔糾叅所奏甚是萬國宜著
交部嚴加議處閏七月擢刑部右侍郎八月
浙江學政陳其凝署內閣卷生員樊顯自刎
命穀成往同巡撫方觀承會鞠得其凝縱子
及僕吏串通舞弊狀以

聞論罪如律十五年七月疏言科場同考閱
卷例分經房請止分房數不必分經可除尋

查關節之弊

諭曰掣籤分經原以除弊不必更改惟一經之中房考數員內有籍係同省者平居素爲熟習入廩時彼此相通易爲照應朕意不若於定例之中稍示變通之法嗣後房考人闈仍照舊掣籤分經其一經內房考有籍係同省者令主考官酌量對調閱看亦或厘剔弊端之一道著爲令九月擢左都御史十六年鼓成劾山東巡撫準泰承審衝突儀仗之房

鉉一案不應擅引乾隆十三年

諭旨一面具題一面正法請通飭內外法司
嗣後不得假借牽引

諭曰朕前所降諭旨原爲聚眾抗官爲首之
重犯而言尋常立決之案自難比附援擬至
房鉉一案平日居鄉狂悖多事又復造言誹
謗逆迹昭著深爲地方人心風俗之害較之
首惡脅眾者情罪尤重其所犯本不在衝突
儀仗亦不在誣告官長該撫準奏先經面奏

外間自無由知卽其摺內所奏亦甚明悉梅
穀成未經詳閱遽謂準奏忽其告官故違成
例亟欲其死之處寔屬深文吹求朕慎重刑
章卽尋常案獄皆不憚反覆推求務期平允
督撫等孰敢以民命所關竟行率意援引潛
移生殺之權者此可信其必無準奏亦何敢
出此但梅穀成因事立言恐開挾私洩忿之
端意在防微杜漸則所奏亦未可盡非耳特
此曉諭中外知之十七年三月以查議宗人

府王公等處分一案有意從重交部嚴議章
職得

旨從寬畱任十一月充

經筵講官十八年尙書步軍統領舒赫德疏
劾巡城給事中特吞岱行止卑污庇賤役子
濫捐職銜之劉裕泰爲請于堂官列銜贈額
部議欵成降三級調用

諭曰特吞岱卑污狼籍乃梅欵成于名見時
屢次稱荐且倡議給匾劉裕泰又復自行書

寫是此案皆起于梅穀成况伊年已衰老著
以原品休致二十二年

諭曰左都御史梅穀成自

皇祖時以算學効力內廷經朕擢用洊歷正
卿今謝事家居年近八十著加恩照原品級
在家食俸二十七年

上南巡穀成迎

駕于清江浦

諭曰原任左都御史梅穀成以康熙間舊人

服官有年休致在籍今前來接駕雖齒逾八
秩而神明不衰居鄉亦復安靜洵屬昇平者
瑞念其家計清素諸子內亦無通籍之人著
加恩將伊子誨鈇賞給舉人一體會試以示
優待

賜詩曰無欲有精神趁迎清浦濱閉門惟教
子下榻不延賓能駐西山日引恬江國春推
恩緣念舊

皇祖內廷臣二十八年卒遺疏請入籍江寧

允之並

命照原銜予祭葬如列諡文穆

張大經列傳

張大經山西鳳台人乾隆十六年一甲一名
武進士授頭等侍衛二十年授湖北武昌城
守營叅將二十三年以承緝逆犯馬朝柱限
滿無獲劾議降一級調用二十四年捐復補
山東濟南城守營叅將二十八年遷文登營
副將三十四年擢陝西興漢鎮總兵三十六

年領西寧及陝西兵各一千赴金川軍營三十七年二月大軍圍資哩派由中路擊賊九月進勦兜烏山梁大經以兵千駐守阿喀木雅十一月移駐木蘭埧鄂克什舊寨十二月大軍既克木爾古羅及卡了進勦布朗郭宗大經借侍衛普爾普等直逼賊寨克之焚其樓斃賊甚眾

諭部優敘功加三等會副將軍阿桂巴克美諾逆酋僧格柔遁往布朗郭宗大經隨將軍

溫福追勦至底木達抄僧格桑之父澤旺三十八年二月大軍攻功噶尔拉大經借副都統烏什哈達等冒雪登山口兩峯奪其礮是月大軍移營木果木大經以兵五百分駐簇拉角克

上以其地在功噶尔拉了口之北形勢險要後路防範宜嚴

諭增兵協防四月借烏什哈達等攻達扎克角山擊敗伏菁賊沿山而下攻得斯東寨賊

棄寨遁六月木果木軍營失利溫福遇害叅贊大臣海蘭察檄大經撤兵出遇賊于乾海子路險不能騎徒步力戰死

諭曰總兵張大經効命行間亦殊可憫著照高天喜之例酌減議敘

命祀昭忠祠等議照陣亡旂員二品大臣例恩廕騎都尉子無咎襲現任福建提標後營遊擊

王玉廷列傳

王玉廷甘肅武威人出行伍赴西路軍營隨
征準噶爾授補把總乾隆元年敘功列一等
以應陞之缺卽用二年授千總十一年遷甘
肅瓜州營守備十七年遷浙江處州鎮標右
營遊擊玉廷以祖母老病援例呈請暫陝候
補部議從之十八年補安西提標後營遊擊
二十年大軍勦達瓦齊玉廷解送駝馬及茶
毒率安西兵于赴軍營聽調二十一年偕侍
衛圖倫楚特訥裕爾授定邊右副將軍兆惠

二十二年管理土魯番關展屯田二十三年
四月以兵二百隨副都統阿里衮樓勦沙喇
斯瑪呼斯賊並招降羅卜淖爾回眾五月隨
靖逆將軍雅爾哈善圍庫車與賊屢戰被創
八月擢平羅營叅將會克庫車雅爾哈善令
玉廷領兵庭守二十四年隨將軍兆惠進攻
喀什噶爾

諭曰王玉廷上年在庫車攻戰得傷頗著勞
績著加恩補授波羅協副將二十七年正月

署延綏鎮總兵十一月擢興漢鎮總兵三十一年

陸見

賜戴孔雀翎三十二年三月調雲南勸元鎮
總兵隨將軍公明瑞征緬甸十一月擊敗賊
眾于旱塔進攻老官屯賊據木城拒王廷親
發砲乘霧督攻中鎗傷股戰益力賊敗匿不
出十二月復往督戰創發卒事

聞

諭照陣亡例議卹又

諭曰王玉廷向在西路軍營著有勞績今復
効力戎行因傷殞命非尋常出力者可比朕
心深爲憫惻著加恩照高天喜之例賞給伊
子世職尋

賜祭墓如例謚勤義入祀鼎忠祠又與陣亡
都統扎拉豐阿獲軍統領觀音保總兵李全
從祀明瑞旌勇祠騎都尉又一雲騎尉世職
子威寧襲現任四川川北鎮標左營遊擊

劉順列傳

劉順順天府人雍正五年武進士授藍翎侍衛六年授

圓明園守備七年發陝西委用八年署寧夏鎮標中軍遊擊十年實授十一年署平羅營參將十二年調署鎮海營十三年署同州協副將乾隆二年仍署平羅營參將四年署定邊協副將五年遷鎮番營參將九年遷金塔協副將十三年正月率甘涼肅兵千五百赴

金川軍營聽調五月偕副將高雄由卑索一路攻襲得甫至松林賊百餘與犯擊之遁越日擊斬賊眾毀其碉閘七月隨大軍由十撒左山梁進勦各碉以次克惟普瞻雙單二碉固甚賊死拒日暮將旋兵順潛率所部遁單碉縱火攻之賊潰並奪雙碉大軍繼進遂克色底而是時普瞻之西阿利山賊碉林立八月順冒雨奮攻奪山梁木卡復由山左進擊斬賊二十四奪碉一九月復以砲擊斃賊眾

六十餘克大礪一石卡四平房二十四經畧
訥親屢奏順奮勇

報聞十四年金川平議敘功加三等擢貴州
威寧鎮總兵尋

諭曰劉順在甘肅年久熟習邊地情形著調
補甘肅西寧鎮總兵十六年

陞見

賜戴孔雀翎二十一年二月督解駝馬送巴
里坤軍營十二月署安西提督二十三年二

月委辦戈壁水泉寔心經理

諭獎之下部議敘功加一等五月擢甘肅提督仍留署安西提督事二十四年調安西提督二十六年十一月以病乞解任調理

允之十二月卒

諭曰安西提督劉順前曾隨征金川頗屬奮勉此次平定西陲雖未身列行陣而安西一帶設台穿井諸務具見實心經理今聞溘逝深爲軫惜著加恩晉贈太子少保再賞銀一

千兩應得卹典該部查例具奏尋
賜祭葬如例謚壯靖

李因培列傳

李因培雲南晉寧人乾隆十年進士改庶吉
士散館授編修十三年六月擢侍講學士充
日講起居注官八月提督山東學政十二月
疏請頒發元聖周公四代先賢祠祭器從之
十四年擢內閣學士仍閏學政任十五年疏
言山東萊州之靈山衛文武童生額取八名

申送僅十餘人請酌減三名生員廩增各二十名而附生止四十餘名請將廩增生俱減爲十二名俟文風漸盛學臣題復舊額又威海靖海二衛文武生員皆撥入文登縣學以故文登一學廩生至六十名之多兩年一貢挨補維艱請照金復二衛歸併萊州府學例一年一貢三學輪換至二衛廩生貢完日仍照舊例行下部議如所請十六年充武會試正考官十七年充浙江鄉試正考官再充武

會試正考官十八年三月署刑部侍郎六月
兼順天府尹奏言順天府屬飛蝗皆自灤州
玉田至急宜撲揮

上命因培馳驅往督率地方官不實力者許
糾劾七月因培疏叅通永道王楷灤州知州
孫昌鑑捕蝗不力皆革職九月疏言涿州知
州李鍾俾素著虧空名臣正在訪寔而督臣
方觀承以不宜涿州之任奏請撤回鍾俾果
不勝任則在在四年督臣何以若罔聞知而

必待至劣跡彰聞事將敗露之日又據鍾俛稟稱必不誤交代州縣交代或墊免賸抵或米穀霉亦新任不肯接收上司率以刁勒訓飭臣不敢謂方觀承必有其事然核其情節自在

聖明洞鑒中疏入

上以因培所見甚當

命革鍾俛職尋得其虧空那移治罪如律十二月疏言在京各部院會稿案件由主稿衙

門咨送定議必待各堂畫定始行題奏外省
則不然彼此會稿率由主稿衙門辦定題咨
移付徒成故套所會衙門卽有意見不同無
由酌改若復扣留又多齟齬是以一人畫諾
具稟臣請

勅下直省大吏凡會稿必須所會衙門畫覆
方可題咨仍將何日題咨知照原會衙門存
案若慮移付往返誤限則早會數日專差飛
遞再有遲延許案內聲明至事屬緊要尤當

預爲札商如仍事後始送核衙門卽將並無
畫諾之處據寔陳奏庶有當于循名責寔之
意部議以事關緊要應照因培所請其尋當
案件聽主稿衙門題咨仍知照兼轄衙門備
案毋庸會銜

上從之先是衡水縣知縣劉士王因培鄉人
也以受賄叅革與州知州誇喀謁因培因培
言及士王甚寬之語誇喀迎因培意稟兩司
十九年正月布政使玉麟以其事

聞下部議革因培職四月起用光祿寺卿二
十年五月提督山東學政二十一年九月調
江蘇二十二年

上南巡

賜以詩曰學校程材地江蘇大雅邦元龜要
清正凜鑑辨淳龐莫負風簷昔爲求瓊樹夔
菁七勤梁育濟七引鴻龐二月疏言淮安府
屬之阜寧隱本山陽鹽城二縣分出山鹽文
風本優於阜請將阜寧原進額內改還山陽

鹽城文生各二名武生各一名再致選出陽
原擬廩增名六各現在山陽之胄阜寧學者
查明改歸嗣後令地方官寔力稽核必由廩
坟墓確在阜境方准收考違者治罪下部議
行四月疏言捐納貢監舉報優劣江蘇向無
其事臣到任以來訪其中武斷鄉衒蕩檢踰
閑者寔繁有徒迨抵革免審而州縣往返遲
延且既無揮檔可稽則錄科者遺尤難釐捏
名頂冒之弊甚至作奸犯科教官以無管轄

不敢申報經臣移會撫臣通飭各屬舉報優
劣令造具總冊送臣查核仍牒移教官存案
今一載餘送到僅一二屬請再限一月如仍
不造報將地方官送部查議至舉報徇隱不
實別經究覺亦許臣查添於學政似有裨益
允之二十四年七月擢內閣學士八月調浙
江學政二十五年疏言松江府金山衛軍籍
有二一勲軍爲前明指揮使鎮撫千戶之後
一屯軍爲耕種軍田現在僉于領運之戶散

處各州縣民衛身滋混冒臣前在江蘇任內
嚴防其弊請嗣後責成衛守備造冊並報學
政以便稽查冒籍部議從之二十六年十月
疏言武舉榜後填寫親供解部磨對筆跡乃
浙江竟有遲至一二年後抗違寢擱者在武
舉等多不赴會試惟以欺凌鄉里把持武斷
爲事嗣後武舉中式後三科不赴會試請定
例查催議處仍令督撫飭地方官於所屬武
舉多事者照武生例小則戒飭大則題草磨

于士風不無少補

上是之二十七年

上南巡叠前韻

賜詩曰於吳遂遷越總是大文邦以爾能精
鑑庶予贊化厯東西浙水一南北兩峯雙自
得江山助濟宜淳與龐八月疏言鄉飲酒禮
乃古者黨正以禮屬民而飲酒於序以正齒
之遺意也至于賓筵服色儀禮所載明白賓
鄉服以拜賜鄭康成云鄉服昨日飲酒之類

服也其賓而朝服者儀禮之鄉飲酒乃鄉大夫三年大比獻賢能而禮賓之節今鹿鳴賓與之意乃所謂廣乃士也士貢于朝將以官之故得用朝服今鄉飲乃正齒位之禮賓既屬民不得僭越明矣乃臣見有金頂補服年老之人詢之則非歷年飲賓與八九品服色畧同不獨尋常僭用卽鄉飲日亦然夫生監有本身頂帶而耆民亦應守分仰懇

皇上勅部議定章程通行遵照庶典禮明而

章服有等矣又疏言士子廁身黷官仍復濫充雜役非所以重廉耻而立防閑也按各省裁革里長後民間田地交割推收過戶經理其事者謂之莊書卽里書改名也所管田糧底冊祖父相傳爲奇貨而盜收多付飛洒花分之弊日出現爲生監者亦據爲世業南方水田民皆自築圩岸按田出費比戶輸當經理其事者謂之圩長亦名圩長有生監承充又臣前任江南訪聞儀徵縣河干埠頭爲塩

商雇覓船隻其利甚厚生監多有食祖父之業冠帶奔走恬不爲怪又生監不許充牙久有例禁慮其恃符累商也乃充牙者請領司帖與監名產名互異及吞商告死則以頂帶到官抗比夫律不禁其子弟謀生固爲生監而身親牙人之事豈可聽其詭名卸過又如社長專司社倉出納應以殷實農民爲之乃生監貧無聊賴者謀充此役以侵漁爲務監禁追比徒成畫餅州縣官復強令殷實生監

海內自不在... 充之彼懼貽累牒訴求免更使良法爲畏途
請將莊壽輝頭圩長等役禁生監承充違者
治罪牙行社長亦立法稽查則士立品行有
司案牘亦省均下部議行九月復調江蘇學
政十月疏言生員考居五等例應對請所以
示罰也嗣因五等不足益以四等女生女生
又不足益以武生臣思考居末等之生多年
老貧病者資斧跋涉本艱又四等武生全無
文理以之對讀文生卷伊亦自揣不能是以

遷延規避卽到省仍私雇替况各省俱有應
募之人從無貽誤請照順天學政金德瑛條
奏一休罰贖外省雇值稍賤量酌減四等之
生例得科考錄遣如俱無名乃送對讀罰贖
銀三兩五等女生四等武生罰贖銀六兩或
遇人銀俱少之時聽該管科場官通融酌辦
不得再取次考生員及樂舞生充數似亦核
寔之道部議從之二十八年六月遷刑部侍
郎十二月調倉場侍郎俱仍留學政之任三

十年

上南巡再查前韻

賜詩日三年備新政兩任返與邦惟是簡英
達將資化驗靡要存心敬一莫謂手無雙爲
開舉賢網可曾獲三雁因培條奏表彰宋臣
遺蹟有闕名教者三事一朱長文樂園書院
請

賜題額一韓世忠靈石墓道請量加修治一
文天祥蘇郡專祠亦請

賜額

允之二十九年二月授湖北巡撫

上諭湖廣總督吳達善曰今用李因培爲湖北巡撫其人甚能辦事學問亦優但未免自恃其才好居人上又係初任民事一切汝皆畱心若有不妥善爲規勸被若不聽據寔奏聞此人久未擢用亦欲折鍊其氣質今覺比先改觀但恐其志滿則終于易盈資朕造就之意耳十一月調湖南十二月調福建先是

湖南常德府水災

勅因培速行撫卹七月新任巡撫常鈞疏報賑卹事宜俟秋成確勘分別辦理者

上曰常德徠被異漲前經李因培奏報情形卽令速行撫卹一月口糧俾窮民均資接濟今據常鈞奏該處地方官竟有拘泥成例秋後始行辦理者試思積水未消災民露處李因培所辦何事至于城工堤垸皆衛民要務亦未奏及寔爲可怪其意以交代在卽在否

日京兆之見不復詳悉查辦督撫身任地方
置民瘼于度外殊非朕軫恤愛民之意李因
培着交部議處經部議降調九月

特授四川按察使先是署武陵知縣馮其柘
與新任知縣王永芳交代逾限知府錫爾達
查出其柘虧空庫銀三萬餘兩倉穀萬數千
石通揭因培以甫經保題通省倉穀無虧遂
授意布政使赫昇額轉令桂陽州知州張宏
燧代爲彌補減數題奏又以錫爾達不先面

真遽尔通揭且續揭馮其柘署龍陽縣任內
虧空贓之後安燧以另案被劾

上命侍郎期成額往訛得缺三十二年正月
期成額以

聞草因培職拿解湖北質訛

諭曰據期成額等查審已革知州張宏燧營
私交結一案究出伊現有虧空及從前李因
培赫昇額曾令代武陵縣知縣馮其柘弼補
虧空二萬餘兩覽奏深爲駭異李因培前在

順天府尹任內曾經獲罪朕不次加恩任用
擢至巡撫乃於查辦常德災賑一事玩視民
瘼諸未妥協是以照部議降調復念其才堪
驅策擯棄殊爲可惜旋即用爲四川按察使
初不料其在湖南巡撫任內竟敢授意張宏
燧代馮其柘彌補虧空至一萬餘兩之多寔
爲深負朕恩向來各省虧空案件最爲錮蔽
雍正二年間經

皇考嚴加整頓稍知斂戢恭釋

殊批諭旨於此事不啻三令五申人亦不敢
輕犯意諸弊漸就肅清朕御極以來三十餘
載雖未特降旨查辦然亦有犯必懲乃近年
來營私馱法之案叠次旣覺豈若等因稽察
稍疎故智復萌耶朕惟水弱之失寬與誠之
不能感人若再不能執法則朕亦爲懦弱姑
息之主也至督撫爲國家大吏乃於屬員虧
空曲爲徇隱其欺罔寔法所不容在伊等平
日未嘗不以弭縫隙漏爲得計孰知天理昭

彰終歸敗露卽如段成功一案其貪黷寔自
江蘓而侵虜遂敗于山右此案本爲查究侯
七郎命案正克乃于張宏燧供吐虜空情形
輾轉究詰遂致馮其柘之事水落石出足見
天道可畏斷無久而不敗之理外省似此巧
爲掩飾之伎倆未經寔覺者尙恐不免朕亦
不肯令人告訐惟俟其自敗卽行按法惩治
决不稍爲寬貸也將此通諭中外知之又
諭曰昨所降諭旨未將李因培徇庇欺罔之

罪敘明恐不知者或疑李因培已將虧空之員叅草究擬似無和護情形何以復治其罪因命取原叅本細閱而其欺隱寔蹟已不能掩今爲一一指出不特眾人知其情真罪當雖李因培亦無可置喙如疏內稱馮其柘虧空穀價係署武陵縣任內之事此必因交代時後任不肯接收是以敗露且據該道府揭報後復令張宏燧往查寔數則馮其柘虧空至二萬餘兩雖未詳悉指出而爲數之多已

隱躍言外及據張宏燧所查謂伊正雜錢糧
尚無虧缺惟穀價一項寔虧銀八千九百餘
兩遂以此糾叅是顯然使虧帑劣員得以避
重就輕且以一叅爲解紛之計巧詐欺朦莫
此爲甚而猶得藉日子已列彈章乎至張宏
燧所供李因培因南報通省並無虧空碍難
查辦是以欲其弭燧並授意張宏燧設法弭
補銀一萬餘兩種七營私不法寔出情理之
外督撫爲封疆表率辦理此等重案敢袒徇

識之人其于利害輕重豈不自知決擇卽云甫經題報倉穀無虧恐馮其柘虧空太多欲圖掩飾寧不思彼時卽據寔叅出雖亦有應得處分不過止于失察及查報不寔之咎其事尙屬因公豈若此有心欺飾情無可恕乎而李因培竟以此獲譴較和其衷受段成功之賄而薄爲庇護者其情更不可解必係李因培平素處心積慮隱微多不可問爲天理所不容故令其自取重譴輾轉敗露報應昭

然可不爲炯戒乎至錫爾達揭報屬員虧空
絲毫無隱爲上司者方當獎其持正且幸得
一寔心欣助之員共襄廉法豈可因不先請
示轉嫉之如仇意圖尋隙洩忿卽此見其心
術之不端看來此等惡習未必創自李因培
或伊久任外差習見各省風氣如此遂爾效
尤滋甚亦未可定但未經發覺朕亦不肯輕
爲逆億故復明切訓誡朕辦理度務一秉至
公從不預設成見而于大小臣工悉推誠相

待惟冀得一公忠体国之人乃督撫等尙不知寔心圖報朕常深味爲君難之言卽知人任用亦其一端矣至封疆大吏坐享高爵厚祿且受朕倚任深恩若自味天良忍于欺隱上蒼必誅其心而奪之魄使之自棲法網李因培車鑿具在督撫等不可不痛自猛省復蹈覆轍也將此並通諭中外知之三月部議因培罪應斬決命從寬改爲監候秋後處決

賜自盡

諭曰朕閱朝審官犯冊內李因培辦理馮其
柘虧空一案始爲減數具題繼復授意彌補
甚至將據寔揭報之知府錫爾達不惟不加
賞識轉欲別爲構釁摘叅其爲昧天良而戩
國憲寔是非尋常手犯功令者可比村轉大臣
罔上行私推其流弊河所不至卽明正顯戮
亦其罪所應得第念前此和其衷徇庇段成
功之案雖同一彌補虧空而收受賂遺情尤

可惡是以卽行予勾以李因培較之尙無得
贓之歟與和其衷究屬有間概令肆市權衡
殊未允符然欲更爲曲貸則準之情法均不
可以爲訓因命侍郎四達御前侍衛索諾木
策凌前往傳諭加恩令其自盡以存大臣之
體特恐庸愚無識之徒或謂李因培與莊有
恭皆係巡撫狗庇屬員獲譴一則復職一則
賜裁未免妄生擬議殊不知莊有恭于段成
功之巧爲開脫與臬司知府等有意從寬彼

此相喻無言尙未有顯然授意指使情節猶
是外吏相沿積習是以定讞示懲旋即施恩
錄用揆諸李因培之任意舞文乖張挾詐者
迥不相類並非輕于莊有恭而重于李因培
也夫刑賞國家大柄朕臨御以來慎重刑章
雖細民案牘無不詳加較核使無纖毫之爽
況以大員重案視其情罪虛衷斟酌適輕適
重各如其人之自取而無所容心其犯出無
心者雖必示之懲創未嘗不許其湔滌自新

且或棄取錄用若其藐法營私孽由自作亦復曲爲姑息將使職任封圻者互相效尤如用人何如國典何諸人皆大臣其治罪差等判然難以概例者如此不得不明切曉示俾各省督撫知朕明罰勅法一秉大公卽朕亦不得自主惟其人之自取尙其共知儆惕副朕整飭官方澄清吏治之至意將此通諭中外知之

漢名臣傳卷二十五終

漢名臣傳卷二十五終

三

海峽殖民地卷二五

五

041-112

漢名臣傳卷二十六

田懋 嵇曾筠 彭維新 黃叔琳

魏廷珍 陳世倌 潘思桀

田懋列傳

田懋山西陽城人大學士從典子雍正十一年由庶生選刑部員外郎奉

旨改用吏部十二年遷郎中十三年遷貴州道御史乾隆元年遷禮科給事中

命巡視南漕二年七月疏言向例巡漕御史

二員駐通州二員駐淮安漕艘經由江南山東直隸二千餘里鞭長莫及諸將駐淮安者分一員駐齊寧駐通州者分一員駐天津往來接續稽查僨行部議從之九月奏言河南省秋審招冊內應情寔擬以緩決應緩決擬以可矜之案甚多過于寬縱恐各省效尤姑息養奸請

勅部處分

詔巡撫尹會一按察使隋人鵬明白回奏下

部議各降一級留任正月疏劾工部尙書趙
宏恩受餽偷安各欺軍機大臣等察議得實
革宏恩職發軍台効力十一月遷鴻臚寺少
卿四年三月

諭曰田懋前爲科道時尙屬敢言不愧台諫
之職著從優陞授副都御史四月偕侍郎班
第赴山東察審按察使白映棠出入人罪及
虐累商民一案鞫寔是抵罪五月擢刑部右侍
郎六月轉左十一月遷吏部右侍郎五年四

海峽日報 卷二十一
二月
月轉左五月丁母憂七年補原官九年二月
奏言今春京城直隸等處雨缺

皇上宵旰勤勞命刑部清理庶獄凡一綫可
原無不仰邀

聖恩其外省未結之案請

飭各督撫催結以免遲延拖累亦上感

天和之一道

上是其言七月吏部尚書訥親奏截取舉人
年力衰庸者請停其銓選在籍令督撫在部

令九卿甄別分部學習一年將堪勝縣令者
入班選用

勅大學士九卿詳議懋疏言定例舉人截取
督撫驗看送部月選得缺九卿復行驗看衰
庸者扣除立法已善查舉人非二十餘年不
能選疏之使通猶虞壅滯若無故停選甄別
分部始行選用事近紛更請仍舊例從之時
湖南巡撫蔣溥條奏秋審緩決五次清罪稍
輕者請以乾隆乙丑年爲始減等發落部議

在京各犯卽以甲子年始定爲

朝審章程則下年督撫秋審易于遵辦十月
懋疏言緩決情輕者秋審原有可矜之例及
緩至五次率多情罪重大于減等必有

特旨間一行之若于可矜外又增五次緩決
之條每歲一舉繫囚皆有倖心益逞刁風非
辟以止辟之義現奉有歲逢甲子停決

恩旨請將五次緩決人犯情輕者減等于甲
子年舉行一次其每歲查辦之處應停止下

部議行十一年

上以懋情性浮躁

諭曰朕因田懋爲大學士田從典之子加恩擢用至吏部侍郎乃伊秉性輕浮語言不謹在朕前所奏之事常洩露于外且嗜酒務博不自檢點少年而不老成猥褻之習自至今未除豈可以居卿貳之首著解任回籍令其閉戶讀書交與該省巡撫管束不許出外生事倘日後改過自新朕再加錄用十四年

命仍以吏部侍郎用十五年以從役毆傷人
命爲巡坊御史九成所劾部議罰俸

諭曰前因田懋性情淨躁紕袴之習未除令
其解任回籍護書聞其在籍頗屬安靜仍復
加恩召用乃伊子來京時卽誣奏巡撫阿里
衮修理太行山道一事詢之阿里衮及嚮導
等全屬子虛轉詰田懋亦無詞以對其在吏
部亦並無感恩出力之處近因禮部侍郎缺
出將伊調補又以不由科甲出身與例不合

令其候缺補用伊此時既未得缺則係候補之員不應仍居九卿之列伊乃醜然現與九卿同班且有快怏之意御史又叅其僕從聞毆不法是田懋舊習全未悛改仍著回籍讀書二十六年

上西巡懋迎

駕五臺

賜其母錦帨增禧額及緞四疋三十五年卒

稽曾筠列傳

嵇曾筠江南長洲人父永仁以生員隨福建
總督范承謨幕康熙十三年逆藩耿精忠叛
誘執承謨脅永仁降不屈亦被執十五年與
承謨同遇害四十七年承謨子時崇任廣東
巡撫以永仁隨承謨殉難疏請贈卹並從祀
承謨祠部議生員無贈銜例

特勅追贈國子監助教准其從祀雍正二年
入祀昭忠祠曾筠母楊氏守節八年

賜忠節流芳額乾隆二年

賜人倫坊表額並建坊曾筠康熙四十五年
進士改庶吉士散館授編修五十六年充
日講起居注官提督山西學政六十年遷左
中允尋遷侍講雍正元年正月
命入直南書房復

命兼尙書房行走二月擢都察院左僉都御
史署河南巡撫三月充河南鄉試正考官六
月遷兵部左侍郎是月河決河南中牟縣

詔曾筠往督築七月奏劉家莊漫口合龍十

一月奏十四月漫口合龍俱下所司知之向
例江南河廳各員每歲冬領帑購料備用曾
筠疏請豫省黃河兩岸工料亦照此例于每
歲冬預撥司庫銀發沿河州縣買貯備用不
敷近河百里內外亦發銀購買量給運價庶
險工應手不致遲悞下部議行二年正月疏
言沁黃交會之姚期營秦家廠一帶皆頂衝
請于倉頭口對面橫灘開引河一道俾水勢
順流由西北逕達東南勿令激射東南再釘

船帮大坝宜厢建雁翅帮護更于大坝上下酌建挑水坝二三座頂衝勢可減坝工稔固詔允所請又言兩岸堤工久未加帮在在危險北堤起滎澤縣訖山東曹縣界南堤亦起滎澤縣訖江南碭山縣界臣同總河齊蘓勒勘明最險應修處共長十二萬三千七百九十六丈請動帑興工部議從之四月特授河南副總河駐武陟縣專管河南河務曾筠奏河工調遣不敷請設標下河兵王大

臣議駁得

旨若無標下河兵難供驅策著再議尋議就
近撥河南撫標及河營兵弁隨工調用七月
疏言鄭州大堤石家橋迤東一帶大溜南趨
應于迎溜處下埽簽椿復于掃灣處建矾嘴
埧一中牟縣拉牌寨黃流逼射應下護岸埽
加工廂墊建矾嘴挑水埧二其穆家樓埧工
坐當頂處亦應下埽加廂又陽武縣黃河北
岸祥符縣珠水牛趙二處堤工近因南岸中

牟池下新長淤灘大溜北趨成頂衝勢應下樓崖順埽土加廂墊以資鞏固部議均如所請十月疏言小丹河自辛勾口至河內縣清化鎮水口二十餘里輝縣五閘安陽縣之萬金渠及恒河閘昔人建閘開渠引水灌田照官三民一之法通漕便民但日久弊生守口之夫違禁賣水致運河淺涸請嚴飭管河各員稽查三日放水濟漕一日塞口灌田如賣水阻運嚴治其罪下部議行三年三月疏言

河名目傳卷二十一
祥符縣南岸回回寨對面淤灘直出河心致
河勢南趨回回寨以下迤南等處係單堤且
逼省城關係甚重應由北岸舊回回寨至官
路李家店一帶舊河身濬引河一道引溜直
行俾成東西之勢堤工可得保固

諭與齊蘓勘酌量相度而行五月同齊蘓勒
奏勘地形西高東下引河可開並於南岸建
挑水埧一逼流入引河

上報可四年二月疏言衛河水勢奔騰河底

浮沙隨濬隨淤請于汲縣湯陰內黃等處築
草坦二十六直隸大名縣張兒莊亦建草坦
一首尾接應以濟漕運四月又言鄭州薛家
寨等處堤卑溜衝請增修埽坦等工均如所
請行五年正月

命兼管山東黃河堤工二月條奏河工六事
一埽料以柳束爲重豫省向有柳園漸爲河
水所浸而此埽彼淤官無界址民多隱佔請
勅撫臣將現存柳園勘明立界淤地查補還

額並飭河員廣爲栽種一印官專司民事係
撫臣題授河員專司河工係河臣題授設官
分職雖有定制民事河工原無歧視請令河
臣撫臣會同保題陞調一豫省堤工向例撥
江南河兵千名輪班防守嗣因往返需時拔
堡夫五百代充但工長汎險不敷驅策請仍
照千名之數于堡夫內拔補足額其江南撥
到千把總六員令各歸專汎另設千總二把
總四分隸開封南岸河廳轄毋庸調撥江南

千把總再千原駐武陟千總二員內移其一
駐歸德汛所分撥河兵百名交該弁管領一
豫省大堤每二里設堡房一令堡夫居之修
墊水溝巡查鼠穴今隄河月堤請照大堤例
增建堡房防守一祥符縣堤長八十餘里止
有管河縣丞應增主簿一開封下北河地方
增巡檢二分駐祥符等縣適中之地協同廳
汛搶護並稽察逃盜一歲搶工程全賴汛船
運料今豫省上自武陟下至虞城撥運無船

不能接濟請照江南汎船例每汎造船五隻
駕運俱下部議行五月遷吏部右侍郎仍留
副總河任是月奏蘭陽縣管梁蔡耿四水口
一帶堤工河勢衝啣請將梁蔡耿三水口下
埽加廂並干四水口堤南各築月堤作重障
又祥符南岸李盤寨程家寨等處應增築月
堤陳留縣七八九堡大堤汎水直射堤根堤
北舊有隔堤應一例增培部議從之十二月
轉吏部左侍郎六年二月疏言儀封北岸水

勢衝急雷家寺上首灘崖刷成支河請將舊堤加帮高厚接築土坝一道跨断支河勿使掣溜侵堤再青龍岡一帶水勢縈紆將上湾洶作深與堯下湾相對請乘勢開引河一道導水東行則大河之水自暢

詔允所請尋擢兵部尙書四月轉吏部尙書仍管副總河事九月奏蘭陽縣耿家寨北岸堤工因積水深潭黃流洶湧請下埽簽椿加帮築坝並將月堤增高加厚從之七年三月

授河南山東河道總督兼管運河四月疏言
運河五廳額設淺溜橋閘等長夫冬春小挑
大挑不敷力作增設酌募夫役各夫工食舊
額多寡不同請酌定歲給工食並量給器具
各銀確數畫一支給按工計夫按夫給價毋
浮冒下部議行八年五月

命署江南河道總督疏言豫省黃河北岸荆
隆口大溜頂衝應開引河一道自黑堽口至
柳園陟崖河尾工長三千三百五十丈請動

帑興修

允之六月抵南河總督任十二月疏言高堰山貯石工最要奉

旨發帑興修爲久遠計臣莅任後嚴催集料興工題估帑築創堤今查石工內有椿腐石欹順砌卑矮者應築越堤拆修加高一律堅寔其年久傾圯者應全折修丁丁閘砌始垂久遠至興石工築埧攔水湖面水勢浩大一綫孤埧難保惟有借舊石工連土留寬二丈

暫爲外障俟新土築定根基再拆舊石選用
其舊底應留二層風浪在清水潭未建石工
應一律創建九年四月疏言禹王台坦工爲
江面下游保障查沐水源長性猛請手現在
竹絡石坦二十七丈外依其頂衝形勢統建
石工六百餘丈其接連岡阜仍築土堤沐河
口門大爲挑濬順其入海之路務須壩堅堤
厚堵截沐水循故道直趨入海俱如所請十
年五月以揚州府屬芒稻河閘座工程向例

商人捐款修築多草率奏請歸近河各印官
轄並增設開官一司啟閉從之十二月加大
子太保十一年四月授

文華殿大學士兼吏部尙書仍總督江南河
道十月疏言河設堡夫防守挑積土牛資修
補堤工之用請責該管汛弁逐堡挨查督令
按月照數挑積造冊交代以專責成再河兵
于霜降後亦照堡夫積土請責該弁查核入
交代項下照例辦理庶兵夫無閒曠旣資防

守之責復成積累之功又葺蕩營所產柴束
請立定章程僨運交工濟運俱如所請行十
一月

諭曰大學士嵇曾筠自簡任河道總督以來
整理有方調度合宜朕念伊父之忠義伊母
之節操雖已贈卹褒旌尙未膺一品封典今
以特恩給予大學士應得封典以示優眷上
二月丁母憂

諭曰大學士嵇曾筠之母楊氏撫孤守節教

予成名前以特賜旌褒並給一品封典今以
疾終官署加恩賜祭一壇賞銀一千兩以爲
喪事之用河防關係重大嵇曾筠歷練老成
著有成效伊母壽登耄耋榮封一品在人子
之顯揚已極嵇曾筠著在任守制給假三個
月回籍料理喪事畢仍回河道總督之任照
常辦事伊子嵇璜亦著給假六個月回籍襄
事現今河道總督印務著高斌暫行署理嗣
曾筠顯懇回籍終制得

河名目卷二十一
旨據奏情辭懇切具見悃忱准其回籍終制
總河印務仍著高斌署理再稽曾筠本籍常州
州距淮安不遠明歲工程亦可就近往來協
同經理在伊終制之心既已得遂而河防事
宜亦大有裨益矣十二年四月同高斌奏增
築海口辛家蕩月堤及閘座九月同副總河
白鍾山奏修清江龍注閘先濬通鳳陽廠引
河利漕運俱從之十三年三月
諭曰大學士稽曾筠于閏四月安葬伊母之

後卽赴工管理總河印務

今上御極

特命總理浙江海塘工程乾隆元年正月兼
任浙江巡撫三月

諭曰大學士嵇曾筠現爲浙江巡撫著照李
衛之例改爲浙江益政六月條奏益政四事
一商人自僱商捕皆壯健有力熟悉梟販踪
跡每月工食幾及守兵兩分名額一旦革除
數千人失業勢將轉成梟販請改爲官役地

方官造入卯簿不時約束一水路俱臬積販
所在賴兵役駕舟巡緝緊要隘口有司會同
營汛確察責商修理巡船編號造冊存案巨
商領運官塩每有飛渡灌包夾帶之弊塩引
相離卽屬行私巡船兵役一体查拿交地方
官訊究一兵役宜分別賞罰拿獲私塩塩船
入官私塩變價卽于所變項內酌量給賞循
圖賞混拿誣指並受財賣放自行夾帶私販
者按律治罪一緝私須責成交文武官弁五相

稽查遇有奸徒搶盜及開闢場莊之事立即
擒拿獲犯過半並獲首犯者免其處分否則
照盜案例未處限年緝拿地官官弁一年內
無參案者准紀錄一次三年准加一級大計
無端案參罰方准卓薦若隱匿不報照盜案
例革職或將大駁之案巧爲開脫者照失出
例處分下部議行十月疏言江海形勢南坍
則北漲臣派委員于南岸切沙乘冬令北風
易爲沖刷今東西兩塘根俱漲有護沙廬建

魚鱗石塘卽在舊塘基開槽築垣如式發砌
後面全憑土戩寬厚一律高堅以成一勞永
逸之鉅工海寧迤西翁家埠一帶柴草工程
加廂高厚尤爲萬全無弊

詔允所請十月來京

陞見加太子太傅二年八月嚴州府屬之淳
安縣淳河發源于徽州之徽山建瓴而下急
湍奔流直趨北岸侵民田虛請築石壩八十
五丈護之三年四月又言樂清縣地處海濱

田廬賴陡堤禦潮今玕缺請急修築八月又
請探省城義倉穀運溫台等府屬平糶俱從
之九月

諭曰大學士嵇曾筠在浙江年久今海塘工
程已漸就緒著入閣辦事十一月以痰疾奏
請便道回籍調理得

旨暫回原籍

賜人參一觔復

賜詩曰海疆三載耀台星沙漲金堤賈協靈

此日黃扉資贊化青年絳帳憶談經旌揚浙
水行來遠路指燕山望裏青料想微疴應早
復丹誠平格享遐齡十二月卒遺疏入

諭曰大學士稽曾筠才品優長老成練達久
任河道總督茂著勤勞繼膺浙督之命經理
海塘工程漸次就緒朕心嘉慰念其外任多
年宜召入閣辦事旋聞身患痰疾精力衰頹
特遣伊子嵇璜回南省視並賜參藥准其回
籍調養以俟痊可入都嗣聞病劇遣太醫馳

往療治不意溢逝深爲傷悼加贈少保加祭
一次應得卹典該部查例具奏尋

賜祭葬如例謚文敏四年四月

諭曰大學士嵇曾筠管浙江督撫事督修海
塘具有成效民生受其利益應祀于浙省賢
良祠十一月只

諭曰已故大學士嵇曾筠前在江南河道總
督任內悉心籌畫殫力宣防叠蒙

皇考諭旨褒嘉至今河渠受益前任河臣勒

輔齊蘇勒俱建有祠宇永享禋祀嵇曾筠勞績可媲美二人著照蘇勒輔齊蘇勒之例一體祠祀子璜現官大學士

彭維新列傳

彭維新湖南茶陵人康熙四十五年進士改庶吉士散館授編修累遷贊善諭德五十二年充山西鄉試副考官五十九年七月充陝西鄉試正考官十一月授山東學政雍正二年六月充

日講起居注官七月授浙江學政三年遷少
詹事四年六月授直隸按察使十月調河南
遷浙江布政使六年三月擢禮部右侍郎七
月調刑部十二月充

經筵講官七年二月調吏部右侍郎尋

命往江南會同巡撫尹繼善清查積欠錢糧
七月署江蘇巡撫八年奏臣等清查歷年積
欠奉

旨分晰官侵吏蝕民欠三項並許侵蝕自首

者免罪雍正七年三月起查至本年十一月
內通計首出侵蝕銀四百餘萬其未首與首
而未盡者仍陸續補首惟胥役土棍中尙有
希冀觀望將侵蝕之項誘壓鄉愚囑託親友
代認作爲民欠者現在嚴示稽查逐細研核
卑免混淆以積弊俱清爲事疏入

報聞又奏清查善後事宜四條一錢糧宜歸
併的戶一科則便民小單宜給發一關係錢
糧緊要簿冊宜存貯內署一版圖清賦之法

宜行

詔與尹繼善李衛會同詳酌九年正月轉吏部左侍郎十一月遷都察院左都御史十年五月署刑部尙書閏五月調署戶部尙書十一年二月協辦大學士事十一月

命稽查京通各倉尋總理戶部果親王允禮劾奏維所植覺營私壞法欺公等款一將彭燕貽秦休四十九僧保等濫行保舉一私借戶部存公銀一千八百兩一倒提年月爲周

本淳捐監一將贖揚古已入井田之地違例
撥還一例應歸旗之劉大等准入民籍一達
爾濟等應納買地銀兩代爲延緩一遺失小
票之監生陳彥拔仍給部照一狗鹿四十九
承買官地一李樹德入官家產行文暫停變
價一沈摺呈堂稿三十一件一袁大偉謝昊
不准寬免之稅項批令行查一受許秉義衣
帽紗緞疏入

詔革職交部嚴審定擬十二年四月刑部鞫

審維新罪款除輕罪不議外其私借飯銀一千八百兩照監守自盜例擬斬監候

諭曰彭維新受朕深恩不次擢用爲戶部尚書且令辦事內閣數年來所以委任優待之者至深且厚伊苟具有人心必無忍于背負之理况伊歷任庸碌不及朕誤視爲過于拘謹限于才力種種將就今在戶部衙門輒敢徇情作弊植黨營私將怡賢親王殫忠竭力多年經畫之良材任意更張甚屬可惡今刑

部等審訊此案竟敢懷挾私心公然在朕前巧于舞弊將應行詰問根究之處一概朦混開除反將挪用飯銀輕罪一條擬以大辟似此輕重出入之間顛倒錯亂高下其手朕寔不料福敏張照等職司刑官而敢于爲此詐僞欺朦之舉也此案著刑部堂官另行確審定議具奏倘仍敢固結徇隱朕必親自審訊將刑部堂官與彭維新一併治罪八月刑部覆奏維新居心巧詐賦性貪鄙植黨營私婪

駐壤法或肯

自以市私恩或徇情而悞

國帑妄作威福收支留難擅用官銀沉擱部
務甚至將

國家定例並怡賢親王在戶部歷年整理經
畫之良規肆行變亂任意更張法寔難寬情
殊可惡查律載官吏挾詐欺公變亂成法者
斬監候維新應治罪如律從之十三年八月
今上御極釋其罪十月

命署左都御史尋丁父憂回籍乾隆三年七月復授左都御史御史王俊劾維新前罹重罪蒙

皇上恩宥俾署左都御史事時維新以聞訃丁憂乃公然入署視事及聞停止在任守制之

旨方請回籍守制身爲大臣罔顧綱常難以再掌風紀下大學士九卿議革職得

旨彭維新朕素不知其人御極之初曾有言

其人才可用者朕因係

皇考舊臣所犯罪案尙有可原之情因加錄用未幾伊卽以親喪回籍近因左都御史員缺朕以彭維新服制已滿例應起復原官是以降旨補授亦未有在朕前薦揚之者今經御史叅奏大臣等議以革職此屬循常照例但當時大臣官員在任守制者頗有之卽如彭維新此等情節者亦不止伊一人可將大學士九卿等所議原摺暫行存貯至彭維新

之爲人朕究未深知其從前丁憂後到任之處朕更無從得聞仍著彭維新來京候朕召見時再降諭旨十二月

諭曰彭維新到京奏稱雍正十三年十月十三日命臣署理左都御史臣以未經到任則終制下忱難于仰達是以于十月十八日到任隨繕本奏懇終制等語彭維新于十三日奉旨署任之後十八日未到任之前曾經謝恩奏事並非未到本任卽不能奏達終制下

沈者何得引此以卸已過至伊被參之時雖
聞召旨亦應在籍具奏辭職今親自來京而
辭職之語亦甚泛泛是其戀職之心顯然可
見著照大學士等原議革職六年授戶部待
郎九年正月擢兵部尙書三月充三禮館副
總裁十年充會試副考官尋充

經筵講官十二年以議處總兵高奇一案違
例邀譽下部議革職十四年復授左都御史
十五年八月協辦大學士阿克敦應否給俸

以名目傳
互相推諉議處各部堂官都察院辦理遲延
亦應議處

諭曰彭維新係屢經獲罪廢斥之員朕復用
為左都御史苟有人心自應痛自改悔以贖
前愆今自任事以來全無振作之氣辦理此
案復一味隨眾瞻循深負朕恩仍革職三十
四年卒

黃叔琳列傳

黃叔琳順天大興人康熙二十年一甲三名

進士授編修累遷侍講四十四年丁父憂服
闋補原官授山東提督學政四十八年遷鴻
臚寺少卿留學政任五十一年遷通政司叅
議五十七年遷左僉都御史五十八年晉太
常寺卿六十一年遷內閣學士尋遷刑部右
侍郎雍正元年三月充江南鄉試正考官調
吏部侍郎九月

命偕兩淮鹽政謝賜履赴湖廣督總督楊宗
仁酌定鹽價革除陋規每鹽一包減價六厘

昂不得過一錢二分四厘其安豐厥監較梁
梁場再減二厘從之二年二月奏言兵糧撥
運支給俱布政司糧運爲政先期打點方撥
臨近標營否卽撥遠汛加征運費輸覲累民
兵丁嗷嗷待哺查標營汛地各有定所屯衛
征收亦有定額乞

諭督撫確查兵數先儘本州縣衛所額米撥
給不敷再于附近州縣撥運庶民無苛擾兵
獲飽騰

上是之下部議行是月授浙江巡撫奏言各部書吏紹興人冒籍順天等處已定議改正現任浙江首領佐雜及在部候選候補之員掣得浙省缺及各省俸滿陞補浙省者籍開順天直隸如寔係原籍浙江均請查明咨部改補部議從之時御史錢廷獻請濬浙江東西湖蓄水灌田部議令叔琳會同總督滿保確勘定議叔琳等奏言仁和錢塘海寧三縣田數萬頃全藉省城上下兩塘河水灌漑兩

河水源皆自西湖流注湖居省西滙南北諸山水週三十餘里水由湧金門入城其出良山門者入上塘河由臨平達海寧出錢塘者由三關至松木場桃花港與武林門之水共注響水閘凡湖墅支河與古蕩西溪沿山之田皆資其利餘水入下塘河而仁和北鄉及錢塘之下八鄉寔沾蔭焉其所以灌溉利溥者一由沿湖山水暢流入湖一由山水來路設閘以阻浮沙一由上塘五十里外有東湖

爲之停蓄自閘廢土淤民佔爲田埂內植桑
栢蕩內栽荷畜魚利甚微而所損三縣田畝
逾鉅萬請照西湖舊址清出歸湖去其梗塞
開通水源其淤泥葑草則幫築于舊堤之上
以固堤址沿堤釘椿編竹不使淤泥入湖裏
湖各橋建閘啓閉城內河道一爲東河一爲
小河又有中西北之分係西湖血脈應酌量
修濬其上塘河一帶河身支港浙省至江南
吳江縣界官塘運河支河港汊埧堰埧閘俱

閔水利應一律疏濬部議如所請三月

諭曰爾到任未久于薦舉人處頗涉輕率嗣
今後當加慎重八月有密奏叔琳赴楚查監
時受監商吳兩山賄閔說派充總商並庇海
寧陳氏僕其弟御史叔璫巡視臺灣過杭州
家人與舖戶爭閔叔琳拘責舖戶至死到任
後杭城罷市三次

諭曰黃叔琳因前差江南主試及任吏部侍
郎聲名頗好故用爲浙江巡撫自命下日屢

次召見觀其精氣頓異語言浮泛跪領朕一切訓旨總不安詳存神敬聽彼時朕卽疑之及到浙撫之任舉薦不公敷奏不當密摺奏請之事件件支離兼多先請託在廷諸臣奏聞而黃叔琳摺隨繼之此等作用徒自取罪戾耳朕頗降嚴諭而黃叔琳置若罔聞今覽此奏事雖屑小黃叔琳初任卽如此肆志將來縱放何事而不忍爲也大負朕之任用著解任陳氏僕人黃叔璥兩案與罷市三次情

由著將軍安泰等秉公嚴審吳雨山一案著
侍郎李周望等嚴審定擬具奏八月安泰等
奏叔琳庇陳世侃僕金寧祥爭毆罪杖斃店
民賀懋芳屬寔無爲伊弟叔瓊拘責舖戶及
罷市事部議革職擬於十一月李周望等奏
訊叔琳向吳雨山貸並非賄求

詔免窮究三年正月

命赴海塘効力乾隆元年二月授山東按察
使八月疏言向例佐雜官不准相驗嗣廣西

巡撫臣金鉷奏印官公出委佐貳相驗不必請隣封但佐貳不足資彈壓又事非切已吏件填報夤緣賄瀆多致朦混及印官承審之時惟據屍格定傷難成信讞應請仍照舊例行九月又言審案定限

欽部案件四月命案六月盜案一年限滿不結揭叅後具扣限四月審結逾限二叅照易結不結例議處立法至善嗣經河東督臣田文鏡題定四月限者州縣兩月解府州府州

一月解司司二十日解督撫六月限者州縣
三月解府州府州一月半解司司一月解督
撫一年限者州縣七月解府州府州兩月解
司司一月半解督撫逾限分別議處雖以清
釐適啟通融挪改之弊案件遲延多不揭叅
至定案時攤爲逾限不及一月例得免議竟
無易結不結處分請仍照舊例庶承審官不
敢仍前怠玩部議均從之二年九月遷山東
布政使三年八月奏言不省師生空缺銀例

由州縣解交學政學政造冊移司如遇按試
遠郡轉解需時或解到正值封門校士不能
隨到隨收趕副奏銷州縣多罹叅處請嗣後
令學政開印後核造應扣銀數移司其銀卽
令州縣往解司庫收兌又言養濟院孤貧口
糧每名歲給銀米三兩六錢于地丁項下撥
給但編銀州縣二月開征可依期給發至編
米例于九月隨漕征收春夏秋三季米係州
縣將養廉折銀墊給備養廉不能及時支領

或牧令更換卽給發愆期請酌借司庫存公
耗羨銀給發至秋收徵米除給冬季口糧餘
米不必易銀解還司庫卽留備次年春夏秋
口糧存倉遞及報銷部議俱如所請四年丁
母憂七年服闋授詹事以山東布政使任內
誤揭屬員諱盜革任十六年
諭曰原任詹事黃叔琳以康熙辛未探花年
臻大耋重遇臚傳歲紀洵稱熙朝人瑞著從
優加給侍郎銜二十一年卒子登賢官至副

都御史

魏廷珍列傳

魏廷珍直隸景州人康熙五十二年一甲三名進士授編修五十四年遷侍講

命入直南書房五十五年充

日講起居注官五十六年轉侍讀五十八年

命祭告中嶽及濟淮兩瀆五十九年充江南

鄉試正考官擢詹事尋遷內閣學士六十一

年管理兩淮鹽政雍正元年授湖南巡撫

諭曰爾向日爲人清正和平庶所悉知但欲爲避垢離塵以求自潔而不肯任勞怨今膺巡撫重任非當日清高閒散之職可比處事貴剛果嚴勵不宜因循退縮地方利弊之應革應興屬員賢否之應舉應錯須盡力振作一番方冀可收成效二年二月因審辦長溪縣革生黃先文故殺一案率依開殺擬絞援赦請免又會同縣民譚子壽等因姦斃二命率擬斬候均經部駁

諭責其草率朦混下部議處尋因咨換綠旗
兵餉應題不題部議降三級調用

諭曰魏廷珍向在內廷行走朕知其爲人老
成學問操守俱好是以用爲湖南巡撫自到
任以來其之理煩治劇之才凡料理一切刑
名錢穀非過則不及率多罷輒糊塗著照部
議調回以京堂用九月授

盛京工部侍郎三年授安徽巡撫四年三月
題報涇縣戶書王時瑞等假印私收錢糧一

案並不嚴審止以追變家產着落各官賠補
爲辭刑部議駁

諭曰此事部駁是魏廷珍前任湖南巡撫時
甚屬柔懦不能整頓地方是以將伊調回去
年安徽巡撫員缺朕因一時不得其人都將
魏廷珍補授伊赴任之日朕切加訓諭伊在
朕前奏稱力改舊習今觀伊所辦事件仍然
瞻徇姑息可見言行不能相符著嚴飭行五
年閏三月疏言臣自蒞任以來督率清釐錢

糧第官役侵虧現在易于發覺而往往匿于
數年以前民欠中官吏數易難以清查此弊
不清積久終無底止臣請分作二等如徽州
府屬民欠至十七萬餘兩者勒限一年寧池
太廬鳳滁和等府州屬民欠五萬餘兩上下
者勒限六個月責令知府直隸州督率州縣
細查如係官役侵蝕卽著落官役並前失查
上司分賠如是欠在民卽督催徵解限內不
查出知府直隸州降級留任酌予展限准其

開復如再徇延卽當與州縣官一並叅處又
稽查若不親身止憑書吏粉飾將官役侵蝕
捏作民欠卽將督令造冊之府州縣分賠仍
革職問罪清查後接任官能查出前捏造花
名將此捏欠盡着前捏造之府州縣獨賠與
接任官無涉接任官不能嚴察致再有侵蝕
亦着獨賠不得推諉前府州縣臣更有請者
州縣錢糧惟憑交代出結出結後查出虛捏
卽干徇隱朦混之咎是以州縣一經出結莫

敢自爲發覺請嗣後有民欠之州縣許于出
結後隨查隨報免其處分

詔如所請行嗣因清查之限太迫州縣官降
罰者多

勅部改定原限一年者爲二年六個月者爲
一年仍給展限八個月廣東總督孔毓珣因
陞見道出江南奏宿州靈璧縣地方溝洫不
通雨水停積

諭曰魏廷珍身爲巡撫于本省事務漫不聞

心以致低窪之處被水停注甚屬疎忽玩
著交部嚴查議處其應行疏濬之水道交署
布政使噶爾泰先動正項錢糧辦理皆于魏
廷珍名下追補還項以爲封疆大臣忽視地
方利弊者戒十一月疏言臣年五十有九精
力遠不如前乞內補修書之地俾得自効
諭曰汝蒙朕簡任封疆惟務潔已自好于民
生國計毫未補益而遽望內轉清要安閒適
志以保祿全名如是則爲臣不易之語謬矣

汝其勉之果能奮勉精神經理有效令朕嘉
悅豈止內補修書之地而已乎七年二月遵
旨條議安徽各官養廉俱倣江蘓定議
訓飭之五月以自陳用題本爲通政使王廷
揚所糾

諭曰魏廷珍遵例自陳應用奏本而用題本
伊並非不知條例之人且由學士至于巡撫
歷任多年上次又曾經自陳而此番忽而錯
謬豈得謂出于無心蓋伊之意以爲外任文

武大臣題本奏本誤用者朕間常降旨寬其處分而伊自知無邀免之理特有意誤用甘受叅罰使天下之人謂朕之待伊事事苛求而伊之獲譴皆屬無心之過假此一節欲以掩蓋衆愆其用心甚屬奸僞夫本章不合體式而免其察議者或係武職大臣不通文翰或係初經外任未諳體格其情皆有可原又如督撫等有降級罰俸之案而寬免者亦因其人平日爲國家寔心効力朕不忍以小過

處分是以沛恩于常格之外凡此寬嚴輕重
之間朕皆準情度理出于至公如魏廷珍苟
且因循朕念其何長而寬其循例之處分今
又將明知之例故意錯誤以干忝處人臣事
君之道固如是乎著魏廷珍明白回奏部議
廷珍自陳不職應照才力不及例降二級調
用得

旨寬免八年三月請將潁州州同移駐方家
集專司巡緝兼管水利監務部議從之五月

調署湖北巡撫九年四月

命來京十月授禮部尙書十年二月授漕運
總督五月疏言淮安貧民草房葺墻竹灶易
于引火臣標現建營房與民舍相連俱以瓦
覆費亦不多且可經久

上是其言七月疏言漕標城守營兵餉各州
縣旋解旋支併無預備請撥司庫銀三萬兩
貯淮安府庫兵餉未到遇有急辦之事先爲
動支解到補項下部議行九月署兩江總督

十月疏言漕標東海營汛改設趕漕船應增
兵九十二名並設防汛千總一管船把總一
部議從之十一年回總漕任十二年遷兵部
尚書十三年正月充

皇清文穎館副總裁二月調禮部尚書九月
今上御極

命赴

秦陵守護乾隆三年授左都御史四年遷工
部尚書五年以老病乞休

諭曰魏廷珍歷任中外凡事推諉從不寔心
供職

皇考世宗憲皇帝曾屢降諭旨申飭此衆所
共知朕御極之初仍留尙書銜派往

秦陵料伊或勉勵思奮痛改前非嗣因左都
御史缺出復行起用旡陞工部尙書詎伊到
任以來並才拙當一事建白一言亦未奏請
面陳一語從前習氣並未悛改今又以老病
乞休希圖始終保全更冀在家食俸似此因

循懈怠持祿保身之陋習斷不可長魏廷珍
著革職十三年

上東巡過景州廷珍迎

鑿

賜林泉耆碩額并給還原銜

御製詩二章賜之曰杖許扶靈壽衣看服遂
初遺榮辭魏闕頤老返鄉閭便道因來爾同
堂憶贊予白駒誠不駐林下幾三餘

皇祖栽培士于今騰幾人豈無師濟輩獨惜

老成倫絃誦遺風在桑麻樂事真如懷退憂
志里教勉還淳十六年

賜詩曰高年引養客向日弼諧卿鶴髮猶然
健葵心不改傾遂初孫著作樂志仲高平別
後今三載刪裁可就成尋

命賜其子錫麟一品廕生二十一年二月
諭曰予告尚書魏廷珍本係舊臣今年將九
十道左迎鑾允稱人瑞伊惟一子前經賞給
一品廕生例應內外兼用著加恩賞給員外

卽職銜在家侍養以昭眷舊至意并

賜廷珍詩曰懸車辭魏闕回駕返蓬廬望九
人中瑞無雙林下居精神益軒若風度尙彬
如娛老詢何物三朝有賜書三月卒遺疏入
諭曰魏廷珍簡任中外年近九旬允稱人瑞
今春迎鑾道左朕親召見行殿加以優遇復
賞給伊子員外郎職銜令其在家侍養忽聞
溘逝深可憫惻應得卹典該部察例具奏尋
賜祭葬如例謚文簡

陳世倌列傳

陳世倌浙江海寧人父誥官至禮部尙書有傳世倌由康熙四十二年進士改庶吉士散館授編修五十年七月充山東鄉試副考官十月充順天武鄉試副考官五十二年遷左中允五十二年四月遷侍讀五月充廣東鄉試正考官十月充

日講起居注官十二月丁憂服闋補原官五十七年

命祭西嶽五十八年充順天鄉試副考官五
十九年提督順天學政累遷侍讀學士六十
一年丁憂雍正二年服闋擢內閣學士閏四
月授山東巡撫七月疏言社倉通有無濟豐
歉古今可行每鄉立即籌捐者自登穀數不
拘多寡酌給花紅匾額示獎舉公正鄉糾三
人輪管出入冊報官查春夏之交民間乏食
借領至秋每石收息二斗歉則分別減息十
年後息倍于本祇收加一第小民可與樂成

海峽日報 卷二二二
上
難于慮始請令各督撫于一省中先行數州
縣俟一二年後著有成效然後廣行下部議
行九月疏言左道惑民律有嚴禁如回教不
敬天地不祀神祇另立宗主自爲歲年党羽
衆盛濟惡害民請概令出教毀其禮拜寺
諭曰此種回教原一無可取但其來已久且
彼教亦不爲中土之所崇尙率皆鄙薄之卽
彼教中之稍有知識者十居六七若似有出
于不得已之情從無平人入其教門之理由

此規之則彼之所謂教者亦不過止于此數
非蔓延難量之事至彼之禮拜寺回回堂亦
惟彼類中敬奉而已何能惑衆朕令汝等嚴
禁新其眩幻駭人動衆之事如僧道回回喇
嘛等其來已久今無故欲一時改革禁除不
但不能徒滋紛擾有是治理乎未知汝具何
意見也三年七月奏山東通省丁銀請攤入
地畝徵收部議從之九月遵

旨會議沿海防衛五事一僻處砲臺虛設應

撤衝處應另建堅寔一弭盜莫如保甲應飭
文武官協力嚴查一富家應搜變其產賠贖
并着落鄰保查察舉首得寔獎之徇隱枷責
一文武官皆有戢盜之責胥役追賊至汎汎
兵不卽協拿以致疎脫應按盜賊名數議處
一分遣標員遊巡倘不竭力捕賊分別叅處
如所請行四年十月丁母憂回籍
命督修江南水利尋因遲誤工程革職仍
命趙曲阜督修

文廟十三年十月署左副都御史十二月寔
授乾隆元年十一月疏陳臺灣事宜一在臺
置產流民例得搬取妻子不許攜帶親族但
日久弊生應確寔查驗其未置產並不守分
之徒概禁搬眷出洋一熟畝地多爲漢奸所
佔請

敕巡臺御史及臺灣道親勘招墾定以疆界
並請停番民樂輸穀石一命盜案內向俱招
解內地院司完結但過海動經歲月請由臺

灣道招解御史審結知會內地督撫下部議
行二年授倉場侍郎三年調戶部左侍郎四
月遷左都御史五年六月疏言近今各部院
辦案及議覆事件並奉

旨發九卿會議之案每多遲延請

敕照定限完結違者議處從之九月轉工部
尚書六年授

文淵閣大學士七年三月充

玉牒館副總裁六月教習庶吉士八月疏言

江南淮徐鳳泗等處被災

特命部臣周學健督臣前往辦理查黃淮泛漲皆有分濶故道以達江海挑濬宣洩又有成案可稽請

敕河臣是夜疏濬引導異漲歸海又請令該督撫遴選幹員經理撫卹並令久干其在十一月

諭曰今歲江南疊被水災河防水利甚關緊要深爲懸念大學士陳世倌屢次陳奏朕見

其有中肯綮者必有以成底績之功著卽馳駟前往會同周學健等查勘辦理尋奏水勢高下情形必須親勘請帶測量人員同往從之十二月同周學健等奏積水消涸情形并辦理事宜

諭曰朕將謂大學士陳世倌別有奇謀碩畫且臨去時曾奏于歲內可使積水全消覽奏仍俟明年二三月間且所辦理原不過就高斌周學健所辦理之規模而潤色之又何必

勞此一番往返乎九年正月給假回籍請開
缺

上不允四月奏言臣出都道經山東聞有劇
盜田豬頭等屢劫州縣署及庫又沛縣巨窩
姚乾等叅盜有年現均就獲因各省俱有劫
案開訊待質臣以爲此等大盜但數案審寔
卽應題請正法若因彼此開訊連年不結恐
有疎虞請

勅山東巡撫喀爾吉善等就案速結毋使巨

盜久稽顯戮

上聽其言十月假滿還職十年加太子太保
十三年九月

命紫禁城內騎馬十一月以錯擬票簽

諭曰雲南巡撫圖爾炳阿續奏趙州知州樊
廣德虧空一本例應撫奏督審今內閣所擬
票簽仍交該撫審擬經朕看出查詢始據改
正且請交部察議夫察議者不過解罰了事
而已然以五人在閣似此向有定例之事竟

至辨理錯悞使朕萬幾之煩尙須審詳至此
于心何忍豈不有愧張廷玉來保陳大受均
在軍機處行走尙有交辦事件或係一時疏
忽而陳世倌史貽直著交部嚴查議奏尋議
革職得

旨陳世倌自補授大學士以來無參贊之能
多卑瑣之節綸扉重地寔是不稱職著照部議
革職又

諭曰朕前降旨謂陳世倌多卑瑣之節並非

濬州府志卷之二
泛論卽如伊乃浙人而私置產宛州冀分孔
氏餘潤豈大臣所爲今旣革職著諭山東巡
撫不准伊在宛州居住十五年八月來京恭
祝
萬壽

賞原銜令回籍十六年三月

命仍來京入閣辦事九月兼管禮部事十七
年充會試正考官十九年再充會試正考官
策問黃河下流

諭曰策問時務用覘士子學識主試官不當以已見立說上年順天鄉試問黃河河北行故道今春會試問黃河下流皆孫嘉澍陳世倌一已私見寔亦空言無補若以此爲去取將啓士子窺探迎合附和之弊其漸尤不可長嗣後有似此者必治其罪二十二年以老病乞解任

諭曰大學士陳世倌雖年近八旬而精力未甚衰邁簡任編纂歷有年所今以老病奏請

鮮任回籍情詞懇切大臣中商宿望高宣力
久任皤皤黃髮爲班聯表率誠熙朝盛事然
老倦而思故鄉亦常情所有果其以衰老陳
情者朕自曲加體卹俾得榮歸鄉里以資頤
養初未嘗強爲羈留如張廷玉之年力旣衰
朕卽允其歸田迨後輾轉獲咎乃其自取寔
非朕初意所及料也且陳世倌奏內旣稱爲
其生母修改墳塋此亦人子未竟之責自宜
及身而爲之著照所請准其回籍現任漢大

學士原有二人不必開缺另補聽其自爲酌
量如一二年後精神清健仍可來京辦事以
昭優老舊臣之意尋

命加太子太傅二十三年二月

陞辭

御製詩賜之

詩曰夙夜勤勞言行醇多言黃閣贊絲綸陳
情無那逾孔緯食祿應教例鄭均自是江湖
憂未釋原非桑梓隱而淪老成歸咎能無惜

皇祖朝臣有幾人

賜銀五千兩

命在家食俸世倌未及行病四月卒

諭曰大學士陳世倌老成端謹學行兼優簡任綸扉勤勞懋著前因衰老乞休情詞懇摯業允其所請復降旨優加錫賚並賦詩以寵其行俾得榮歸故里國養天和俟一二年後精力未衰仍來京供職永承恩眷旋聞地疴邸第特遣御醫診視時命大臣存問冀其速

痊得遂歸田之願乃聞溘逝朕心深爲軫悼
著再加恩賞內庫銀一千兩經理喪事派散
秩大臣一員帶領侍衛十員前往奠醑應得
卹典仍著該部察例具奏尋
賜祭葬如例諡文勤

潘思桀列傳

潘思桀江南陽湖人雍正二年進士改庶吉
士三年挑選分發刑部學習六年補主事累
遷郎中八年授廣東南雄府知府十三年遷

海南道乾隆二年調糧驛道四年遷按察使
六年疏言廣東有狼黎獠三種狼人世居高
涼爲高州府茂名縣地今附民籍讀書應試
者多獠人亦輸稅歸誠設犒童義學爲訓課
黎人併處海南之瓊州府情更樸寔第以不
識字畫數目往往爲土豪欺擾查瓊州府屬
惟文昌縣無黎瓊山澄邁臨高會同樂會五
縣黎人尙少崖倍萬陵水昌化感恩定安七
州縣黎人最多生黎居深山餘多與民錯居

非苗獠別居尚寨與民人不相往來者比且
與民貿易語言相習並有通曉官音者更非
苗獠語言不同者比請于崖儋等七州縣照
獠童例設義學擇師教誨能通文義者許應
試部議從之七年遷浙江布政使八年六月
疏言常平倉米穀春發秋斂奉行已久但收
成有遲早所謂青黃不接期難概論有司不
揆緩急甫交春令紛紛開糶徒爲牙行囤積
東脅侵漁小民未沾其惠及屆青黃不接每

至動糶逾額且減價過多博市井一時之譽
不顧將來買價不敷迨秋成歸補非存價觀
望冀省耗折卽抑派爭買致昂市價請因按
時酌辦寧紹台金衢嚴溫處八府俱四月開
倉糶借兼行杭嘉湖三府六月發糶價平卽
止毋容逾額多糶致虛倉貯總期出糶以時
民食有濟

諭曰所奏俱悉因時制宜寔力爲之九年六
月疏言農政水利爲先浙省土狹民稠全賴

溪湖之水容蓄灌溉而民間墾佔甚多如餘
杭之南湖會稽之鑑湖上虞之夏蓋湖餘姚
之汝仇湖慈谿之慈湖向稱巨浸今已彌望
田疇由地方官不力稽察地棍勾通縣胥一
報墾卽濫准陞科且墾地勢處低窪并將舊
堤閘私行損壞貽害農田非細請嗣後報陞
田地飭地方官親勘如果非官湖無碍水利
方准陞科如估湖爲田卽剷除禁止查勘不
寔嚴定處分仍令每歲農隙親勘湖堤如有

私墾者責令挑復按律治罪庶不至水道日
狹于旱澇有防大學士等議行七月疏報衢
嚴等屬猝被水災臣稟詳督撫動項撫卹
諭曰此等事正汝地方官切已要務必毋濫
毋遺以期寔惠及民耳思集尋疏陳給發籽
本並分別加賑狀

諭曰今歲浙省辦災巡撫常安有諱災之意
寔難爲汝也十年十月疏言定例紳衿非公
事不得干謁地方官惟在籍候選之吏員由

胥吏出身素無學術一經役滿考職每恃符
生事在通都大邑尙知敬敬若偏僻州縣措
紳寥寥伊等自附冠裳私謁地方官包贖王
求丞簿典史視爲同氣益相交結鄉民無知
遇事涉公庭卽浼剖分料理伊等昔充吏書
衙門情熟欺詐招搖無所不至請凡考職吏
員在籍止戴頂帽不許借穿補服干謁地方
官違者照違制律治罪並嚴禁地方官與之
往來部議如所請行十一年授安徽巡撫奏

鳳陽潁州泗州被災得

旨加賑十二年六月疏陳調濟災區四事一
勸課農桑以警游惰鳳潁一帶之民情屢成
習臣上年徧歷查勘時當冬月水退二麥雖
已蒔種而人工不知耨鋤培壅所過村庄林
木甚稀蔬圃甚少臣諄諭各守令將歷年
諭旨勸課各條摘錄勸導并令州縣官隨地
督察或藝桑麻或植蔬菜審土之所宜凡耕
佐小民日食柴薪之用者悉令試種勤者獎

之不率者或之卽以地方民情之勤惰定有
可勸課之優劣一疏濬溝洫以備旱潦鳳潁
地分三等一爲岡地最高一爲湖地稍低一
爲灣地最下灣地連太河水發難施人力湖
地則外仰中低積潦爲湖下流濬渠疏洩卽
可涸出栽種岡地水雖不及而絕少溝池交
秋缺雨卽苦饑乾間有傍山麓爲陂塘蓄水
灌田者如壽州之安豐塘懷遠縣之郭陂塘
鳳陽縣之六塘均應及時修築臣思土年賑

濟動帑百餘萬金若干平時酌動數百金陸續修築就一州一邑一鄉一村之水利規畫經理則民間減一分荒歉卽多一分收成而朝廷亦省一分帑金縱遇偏災亦可以工代賑一舉兩得一稽覈流移以正風俗鳳穎民豐樂于轉徙豐年秋收事畢二麥已種輒携家外出春燕方歸一遇災歉俟地方官勘給賑票輒量留一二人在家領賑餘悉潛往鄰境希圖資給口糧俗相傳在家領賑爲大根

在外留養爲小撥留送資送爲行糧至有一
家領三糧者本業拋荒人無固志地方官過
于姑息遇流民不加區別概予資送卽小有
生事亦寬不究惟送令出境幸免無事狡黠
之徒遂成羣結黨多索口糧僻遠鄉村強乞
滋擾臣思地方水旱偏災時所恆有嗣後應
查明寔係災民方准資送其籍端生事者究
懲

諭曰此乃固本之務應來安省巡撫無有言

及此者朕觀此奏甚嘉悅焉勉力妥爲之以
俟汝三年之放也九月調福建巡撫十一月
思桀奏將安徽學田因田義田三項照江蘇
免學租之例蠲免疏下軍機大臣查議以江
蘇並無蠲學租例今思桀並未及陳奏先行
扣免且遲至十一月始有此請邀譽取巧應
將蠲項著思桀賠補所引之例仍令明白回
奏思桀尋具疏引罪

諭曰滿思桀回奏學田免租一摺理屈詞窮

文吾掩節伊自奉命調任福建以後惟事平
譽以博人之去思辦理諸事不似從前伊奏
請交部嚴處著免其交部直隸應修城工甚
多著那蘇圖照陳宏謀之例指其一處令濟
思樂出資修理効力贖罪以爲巧干邀譽之
戒關省兵悍民驕巡撫乃封疆表率若此一
未沽名何以澄清整肅著傳諭諸思樂令其
洗心滌慮痛改積習如仍不寔心必加重懲
慎之尋發罰涿州城工十三年閏七月疏言

閩省錢糧自乾隆元年至十一年積欠十餘萬兩在設法清釐查賠納之糧因從前田業授受之時業戶不及推糧過割致田去糧存或貪得多價減則出售比及子孫並不知座售何人田坐何處力難賠墊漸至逃亡及屯糧歸縣徵收冊籍混濶糧多隱漏若不及早清查歷年積欠難完將來遭次無底查糧從田出既有賠糧之戶卽有無糧之田豈可得業者任其脫漏無業者伏其追比卽官果能

權查的戶責令推收承納務使糧歸于田民
欠自有着落

上是其言十四年二月疏言臣清查積欠細
加釐剔知刁民得以拖欠之故一在屯田戶
民不清一在寺田租賦不一屯糧一項原係
衛所徵收順治十五年裁衛所歸廳員管轄
雖名軍戶寔係民耕乾隆元年因廳員追比
不前經前撫臣盧焯題明歸坐落州縣徵收
更正名冊詎刁民意存朦混仍列故軍姓名

致難催比應確查的名核寔更正寺田一項
始自明季營業之人僧民夾雜半屬民買僧
田一經追比或稱寺廢僧逃或稱租額過重
藉詞拖欠應分晰查明將寔係寺廢僧逃者
通詳立案官爲經理不復派里中

諭妥協寔力爲之五月疏言福州府城外西
湖爲東晉郡守嚴高所開週二十餘里建閘
蓄水溉田數萬畝歲久淤墊幾成平陸臣相
度勸導于上年十一月鳩工至正月告竣築

堤千三百餘丈建閘二水已深通是資蓄蓄洩
又福清縣所轄卽官港法海埔俱有海灘淤
地可墾爲田向因彘勝費重兼患上豪阻撓
致東自然之利臣親勸招墾築堤法海埔可
得地千三百餘畝卽官港可得地八百餘畝
俟隄竣覆丈循例陞科

諭曰勸課耕農務民之本也十七年卒
諭曰藉思築簡任巡撫寔心願勉今患病溢
逝深爲軫恤著照江蘇巡撫徐士林之例入

祀京師賢良祠以元優卹其遺孀丙所請將
封典地贈之處著加恩賞給一品封典所有
應得卹典亦加恩照一品之例賞給尋
賜祭葬如例諡敏惠

漢名臣傳卷二十六終

漢名臣傳卷二十七

陳宏謀

劉藻

哈元生

高天喜

唐綏祖

哈國興

陳宏謀列傳

陳宏謀廣西臨桂人雍正元年進士改庶吉
士散館授檢討四年揀授吏部郎中七年二
月遷浙江道御史仍兼郎中行走七月充山
西鄉試副考官十月授江南揚州府知府仍
帶御史銜九年遷江南鄆鹽道十一年授雲

漢名臣傳

卷二十七

南布政使先是廣西巡撫金鉷奏准廢官員官
生借墾報捐至是宏謀奏報捐者祇就各屬
搜有餘熟田量給工本卽作新墾多獎混

上命雲貴廣西提督尹繼善查奏尹繼善請
將捐墾地畝量領工本確實查追乾隆元年
四月部議報捐之員旣多冒濫請

勅兩廣總督鄂弼達及金鉷逐一清查九月
宏謀劾鉷欺公累民自開捐報墾不下二十
餘萬畝寔未墾成一畝請將捏報捐納及勒

比首報之田豁除時銜內遷刑部侍郎疏辯
命鄂弼達及新任巡撫楊超曾秉公確查二
年閏九月宏謀復密奏前事

諭曰從前陳宏謀奏廣西借墾報捐一事與
金銜所奏互異朕已諭令督臣鄂弼達撫臣
楊超曾秉公確查毋得偏徇目前尚未稟奏
而陳宏謀又復具摺曉曉瀆陳陳宏謀身爲
滇省藩司此并非供任內之事其始初之奏
猶云據已知而直陳以備採擇旣降旨交與

他人查議則伊事已畢惟有靜候無再言之
理乃伊不待督撫諸臣議覆而又爲是瀆奏
竟儼然似以爲不如伊所奏不止者是誠何
心且伊爲粵人卽所言盡是而從之猶被鄉
紳挾制朝政之漸况未必盡是乎殊屬冒昧
之至著交部嚴加議處尋議降二級調用十
月鄂爾達等稟奏捐墾田畝多不實請分別
減豁金銀及私派加徵各員降革如律三年
補直隸天津道五年遷江蘇按察使六年七

月遷江寧布政使八月擢甘肅巡撫九月調
江西十二月疏言江西郡縣非濱江帶湖卽
環山逼嶺近湖地與水平民築圩堤閘埧捍
禦以內民田廬舍煙火萬家遇水發全賴圩
堤閘埧周固始保無虞此以圩堤閘埧防水
害者也近山之地高下奇零開墾田地旣防
衝決又苦灌溉無資惟脩砌陂塘堰圳水至
可資防禦水少可資灌溉此又以陂塘堰圳
防水害而卽以資水利者也江西水利不外

此二者而年歲豐歉卽係乎此向例農隙時
撫臣行令地方官將舊築圩堤派夫脩葺年
底將完固緣由造冊報部存案止就南昌瑞
州臨江饒州南康九江贛州等府所屬十餘
縣每年報部有案者彙冊開報而近山逼嶺
地方一切陂塘堰圳均不在開報勘脩之列
卽此數府中除所報圩堤外尙有續脩未脩
之圩堤開墾地方官向無承脩保固之責並
不親勘督脩其間民力勤惰出夫多寡圩堤

堅否官既不親查督田戶每推諉不前不但
 應脩而未脩者遲延觀望卽已經派脩者亦
 不過虛浮掩飾隨脩隨領一處衝決閭境懼
 害是脩築雖出於民督率不可無官至思知
 縣身膺民社水利農田本其專責應飭親勘
 督脩至向無圩堤等項及曾有而年久坍塌
 過甚加工大民力不敷者惟支存公銀兩照
 以工代賑之例確估造報責附近居民脩築
 核寔題銷各該員三年之內果實力督脩並

廣東省巨專
 卷二十一
 六

四

無衝決等事遇保舉陞用將承辦水利如何
列入事寔獎荐以示鼓勵如脩築不堅至有
衝決題叅議處下部議行七年五月疏言江
西錢價甚昂民間多攬私鑄砂錢臣現飭屬
嚴禁七月請將滇省額解京銅於過九江時
截留五十五萬五千斤濟鼓鑄急需仍陸續
赴滇採買解京補項

詔如所請行十二月奏脩南昌新建二縣圩
堤並於南昌縣羅絲港建石堤障顛水西注

卽以工代賑

上報可又言江西民情尙氣好訟有司以自理之案無閑考成未免延擱拖累臣徼各道分巡所屬據稟是稟聞州縣官漸知警惕地方情形屬員声名亦得藉悉梗概得

旨寔力督率毋使徒爲具文八年閏四月奏言錢局舊設炉大儘所鑄搭放兵餉恐錢少不敷請增設炉四從之初宏謀因倉貯多缺請將捐監一項改於本省收穀

諭令一年後奏報至是借總督尹繼善奏本
地捐監收穀倉儲民食爾有裨益得

旨准再收一年九年二月疏言廣信府玉山
縣之廣平山產礦砂臣令工匠開礮煎試銀
鉛夾雜山之前後左右並無妨礙請選殷實
良民爲礮頭募夫開採下部議行十月調陝
西巡撫十一年九月仍調回江西任十月調
湖北巡撫十二年二月疏言湖北改鑄小制
錢重八分試行無效請照原題仍鑄一錢二

分重之大制錢於漢口採買各銅四十萬觔
加印增鑄搭放兵餉外可減價出易流通下
部議行三月以大學士管川陝總督慶復劾
宏謀在陝撫任內愛增任情好自作聰明不
持政体部議革職

詔從寬留在任又以前經保荐之長安縣知縣
董三錫貪劣事發議革任仍

詔免十二月復調陝西巡撫十三年正月
諭曰此汝駕輕就熟之地一切特重秉公毋

立異母活名若能去此結習則汝尚可造就
之器也先是去謀以陝西各驛疲困請增夫
馬經大學士公訥親議駁十一月復請於漢
中府屬之寧羌沔縣褒城鳳縣棧道十四驛
每站增馬一夫十酌支工料

詔如所請又言陝省開十爐鼓鑄已准部撥
運到洋銅其所需黑鉛本省開採白鉛點錫
赴楚採辦至配用銅筋鉛錫照例扣耗每卯
餘剩挫磨皮更尾卯一併繳錢請款設監鑄

官一員總理官一員內外巡查官二員並輪
撥弁兵防範又從前所鑄錢俱捨放兵餉今
兵餉已有川省增鑄之錢協濟不必捨放現
在陝省錢少價昂俟鑄有成數照市價酌減
出售易銀歸欵部議從之十四年疏請採辦
滇銅免致停炉守候錢價日漸平又制錢陸
續易銀恐價平則買錢者少其川省運回秋
季協濟之錢出易外餘卽捨放兵餉

報聞十五年請倚周文武成康四王及周公

太公陵墓卽以陵外餘地召租支用下部知之十六年四月疏言陝省各屬常平倉多空覈請擇完整者酌留數間備晒晾并貯捐監穀地方官入冊交代不時備葺具遠年舊廩漸就傾圮者物料及早拆卸是冊報有應分新社卽移建社倉似亦化無用爲有用之法得

旨允行六月又言關中沃野千里平原土厚雖有河道岸高難引惟鑿井灌田是爲救旱

良法臣諭屬員勸導凡以已資開井者地方
官驗明獎勵無力者就近借給社穀作工本
收息還倉無社穀者以常平倉穀給之

報聞十月調河南巡撫十一月疏言豫省黃
河兩岸大堤外有占堤一道自懷慶府屬之
武陟縣起由獲嘉新鄉延津而至滑縣與長
垣縣交界止土人名爲太行堤通河漢實爲
外衛年久多缺今陽武垣工合龍太行堤急
宜修補查武陟延津等處俱本年被災工作

於貧民有益十七年正月又言歸德府屬各
河宜分別脩濬除支流小溝工段無多督令
民脩其商邱豐樂河夏邑响河水城巴清河
均洩水之幹河現多淺塞應濬又商邱南門
外之古宋河亦應濬並於附近城壕各開引
河一道但非民力所勝請動項興脩再武陽
垣工所用料因應付殷繁不無浮于購採銀
數前蒙

恩旨令照地畝錢糧酌蠲第小戶地畝少者

原未領辦若按畝蠲則未辦工料之戶濫邀
恩賞請就所領工料價銀按數加賞較爲均
普並如所奏行三月調福建巡撫十九年正
月疏言閩俗囂競多訟案必速審臣清查立
限每月稽核一歲以已未完案件之多寡者
驗各屬之勤惰疾塵案漸清

上可其奏閩四月又言閩省地狹民稠所產
不敷食用半借海船貿易資生如寔係內地
良民因省物拖欠稽留在外及本身已故妻

妾子女愿歸本籍者無論年歲遠近准其回籍從之五月調陝西巡撫九月疏言明歲夫兵進勦準噶爾派出之索倫巴爾虎督理穆兵應設臺站營馬不敷抽撥酌雇民間騾馬車輛以利遠行

詔允所請又言陝省常平倉穀缺額節經動用庫貯雜項買補還倉第採買不宜過多恐于民食有礙今設麥既多價賤准售官買照舊價聽從民便此正昔人和糴之法可以資

民食而廣積貯

上嘉納之十一月疏言鼓鑄必預籌銅勸滇黔珞遠費重且恐無餘銅洋銅到陝遲早難期不若就本省漢中府屬寧羌州之銅緣鑄舊銅礦開採並華陰縣屬之華陰川亦有原礦一并採試以供搭配鼓鑄

上報可二十年正月疏言古北口解到戰馬疲瘦先就西安將軍標及督撫兩標預備安台之馬擇最臚壯者解甘又協理提督劉統

通名目在二二一十
一
勳以甘省晏臺缺馬令陝省幫雇腳騾恐緩
不濟急查陝省各臺原於通省驛馬內抽撥
入百匹爲領兵官騎用今移此馬先解甘省
涇州計日到臺卽可送兵陝省少此臺馬入
百匹再于民間增雇陸續赴台就近易集得
旨諸凡留心甚屬妥協三月調甘肅巡撫五
月以平定準噶爾議敘軍功加一級尋調湖
南巡撫宏謀將赴新任疏陳甘省水利事宜
言臣前由甘涼肅出關沿途審視渠河多未

通順赤金靖逆柳傳安酉沙州五衛所亦可
疏濟渠源宜責成地方官于農隙時督民分
段脩濬得

旨嘉獎下新任巡撫吳達善議行又言準噶
爾既內附需用貨物應量爲流通請定互市
地以茶易馬歸官充營伍用

詔從所議時淫蘇淮揚各屬秋潦成災

上命截留湖廣漕糧二十萬石備賑十月宏
謀請再動湖南溢額倉穀碾米十萬石運濟

奠各五專一

卷二十七

七

平糶

諭曰災地米糧多多益善碾運倉谷以資平糶既不致市僧居奇于民食更爲有益陳宏謀所辦甚屬妥協著照所請速行二十一年二月奏祈衡州府之衡陽縣爲二分理賦訟下部議行定所分縣曰清泉九月疏劾布政使楊顥侵扣穀價奉

諭陳宏謀留心体察據寔忝奏毫無瞻徇交部議叙顥論罪如律開九月疏言湖南糶米

之鄉請將乾州永綏二廳華容永定永順保靖桑植慈利等縣常平倉穀各撥借數百石貯社作本出借俟本息漸充仍卽歸還常本致虧缺部議從之十一月調陝西巡撫二十二年正月奏大兵過陝設站僨行狀得旨獎慰六月調江蘇巡撫七月

陞見

上調及各省水火埃謀奏言皆因上游爲眾水所滙而下游無所歸宿必通盤籌辦方爲

有益

上以其言頗忠肯綮

命卽由河南歸德一路赴江蘇沿途查勘與
安徽巡撫高晉會同籌辦

賜以詩曰東南繁劇地撫治寄賢良爲我蘇
徐海宜民簡召王允維力溝洫方可課耕桑
寔政斯應樹虛名尙謹防一心要於敬五字
示其綱勗爾推行善考同程嶺長十二月以
淮賜徐海等處河工告竣

諭部議叙加一級尋奏言江蘇獄訟煩多全
在地方官早爲審斷臣檄行各屬向後不許
借稱隆冬歲暮不理詞訟並貴成道員寔力
督查

報聞是月遷兩廣總督

諭曰陳宏謀籍隸廣西但久任封疆朕所深
信且總督節制兩省又係專駐粵東不必迴
避宏謀條奏江南河工未盡事宜五款一黃
運各河現已節節開通然必逐年挑濬方免

淤淺請歸河員及地方分界查勘於水落後
督民挑濬一所挑河祇能洩近河之水俟今
年河水通流後令民間濬支河小溝以達於
所開之幹河其各處道旁小溝亦應挑深通
達一淮揚徐海地非盡瘠薄凡可以種植者
各開溝洫備旱潦卽以所開工加築圩圍安
砌漏洞隨時蓄洩以成圩田一上游之水由
高而下內有窪地原係湖蕩不免淹浸請勘
明頃畝除糧有可種葦草者改照葦課輸納

一下河一帶民田以范公堤爲捍衛日久坍塌愚民又多掘堤放水倘海潮盛漲高寶鹽城等處必受其災請動項分段興脩

命欽差大臣裘曰修等議行二十三年四月奏請增撥廣東疲商帑本收置場蓋經部議駁

上以蓋法攸關非詳查不能妥協

命侍郎吉慶往查妥辦是月

命宏謀以總督銜仍管江蘇巡撫七月加太

子少傳入月部臣叅奏宏謀請增鹽帑一案將存庫銀數遺漏舛錯請交部議處

諭曰疏忽之失誰則無之但宏謀素以幹練自居乃自到粵省諸事尙未設施而先啓請鹽本增帑爲取悅屬員商人之計且伊辦事非不能如吉慶之澈底查本者也是其而思好名癩習不但未知改而因陞用益甚此非尋常疏忽可比着交部嚴加議處尋議革職詔從寬留在二十四年正月借總督尹繼善

河督白鐘山等奏江南運道蓄洩三事一丹徒丹陽運河在大江以南東岸之橫閘越河閘利涉橋閘俱係旁通江湖導引濟運應於艮艘經臨前期飭閘員駐河于潮長則啟板進水潮落則下板蓄水使進多出少以資行運一揚州運河在大江以北上游之高寶東岸向設十三閘蓄水濟運其邵伯迤下金灣六閘向未設板隨時啟閉而揚州東閘地勢高運口下注之水多由金灣等處旁洩應于

重道經臨時祇留北閘二座常川啟放其中
閘南閘亦照南寶東岸之例相初蓄水一桃
源砂礮河係黃河以北運道應將滙水之路
馬湖尾閘于每年秋汛後相時堵閉俟次年
重運經春水微弱卽將柳園等閘埧開放接
濟均如議行又言蘇州向設普濟育嬰廣仁
錫類等堂收養覺獨老病遺棄嬰孩近年公
費不敷請查通州崇明濱海淤灘除附近民
業者听陞科執業餘撥入堂充公用又

宗明界有新漲之玉心河兩地民互爭一併撥入以息爭端

諭曰不但一舉而數善備而汝亦因此得名也六月以不能督率地方官捕蝗復不嚴叅部議革職留任得

旨陳宏謀非尋常狗庇可比着革去總督銜仍照部議革職留巡撫任二十六年五月疏言蘇州商賈輻輳用錢最廣小錢亦多臣現令寶蘇局歲給炉匠工料錢照時價給銀收

買不許炉匠攜出既可杜夾帶私錢及囤積
居奇之弊並設官局兌換俾民間制錢漸多
錢價不致昂貴

詔如議行先是宏謀奏准開蘇州府屬之白
茆河徐去涇二口土塘建閘備蓄洩二十七
年正月以水漲衝壞閘口復請改爲滾坝從
之二月
上南巡

賜詩曰外史中維久由來繁鉅勝体予視傷

切謂尔何恩德必有遠猷贊寧維苦節稱金
闈誠富庶返樸最相應九月查奏原任許墅
閉監督安寧管閑家人李忠侵漁舞弊時安
寧已故

上以宏謀不早劾奏下部嚴議革任

詔從實習任十月

諭曰捷尹繼善等查奏安寧家人李忠所婪
貲產至三萬兩之多陳宏謀久在同城安坐
膜視其意何居該撫向與安寧不合眾所共

知然以此事利與大事豈引避小嫌之理蓋
模稜之習一成不變且自揣與尹繼善素號
相能遂尔因循玩愒江蘇吏治尙望其力爲
振刷乎陳宏謀者調補湖南巡撫尙不痛自
創艾復蹈故轍朕不更爲該撫貧也二十八
年三月既言甯流人犯俱係擾害地方情罪
較重之人狡惡性成到配往往逃回地方官
接緝逃之文一票了事不肯認真極究親隣
遂得容隱致多漏網各曰罪應遠徙之犯寔

則輕于本犯之從長奸釀惡莫此爲甚請飭
取親隣供結責成地方官嚴拿率混者議處
上是其言下部議行五月遷兵部尙書習湖
廣提督兼管巡撫事六月疏言洞庭湖橫亘
八百餘里容納川黔楚之水濱湖居民多築
圍墾田有與水爭地之勢從前雖經創毀尙
有未盡恐湖面愈狹漫決爲患請多掘水口
使秋圍盡成廢壤自不敢僥倖再築

諭曰陳宏謀干此事不爲姁嫗小惠殊得封

遷之體是月遷吏部尚書十月加太子太保
疏言各省應歸部選之缺臣部按月截缺掣
籤引

見給憑赴任後各督撫或奏補有人者旧例
仍准扣除將掣缺之人留于下月卽選或業
經領憑德其情願赴彼省候補或繳憑另選
但已往該省者以奉

旨赴任之人轉爲候補之官無任可到理失
輕重事不均平請嗣後凡於未經掣籤之先

及掣簽而未經引

見者仍准扣除另選于已引

見依擬用者卽不扣除仍令月選之官各赴
新任從之十一月又言地方文武官弁均有
查緝奸匪之責乃州縣捕役狡獪首平時參
賊或經營兵先獲有司未免心存畛域審時
任其狡展巧爲開脫請嗣後遇有翻供之案
令原獲營員會訊營伍緝捕責成更專

上嘉所見建切事理如所請行十二月充

經筵講官疏言河工辦料應令管河各道于
送到時親驗加結稽核營員來去料物數目
務歸寔貯寔銷又河防失事例應文武分賠
而叅遊向有修防之責轉得置身事外不足
以昭勸懲應酌改畫一下河臣議覆允行又
言匿名揭帖之案已將該犯抵法應於所告
款內首無虛寔嚴查按究則宵小不得逞奸
而不肖有司亦知所警

上是其言二十九年七月

諭曰內閣辦事需人應增設協辦漢大學士
一員着尙書陳宏謀協辦十月

賜紫禁城內騎馬三十年充

國史館副總裁三十一年十一月疏言凡駐
重兵與提鎮同城之道員時有兵民交關文
武商辦之事應一律加以兵備衛互相鈐轄
下各督撫議行十二月充

玉牒館副總裁三十二年二月充三通館副
總裁三月授東閣大學士三十五年七月因

老病請解任

詔弗允十月復陳請回藉

諭曰大學士陳宏謀于本年七月間患病懇請解任曾諭令善自調攝不必開缺茲復以衰病未克卽痊奏請解職歸里情詞甚爲懇切但現在各部事務並不乏人經理陳宏謀儘可仍前從容靜養且伊奏時屈冬令不能遽歸此際不妨安心調理待至明春自揣精力漸次復元原可照舊供職設明春病竟難

痊欲得優游林下以樂餘年俟河開時乘舡而歸甚爲順適此時仍毋庸開缺諭令加意頤養以副優眷十二月又懇請開缺

諭曰大孝士陳宏謀前以抱疴奏請辭職屢經降旨慰留令其加意調理今復以體氣未能卽痊懇將所管閣部開缺簡放現在內閣事務辦理並未乏人陳宏謀正可安心靜攝無庸開缺至大學士特令兼管部事原非額缺可比陳宏謀旣不能到署着將工部事務

暫停兼管以資頤養并不必另行派員管理
三十六年二月奏衰病如前不能在閣辦事
若再因循憲職寔難自安懇將大學士開缺
得以安心靜攝俟少愈卽覓舟起程回籍
諭曰大學士陳宏謀老成端謹敷歷宣勤簡
任綸扉正資倚畀前以抱恙屢次懇請解任
調理節經降旨慰留令其安心調理無庸開
缺冀春和可待復元今據奏精神恍惚仍復
如前懇請開缺回籍調理情詞肫切勉從前

詩著加太子太傅以原官致仕並賜御用冠
服朕親賦詩章以寵其行令伊孫刑部主事
陳蘭森隨歸侍養回籍後仍加恩按原品食
俸俾得蠲疴頤養期臻耄耄用昭優眷老臣
至意

賜以詩曰中外勤宣歷久頻遂教黃閣預繇
綸老成允著恒贊政疾病不期近道身豈弗
惜離留未可最憐言去戀猶真粵西天末相
望遠祝尔平安歸里人時

上東巡宏謀奏臣于三月望後起程赴天津
迎

駕卽由江浙一帶水程旋粵

諭經過地方官在二十里以內者照料護行
四月宏謀迎

駕于寶稼宮

賜詩曰北來恰值返南舟邂逅因之覲面
詼川楫已辭惜常往風帆非利却難留歸
樂桑分梓釋病當怡林與邱雅憶岳陽樓記

語行哉寧忘退時憂六月卒于途

諭曰原任大學士陳宏謀老成敦僕才品端
方中外宣勞恪勤素著去歲以來屢以抱恙
未痊懇請解任調理節經降旨慰留今春復
據以衰病日深堅請開缺回籍念其情辭懇
切俯俞所請親爲賦詩寵行加賜冠服並命
伊孫隨歸侍養沿途合地方官照料護行以
期長途安穩昨東巡回銜時伊于寶稼宮行
在陛辭見其精神尚不至疲憊猶冀遊歸故

里得以頤志齋疴今聞于韓莊舟次瀆浙深
爲軫悼著入祀賢良祠並于歸視抵家之日
加祭一次應得卹典仍著該部查例具奏尋
賜祭葬如例謚文恭

劉藻列傳

劉藻山東荷澤人初名玉麟由舉人任觀城
教諭乾隆元年荐舉博學鴻詞授檢討改今
名四年遷右中允累遷侍讀
命在尙書房行走五年四月授太常寺少卿

五月遷右通政六月遷左僉都御史十月疏
言今歲

圓明園工作未息此不過少加補葺且徭役
不出于民力取資無損一府庫視前代飾臺
榭之觀者度越何啻萬萬但臣愚以爲浮靡
之漸不可稍開乞

皇上慎始慮終爲天地惜物力爲國家培元
氣來歲諸工酌量停減用以持盈保泰綿億
萬年無疆之福疏入

上嘉納之下部議叙十一月遷通政使六年
四月擢內閣學士八月充順天鄉試正考官
十二月提督江蘇學政七年條奏現行三事
一訓導年老者勒休一府州縣考試童生稟
保出結認識一禁止迎神賽會

報聞八年二月因淮安高郵生員鬧賑部議
降三級調用三月

特授宗人府府丞先是藻被議在揚州候代
候選運判吳家龍之孫之黼以文求教及藻

行饋筆墨及糟鮓魚愛之中途發視得銀四
百兩藻交兩淮運使朱績俾發還事
聞

諭曰如此方不愧四知也四月請終養回籍
十五年五月

諭曰原任宗人府府丞劉藻因聞皇長子定
安親王之喪來京面請朕安并請赴喪次叩
謁劉藻係奏明在籍終養之員離京子有餘
里卽具摺差人請安未爲失禮而伊於孝賢

皇后大喪及此番皇長子喪事俱親赴闕廷
深知君臣一體休戚相關之大義伊在尙書
房行走纔及數年尙有不忍愀然之誼以視
張廷玉之身爲第一大臣自朕在書房卽侍
講讀繼入爲長子師傅行走至三十年之久
而漠然無情惟知自便者與之並較其相去
何如也劉藻曾任內閣學士緣事降調著仍
給予內閣學士原銜伊母年老在堂需人侍
奉天氣亦漸炎熱著賞人參二觔劉藻卽行

回籍終養二十一年服闋來京授陝西布政使二十二年三月擢雲南巡撫十二月疏言滇省各屬應徵之麥向俱折米惟永北鶴慶二府徵麥請卽以麥造報不必仍稱折米

上是之二十四年疏言維西協不敷兵米于麗江鶴慶劍川三府州額糧內輸年運借查麗江府屬巨甸石鼓等五村距府四五站不
等由府至維又八站勞民費帑各村俱有通
維路較近請開徵時委員赴該處徵收就近

徑運維西脚費既省編氓亦免遠累二十五
年又言省臨二局加卯鼓鑄請以餘息補銅
價不致多費幣金以錢文濟厥民復可早歸
鼓鑄公私兩便均如所請行二十六年警署
雲南提督二十八年六月署貴州巡撫十月
加太子太保疏言貴州按察司司獄署距司
監里許而司監側卽貴陽府經歷署請兩易
居之十二月又請停買川銅照舊在滇採辦
從之二十九年二月奏言貴川大計應本年

三月補行若不先期趕辦新任巡撫圖爾炳
阿到任勢必又請展限未免稽延臣已咨會
總督吳達善秉公註考具題

諭曰貴州大計該撫劉藻於圖爾炳阿未到
之先即將補行大計先期趕辦于激揚大典
不致稽延封疆大臣能如此實力奉行官事
何難整頓所奏甚可嘉尙着交部議叙以示
獎勵六月授雲貴總督三十年疏言永昌順
寧二府地處極邊年來木梳野匪與緬甸所

屬木邦構覺木邦又與耿馬土司毗連由木
邦至滾靈江一帶隘口應設十防守共需練
兵四百五十名請于各土司就近派撥

詔如所請又言州縣平糶倉穀運價貴不能
買補例准以所收監糧抵額但附近州縣不
准通融辦理滇南跬步皆山通都大邑米多
不敷必須減價多糶至秋成價不能平又無
監糧可抵而偏僻州縣糧價本平監糧或陳
陳相因臣等會籌與其拘泥成例不特令價

貴不能買補之處據寔詳報查附近州縣有
餘監糧撥運抵補度倉儲不匱而紅朽無虞
詔可是時莽酋不法侵擾猛捧諸土司邊境
諭嚴搜勦毋姑息三十一年正月調湖廣總
督是月奏報飭副將趙宏榜叅將蘇國富赴
孟連耿馬勦逐莽匪偵木匪踪跡鎮臣烏登
額赴滾靈江口相機撲滅臣遵

旨于普洱思茅各隘往來調度又奏言由小
猛崙進攻九龍江檄攬坝諸寨多斬獲惟叅

將何瓊詔遊擊明浩派赴整控江防禦冒昧
渡江遇賊敗殛尋奏瓊詔等未死現已回營
請治貪功輕進之罪

諭曰該督辦理此案情節甚屬含糊糾纏何
瓊詔明浩等委赴整控防堵莽匪前至猛往
遇賊敗逃又復謊報身死此其法所難宥處
該督乃奏稱冒昧前進致失事機是伊等反
覺可嘉何罪之有夫伊等所謂貪功輕進並
非寔情不過綠營虛誑欺飾故智耳况該督

所訊供詞于緊要情節全未問及卽如該督
初報何瓊詔等俱歿于賊及伊家人呈繳關
防時卽應詳究其是否打仗陣亡抑係窘迫
畢命或回營後畏罪自戕以定功罪乃惟任
弁兵張皇謊報信爲寔事一切概置不究及
何瓊詔等陸續逃歸又不究從前謊報情由
治以畏葸退縮之律尙信其一面虛詞謂係
輕進失事其何以申軍律而懲欺罔乎又如
何瓊詔等所供架著簾簾撲殺并稱莽子刀

戮其馬連馬滾跌入江之語試思馬上豈能
使用籐解此等支吾欺飾難以欺三尺之童
者而劉藻竟坐受其朦混而不覺不更可笑
乎且前摺稱明浩寺因兵器皆馱載竹裝猝
遇賊人不及措手以致敗衄而此次摺內稱
兩相對敵因火藥已盡勢不能支前後自相
矛盾該督于此等喫緊關鍵處全不悉心跟
究何憤憤乃爾劉藻本屬書生軍行機密非
所嫻習故朕不肯責以伊所不能至于調度

賞罰諸事尙可力爲籌辦乃于審訊此案情節竟舛謬若此豈堪復勝總督之任劉藻著降補巡撫交部嚴加議處現今楊應琚前往接辦軍務楊應琚未到之先劉藻須臾力經理若稍存五日京兆之見以致貽誤事機必更重治其罪專議革職留滇効力三月巡撫常鈞奏劉藻自刎氣息僅存

諭曰此事寔屬大奇劉藻辦理莽匪一案種種錯謬不可勝舉朕因其本係書生不嫻軍

旅所以加恩保全者倍至始而調補總督繼
而降爲巡撫及至審理何瓊詔一案以失律
脫逃之人反以冒昧輕進定罪乖舛已極且
進兵忽調忽撤全無紀律始降旨革職留于
軍營効力以示懲儆然所辦亦止于此並未
有將伊治罪之意前後所降諭旨中外其所
聞知原不屑以軍務大事于伊過爲吹求劉
藻自當倍加感激于楊應踞未到之先督率
將弁益加奮勉以期軍務速竣方不百勝始

終矜全恩意乃正當進兵決勝之際竟無端
忽尔自戕寔出情理之外劉藻身任封疆現
在統兵進剿逆匪所屬將弁俱視其指揮乃
無故輕生軍行要務將欲委之于誰若非朕
豫令楊應璫前往接辦則軍務兵弁竟無統
屬或因而軍心惶懼偶失機宜豈不貽誤國
家大事劉藻既統官兵卽與主將無異如前
者兆惠明瑞于喀喇烏蘇被圍時勢懸呼吸
若伊等彼時畧無主見畏葸捐軀則全軍將

不可問又安望其成大功乎設使劉藻因調度未協軍行或有失利遂致抱慚畢命情尙可恕現在猛籠等處俱已克復猛獸混諸路亦俱攻破正宜乘勝勦滅賊巢之時有何窘迫竟至於此無論屢次降旨傳諭並未有加伊重譴之語卽使果欲將伊治罪則國憲所在爲大臣者亦當靜俟成命以伏刑誅又豈可效匹夫之見預辦一死以迓法網劉藻尙係讀書明理之人豈于君臣大義全未講

明道從前朕于劉藻曲從寬典寔係格外矜
全今伊無故自刎罪愆寔由自取不可不加
以嚴懲現據奏劉藻尙未氣絕楊應琚到普
洱時可撥醫速爲調治傷痕平復卽傳旨拏
問將因何自刎之故詳悉嚴訊奏聞明正其
罪當命尋奏劉藻身故

諭曰劉藻前在雲南總督任內辦理莽匪一
案張皇失措種種錯謬繼復畏葸自戕是伊
係已經革職應行治罪之員將來旅櫬回籍

止可知常人歸葬不得聽其家醜顏建立立墓
碑書刻原任總督及歷官事寔是欺誑鄉知着
傳諭山東巡撫崔應階知之三十二年巡撫
鄂寧奏言緬甸本奔瑞體之後乾隆十八年
木梳頭目囊籍牙逐其酋葬打喇而自立夷
人遂呼緬甸爲木梳或呼緬子或呼莽子本
非二種

御製緬莽詩有劉藻畏事惡稱兵之句

哈元生列傳

子尙德附

哈元生直隸河間人國行伍授把總累遷直隸黃花路守備康熙五十七年遷建昌路都司六十年因失察私木過閔革職雍正二年三月奉

旨帶領引見發直隸以守備用四月補撫標右營守備七月貴州威寧提兵石禮哈奏帶往貴州隨勦冲家苗三年補威寧鎮標中軍遊擊四年四川烏蒙土知府祿萬鍾擾新隸雲南之東川府其党鎮雄土知府龐慶侯助

逆雲貴總督鄂爾泰檄元生與四川兵協勦
賊據險拒元生冒矢石奮攻克之鄂爾泰上
其功

諭曰哈元生前取冲家苗赫赫有名今烏蒙
所效之力寔出格外具疏時可一一申明若
有副將或叅將缺出當引見題用尋遷雲南
尋霑營叅將六年三月米貼苗陸氏不法鄂
爾泰令元生往勦被險設伏搗其巢陸氏就
擒入月赴阿驢界之阿路媽會勦前助陸氏

叔糧之四川雷波土司楊明義

詔賞銀四千兩遷元江協副將九月兵還
驢人忽謀圍我軍元生率遊擊卜萬年等督
戰兩晝夜賊敗却我軍奪捷赤衣臺鶴羅摠
兵張耀祖馳往援十月元生由小溜筒江搜
斬賊眾阿驢人空寨遁十二月克附逆之拉
金者呢等寨鄂尔泰以

聞且言元生之初赴阿驢也葵日隨官聽用
爲元生報責致滋釁請交部議處

諭曰野奕之性反覆靡常卽哈元生無鞭責
異目之事伊等亦未必帖然安靜但旣因輕
忽致生事端應交部議處朕念不法酋酋悉
經擒獲軍務已竣哈元生效力之處亦多功
過足以相抵著免其處分其應得議叙之處
亦不必議叙七年正月調黎平營副將二月
遷安籠鎮總兵八年十月烏蒙賊復叛鄂爾
泰調兵三路分勦元生由威寧一路疾趨不
數日擊破賊數萬射斃克目黑寡暮來連獨

賊營八十里直抵烏蒙復郡治捷

聞

上深獎其功

賜戴孔雀翎及冠服

賞銀萬兩仍交部優叙九年二月擢雲南提督九月

諭曰雲南提督哈元生之母年八十有六未
遇覃恩得受封典哈元生宣力苗疆懋著勞
績伊母身享大年應加特恩以彰資孝著照

卷二十一
哈元生提督職銜賞給伊祖父母封誥尋調
貴州提督十年七月

諭曰貴州提督哈元生朕另有簡用之處着
馳驛來京陛見並賞給公用銀三千兩製條
衣裝十月至京

召見

特解

御衣以賜

命軍機處行走並令回籍省親十一月貴州

九股苗不法

命回黔督勦十一年二月

諭曰貴州提督哈元生才幹優長實是心任事
伊母年逾八旬訓子有素今聞在籍病故深
爲憫惻着賜祭一壇以示恩眷貴州提督事
務緊要哈元生着在任守制六月奏檢克苗
百餘俘斬甚眾其懾
獲誠者各予安置仍
暫駐兵彈壓

報聞十二年三月恭進新闢苗疆圖志

諭曰古州入萬等處新闢苗疆周圍共三千
里非有圖志無以垂久遠哈元生所奏著交
與巡撫元展成遣官詳查再加考訂務令屬
條十三年古州苗叛擾黃平元生遣兵擊之
提督尹繼善奏調湖廣廣西兵會剿

詔以元生爲揚威將軍統軍進剿而以湖廣
提督董芳爲之副嗣

欽差撫定苗疆大臣張照與元生忤借議分
地分兵劃施秉以上爲上游用滇黔兵隸

生施秉以下爲下游用楚粵兵隸芳元生與
芳遂欲將村莊道路盡劃上下界文移辦論
日久無功元生坐革職拿解來京擬斬乾隆
元年

諭曰哈元生身爲全省提督乃苗人造逆不
能覺察於机先及賊衆肆行又復稽遲于臨
事按律治罪亦復何辭但念伊粗鄙武夫知
識短淺尙非有心貽誤軍机且從前征勦烏
蒙皆經効力今旣革職拿問着從寬免死釋

放尋

賞副將銜赴西路軍營効力三年正月卒于
軍營二月

諭曰哈元生人材壯健歷任苗疆頗有勞績
後因古州一案獲罪被逮來京朕念其前勞
特予寬宥授爲副將前往哈密効力冀其奮
勉尙思錄用今伊已病故寔屬可惜着加總
兵銜令大學士查郎何寬裕料理將伊柩送
回原籍應得卹典該部查例具奏尋

賜祭蓋如例子尙德初隨父至雲南充伍拔
授于搖雍正八年從勦烏蒙賈臘奏捷

特旨以遊擊題補九年補雲南鶴慶鎮標右
營遊擊十三年遷奇兵營叅將率兵赴貴州
勦古州叛苗乾隆元年經畧張廣泗奏言哈
尙德奉檄從征屢著勞績苗人聞風畏懼伊
係哈元生之子因伊父貽悞封疆身獲重譴
屢勉圖功倍加努力

詔擢貴州清江協副將二年調定廣協副將

三年偕大定協副將馬似龍會勦定番州所屬姑盧等寨逆苗平之尋丁父憂回籍五年服闋赴補

諭曰哈尙德熟悉苗疆人亦強幹著以副將職銜前往湖南軍前辦事遇有副將缺出卽以補授六年補湖南辰州副將八年擢湖廣宜昌鎮總兵九年調陝西涼州鎮尋調雲南臨元鎮十三年閏七月調貴州古州鎮卽命赴金州軍營十一月

諭曰哈攀龍治大雄哈尙德三人年力正強
尙屬驍勇可脩驅策特發金川軍營令及時
自効乃伊等到營並未有克獲建功之處所
領兵丁作何布置作何攻取亦未有一摺奏
聞可傳旨詢問令伊等明白回奏十四年五
月傅恒奏尙德攻克右梁山下巴郎平調
報聞會班師尙德赴古州任十月雲貴總督
張允隨疏劾尙德乖張狂悖擾民虐兵奉
旨革職交巡撫愛必達查審嗣審得尙德婪

莊事擬杖流二十二年正月

賞副將銜赴西路軍營効力三月因解送一
隻倒斃過多奉

旨革職枷號責令賠補三十一年回籍三十
八年卒

高天喜列傳

子仁人傑附

高天喜甘肅西寧人由行伍拔把總乾隆二
十一年從征西路軍營有功擢保寧堡守備
二十二年正月隨叅將邁斯漢援副將軍夫

惠子伊犁路遇噶勒雜特賊百餘天喜擊殺之獲其駝馬聞兆惠被圍欲馳救邁斯漢怯不進巴里坤辦事大臣雅爾哈善奏革邁斯漢職

上嘉天喜奮勇効力

命卽代邁斯漢爲叅將十二月遷金塔協副將二十三年三月追擊喀喇沁宰桑恩克圖等于庫隴癸山乘夜擣礮登敗賊衆

諭部優叙五月擢西寧鎮總兵授領隊大臣

十月隨大軍赴葉爾羌勦逆回霍集古將軍
兆惠以賊輜重屯城南取道城東往襲留天
喜督修黑水橋師渡未及半賊突遮天喜聞
兆惠陷陣中亟舍橋衝入鏖戰遂與原任前
鋒統領郭寶原任副都統三格侍衛特通額
俱歿于陣事

聞

諭曰高天喜奮勇殺賊盡瘁捐軀深可憫惻
着照一品大臣例賞給卹典尋

賜祭塋諡果義入祀昭忠祠

恩賞騎都尉又一雲騎尉世職

御製詩惜之曰始由小校出從征優擢奇雄
至搃兵留後修橋恥苟活復前入陣遂捐生
綠旗中止一人真絕域外傳千古名裹血結
纓寧護古詩非獎勇獎忠誠二十四年

諭曰原任搃兵高天喜隨將軍兆惠攻勦逆
回奮勇殺賊捐軀効命已加恩賜恤念其家
本寒微自隸行間以勤勞躋膺擢用雖躋方

鎮歷任未久其妻子之在甘肅者尤宜格外
優卹着總督吳達善于藩庫內賞給銀一千
兩以資養贍仍不時加意照看伊子應行引
見時卽奏明送部俟朕酌加錄用以示獎勞
勸功之典二十五年回部平

命圖形

紫光閣

御製讚曰爪牙之將用不尚資感予特達茲
命何辭百戰百進義弗旋踵怒則面赤是讚

血勇天喜長子仁于乾隆三十三年三月襲世職授藍翎侍衛尋發本省以守備用十二月補涼州鎮標左營守備三十七年引

見請隨征金川

諭曰原任西寧鎮總兵高天喜前在西路軍營奮勉出力臨陣捐軀勤勞可憫伊子守備高仁預保引見奏懇四川軍營効力着交與溫福聽候差遣遇有都司缺出卽行補用尋授安西提標石營都司三十八年隨勦昔嶺

及達札克爾屢敗賊衆會木果木軍營潰仁
赴援戰歿

賜卹如例入昭忠祠子勇忠襲世職候補遊
擊天喜次子人傑由武舉于乾隆三十七年
恩賜一體殿試成武進士授藍翎侍衛四十
一年發本省以都司用四十二年補安遠營
都司四十六年隨勦撒納爾逆回于華林寺
力戰被創四十八年遷陝西提標右營遊擊
四十九年偕總兵蘇林等勦石峯堡逆回復

被創

諭獎其奮勇

賜戴孔雀翎尋遷蘭州城守營叅將五十年
差赴西寧被雷震卒子勇臣膺干摠

唐綏祖列傳

唐綏祖江蘇江都人雍正元年由舉人授河
南封邱縣知縣二年因生員罷考解任審明
開復三年補虞城縣知縣五年遷歸德府知
府六年六月遷山東濟南叅武道九月遷山

東鹽運使七年遷山東按察使十一年三月
詔來諒以對昂京堂用八月授太常寺少卿
十二年三月奏裁犧牲所滿所副一增漢所
副一從之乾隆元年七月疏言學政選拔貢
生率委任教官舊例選拔務在廩生文行兼
優今則附生及三等生員概許入選但取身
家殷實服飾鮮明儀容修偉士論遂有三種
取士之說請

敷選人品端方學問優長不得委任教官以

開奔競部議從之三年四月稽查左翼宗學
六月授廣西按察使六年正月署廣西布政
使十二月奏言官員赴任文憑粵西向例附
便差賫送嗣因各省文冊造報過遲吏部行
令按季專差賫送廣西往返萬里每季兩人
賫送需費數百金無從支給請將繳憑文冊
封入巡撫本箱交在京提塘官親投部科部
議允通行各省七年十一月寔授九年四月
廣西巡撫楊錫綬奏綬祖體虛多疾請酌調

內地

上素悉二人不和

諭錫綬所奏不公七月署任巡撫託庸叅奏
綬祖擅動庫項假公漁利縱屬營私

救革職交託庸審擬具奏時錫綬

陸見來京

上詢知託庸所叅各款綬祖曾稟知巡撫通
融辦理

詔交兩廣總督策楞秉公審理十年策楞覆

奏綬祖向係面有擔當者僚屬多怨忌之上
年託庸署理巡撫來廣西時正直綬祖

陛見赴京乘間媒孽託庸初任封疆遞爲題
忝後知事皆因公又奉

旨改歸督臣承審慮及審虛遂搜羅欵蹟以
實原忝得

旨督公論十一年正月策楞奏所忝擅動庫
項各欵事皆因公歷經詳報督撫並有先行
奏明之案其勒索巧取等欵均屬子虛惟托

屬員代賄人參屬寔應照不謹例章職疏入
報聞先是廣西銅礦二八抽課餘銅官買每
百斤給價六兩八錢綬祖請增價十三兩零
託庸旣劾綬祖因奏改三七抽課餘銅聽商
自售試辦八月不能有濟請仍加二抽課而
官買餘銅價增至十六兩二錢

敕下部議革託庸職詳託庸傳四月授綬祖
山東按察使九月授浙江布政使十二年六
月奏言御史湯聘奏請嚴禁國當米穀竊相

部議允行惟是杭嘉湖民以養蠶爲事官糧
及一切日用皆藉此立辦間遇絲客未至需
用孔亟向與質銀價長贖回另售赴息甚微
倘概禁質當富者尙可待價貧者當新絲初
出正值官糧追呼奸牙短估售則虧本留則
無措是欲禁囤積而牙當反得遂其居奇臣
請除大賈囤積仍定力查禁如有在數十斤
以內照當衣物例分別多寡行息庶尙民兩
便奏入

命告撫臣酌中妥爲之十月浙江巡撫常安
叅綏祖徇私狂悖

諭曰常安叅奏唐綏祖各款尙非贓私狼籍
可比而亟挂彈章一似不可姑容者安知非
常安先聞被劾之信因疑喀爾吉善訪伊劣
蹟必由唐綏祖開送故摺拾傾陷欲使兩敗
俱傷以洩憤耶但旣有此奏不可不詳究唐
綏祖着解任所叅各款及有名人犯交高斌
會同顧琮察審定擬十二月高斌等奏所叅

全虛應開復十三年三月授山東布政使十
月遷江南巡撫十四年四月疏言楚蜀江流
滙于九江府城正當其衝向築護城石礮撥
費修治今北岸陡漲沙洲民請承業陞科但
聽民承業必將築埂修圍江流受其迫束勢
必直趨南岸府城虞有冲齧請將新洲存爲
官洲水盛任其漫流冲復舊泓倘壅聚成洲
卽于北岸挑引河俾江水分流以殺其勢南
岸石礮不致受冲八月奏沔陽州魏蔡二河

中包二十七塊爲內湖外江宜洩要區請於
河口設石閘一因時廢閉聽民興修疏入均
報聞是月調湖北巡撫暫署湖廣總督十六
年正月湖廣總督永興布政使嚴瑞龍先後
以綏祖巧詐營私累商肥彙列欵糾叅得
旨革職交新任總督阿里衮審擬三月阿里
衮以嚴瑞龍罪私叅奏
命河南巡撫鄂容安赴楚會鞠尋奏綏祖並
無得贓分贓惟縱容爐頭私買銅鉛添鑄屬

寔部議革職議上

諭曰永興嚴瑞龍等叅奏唐綬祖摺內有婪
索邱鑑賍銀數至鉅萬一欵情罪最爲重大
乃係此案關鍵今旣審無寔據則嚴瑞龍之
從惡永興駕詞誣捏永興之輕信嚴瑞龍率
入彈章之處按律自應分別反坐摠因唐綬
祖生平居心巧詐器量不能容人嚴瑞龍私
意恐爲其所制而適值永興之易蔽其愚是
以多方聳動成此大案着該撫將旨內情節

海名目傳卷二十一
分別定擬永興嚴瑞龍罪狀奏聞唐綬祖婪
索屬虛失察之罪本輕所有原封家產着查
明給還來京候旨酌量加恩錄用六月授山
西按察使十七年五月奏介休縣屬張蘭鎮
離縣治遠商賈輻輳縣令辦理竭蹶靜樂縣
固鎮戶口衆多民風較淳應請將固鎮舊設
巡檢移駐張蘭所有介休東鄉郝家堡大小
田堡南賈北賈等村撥令就近管轄定爲要
缺揀選調補

命下山西巡撫議尋奏覆應如綬祖議從之
十八年十月授西安布政使十九年九月卒
于官

哈國興列傳

哈國興直隸河間人父攀龍官貴州提督有
傳國興由乾隆十七年武進士授三等待衛
二十年發雲南以遊擊用二十三年補督標
右營遊擊二十八年遷東川營叅將三十一
年緬甸匪自召散等據孟良肆擾國興由大

漢書目錄卷二十一
猛養分勦尋會擊賊于楞木進攻猛卯身督
戰被鎗傷齒及右臂總督楊應琚以

聞

賜戴孔雀翎三十二年正月署騰越營副將
時副將趙宏榜以偏師失利於新街四月因
興率兵抵蠻暮偵新街賊無備馳擊賊望風
遁十一月隨將軍公明瑞克永邦復偕侍衛
莽喀察等擊斬守隘賊六十餘十二月擢楚
姚鎮總兵三十三年五月

陞見

命在乾清門行走

賚銀幣九月還軍營調普洱鎮搗兵十月擢
貴州提督留軍營三十四年四月赴銅壁關
外野人山督造戰艇十二月

諭曰哈國興自進勦緬匪以來甚屬勇往出
力今在老官屯辦理軍營諸事尤爲妥協且
伊于邊務夷情素所熟悉令其整理滇省營
務于地方更覺有益着調補雲南提督並加

太子少保銜以示獎勵三十五年四月

諭來京陛見先是大軍之圍老官屯也緬甸
頭人諾爾塔以其酋情駁命遣人叩軍營乞
降經畧傅恒副將軍伊勒圖阿桂令國興出
見諭遵三事一奉表貢一不敢再犯邊一送
還內地人緬甸誓如約乃請

旨撤兵至是我兵既撤緬甸貢表弗至且留
我持檄往諭之都蘇爾相而諾爾塔復詭言
國興曾許給還木邦猛拱蠻暮三土司六月

國興至京

命不必在乾清門行走

諭曰哈國興昨歲在老官屯于緬匪遣人投誠時自不免存遷就完事之見至諾爾塔所稱哈國興許給土司一節詢之哈國興堅稱並無其語在賊匪一面狡詞固難執以坐哈國興之罪而哈國興所稱並未許其給還處現在無可質對亦難深信其有無伊于綠營粉飾積習未能悛改若仍令回滇辦事于邊

防要務無益但念其屢次領兵打仗頗屬奮
勉尚不至竟予罷斥現在貴州古州鎮總兵
余天佐尚未到任其員缺卽着哈國興降補
以觀後効九月副將軍阿桂奏請冬閒派兵
襲擊緬甸

上念國興在滇年久熟悉邊情

命仍赴雲南軍營三十六年五月

諭曰哈國興之弟國泰現任雲南千總着加
恩令其來京以巡捕三營千總用俾得就近

養親尋調國興雲南臨元鎮總兵三十七年
五月

諭曰哈國興在滇現無緊要事件此時官兵
進討小金川正需大員統率着哈國興馳赴
溫福軍營六月授西安提督轄陝甘從征兵
尋

命偕總兵董天弼由曾頭溝一路徑取底木
達布郎郭宗溫福等奏言國興熟于帶兵請
令別由策卜丹徑取美諾其曾頭溝一路專

奏天弼七月又奏國興由阿喀木雅山溝遠
出瑪爾迪克山寨詳察形勢以策卜丹林深
徑狹不便取道臣等已令率兵二千往助海
蘭察攻瑪爾迪克

詔可會貢噶山左有賊于餘謀劫糧國興等
馳往擊賊敗匿甫旋瑪爾迪克林內賊突出
復擊敗之

論獎其歷練戎行隨機救應賞荷包四八月
設伏于貢噶山梁斬賊百餘並搜箐奪其礮

卡九月賊叩國興營請降且獻鄂克什地國
興飭令將南北兩山美美卡木蘭垣及瑪爾
迪克並獻出始許其降越日賊果進撤各柵
國興以兵入鄂克什舊寨賊退守路頂宗十
月金川逆酋索諾木稟送前隨叅將薛琮進
勦被留之外委臧儒等至國興營且言勸僧
格桑出降溫福以

聞

諭曰索諾木所投哈國興稟帖尙欲貌托恭

順陰違奸狡不宜竟付之不答竟當作哈國
興之意給與回檄諭以索諾木與僧格桑狼
狽爲奸拒守要隘抗拒官兵迹已顯著何得
佯爲恭順與圖朦惑况墨壘溝未出官兵甚
多豈容以一外委遂謂送入官人妄思寬宥
大兵聳罪致討必須先擒僧格桑次擒索諾
木以申國憲而靖邊庭僧格桑卽逃至金川
自可尅日就擒無藉索諾木之獻出且索諾
木卽爲法所必誅又何能代人施此詭譎本

提督奉命隨征惟知奮勇殺賊力縛凶渠斷
不能爲賊証言所惑俾賊酋知狡惡罪狀不
能掩飾尋

諭將薛琮等前在甲尔木山梁仆礮被金川
截斷後路各罪增入檄文時國興同海蘭察
等以兵五千駐貢噶山謀攻策卜丹因冰雪
未進

命撤還路頂宗協勒路頂宗山麓有巨溝溝
之源爲南山於是海蘭察繞出山後侍衛額

森特由小路徑接應而國興直越溝攻碉大
軍繼進遂克路頂宗及喀木色尔寨先後破
卡五十餘座碉三百餘間俘獲甚眾

諭獎國興等奮勉出力下部議叙十一月由
喀木色尔北山攻穆拉斯郭太寨進據兜烏
山巔與總兵馬彪合兵進奪附近碉卡尋克
額尔莽木柵又率兵于渡河由南山鄂尔濟
仰攻奪各寨隨大軍進勦明郭宗別以兵襲
擊公雅山克之復克木尔古嚕賊寨並奪據

嘉慶山莊下部議叙十二月廷議于平定小
金川後分兵三路討金川

諭曰哈國興雖係綠營漢員于領兵進勦之
事曾經練習且原在乾清門侍衛上行走與
滿洲大臣無異副將軍豐昇額一路卽着哈
國興爲叅贊大臣將來或止須兩路則豐昇
額哈國興等卽隨將軍溫福軍營以脩臨時
分兵之用是月隨大軍克明郭崇茨其念經
接整兵進取日果爾烏谷山麓直壓美諾城

集

諭部優叙又

諭曰哈國興之子哈文虎兵部帶領引見現
已加恩用爲守備發往四川可傳諭哈國興
令其益加感奮國興尋隨大軍攻克布郎郭
宗僧格桑遁金川我軍直抵底木達僧格桑
之父策旺出降小金川底定國興病卒
諭曰哈國興自前歲征勦緬匪以來頗屬勇
壯上年調遣四川西路軍管擢任提督

攻勦疊著勞績是以加恩授爲叅贊大臣並將伊子用爲守備現在小金川蕩平正值進勦金川需人之際倚任方殷遽聞溘逝深爲軫惜着賞銀一千兩存卹其家並加贈太子太保以示憫勞飾終至意應得卹典該部仍察例具奏尋

賜祭葬如例諡壯武入祀昭忠祠

命圖形

紫光閣

御製贊曰中土回人性多拳勇哈其大族每
出將種向畧趙拉屢舉險要中道病殂成功
未告子文虎由父廕

恩授守脩赴四川軍營補陝西提標右營守
脩三十八年木果木陣亡入祀昭忠祠
恩賜其弟文彪爲子繼

漢名臣傳卷二十七終

漢名臣傳卷二十八

岳鍾琪 岳鍾璜 豆斌 錢維城

紀龍 汪由敦

岳鍾琪列傳 子澹附

岳鍾琪四川成都人父昇龍官四川提督諡
敏肅有傳康熙五十年鍾琪由捐納同知陞
武職奉

旨以四川遊擊用補松潘鎮中軍遊擊五十
七年遷直隸固關叅將未任擢四川永寧協

副將五十八年導噶爾擾西藏都統法喇督
兵出打箭爐招撫裏塘巴塘番眾以通藏路
鍾瑛奉檄前驅至裏塘達瓦喇木扎木巴第
巴塞卜騰阿住不受撫誅之巴塘喀木布第
巴俱獻戶籍乍了察木多察哇番人切乞降
五十九年隨定西將軍噶爾弼由拉里進藏
準噶爾敗遁六十年二月師還議敘功加十
等授左都督五月擢四川提督閏六月
賜戴孔雀翎十月

命勦郭羅克逆番鍾琪以郭羅京隘口三宜
步不宜騎若調內地兵多賊聞得爲備不若
以番攻番與總督年羹堯議檄附近郭羅克
之雜谷等土兵率往勦至則擊敗伏賊千餘
連破下郭羅克二十一寨中郭羅克十九寨
於首惡酸塔榜素布六戈乘勝攻上郭羅克
押六等寨首惡假種亦就於餘衆悉降

上嘉其功下部議敘予騎都尉世職六十一
年平羊峒番于其地設南坪營雍正元年青

海羅卜藏丹津叛鍾琪率松潘及土司兵防
剿撫遠大將軍年羹堯奏授鍾琪叅贊大臣
由德貫堡分勦上寺東策卜下寺東策卜賊
裔之助逆者會南川口外郭密九部乘間肆
掠而呈庫和爾嘉尤橫移師擣其巢盡平之
二年正月授奮威將軍進征青海時西寧東
北郭隆守喇嘛通賊勦之燬其寺二月大軍
出邊羅卜藏丹津黨阿喇卜坦溫布等鼠伊
克喀爾吉追於之遂由布爾合屯逼額穆納

布隆吉爾賊巢三月抵柴達木羅卜藏丹津
以二百餘人遁追至烏蘭白克擒其母並首
惡吹喇克諾木齊札什敦多卜等以歸青海
平

諭曰岳鍾琪奮勇殺賊於十五日內卽能將
逆賊勦滅平定殊爲可嘉着授爲三等公尋
賜黃帶先是莊浪謝勒蘇番據卓子山碁子
山作亂西寧納朱公寺朝天堂加爾多寺諸
番應之四月鍾琪率諸將由西寧分十一路

進勦凡五十餘日賊番悉平得

旨嘉獎六月兼甘肅提督三年二月兼甘肅
巡撫四月署川陝總督疏言河州松潘向爲
青海蒙古互市所年羹堯奏移那喇薩喇地
方查青海王察罕丹津等部落居黃河東踞
河州松潘近請仍于二處互市郡王額爾德
尼額爾克托克托鼐等部落居黃河西踞西
寧近請移互市于西寧口外丹噶爾寺再蒙
古生業全資姓畜請六月後聽不時交易

土元之初四川雜谷金川沃日等土司爭界
年美堯以舊屬金川之美同諸寨割歸沃日
致讐殺不已至是鍾琪奉

命秉公詳勘美同諸寨仍歸金川而以龍堡
三歌地歸沃日各土司悅服

詔獎其寧番息事辦理有方七月寔授贛陝
總督八月疏言各省土司承襲例由地方文
武官申督撫具題往往勒索陋規封其印信
至數年不能管事致番目專恣釀成讐殺請

嚴立定限應襲時取具宗圖冊結隣封甘結
并原號紙限半年內具題承襲未經其題之
先卽令應襲者署理地方官不得勒封印信
至土司嫡長子孫承襲外支族中有循謹能
辦者許本土官詳督撫請

旨酌給職銜下本土官各二等分管地方視
本土官多則三之一少五之一庶勢相維而
情亦相安下部議行九月奏請
陛見

九之尋加兵部尙書銜十一月疏言打箭爐外裏塘巴乍了察木多雲南之中甸及察木多以外魯隆宗察哇坐尔剛桑噶吹宗亥單諸部落舊非西歲達賴喇嘛所轄但距打箭爐遠甚遙制不便請

宣諭達賴喇嘛給令管理其中甸裏塘巴塘及得尔格特瓦舒霍耳等處並歸內地土司轄又言巴塘舊隸四川中甸舊隸雲南而巴塘所屬之木咱尔那宗拉普維西等處偏近

中甸總會于阿墩子寔中甸門戶請收隸雲南與四川之裏塘打箭爐爲犄角王大臣議均如所請十二月疏請移四川松茂道駐茂州四年三月請選西安八旗兵千駐潼關撫民同知敗理事同知又請延安所屬州縣丁銀概從下則以二錢爲率歲減舊額銀萬二千八百有奇九月請移四川重慶府同知駐黔江裁酉陽司經歷其雅州夫泉二經歷爐州九姓司吏目改州司以督彈壓十二月又

請將陝甘兩省丁銀難入地畝征收以雍正
五年爲始着爲定例其由衛改縣未經載丁
及原有丁銀者按其額賦均載丁銀至陸續
開墾及新開渠閘屯墾之處亦照此糧額一
例增載再川省多係以糧載丁間有以人載
丁之處應改畫一俱下部議行時四川烏蒙
土知府祿萬鐘擾新隸雲南之東川府其党
鎮雄土知府隴慶侯助逆而隸連昌之冕山
涼山諸苗爲之羽翼鍾琪遵

旨與雲南總督鄂爾泰會勦五年正月擒萬
鍾慶侯降烏蒙鎮雄改土歸流蜀山涼山亦
以次底定

諭獎鍾琪調度有方下部議叙八月議覆四
川永寧副將張瑛條奏可行者四事一修築
松潘鎮城堡一遷雲南東川府之會理州賈
州威寧府之永寧縣土目于內地令其民遵
漢俗一改永寧縣歸四川轄一設東川義學
又奏稱于西寧北川目外之大道川白塔川

及策小圖設鎮營駐守量增官兵三千六百
部議均從之時成都有謠言鍾琪以川陝兵
馬謀反者鍾琪疏

聞

論曰數年以來在朕前讒譖岳鍾琪者甚多
不但謗書一篋而已甚至有謂岳鍾琪係岳
飛後裔意欲修宋金之報復者其荒唐悖謬
至于此極岳鍾琪懋著功勳朕故任以西陲
要地付以川陝重兵而檢險奸邪之徒造作

海峽日報 卷二十六
蜚言煽惑人心譏毀大臣其罪可勝誅乎此
成都造言之人斷非出于無忌着交與黃烟
黃廷桂會同嚴審此事關係誣謗國家大臣
重案非民間誣告比也至於川陝兵民向來
淳良忠厚且受

聖祖仁皇帝六十餘年深仁厚澤淪肌浹髓
朕卽位以來又屢加恩澤伊等至誠感激西
省數年用兵軍民人人踴躍急公其尊君親
上之習寔眾所共知共聞者今奸民乃云欲

從岳鍾琪謀反是不但誣岳鍾琪一人而並
誣川陝兵民以叛逆之罪矣黃炳等務將寔
情審明具奏十月審係湖廣奸民盧宗寄居
四川因贖田私事希准狀播造浮言並無主
使之人論斬如律六年二月疏陳建昌苗疆
善後事宜一建昌土司惟河東河西宣慰二
司寧番安撫司地最廣而河東半近涼山半
近內地涼山仍歸長官司其近內地者改隸
流官至河西寧番近內地悉改歸流其阿都

宣撫司阿史安撫司及紐結歪溪等土千百
戶共五十六處俱改流近衛者改歸衛轄並
擇苗番老成殷寔者爲鄉約保長令約束一
裁建昌通判改置府設知府經歷建昌衛及
左中前三所禮州守禦所改置一縣寧番塩
井二衛改置二縣各設知縣典史會川衛併
入會理州移會川營于撓分防州屬之會理
苦竹者保三寨均隸新設府轄一建昌爲邊
疆重地請于越嵩所屬之栢香坪增守備王

把總各一冕山貼近乾縣增遊擊守備各一
于總二把總四移冕山營守備駐寧番衛城
寧越營守備改都司增千總一鹽井衛城遊
擊一千總二把總一其原設守備移駐河西
會用所屬之披砂建昌增遊擊守備各一千
總二把總四再撥建昌鎮標中軍守備移駐
建昌東之木托建昌鎮右營遊擊移駐建昌
西北之熱水協同該地方原設弁兵防守一
苗民頑蠢地方文武官如勒索科派計贓治

罪上司失察議處一各衛所漢苗雜處田土
交錯多欺隱相訐地方官于農隙履畝親勘
俾各守業一漢民每以苗裸爲奴婢地方官
查明發還酌價追贖違者治罪一漢番交界
每月三交易官選兵役稽查不許漢民短價
滋事及兵役藉端勒指其私入夷穴別有勾
結者罪之一苗民向化卽與齊民無異該管
流官一體編入保甲稽查一嚴禁漢民誘取
苗民什物及凶盜將漢民擄一苗民散處

該管官編戶冊清住址有事犯者卽于該地方追究一嚴禁苗獍帶刀出入及私藏鳥鎗違禁之物一苗民處密箐易逃遇地方失事汛官帶兵巡捕地方官差役嚴拿併移會隣汛協追務獲徇屯疎縱及牽累良苗者分別議處疏下部議如所請定建昌新設府曰寧遠縣曰西昌寧番新設縣曰冕寧鹽井新設縣曰塩源九月奏言川西因岷州兩土司朋比爲奸番民不安請改歸流十月又言陝甘

二屬丁銀偏累向題准攤入地畝征收但甘
屬河東糧輕而丁多河西糧多而丁少若將
河東丁銀攤入河西是兩田糧輕者益輕重
者益重請將二屬各自均派河東則丁隨糧
辦河西則糧照丁攤較為便民十一月請陞
四川夔州府屬之達州爲直隸州轄東鄉太
平二縣又請陞陝西鞏昌府屬之秦階二縣
爲直隸州以清水秦安兩當禮縣及新改之
徽縣隸秦州文武二縣隸階州七年三月請

陞肅州爲直隸州轄高臺縣又請于陝西子
午谷隘口增防守官兵四川裏塘巴塘等處
設宣撫司安撫司長官司副土官于戶百戶
等官照流官例題補俱議行尋奏遣兵平西
川不法之雷波士司揚明義尋得

旨嘉獎下部議叙有逆犯曾靜者湖南靖州
主員因考劣等憤鬱謀叛潛遣其徒張熙詭
名投書于鍾琪勸以同謀舉事鍾琪拘熙託
主使者堅不吐乃誘置密室中許迎聘其師

伴與設誓得靜逆狀具以

聞

上獎鍾琪忠赤

命侍郎杭奕祿等至湖南會鞠得靜與呂留良之徒嚴鴻達往來妄生異心並得留良日記悖逆狀王大臣等合詞請坐靜熙大逆律詔寬宥其罪

命杭奕祿帶請由江寧蘇州至杭州遣人送至湖南巡撫衙門聽其他往至十三年九月

今上御極以靜罪不滅留夏與黑均解京伏
誅先是準噶爾台吉噶爾丹策凌匿青海叛
賊羅卜藏丹津且謀擾我藩部喀爾喀至是
上命鍾琪爲西路寧遠大將軍率師與厄路
靖邊大將軍傅爾丹討之加少保鍾琪疏言
噶爾丹策凌三世弗庭百吏被虐天九人怨
眾叛親離我

聖祖至德洪慈再三寬宥

皇上深仁厚澤屢欲矜全終不悛悔若不夫

彰

天討則冠履之分不明番夷之禍不息臣仰承

廟謨至周極備約舉

王師之上勝決逆酋之必敗一日

主德二曰天時三曰地利四曰人和五日糗
糧之廣備六曰將士之精良七月車騎營陣
之盡善八曰火器器械之銳利九曰連環迭
戰攻守咸宜十日士馬遠征節制整暇臣得

奔走行間并見長驅直入指日獻俘奏凱
報聞八年五月噶爾丹策凌表獻羅卜藏丹
津既而不至

諭鍾琪來京籌辦軍務十月奏改陝西榆林
所爲府設知府及照磨并設榆林靖邊定邊
懷遠四縣隸之各設知縣典史悉汰舊同知
巡檢等官從之是月準噶爾乘我西路不備
犯科舍圖汎盜斃馬提兵剋廷寺擊敗之奪
所盜還

命鍾琪還軍營九年二月奏軍机事宜十六
條

諭曰岳鍾琪所奏朕詳細披覽竟無一可休
岳鍾琪以輕言長驅直入之說又爲賊夷盜
趕駝馬旣恥且憤必欲襲擊進勦勉強踐復
前說甚未妥核着將朕旨傳諭之六月
上又以鍾琪前遣兵赴吐魯番運糧米並未
具奏致進噶爾劫糧屢擾吐魯番鍾琪乃請
往援奉

自訓飭七月率噶爾傾眾犯北路傅爾丹
之于和通呼爾哈諾爾失利鍾琪請督兵襲
擊烏魯木齊分賊勢

上報可鍾琪尋由巴里坤越木壘渡阿察面
抵額爾穆克河分三路擊賊奪取捷山梁斬
殺甚眾烏魯木齊附近賊悉遠徙遵
旨振旅還營

諭曰岳鍾琪此次領兵襲擊賊眾進退遲速
俱合机宜甚屬可嘉著交部議叙十年正月

奏言臣去年擊賊至木壘見其地勢險要且可屯種請卽彼築城駐兵二萬截賊來路得自定議舉行二月賊眾三千逼哈密鍾琪遣總兵曹勦等擊敗之于二堡又遣將軍石雲倬等赴南山口梯泉等處截其歸路而雲倬兵遲發一日賊遂由塔呼納呼路竄鍾琪劾之

諭曰此次賊夷狂肆稽古深入重地自投羅網乃坐失機會不但不能屠勦且使賊入由

垣途而遁其領兵之石雲倬已降旨治罪至
岳鍾琪素諳軍旅緣懷游移之見致乖戰守
之宜前車之鑒非止一端嗣後當深悟前非
痛自省惕以觀後效尋大學士鄂爾泰等劾
鍾琪身為大將軍專制邊疆賊夷以五六千
人由烏克克嶺入卡倫犯哈密鍾琪茫然不
知致賊刼牲畜復從塔呼納呼殺騎還歸智
不能料敵于平時勇不能殲敵于臨事玩忽
縱賊應議處得

自削公爵及少保降世爵爲三等侯仍留摠
督銜護大將軍印戴罪立功七月大軍由巴
里坤移駐木壘

上因鍾琪辦理軍務未協

召還京以副將軍張廣泗護大將軍印廣四
尋劾鍾琪調度乖方各款且言準噶爾賊專
資馬力我兵制敵必須馬步兼用而岳鍾琪
立意用車自巴里坤至木壘沿途溝塹崎嶇
將繞沙磧用車甚不相宜且木壘四面受敵

牧厰運道在在可虞必不可驛大兵

詔遠撤軍回巴里坤十月

諭曰岳鍾琪受朕深恩重加任用西陲討賊之舉伊亦身任不辭是以用爲西路大將軍乃伊秉性粗疏辦事怠忽且賞罰不公號令不一不恤士卒不納善言傲慢不恭剛愎自用以致防禦追擊屢失機宜士氣不振而陳奏者又皆虛假詐僞爲怙過飾非之計誤國負息罪難悉數著革職交兵部拘禁候議十

二年大學士等覆訊擬斬決得

旨改斬監侯乾隆二年

上諭曰岳鍾琪貽誤軍机罪無可宥

皇考念其曾經効力是以未將伊正法朕体
聖心不忍令久繫囹圄著釋放令其自愧十
三年三月大軍勦金川逆酋莎羅莽

諭曰岳鍾琪久官西蜀素爲川省所服且夙
姻軍旅孰諳蕃情仍雖獲罪西陲亦緣軍情
爾夷情非所深悉若任以金川之事自屬人

地相宜伊三世受國厚恩自必竭力報稱以
蓋前愆着調至軍管以總兵銜委用未幾授
四川提督五月鍾琪由党坝一路進勦

賞戴孔雀翎閏七月

上以經畧訥親總督張廣泗督勦久無功而
鍾琪與原任將軍傅爾丹均老成宿將起于
廢弁之中親在行間未聞發一謀出一策傳
旨詢問八月鍾琪疏劾廣泗言党坝一路爲
逆酋門戶調卡嚴密漢土官兵名爲一萬除

守營放卡及分防糧站寔止七千餘而土兵
多無用漢兵不敷分布臣咨商張廣泗增兵
三千廣泗以業經分派十路無兵可撥不肯
給又廣泗專主由昔嶺卡撤進攻之策此二
處中隔噶拉依距賊巢尚百餘里党項至勒
烏圍僅五六十里若先破康八達即可擣巢
濟事較速商之廣泗則云不便更易而廣泗
反信用新降土舍良尔吉及漢奸王秋等恐
生他变會訥親亦訐廣泗糜餉老師各款

詔治廣泗罪尋

命大學士傅恒代訥親爲經畧九月鍾琪疏
請卡撒昔嶺進勦別選精兵三萬五千以一
萬由覺垣及沂河水陸並進以一萬由甲索
攻奪馬牙岡乃當兩溝與覺垣兵合直攻勒
烏圍仍于卡撒留兵八千堵禦侯克勒烏圍
後前後夾攻噶拉依再于覺垣留兵三千護
糧正地留兵一千防沂餘四千隨機接應一
年之內沙羅莽暨其姪卽卡必就擒臣年雖

老請肩斯任

詔以所奏交傳恒酌行是月鍾琪由党垣攻
康入達山梁大敗賊衆十二月復連敗之于
塔高山梁

諭獎之鍾琪初爲川陝總督時勘金川等界
事甚公且奏給莎羅莽印信號紙莎羅莽甚
德之十四年正月經畧傳恒抵軍營卽召良
爾吉至帳下誅之下令尅期進勦莎羅莽懼
遺心腹人至鍾琪軍乞降鍾琪請于傳恒輕

騎入勒烏圍賊巢諭順逆大義莎羅莽及
卡隨赴卡撒大營泥首歸命傳恒以

聞

詔班師

諭曰提督岳鍾琪能承經畧大學士忠勇公
傳恒指示開誠布信直造賊巢用使番酋弭
耳惕息厥角恐後成勞懋著功在諸將右著
加太子少保仍交部議叙二月鍾琪疏言莎
羅莽郎卡悔罪輸誠蒙

皇上天恩網開三面貸以不死自茲畏威懷
德必能安靜但防範不可不預查近金川之
土司除襍名地廣人眾緯斯帛布本屬姻親
其章什咱巴底巴匪小金川沃日等處勢孤
力單從前金川常懷兼并之心恐日久別生
事端請于卡撒兵糧尺撤後暫駐小金川諭
谷土司聯絡和好以杜窺伺
上是其言三月

諭曰金川平定邊徼枚寧大學士忠勇公傳

恒凱旋奉番酋歸順全仗天威至歷練戎行
信孚蠻部深入賊巢胆勇雄決則岳鍾琪洵
爲克副委用此固出于傳恒之推能議美然
岳鍾琪之奮往在事實屬可嘉前已降旨晉
階太子少保交部優叙伊前于青海奏捷曾
封公爵茲復樹績蠻方收柔榆之効着再加
特恩授兵部尙書銜於本身封爲三等公以
昭錄功懋賞之典俾宣力疆場者知所勸焉
十月

陸見

命紫禁城內騎馬免西征應賠銀七十餘萬
兩子泐涉俱授藍翎侍衛
賜公號曰威信

御製七言詩賜之曰劍佩歸來鬢錄翁番象
單騎志何雄功成淮蔡無慙李翼脊渾池不
獨馮早建奇勳能鼓勇重頒上爵特褒忠西
南保障資猷略前席敷陳每日中尋
命還四川提督任十五年西藏珠尔默特那

木扎勒作亂掠督策楞赴藏鍾琪駐打箭爐
就近彈壓藏地旋定十七年雜谷土司蒼旺
構逆鍾琪同策楞以兵奪維閉直抵賊巢擒
蒼旺誅之分其地歸松岡土司轄下部議叙
加三級十九年重慶奸民陳琨等滋事鍾琪
力疾親往督緝還卒于資州
賜祭墓如例諡襄勤二十年
諭曰原任四川提督岳鍾琪于
皇考時宜力西疆勞績頗著卽如逆犯曾靜

遣張熙投遞逆書一事岳鍾琪與之設誓誘令供出寔在姓名卽行奏居心甚爲誠寔其在西路軍營時驕縱狂妄于辦理軍務亦多錯謾然核其功罪自不相掩至金川之役用爲提督雖彼時番酋有效順之意而岳鍾琪能直入番巢住宿朔寒時以順逆示以不疑亦其忠信素著所致是以加恩特于本身授爲威信公爵今伊已身故雖公爵不應世襲而其子孫竟無一世職朕甚憫焉岳鍾琪

賞給一等輕車都尉令其子孫世襲用替以
示朕追念舊勲之至意尋以鍾琪少子瀚襲
四十四年

御製懷舊詩列入五功臣中

詩曰

三朝師武臣鍾琪爲巨擘車騎伐淮夷是其
美之失設誓誘張熙忠誠天鑒赤家居十餘
年命董金川役卑騎入賊砦大義示順逆勇
而且有謀毒番誓辟易受降遂凱旋寔亦資

宣力所見綠營多鮮克踵其迹卓有古將風
書勲太常冊子五人濟泃滄瀋長子濬初
由廕生授西安同知以父在川陝招督迴避
以科道用尋授口北道雍正五年擢山東布
政使六年調山西未幾

命署山東巡撫七年四月鍾琪勦準噶爾
詔濬送至肅州再回原任七月疏請增設兗
州督補同知從之八年鍾琪

陞見

命濟來京就首尋疏請將兗州莒州沂州二十一州縣一衛一所設分巡道管轄十二年疏言德州衛河回溜頂衝處每雨水驟發直潰東堤請于城北哨馬營濟新河建滾水坝一兩岸各築冠堤酌開涵洞宣洩部議加所請乾隆元年六月疏言堯陵寔在濮州城東南六十里古雷澤之東穀林莊明代設建于東平應改建以爲祭告行禮之所仍于陵前設堯母靈臺祠配以堯妃中山夫人其東平

慶仍令有司時祭從之八月

命勸鄒城蘭山等處水冲地千三百六十頃
有司應征地丁麥米得

旨全行豁免又請于登州成山汎養魚池增
設水師守備十月又請以棗州舊設沂沿海
贛同知改隸沂州府沂州舊設益捕通判移
駐蘭山縣之向城向城巡檢移駐蘭山之青
駝寺下部議行十一月調江西巡撫二年請
給南昌府屬浮糧三萬七千餘兩

允之三年奏言豐城濱大江當吉南贛袁臨
五水之衝惟藉一堤捍禦向派民修築官爲
經理並無保固之例隨修隨傾難資捍禦請
勘項興修又江關爲商旅通津商船夏秋上
稅俱泊于龍開河冬春泊大江北岸難免風
濤請深濬河關河口以爲停泊之所得

旨如所請五年七月御史朱績暉奏請行社
倉法

敕各省督撫酌議濬疏陳十條一每年冬季

保正造烟戶清冊送地方官驗給門牌懸掛
賑借核筭易清經管之正副社長毋庸更設
隊長鄉官各日支收報明州縣計口給發一
逐年支收社長在其事州縣官稽查毋干預
出納一取具領狀保結責成社長認識借給
毋庸設立隊長大保名色一借米出入照部
頒斗斛一江省年每借四省六卽朱子存一
開二遺意或歉歲全借散賑隨時酌辦一江
有現儲社穀十五萬餘石不必動借常平官

米其社穀每石收息一斗歉歲免息許次年
交倉一收穀不論里都隨到隨收一捐貯社
穀年終取具動存各數清冊送部查核一烟
戶門牌俱將戶口生理產業逐一註明一社
長缺出令地方鄉約公舉報官覈補一設立
社簿二一存社長一繳縣鎖鑰歸正副社長
分管

詔如所議行十一月署兩江總督楊超曾劾
濬與知府董文煒劉永錫朋比作奸徇情納

命侍郎阿里袤同江南河道總督高斌往鞫
得寔得

旨革濬職從寬免罪餘論如律六年授光祿
寺卿八年六月補福建按察司七月丁母憂
朋闕補廣東按察司十一年九月遷湖南布
政使十二月調山東十二年擢廣東巡撫十
三年疏言提塘發鈔命盜重案部咨未行跡
報先至不足以昭慎重請嗣後緊要科鈔俟

交部十日後發鈔發報下部議行十五年正月調雲南巡撫七月兩廣總督陳大受疏叅廣東糧道明福婪贓前任巡撫岳濬並未糾叅且列入許典卓荐又購辦楠木修築海陽堤工二案一任屬員樊混

諭曰岳濬受朕深恩屢由廢員擢用伊父現蒙格外殊恩岳濬理宜感激圖報乃一味優柔姑息以取悅屬員且于明福之婪取多贓曲意贍狗吉木堤工二案並不留心查辦深

負朕恩著來京候旨十八年四月授鴻臚寺少卿五月轉通政使叅議十月卒十九年鍾瑛奏言臣子濬巡撫任內未完庫項八千八百餘兩交抵外請將臣公俸按年扣還

諭曰此項未完銀兩原係岳濬名下應追之款若使岳濬尙在自應按數追完今伊子物故岳鍾琪尙屬舊人從前曾經出力著將岳濬未完銀四千九百餘兩加恩免其追繳次子湘三子澆均官監翎侍衛四子淳官戶部

主事五子解襲一等輕車都尉

岳鍾璜列傳

岳鍾璜四川成都人父超龍由行伍授把總累遷陝西西寧鎮遊擊雍正元年署河州副將二年河州口外鋤布等寨番肆劫超龍勦撫有功寔授河州副將四年以兄子鍾琪任川陝總督迴避調張家口副將六年遷天津鎮總兵尋擢湖廣提督十年卒鍾璜子雍正七年以鍾琪奏赴西路軍營効力八年授藍

翎侍衛

命在乾清門行走十三年十二月授鑾儀衛
治儀正仍兼侍衛

賜戴孔雀翎乾隆元年擢四川威茂營叅將
尋調成都城守營五年遷永寧協副將八年
擢福建寧鎮總兵九年丁母憂服闋補江
西南贛鎮總兵十三年調雲南開化鎮十四
年調昭通鎮十六年懼廣西提督十九年三
月調四川提督八月疏言松潘鎮臣出口化

番三年一次番性多猜各部落不相往來今
因化導調集先期守候彼此互防甚非所願
且見小貪利道遠者實實不敷所費往往託
病不來惟附近土司貪領犒賞誠屬有名無
實又從往弁兵口糧自備未免苦累請停止
以節勞費

上聽其言如所請二十年請裁普安營兵百
五十千總一並裁安阜營兵五十移把總于
阜和營得

通志卷二十一
言允行時打箭爐外扎撒麻書兩土司因爭
喇嘛構覺金川及綽斯甲布坦麻書韋布什
咱及德爾格忒袒孔撒互讐殺鍾璜同總督
黃廷桂奏委都司宋元俊等往諭

恩威令各罷兵歸巢二十三年四月同總督
開泰奏報金川土舍郎卡與韋布什咱土司
色楞敦多卜聯姻失睦潛誘韋布什咱屬附
已而突以兵逐色楞敦多卜於吉地官寨圍
之並及其妻弟小金川土司之子僧格桑小

金川兵至借格桑潰圍出色楞敦多卜亦奔
泰寧求援現飭韋布什咱同盟各土司助色
楞敦多卜一面調雜谷土練五百同梭磨等
土兵駐丹坝又土練五百同明正木坪等土
兵駐章谷泰寧並調黎雅邊各協營兵二
百赴打箭爐彈壓一面嚴諭耶卡罷兵

諭曰向來番苗自相攻擊原可不繩以內地
官法此次金川與韋布什咱與兵構怨不過
因結親起釁情形本與畚耨無殊惟所奏分

撥土練彈壓打箭爐等處一節未甚明晰該地係通藏之路如止穴中自相劫掠于打箭爐有何干涉但開泰岳鍾漢素非好事之人其所陳奏慮其偏于息事斷不致過于張皇果使該酋之意不專在韋布什咱將爲邊隅滋擾伊等別有訪聞踪跡必須徹底辦理處是遠奏候朕另行降旨五月奏郎卡揚言欲攻巴旺小金川及明正又屢稟地方官以伊女先嫁韋布什咱則韋布什咱之地應歸伊

女掌管意圖佔據查韋布什咱界連明正土
司若爲金川久據不惟巴旺小金川勢頗危
迫卽明正亦須防範番性頑劣旣非言語所
能速化而伊等互閉又未便據用內地兵力
惟有駕馭各土司令以番攻番現經明正緯
斯甲布巴旺等土司擊敗郎卡奪還韋布什
咱地

報聞二十四年四月奏郎卡屢爲縛斯甲布
小金川丹坦等土司擊敗遣人投稟乞和

諭曰番情狡黠萬不可以憑信轉致事端惟
在該督提等察訪寔情相機辦理一切行所
無事以靜鎮處之聞六月奏言梭磨卓克采
從噶克三土司爲雅州一帶藩籬丹埧地在
西南又爲三土司門戶由丹埧再向西南數
十里係縛斯甲布金川交界該土舍策旺會
攻金川甚出力請給土司印信號紙部議如
所請二十五年六月疏請於定遠合州巴縣
等處請設哨船令塘汛弁兵徃來巡查奸匪

從之二十六年四月奏言金川番民本有限
人戶各土司四面圍攻男丁輪防礮卡婦女
背運口糧迄無休息上年土司莎羅莽又死
郎卡乃其姪孫土舍自知孤弱稟懇息事臣
等思金川與韋布什咱構釁本不過穴中互
聞惟因郎卡狡黠恐其得寸思尺是以不可
不加懲創今各土司圍堵兩載餘郎卡既不
獲逞吞併之謀而且數屢稟求剖斷若仍令
各土司駐兵攻守既不能克日奏功轉恐日

久生懈現派委員前赴綽斯甲布丹坦金川一帶諭責郎卡罪惡將所佔丹坦界內碉卡拆毀各土兵及土練以次撤還

報聞二十七年二月郎卡請襲土司鍾璜等以綽斯甲布及小金川與郎卡久絕情無庸照例取鄰近甘結

諭曰此奏意在直捷簡便所見亦是然不爲郎卡明白宣諭恐彼不知懷畏轉疑有意遷就一似徇其所請竟不待各處甘結者然或

至潛生驕縱殊非控馭之道著卽曉諭卽卡
謂隣近土司與爾素有嫌隙若因承襲之事
照例取結伊等並不樂從今據爾懇求竟免
其輾轉取結以示嘉惠之意但襲職之後如
或妄思滋事在鄰近諸部斷不能相安而封
疆大臣亦斷不肯爲此稍貸方足令其懾惕
於體制亦爲允協十一月同開素奏報卽卡
突圍丹坦官寨現飭守備溫欽等馳往詰責
查明滋覺緣由酌量剖斷倘支吾觀望意圖

吞併則增調士兵及土練辦理

諭曰此奏未免先事預設調停之見于辦理
機宜未能領會該督等前于乾隆二十三年
奏金川與韋布什咱有結親構釁之事明正
緯斯甲布兩路進攻屢經傳諭不必懲以官
法惟有以番攻番之策或令緯斯甲布小金
川分據其地而彼時開泰岳鍾璜不能懾悉
朕旨未免意存姑息但取解紛了事以致養
成驕縱此時郎卡初襲土司卽已垂涎丹坝

其明驗也殊不知此等狼子野心即使目前
詰責認罪又安能保其永遠受約安靜乎土
司內如韋布什咱丹坦等類其力之強弱雖
殊然皆可借此以爲郎卡之敵如果其挾讐
攻急竟將郎卡勦滅豈非策之最深者着傳
諭開泰等斷不可有先事部署官兵協力欲
助之計致涉張皇所有鄰近土兵旣集或卽
協力勦除分有其地正可聽其各自爲計番
境轉可相安倘各土司不能僭力勦除而郎

卡仍怙惡不悛有必須另行辦理者則亦非該督提等以川省綠營官兵所能任其事開泰等臨時據寔奏聞候朕酌辦此時只須靜以聽之不可調派紛紜徒擾番人觀聽也二十八年七月奏督勵綽斯甲布勒布什咱小垣梭磨卓克來從噶克鄂克什九土司會攻金川狀

諭控制大體當光明正大經理得宜毋事謂停遷就三十年二月同總督阿爾泰奏郎卡

乞令九土司撤兵

詔勿許三十一年六月鍾璜來京

陛見

諭曰九土司會攻金川一事相持已將數載
尙未就緒茲詢之岳鍾琪亦未有善策以番
攻番之計似難責效伊等并稱賊酋倘知悔
罪歸還丹項額禡請網開一面施恩寬宥所
奏未得此事要領金川侵擾土司乃番夷互
相讐殺初不敢干犯內地本無庸加以兵威

又何罪之可宥若欲爲解怨息爭之說令其設誓籲恩此不過蹈緣營虛誕惡習以圖掩飾耳目于事仍無寔濟如慮賊酋漸肆跳梁須加懲創則預籌運糧密偵地利然後厚集兵力分路夾攻一舉而殄滅之並非難能之事但用兵究屬無名亦不值一辨至該督等平日遣往宣諭之員文職不過府廳州縣武弁不過叅遊都守欲得通達事體者頗難其人萬一措詞失當轉致悞事機而損國體且

傳述或有粉飾更不得該處寔情就目前大局而論莫若阿尔泰會同岳鍾璜親赴該地傳集九土司詳悉開導諭以金川與尔等構釁殘殺並不敢侵犯邊境本與內地無涉尔九土司情願協力攻勦原係尔等自圖保守報復非中国欲藉尔眾土司之力爲勦滅金川之策設或金川敢作不靖爲征伐之所必及則以爲國家全盛之勢錫諫暴逆不過一舉手之勞其事無難立就卽如準噶尔之強

橫諸回部之驕悍不數年間悉已勦平收其疆土爾等豈不聞知何有于蕞爾金川取之更不啻摧枯拉朽奚藉爾眾土司之助力乎至爾九土司地廣人眾如果齊心奮力聯絡聲勢抵敵亦非難事爾等倘因循觀望致金川得肆鴟張勢必近者先被其並吞而由近及遠漸遭蠶食甚為非計此乃爾等自貽切膚之患於天朝毫無所損且金川果將爾眾土司盡行佔據卽當特突大兵擣平巢穴并

將尔等地方概行收取改土歸流以永靖蠻
服其禍福利害一聽尔等自行決擇毋貽後
悔如此明白申諭則九土司必知猛省確提
督大員親臨該地卽金川未必不深懾服或
可召之使來與九土司同聽約束亦無不可
然此須至彼酌量時勢隨機應變非有定形
所能預爲籌度也現已令岳鍾璜回川着將
此先行傳諭阿尔泰侯岳鍾璜到日會同前
往悉心妥辦九月奏報臣等遵

旨出口傳集九士司面諭禍福利害行次雜
谷腦郎卡遣大頭人當噶尔拉等迎訴上年
遵諭毀所立丹垣界內碉卡本不敢復多事
詎丹垣人又來私放失垣是以將額碉奪取
爲自保計今願退碉息爭並本給印又前經
打箭爐獲赴藏學經之喇嘛亦乞釋還察其
詞氣似屬寔情

諭曰前諭該督提等親赴該處明晰曉諭原
欲令細察番眾情形審度事勢以定進止如

果郎卡寔心畏懼誠面求退還額礪不敢再行滋擾或可察其惴忱酌量奏辦今並未身履其地又未親見郎卡祇據伊所遣頭人稟懇之詞信以爲寔况其所奪之礪尙未拆毀侵佔土司之地亦未退還寔在畏威悔罪與否尙未可定乃據奏請給還人口喇嘛並欲給予貯庫印信與眾土司一體羈縻諸事悉遂其所欲適足爲外番所輕殊不知番性反覆靡常現在懾我軍聲姑爲乞憐倖免豈

能保其永遠不復滋事若止圖苟且了局何以尊國體而靖邊陲阿尔泰年齒就衰岳鍾璜又復善病設或各存祇圖目前之念以爲十數年後皆非伊等所及見不復籌出萬全則是自貽伊戚倘此次辦理不善將來或仍跳梁滋擾朕惟原辦之人是問十月奏言臣等自雜谷前進道經梭磨卓克采遇噶克丹垣各土司及土舍頭人率眾跪迎咸稱金川地險稠多未能搗其巢穴常恨力不從心若

能令退還額碯及穆爾津圖各土司番民俱
沾恩及抵金川郎卡已毀所築穆爾津岡戰
碯三座並於康巴達地方率土舍大小頭人
環叩與前籲請退碯贖罪不敢再出滋擾臣
等至金川拉必斯滿安營傳見郎卡諭以
天朝統御萬國恭順安分者常守地方多事
滋擾者卽予勦滅如準噶尔及回部自恃險
遠致干

天討不數年間悉蕩平汝郎卡受

天朝赦罪六恩如果各安駐牧自然常守土地人民倘恃強滋擾卽自取禍汝本土舍業已令汝承襲土司請有新印第因汝與各土司構釁未經給發今旣願還禍卡各安駐牧此後果安分自守由該管文武官查報再行請領印信至所請放回赴藏學經之喇嘛等亦候地方官查辦鄂卡率大小頭人叩頭稱謝臣等于丹埧留駐四日據報穆爾津岡山梁業已收明查郎卡賊性狡詐自恃地險禍

多于各土司不無輕視而其畏懼王法亦係
本懷前此與各土司互攻雖經委員駕馭而
辦理未得窺要今蒙

聖明指示臣等一經出口郎卡聞風懾服及
至其巢宣示

德威郎卡卽退還碉卡並獻所掠人口其畏
服情形備見疏入

上以鍾瑄及阿爾泰業經辦給完結面允所
懇不便復有改移

漢名目傳卷二十一
三
諭姑從所奏辦理是月鍾璜卒

諭曰四川提督岳鍾璜歷膺闔寄宣力有年
今聞溘遊深爲軫惻應得卹典該部查例具
奏尋

賜祭葬如例諡莊恪

豆斌列傳

豆斌陝西固原人由行伍拔把總遷千總雍正
正四年遷肅州鎮標中營守備七年閏七月
赴西路軍營從征準噶爾

賜銀四百兩十二月遷川陝督標前營遊擊
準噶爾賊犯科舍圖寺汎斌率兵擊走之九
年調神道營遊擊十年遷固原提標中軍叅
將十二年遷波羅協副將署大通鎮總兵十
三年署河州鎮總兵乾隆四年四月署延綏
總兵十月擢安西總兵

陸見

賜孔雀翎及鞍馬六年調肅州總兵八年四
月擢固原提督六月調廣西提督十一年疏

言廣西各營鳥鎗舊式大小參差坐卧倚伏不能隨手稱心又質薄易熱難收寔用請照陝西威字號纏絲鎗式一律改製下兩廣提督議行十六年正月調固原提督九月

命以提督銜管理湖北宜昌鎮總兵尋授甘肅提督十八年疏言臣標率生馬向在大營灘內牧放地本不廣今馬蕃息水草不敷請于陝西之延綏甘肅之寧夏暨固原河州各鎮查近邊寬濶草場分撥牧放其考成之法

仍照舊例三年均齊一次大學士等議行十
九年三月調廣西提督四月調安西提督
命率甘肅安西綠旗兵赴西路軍營二十年
九月駐巴里坤辦事十二月因與和起辦馬
遲悞部議革職得

旨從寬留在二十一年二月

特命開復尋以所解馬倒斃過多部議降三
級調用得

旨俟凱旋之日另行請旨四月斌患病請解

任調理

允之七月授安西提督仍赴巴里坤辦事九月以塩池臺站馬被竊斌未親往查拿

訓飭之十二月奏酌派送馬之兵編隊行走諭獎所辦甚是尋

命巡巴里坤至額琳哈畢爾噶驛路搜勦嗎哈沁二十三年七月大軍勦逆回霍集占於庫車

諭曰從前屢諭豆斌巡查臺站搜捕沿途之

馬哈沁等嗣據奏報所獲無幾看來未必有
大隊賊人藏著宜將現領兵丁就近前赴雅
爾哈善軍營其馬得勝所領綠旗兵卽着豆
斌分管斌尋奏在哈畢爾噶圖山等處掣獲
嗎哈沁數人尙有宰桑巴拉等逃逸未獲
諭擒獲巴拉後再遵旨赴庫車軍營九月
諭曰豆斌巡查臺站搜捕餘賊已踰一載前
後所報拿獲嗎哈沁不過一二無聞輕重之
人卽如所奏特伯爾古臺站既有厄魯特盜

馬之事乃並不親身查辦僅委侍衛守備前往搜緝甚屬無能豆斌遵照前旨卽速前往軍營帶領綠旗官兵聽將軍兆惠調遣十月諭曰豆斌奏稱派員從北山巡查賊蹤於西大山溝內搜得馬匹行至山嶺天降大雪無從尋覓所奏甚屬謬誕搜捕逸賊係豆斌專責旣得被搶之馬卽此便是賊踪急宜盡心追襲雖遇大雪賊又豈能飛行絕跡乃稱跋涉瞭望全無影響是必待賊人自來就縛卽

向來綠旗惡習專以欺誑文其選悞豆斌受
任以來申飭不膏再三總未見努力辦理一
事卽如此奏內情形是賊旣窮蹙而猶致令
遠颺其自述無能之狀可謂曲盡矣可見此
事不應付之若輩也豆斌著傳旨嚴行申飭
十一月斌至軍營充領隊大臣巡緝曾京察
克關展庫車一帶駟路是時將軍兆惠於黑
水被圍斌隨副將軍富德自阿克蘇兼程往
援二十四年正月抵呼爾瑞迺首霍集占以

眾五千迎拒我軍分兩翼斌領中軍火器攻
導賊所據高崗賊知我馬力乏復擁退越四
日阿里亥適解馬至斌偕諸將夾擊脅中統
創甚猶自力拊循士卒奮勇殺賊賊大敗斬
敵甚眾捷

聞

諭曰此次勦賊自領隊大臣以下人人踴躍
自効提督豆斌率中軍鎗砲鼓勇前追奪取
賊營脅受創傷者加恩一體議叙并各賞給

世職富德尋奏斌因傷身故

諭曰提督豆斌以負傷身故甚屬可憫着加
恩照旗員一品大臣例交部議卹給與世職
賜祭葬如例諡壯節入祀昭忠祠

予騎都尉又一雲騎尉世職

御製詩惜之曰老將行間名久標援師深入
從驟姚鋪敦早已占三捷翼鏢不及喪一朝
杜牧悲曾譏點筆孟明壯詎肯迴橈最憐來
歛臨終除強起猶虞眾志搖回部平

命圖形

紫光閣

御製貧日宿將行間久矣宣力所董綠旗遵
其律則隊中獨喪是有命焉裹創慰眾益厲
哀憐于福魁襲世職官至雲南元江營叅將

錢維城列傳

錢維城江蘇武進人乾隆十年一甲一名進
士授修撰十三年五月散館列清書三等
諭曰歷科進士殿試一甲第一名卽授爲修

撰二名三名授爲編修至散館時並無所更
易伊等固已授職遂自甘怠忽學業轉荒卽
如今年散館修撰錢維城考列一等書三等編
修莊存輿考列漢書二等之末其不留心學
問已可概見但錢維城係派習清書或尙非
其所素習者再試以漢書候朕問定莊存輿
不授爲編修則此後一甲之人皆有所警而
專心學問若有仍考列三等者其例視此越
日

諭曰昨因錢維城考列清書三等後試以漢書惟詩句有疵賦尙通順着仍留修撰之任八月遷右中允入直

南書房充

口講起居注官十五年二月擢侍講學士九月轉侍讀學士十六年擢內閣學士十七年疏言勾到大典一筆之下事關死生不容偶誤勾到刑部堂官及內閣學士俱執有手摺請干遵

旨論定後大學士執筆卽各將手摺引原開
木名裂紙寸許爲記勾畢外出持摺互校庶
查核有憑卽偶有遺悞不難立請改正

報聞十九年三月充會試副考官五月教習
庶吉士二十年八月給假回籍省親二十二
年正月授工部侍郎九月充武會試正考官
二十三年奉

旨分理五城平糶事宜疏言東中南三城木
廠年倉近西北兩城木廠距倉遠向來車價

俱同車戶每俾遠就近請酌厥地遠近定車
價之多寡卽以東中南三城之多補西北兩
城之少庶運費無增而輓輸踴躍

詔如所請速行二十四年充江西鄉試正考
官二十六年調刑部左侍郎二十七年九月
疏請曰明律例二事一律載殘毀他人死屍
及棄屍水中者杖一百流三千里其來而不
失者減一等此係發塚本條註云屍復在家
在野未殯葬者若已殯葬者則以開棺見屍

屍反至流徒是爲本小未大引用牽混請嗣
後移棄律得勿論盜賊之屍及姦所登時殺
死姦夫並一切俗殺持杖拒捕之罪人等案
凡有棄屍者不得援引此例其非律得勿論
者仍照本律定擬一例載本夫有服親屬皆
許捉姦如登時殺死姦夫姦婦者並依夜無
故入人家已就拘執而擅殺科罪若非登時
以聞殺論例干親屬殺姦分別登時非登時
皆照本天加一等定罪此各指姦夫未曾格

聞拒捕者而言若一有拒捕格鬪則無論本
夫與親屬皆當依罪人拒捕論然與律所云
親屬捉姦非登時殺死以鬪殺論者正引罪
人不拒捕而擅殺以鬪殺論之律文所載甚
明乃各省聞擬有援擅殺論者有直以鬪殺
論者雖聞殺之與不拒捕而殺同一擬抵而
情罪判然甚至持杖拒捕之姦夫反以謀故
鬪殺分別擬議是殺拒捕之姦夫反重于不
拒捕之姦夫尤爲舛錯請將親屬殺姦非係

登時者悉擬罪人不拒捕而擅殺之律以聞
殺論定擬其有拒捕一依罪人拒捕之律科
斷下部議行尋授浙江學政三十四年四月
疏言六年考取內閣中書部議于會試薦卷
及

朝考未用人員內挑取但薦卷一項挑取字
畫須憑墨卷其省分坐號榜發後不難查知
恐易滋弊請于揭曉日主考官出闈知貢
舉及內監試等將薦卷查出墨卷逐一彌封

用印即日奏派大臣閱取若干卷候

朝考後挑選帶領引

見

欽定名數以次錄用

詔如所請行五月因覆擬廣東民何長子姦
汚幼女致母服毒身死一案率隄紋候部議
降一級調用奉

旨從寬留任十月

命赴貴州同湖廣總督吳達善查審威靈州

知州劉標虧帑一案巡撫良卿明知故縱授
意彌補並與按察使高集交通亂法又前任
貴州巡撫方世儁糧道永泰曾婪索劉標賄
賂各論罪如律詳吳達善傳三十五年閏五
月維城將旋京復

命適古州党堆寨逆苗香要脅眾肆劫復借
吳達善及巡撫宮兆麟等往勦戮賊甚眾大
月香要就擒

諭部議叙三十七年丁父憂回籍維城工繪

事所進畫冊多蒙

御題是年維城卒

諭曰原任刑部侍郎錢維城學問素裕才具亦優侍直內廷勤勞夙著今春以父憂回籍因宿疾未痊遠聞溘逝深爲軫惜着施恩加贈尙書銜應得卿典該部仍察例具奏尋

賜祭葬如例諡文敏四十年

恩授其子中銑爲內閣中書准其一體會試

紀龍列傳

紀龍陝西靈州人初充湖廣督標行伍康熙五十五年隨湖廣總督額倫特往駐西寧五十六年移駐青海五十七年五月準噶爾賊擾西藏龍隨將軍額倫特進剿連敗賊千們贊西里克及齊諾郭勒七月至喀喇烏蘇被圍龍隨將軍額倫特鏖戰被創者再賊弗退額倫特死之龍負

勅印間道歸五十八年與前隨勦西藏之千總柳時昌兵丁瑚什圖楊猷珍鄭文煥懇隨

大營自効

論曰伊等從萬死一生之地而來誓爲拏出力爲將軍雪仇心甚可嘉瑚什圖係滿洲不必給賞其餘四人著各給帑銀十兩馳驛發往西寧軍前交與撫遠大將軍在緊要之地行走是年龍坻軍營因創發病劇還靈州調養比病愈西藏平兵撤龍歸湖廣原標雍正三年四月柳時昌任雲南永北鎮總兵表龍等前功

命同楊顯珍鄭文煥赴部引見六月
諭曰伊等人材俱好箭亦去得且係用命効
力之入何故至今尙當兵丁着發與雲貴總
督高其倬照年滿千總例以守備用永北鎮
總兵初時昌標下有缺補用更好着每人賞
銀一百兩尋授龍雲南援勦右協左營守備
五年調維西營守備駐中甸七年四月遷曲
尋鎮標右營遊擊九月調楚姚鎮中軍遊擊
八年九月隨大軍分勦東川助逆之者家海

猘賊斬殺無算十年五月遷貴州提標中軍
叅將八月提督哈元生奏帶來京

恩賞銀六百兩十一月貴州九股苗不法

命隨元生還貴州勦平之十二年遷大定協
副將十三年四月古州台拱苗叛龍率兵分
勦通黃平路五月勦草種逆寨被創尋克復
訛里援通鷄溝沅丹江營有功

命署台拱總兵乾隆元年十二月調署雲南
永北鎮總兵二年寔授四年署臨元鎮總兵

五年疏言臨元一鎮通魯魁而控交搥洵爲
要地臣調補將及二載雖營況事件按籍可
稽而布置機宜非日擊莫能親切臣商請督
搆進于隆冬親往屬營巡查由元江新嶠較
聞官兵技藝查點軍械並確勘險易形勢及
夷情淳悞

報聞七年

陞見

賜孔雀翎及鞍馬十年調楚姚鎮搃兵尋因

年老乞休

命以原品休致二十六年卒

汪由敦列傳

汪由敦浙江錢塘人原籍徽州雍正二年進士改庶吉士辦館授編修六年丁父憂以纂修明史奉

旨在本館守制十年充

日講起居往官十一年四月遷往替善八月遷侍講十三年七月轉侍讀十月授四譯館

少卿乾隆元年充山東鄉試正考官尋

命尚書房行走擢內閣學士二年六月廷臣
傳言李紱拔倉場侍郎張坦麟授江蘇巡撫
御史劉元燮疏請嚴禁妄傳

上命總理王大臣詢問元燮云燮稱聞由敦
亦曾至坦麟家稱賀由敦因具疏辨

諭曰汪由敦如果有其事雖強辯無益如寔
無干涉則不辯自明亦當靜聽乃朕甫交摠
王大臣詢問伊何由得知劉元燮奏中有

伊名乎卽此亦足見其耳目頗多必招搖生
事不安分之人也着革去內閣學士在侍讀
學士上効力行走十二月補翰林院侍讀學
士五年復授內閣學士六年三月充文穎館
副總裁五月遷禮部右侍郎九月調兵部左
侍郎十月充順天武鄉試正考官七年二月
充會試副考官充

經筵講官九年三月調戶部右侍郎晉工部
尚書八月充順天鄉試正考官十二月調刑

部尚書十年教習庶吉士十一年兼署左都御史在軍機處行走十三年因定擬誤繙清文一案罪名過輕部議革職得

旨從寬留在十四年二月金川奏凱議敘加太子少師四月充平定金川方畧副總裁十一月署協辦大學士事十二月大學士張廷玉致仕將歸乞

皇上一言爲配享

太廟券謝

恩不親至傳

旨令廷玉明白回奏次日廷玉早入朝

諭曰昨朕命寫諭旨時大學士傅叵及汪由敦承旨而汪由敦免冠叩首奏言張廷玉蒙聖恩曲加體恤終始矜全若明發諭旨則張廷玉罪將無可逭此已見師生捨身相爲之私情及觀今日張廷玉之早來則其情顯然若將二人革職交王大目質訊未有不明者軍機重地願師生而不願公議身爲大臣豈

應出此汪由敦着革去協辦內務任留尙書
任贖罪以觀後効十五年三月
諭曰汪由敦革職留任之處加恩准予開復
之闕永定河工

命由敦同大學士傅恒總督方觀承會勘南
岸建坝事宜合疏言臣等自北岸入工抵河
南岸由下七工至上六工緣堤審視形勢查
上六工舊有草坝四楹緝張仙務雙營二處
舊坝八淺漲水下七工向未設坝今細閱馬

家舖及水窖以東堤外多係閒地廣袤開曠
距村莊遠可縮水應增建草堤二分減水勢
入河身漸致淤塞其中流涸出之處現有民
居請禁增造房屋得

旨俞允四月同莊親王等豫定

皇朝禮器圖六月永定河南岸三工衝開月
堤

諭赴固安會勘倉築事宜八月四川學政朱
荃匿喪賄賣生員事發部議由敦曾保薦荃

應章職

諭曰汪由敦本應章職但念其人尙勤慎學問亦優着在兵部侍郎任內効力贖罪尋充順天鄉試正考官十一月

上念由敦在內廷行走勤慎黽勉

恩賞其長子承沆廕生并令分部學習十六年七月兼管戶部侍郎事八月調戶部右侍郎十二月

命同大學士高斌等查勘天津一帶何工十

二月合疏言永定河身北高南下水害下口
應量加疏濬並酌疏王慶坨南引河分數支
則蓄水之地益廣由南埝龍尾東入鳳河隄
清水一道宜加葦垣緩勢東岸隄工再培高
免漲漫南埝中汎當下游水滙處應加培以
障河淀再水窗口門內河身西折處挑濬引
河叙接埝灣亦屬順捷

詔如所議行十七年晉工部尙書十八年以
誤准開銷喜鋒日修整道路銀部議降三級

調用得

旨從寬留任十九年二月同蔣專等修盤山
新志四月加太子太傅十月兼管刑部尙書
事二十年五月平定準噶爾議叙軍功加三
級七月充平定準噶爾方畧正總裁九月調
刑部尙書二十一年六月調工部尙書十一
月署吏部尙書二十二年寔授二十三年卒
遺疏入

諭曰尙書汪由敦老誠端恪敏慎安詳學問

淵深文辭雅正節任部務供奉內廷夙夜在
公勤勞匪懈前以偶撻寒疾當命加意調治
並賜醫藥以與速痊忽聞溘逝深爲軫悼卽
日朕親臨奠醮着加贈太子太師入祀賢良
祠並准其人城于賜第停設賞丙庫銀二千
兩經理喪事應得卹典仍着該部查例具奏
御製詩悼之日贊治常資理論文每契神在
公誠匪懈卽世信何因言行遺編簡老成謝
摺紳莫臨攄一切庶計日當辰尋

博學通儒傳卷二十一
賜祭壘加例謚文端是年冬

上以由敦書法秀潤

命翰臣排次墨蹟摹勒上石名時晴齋法帖
四十四年


御製懷舊詩及五詞臣由敦列刑部尙書張
照之次

詩曰由敦亦工書用工過于照而寔不能久
則以天分料古學寔勝之雅正弗輕掉任職
本謹愿書愈夙夜効乃以師生誼獲罪所自

召不可聽其然小懲大戒劭然亦旋重擢改
過斯堪教飾終仍加恩善善欲長道五十二
年由教子戶部侍郎承需敬進其父詩文集
上題句當序詩日時晴書草壽茗華子舍茲
呈遺藁嘉詩興古期歸雅正文非時謝去浮
誇席前我偶懷賈誼書讀尔休慙趙奢舊日
西清劇談輦祇今誰在惹咨嗟承需現官願
天府尹

漢名臣傳卷二十八終

漢名臣傳卷二十八



041-454

041-454

漢名臣傳卷二十九

方觀承 董天弼 劉統勳

方觀承列傳

方觀承安徽桐城人雍正十一年由監生加中書銜隨定邊大將軍平郡王福彭赴北路軍營爲書記十三年回京補內閣中書乾隆二年軍機處行走三年遷兵部主事累遷吏部郎中七年七月授直隸清河道十二月署總督史貽直奏勘永定河工

諭曰永定河實閔緊要卿於明春協同方觀承詳酌爲之此人想宜於河務爲其不穿鑿而亦有條理也八年遷按察使九年二月命隨大學士訥親履勘河道並海塘工十月遷布政使十一年署山東巡撫奏稽察漕弊嚴緝盜匪二事

諭曰足見留心地方實力行之可也十二年正月疏言安山湖地撥民認墾陞科一案臣飭屬確勘湖中尙有積水但二麥佈種於水

已涸之後收穫於水未發之先且湖田多沃
壤而麥收足抵秋禾故雖有水患民願認墾
陞科但陞科之後官徵民納例重秋收秋禾
被水請蠲請賑請豁徒致紛煩卽如南旺湖
前經臺臣條奏給民認墾其時臣隨訥親履
勘雖最窪之處亦俱乾涸貧民於中取土熬
鹵高處則如屋如崖意以爲水必不能及上
年臣抵東詢知夏秋運河汶水暴漲賴有南
旺及獨山湖同時分減運道得保無虞而兩

湖之水則一望瀰漫無分高下以此觀之凡
大川經由及泉水所注其宣洩濬蓄之區嘗
閱數年數十年有若閒置而一旦用之乃知
其見功爲不小未可以目前之形而忘久遠
之慮也安山南旺二湖同爲運河洩水之地
南旺現惟報經徵租安山請一例辦理並照
直隸淀泊河灘地畝分季徵收之法其專種
夏麥者於麥後徵收兼種秋禾者分麥禾兩
季徵收則租額毫無減于陞科而除去陞科

各色官地民種應徵應免可以隨宜辦理
上是其言又言委積相調義倉稱便與社倉
粃粃但社倉例惟借種義倉則借與賑兼行
而取重尤在猝然之賑大要設倉宜在鄉不
宜在城積穀宜在民不宜在官秋穫告豐勸
導輸納年底將捐過穀數奏明不必開具管
收除在則其數仍不在官法可行久捐輸及
典守年久者照社倉例議敘

報聞二月回直隸布政使任十三年三月擢

浙江巡撫九月疏言海塘引河現由中小疊安流弭節其北大疊北抵石塘根沙漲如平地臣沿塘查勘自仁和縣之觀音堂起至海寧縣東之淡水嶺止丈出地三十五萬四千八百餘畝民灶五千七百五十戶臣爲認墾者核編字號以十號爲一甲每十甲選老農一人司勸課按其土宜分年陞科仁和海寧二縣歲徵雜糧十萬石小民咸資生業諭曰墾田乃務民之本圖所宜留心勸相者

也又言中小鹽貧民應撥補地畝俾安耕作
查附近中鹽之許村西倉蜀山脚河莊山北
各地共二萬七千餘畝堪以撥補現除將萬
八千餘畝撥給四百七十三戶餘八千餘畝
留爲續至各戶之用再所撥地必俟鹹氣盡
除始可種植貧民豈能懸耒以待查有乾隆
十一年各灶戶報墾陞科之地附近西倉灶
戶不能全種今卽令各戶佃種交租灶戶得
租貧民得地兩受其益又各戶前於被水時

有就灶戶課地內造屋而居者不便屢移令
卽撥出二百畝劃界安居應納錢糧改歸各
戶名下完納得

旨嘉允十四年二月疏言定海縣之普陀山
遠在大洋每年正二月間有所謂香頭者領
衆進香男女徧處一船住山寺經旬始返旣
於風化有闕而海洋閉汎例應稽查禁物因
婦女在船或致疎懈恐奸民乘機夾帶偷漏
臣已飭查嚴禁

上是其言三月請纂輯兩浙海塘通志以備
叅稽

許之五月疏言臣於上年奏請將豆麥雜糧
私運出洋者照私運米穀例治罪經卽議准
嗣聞浙總督喀爾吉善奉天將軍阿蘭泰等
奏請酌籌彼此流通

敕部議定豆麥雜糧出口俱給印照驗放臣
查沿海情形各省不一浙省如寧波屬之定
海象山二縣定海屬之岱秀二山溫台屬之

玉環山向許流通至嘉興屬之乍浦苑屬仁
和縣之通口一帶海道又溫台連界之浦岐
所海港向俱不通商販卽本處米穀亦禁出
入以杜影射偶遇歉歲暫一弛禁舊例或經
奏明辦理或臨時僅據屬員詳請遽准通暢
易滋流弊請嗣後辦理時必將確寔情形奏
明請

旨則就流通之中仍嚴維制之道下部議行
七月疏言浙省徵收錢糧原有頒發官戡聽

糧戶稱較完納以杜捉補短封之弊而所製
官啟當花戶叢集時勢不能逐一稱較官吏
藉詞捉補弊竇實多現照部頒樣戩多爲製
造族各州縣令鄉保當堂具領使一里甲之
內足供輸用花戶投糧時實戩赴櫃交納櫃
書查給印串如短少卽係櫃書剪邊換錠不
得于給串後向花戶捉補違者以重耗嚴叅
報聞尋擢直隸總督兼理河道十一月疏言
永定河身自六工以下舊有高仰之形乾隆

御製詩示之曰水由地中行行其所無事要以禹爲師禹貢無堤字後世乃反諸祇惟堤是貴無堤免衝決有堤勞防備若禹豈不易今古實異勢上古田廬稀不與水爭利今則尺寸爭安得如許地爲堤已末策中又有等次上者禦其漲歸漕則不治下者卑加高堤高河亦至譬之築寬墻於上置溝渠行險以徼倖幾何其不潰胡不籌疏濬功半費不資因之日遷延愈久愈難試兩日閱未定大率

命將江南總河高斌豆班集漫口圖抄寄酌
辦觀承疏言豆班集漫口係中河餘水泛溢
故可擇便於水緩處施工其漲溜全歸正河
照舊下注不虞堵截今永定三工南爲月堤
缺口北爲大堤漫口南北相對里許若將月
堤堵築其已過漫口之全溜並無去路寔與
南湖情形不同現在新開引河附近漫口請
仍堵築逼溜歸入引河以復故道

二是其言十六年正月疏言喀喇沁土默特

等處種地民人漸多奉

旨查禁廷議照署督陳大受所請將有力者
按五年三年之限交地回籍若原係民墾不
能卽回者按畝交租俟一二年後再行給還
本人上年六月理藩院咨稱土默特貝子欲
不問年卅概行驅逐臣思此等貧民無家可
歸卽使甘受驅逐而數萬男女概入內地亦
覺安置爲難今旣蒙
恩從寬查辦自應行之以漸請

通名目傳二二一
簡公正大臣前往查辦俾蒙古民人俱各安
輯

命侍郎劉綸侍讀學士麒麟保會同貝勒羅
卜藏往勘尋議仍照三年五年限撤還嗣後
不得私典至領地開荒民與價典不同俟年
滿先將原主需種地退還餘地仍許租種從
之三月疏言上年增建冰窖減水草垣貼近
從前永定河下口近因水大全河於此掣溜
冰窖以上河身自四工至七工吸刷深通比

冰窖以下河身驟低至五六尺其水仍由金門而坝基並無衝刷至三十里外卽已澄清竟由坦坡埝汪爾淀一帶出水可無淤墊之虞但坦坡埝之設原爲格淀起見於遇淀水內漾不免阻遏河流應培築高厚以別清渾卽請於坦坡埝尾東北斜穿三角淀開引河歸入葉淀由鳳河轉輸入大清河疏下廷臣議以此時甫過凌汛與伏秋情形迥異一經盛漲挾沙直注恐汙淀未可因一時水由坝

出邊議更張令詳查再議觀承復疏言水窖
垣口掣溜在上七工尾當舊下口旁地面低
於正河丈二三尺南岸距南担坡埧較北岸
距北大堤寬又加倍有漫衍而無衝溢此地
勢之順也水由垣出非衝決亦非開放民情
不怨此人事之順也凌汛改移經理有暇此
天時之順也臣今日敢以必應改移爲請不
復稍存歧見查河身北高南下水勢偏側竟
成通河之病自七工出水後去路甚暢上游

吸刷倍益寬深自數尺至丈餘不等今卽倍用人力將七工八工舊河挑與相等而出口不願已刷深之上游轉眼停淤如故是水歸故道雖屬守經之論然不乘此就下偏南之勢仍強使北不但機會可惜竊恐伏秋盛漲南岸經理非易至原議內有一經盛漲挾沙直注恐汙淀之語臣以渾水至三十里外卽已澄清雖盛漲多挾泥沙而渙水沙停必無直注汙淀之虞臣因慮及渾水或致入淀故

不使東循龍尾直入鳳河議于王慶坨之南
開引河二十里東北入葉淀迂其途而廣其
地更可經久無患

命尙書舒赫德河東總河顧琮會勘如觀承
議五月疏言理藩院尙書納延泰條奏以多
倫諾爾舖司估蒙古游牧請毀屋另用蒙古
人遞送文移查自設舖司以來文移資其郵
送解餉藉以棲止卽行旅商賈亦堪投宿並
無碍游牧近因民人於舖司之外增建坊店

該處總管達錫等恐增建漸多侵佔游牧是以呈明理藩院具奏但數百里荒漠公務往來栖記無所商賈等野宿堪虞而蒙古入不諳內地文移難免舛錯今查明南茶棚等六處每處上有屋一二所無庸折毀上渡酌留屋一所轉山子水泉子兩處各留屋三所如有多建容留奸匪者責成地方官究治軍機九臣議行十一月

上以豫省黃河兩岸大堤外舊有古堤多殘

缺黃水近自陽武灌入直隸之長垣東明衝
開月堤三口

命觀承往勘十七年二月疏言長垣東明二
縣太行古堤在陽堤外其地南高北下豫省
陽武縣等縣瀝水北注長垣全賴此堤捍衛
康熙六十年後屢被衝口門刷深難于施工
惟王家堤以東舊有引河入運故近東堤工
可無恙而堤西瀝水滙至屢被衝堤今宜爲
瀝水籌其去路請於堤西開引河導入舊引

河使容納東注卽將所起土自堤西村起另築新堤則堤外有河以疏瀝水河內有堤以防漫溢事半功倍且堤西八村皆得新堤爲外障民情更爲欣躍

詔如所議七月

諭曰直省錢價昂貴由于富戶囤積山東布政使李涓請定以五十串之限但驟行之不無滋擾應先行明切曉諭各富戶出易勿令壅滯九月觀承疏言富戶積錢類皆深藏固

閉勢難逐戶稽查與其定以所積之限紛擾
而難行不若稽其所入之數顯明而有據應
令交易買賣價在三十兩以下許其用錢如
逾三十兩卽令用銀違者照官價易之舊積
錢文遵

旨曉諭早爲出易加以獎賞如仍敢多積以
十之二入官至尋常出入之錢拘以官收不
免滋弊似應各從民便奏至
上以所辨過遲

詢間成效若何有無平減觀承覆奏富戶自
諭後不敢多積錢文價俱以平減

報聞十月廷議各省採買糧石委員資銀赴
米船停泊處所收買而牙行轉藉名昂價嗣
後沿河聽商販自行轉運隔省採買令各
督撫動項交本地地方官採辦委員運送則操
縱隨時牙僧不得抗本地地方官教令較隔省
委員坐待羣得把持者難易迥別是需米雖
在隣省仍如本省自爲採買無碍商販流通

其弊除而其利自見下部議行十一月疏言
滿城縣之奇村河發源一畝泉匯距泉以入
保定春夏之交每虞微弱臣委員于滿城東
孫家堂勘得申泉又東得連室泉夏家莊南
得五花泉龍泉寺西得紅花泉俱爲葦草湮
閉而渠形可尋一經濬治合流並注可增治
稻田多頃商販亦得通行奉

旨嘉獎十八年正月疏言熱河地方遼濶請
編立烟戶定文武各官稽查責成其附近之

敖漢奈曼翁牛特土默特等處令副都統每
年巡查一周補營汛所不及如所議行二月
奏設義倉台成凡千餘倉貯穀二十八萬五
千三百餘石酌籌條規並繪圖以
進

諭曰諸凡周詳妥當爾惟寔力行之三月疏
言子牙河支河請自楊家口至閭兒莊八里
改爲正河以收因勢利導之益再於閭兒莊
尾北通蔡家窪沿留兒莊東堤抽挑河槽下

接黑港舊河俱于子牙橋歸入正河

詔如所請十月請將保定雄縣二處駐防兵
米停向各縣採買以省派累照天津等處兵
米例截撥豫省漕米部議從之十二月疏言
永定渾流善于移徙而下口形勢尤變遷靡
常年來下口漸淤請于北岸六工尾開堤放
水作爲下口至五道口東南導歸沙家淀仍
由鳳河入大清河廷議以甫自南岸冰窖改
移下口何以又請于北岸六工開堤放水令

據寔覆奏觀承言自水窖改移之後水勢暢順上年汎水盈丈挾沙直注下口十里以內舊積新淤阻塞去路至南埵中下地面尙可以資容蓄今請于北岸六工放水循南埵導歸河淀照舊以鳳河爲尾閘雖有向南向北之分其寔水道本屬相通北埵至南埵三十餘里瀾漫一井或分或合原足任其蕩漾臣逐細查勘向北改移水道仍以南埵下汎爲歸宿寔于現在情形爲便十九年疏言鳳河

漢名目傳卷二十一
堤工分隸永定天津兩道責成不專請將東
堤並韓家北埧改隸永定道增弁兵畫一查
辦均得

旨允行三十年四月加太子太保九月

命署陝甘總督由肅州至哈密抵巴里坤籌
辦軍營糧馬諸務十月疏言軍營所需馬臣
現解送萬三千餘匹合之軍營原存五千四
百餘匹已敷一兵三馬之數但恐軍營積用
復寬爲挑備撥往安西候調如不用卽以補

是安西營缺又言准軍營咨約需馬三萬臣
查索倫察哈爾厄魯特兵跟役無多官員分
例等馬尙有可減又哈密回兵三百祇派一
半亦有可減之馬計是需用二萬七八千匹
臣陸續督飭解送至軍駝共需四千四百餘
現已解送足數餘供哈密運糧之用十一月
又言哈密貯茶三萬封駝到卽運往軍營仍
撥五萬封補貯哈密舊存糧十萬餘石就近
撥運緩至嗣後所貯以此數爲率隨時動撥

緩急有備至餉銀先後已撥三十萬兩請再
由藩庫撥四十萬兩貯哈密及西安甘肅兩
道庫備用

諭以妥速爲要十二月疏言哈密至巴里坤
中隔大坂積雪兵三百名在彼鏹除用力勤
苦懇

恩日加給雜麩四兩

允之二十一年正月回直隸任三月疏言臣
前奏准於永定河北岸挑引河改作下口今

行水之北埝卽向之遙埝請于北埝外更作
遙埝預行展拓以爲勻沙散水之圖鳳河東
堤亦接築至遙埝之尾以資穩固從之二十
二年八月奏遵

旨赴東西兩淀督辦民船赴天津剝運漕糧
諭曰甚好卿自能妥辦也又

諭曰今歲糧船遲緩雖經剝船起運若令旂
丁運送抵通仍于回空有碍且恐剝船未能
同時畢集旂丁不免守候爲今之計莫若卽

在天津交兌令漕船及早南回不誤明年起
運著傳諭方觀承并行知倉場侍郎雙慶等
派員赴津收兌除剝船脚費照例聽旗丁出
給外其旗丁將本船應交糧石如數交卸卽
令催趲回空其如何設法稽查該督等當悉
心妥辦此原係漕督楊錫紱職守但伊不過
尋常循分供職於應機集事一籌莫展方觀
承肆應裕如可協助辦理期於漕運有濟觀
承奏言天津北倉餘廩可貯糧三十萬石圍

墻內設席囤可貯十數萬石臣飭辦大席二萬片並麻繩秫秸應用事竣仍可變價歸欸所費無多至交兌之船悉令泊北倉以南起剝之船悉泊北倉以北北倉東岸分釘椿界每二里泊船一幫同時起米不相妨碍西岸留爲河道令空船行走復咨飭南來各船並幫端迨毋拘銜尾常例迅速抵津及早告竣又言向來起剝係抵楊村以北酌視水勢深淺所剝不過十之三四腳價旂丁自給今自

天津全數起剝運通脚價多至兩倍丁力較
爲拮据仰懇

聖恩於直隸藩庫內借動公項交地方官代
給不須更經旂丁之手仍移咨漕臣於明歲
新漕內扣解歸欵均得

旨嘉獎尋

命同山東巡撫鶴年籌勘南運河宜洩事宜
二十三年二月疏言永定河淤灘地請于堤
內外共留十丈爲種柳取土之用餘撥給永

清等七州縣守堤貧民領種輸租從之二十四年正月遵

旨酌定

陵寢兵役規條四事一大臣官員及各項當
差人等雇用人役責成地方官查明造具來
愿寔係守分鄉民册結方准充役一賃住官
房之人照雇工人例一休養造册結分別去
留一樹夫草夫更夫掃院夫及各衙門隸役
照定例行文地方官募送驗充一馬蘭泰寧

兩鎮屬綠營餘丁每年清查一次造冊送地方官稽查其因事革退兵歸入民籍嚴加管束

諭曰所定甚妥如所議永久寔力行之二月疏言理藩院議領票赴恰克圖庫倫貿易商民不得私住喀爾喀各旗販賣致蒙古賒欠將牲畜抵償有碍生計臣查商民多在張家口設舖奉禁以來赴恰克圖庫倫者甚少蓋有力之商始能遠赴恰克圖庫倫一帶若中

途糧乏不能不易貨接濟而先已蹈例禁之
罪因此商民強半改圖惟是蒙古駝馬羊隻
皮張資用內地者甚廣卽蒙古所需茶烟及
布令商販稀少有無不能相通亦未見其有
益可否於例禁之中加以區別領票赴恰克
圖庫倫之商仍准經過喀爾喀各旗交易貨
物如有盤據日久招價放債致碍蒙古生計
仍嚴行查禁

上是其言四月

上以北運河水勢微弱

命將先到糧艘截留四十萬石貯天津北倉
將來水長續到之船直抵通倉令觀承等詳
悉奏聞觀承疏言前幫截留後幫繼進常速
其間爲日無多若北運之水未長則續進之
水仍不免起剝請就先到各幫內每船應剝
若干卽得輕便今于北倉按應剝之數截留
原船之米餘仍抵通交兌以剝爲截則應截
五六百船全米者勻於于數百數之半米以

次起卸俟河水長發繼進之船浮送無阻
諭獎其妥協如議行九月因滹沱河以東鹿
改流南徙由寧晉縣入滏陽河地方官詳請
導由舊路觀承勘奏言改流之晉州弘岔山
口新河係滹沱舊道非平地另有衝齧且原
近東鹿城南頗費捍禦今改道晉州寧晉皆
阻城三十餘里近河邨庄多在高阜可築堤
防護不須復濬十二月又言漳河向由豫省
臨漳東北流入山東館陶與衛河合本年秋

泗水自汴口入二一
三
汎盛漲改流東南直趨大名府城水退後分
爲二支一經府城之北一趨河南府城適當
其衝請丁改流淤塞處濬河身六百八十丈
接入舊河其新衝河口堅築攔河大埧一百
十丈以斷南流埧外加築土堤作爲重障使
水無旁洩仍歸故道大名積水自消均如所
議行是年涿州拒馬河河流北徙舊橋傾圮
觀承改奏建石橋從之二十六年正月御史
七十五條奏派員于多倫諾爾收稅

命觀承議奏觀承因疏言多倫諾爾糧米皆
資運販貿易貨物較前雖增而情形與入溝
迥別內地茶布俱自張家口販往毋庸重征
惟恰克圖庫倫各處貿易貨物及克什克騰
木植其在多倫諾爾售賣者應一律征收課
稅以杜私販下廷臣議行二十七年三月疏
請寓販于工凡河渠堤埝應修應築如千里
長堤格淀大堤大清潭沱子牙牯牛豬龍海
河鳳河北運河兩淀各處之減河疊道等凡

三十二州縣上方銀米皆歸確寔四月同大學士劉統勳山東巡撫阿爾泰會勘山東四女等哨馬營兩處減水引河應加疏通並請將兩岸堤工歸德府息縣分管其兩垣支河入海綿長將德州州判移駐交匯之邊陵鎮專司河捕責成德州糧道天津道轄均得旨允行十一月

上以河南巡撫胡寶琮現辦豫省民田道路溝洫甚善令觀承仿而行之尋疏言正定順

德廣平大興等處民力易集上下游並皆協
取畧與豫省相仿近年漳治滏洛在在疏通
是其明驗河間府屬河渠消水較前爲速保
定四境開溝種樹已定章程其餘各處俱先
後開工至田間溝洫與道溝或分或合要使
漑水有歸農田杜患以期事不勞而民不擾
報聞先是易州城北白楊嶺有安國河觀承
奏准開渠導之灌田渠成

賜名安河二十八年三月

上以天津等屬積水未涸觀承不能設法疏
消模稜玩愒交部嚴議尋議革職

命從寬留任是月觀承疏言安河現鑿子渠
建大小閘以時啟閉並分上下游按自輪啟
如上游單日用水卽閉閘導入上游子來下
游雙日用水卽閉閘導入下游子渠設渠長
二專司其事兩旁隙地量予種藝從之四月
御史吉慶熊疏劾觀承玩視民瘼徇縱天津
道那親阿啟閘遲延不早籌宣洩六月御史

朱續經復劾直隸胥役派車船勒索賄放觀承不能督屬鋤奸

諭曰方觀承在直年久每存息事寧人之見前此辦理疏消積水事宜不能及時整頓經朕特派大臣履勘業將該督嚴加議處以示懲儆而言者動以爲歸過之地直隸通省事務殷煩又值災歉之後措置自不無竭蹶持論者置身局外坐言易而起行難使易地以處恐其施展或未必能如該督之勉力支持

也方觀承如自愧悔湔滌前非正宜稍假時日以觀後効倘其因循玩愒復蹈前轍斷不能逃朕洞鑿又何能屢邀寬典乎五月疏言直隸水道溝渠田間澮洫遵

旨查勘入于以工伐賑案內辦理茲查自大興宛平東至撫寧西至易涿西南至望都東南至阜城又運河大道自武清至將橋一路共二十二州縣疊道開渠一律完竣諭曰溝渠卽河道之脈絡也應聯爲一氣方

得宜洩之宜二十九年十月疏請嚴麥田牧
羊之禁令羊販赴津滄荒窪地牧放毋許至
京西京南以衛民息事

上是其言十二月疏言右衛兵駐移張家口
其歲支粟米通計協領等官四十四員兵千
一百二十名此內有張家口原設官三員兵
三百名卽在新移官兵應支數內寔不敷米
一萬四百餘石宜屬產米本少商販不通本
地無可撥給請將宣化懷來懷安三縣現支

半豆照二十六年改折之例停支額豆八折
改征粟米撥運又于蔚州西寧二處酌撥屯
豆六千六百石亦照前例折征粟米但道遠
運煩恐多糜費請卽于本地出糶收價至張
家口買米交倉以上可得米八千餘石再于
移駐之領催前鋒馬兵歲支米十五石每名
改折三石以准籌撥之數惟張家口米價較
右衛昂貴所有新改折色每石加給銀二錢
如此通融則兵食有資而轉輸可省下廷臣

議行三十年正月

上南巡觀承迎

駕

賜詩曰棨戟依京國隼旗鎮冀門中丞近張
鑿大尹昔王遵任久民情悉心恒吏治敦幸
哉連稔後元氣復堪論四月條舉木棉事十
六則繪圖說以

進

御題詩十六章並

命將觀承所作詩句書于每幅之末十二月
疏請將棗城柏鄉內邱定興安肅望都等縣
改建磚城三十一年二月又奏浞泊河灘淤
地向係撥給貧民認種完租每戶不得過三
十畝近因胥役豪強詭列多名影射兼并今
俱查明撤回請歸留養局爲養贍貧民之用
八月籌辦居庸關城及關溝疊道十月奏永
定河葦地已成高灘請改種禾收租均
詔如所請十一月奏衡水縣西重建石橋成

賜名安濟橋三十二年疏言現奉部議准將
宣化鎮所屬之張家口副將作爲都統標營
以嚴隘口查該副將所轄其在邊外者係張
家口中營及萬全營膳房堡新河口堡洗馬
林堡柴溝堡西陽河堡七處在腹內者係左
衛懷安二處左衛西連山西天城營懷安東
連宣化城守營係通山陝軍站大路並無隘
可查而以上下聯絡之營汛分隸兩標一切
差務寔虞岐誤請將邊口七處歸都統轄左

諭曰原在直隸總督方觀承宜力畿輔二十
餘載懋著勤勞其身後每深軫念伊惟方維
甸一子彼時尚在幼穉今年已及歲前赴良
鄉接駕着加恩照裘日修之子裘行簡之例
授爲內閣中書並准其一体會試四十二年
直隸總督周元禮題准入祀直隸名宦祠四
十四年

御製懷舊詩列入五督臣中

詩日以書記見用古有今則無有之祇一人

日惟觀承夫夙稱習政事銓曹尤著譽出而
爲監司游陞撫與督在直二十年勤幹寔有
餘永定籌補直難爲永逸圖然僅能如此誠
亦蒿目子徒以蒞任久稍與姑息俱未至大
狼藉何必吹求吾成全良臣多詎非佳士乎
五十一年

命入祀賢良祠

董天弼列傳

董天弼順天大興人由武進士授四川提標

前營守備乾隆十三年遷馬邊營都司隨征
瞻對金川有功十七年遷我邊營遊擊二十
二年遷提標中軍參將二十四年授維州副
將三十年金川土舍卽卡與丹坝構兵天弼
偕遊擊宋元俊往勘卽卡乞還所掠人口退
卡角折毀穆爾津岡碉卡事平十月遷松潘
總兵三十三年擢提督三十四年郭羅克賊
番阿玉楚扣等途劫喇嘛諾彥綽爾濟鎗傷
三人

上命天弼查辦等以未獲要犯苟且息事

申諭之三十五年四月小金川土司澤旺逆
子僧格桑乘隙攻鄂克什土司色達克拉圍
官寨八月天弼赴達木巴宗飭小金川與鄂
克什息兵僧格桑退墨穆爾吉日古魯地方
色達克拉以官寨糧盡求徙達木巴宗天弼
與總督阿爾泰議留把總一兵二十及土練
四百分駐之三十六年六月逆賊僧格桑復
圍鄂克什之達木巴宗木耳宗資糧並據瓦

寺巴朗拉天弼由打箭爐馳赴西路調省標
及松維等管官兵備勦七月天弼抵眠龍崗
賊巴攏巴朗拉築碉卡爲久守計且斷我兵
進勦路

上以天弼遷延坐待意存推諉

申諭之八月阿爾泰造皮船渡河天弼議襲
山神溝以解鄂克什圍且言木坪之甲金達
雜谷之曾頭溝可分兵進尋由山神溝至德
爾密克石碉七斬賊數十餘赴嶺竄並搃畢

旺拉天弼遣土練四百駐畢旺拉賊乘霧雨
夾犯守弼土兵驚潰失所得弼卡天弼疏請
治罪

諭曰董天弼所請交部治罪之處且可不心
得失乃行兵之常董天弼前此進兵尙屬勇
往此時帶兵本少不敷調撥阿爾泰又不早
爲籌撥接應以至于此且看如何奮勉以定
功罪再不努力則獲罪滋重矣董天弼于首
地情形稍爲諳悉著馳往阿爾泰軍營會商

進勅時天淵以德爾密畢旺拉巴失達木巴
宗被困久帶兵五百由木坪之堯積順山而
下並咨阿爾泰派漢土官兵二千隨勅
諭曰此行頗勇往看汝如何以功抵罪耳十
一月攻甲金達對面山梁克礪卡二天弼以
鄂克什牛廠爲賊來路分兵截守廠賊二十
餘遂據之乘勝上下攻擊賊潰遁木坪鄂克
什及三土司交界要隘皆爲官兵所獲未幾
賊復襲奪牛廠

海名目卷二二
土以天弼深染絲營惡習

諭曰董天弼在甲金達山梁逗遛不進牛廠
得而復失前在德爾密時得卡不能固守及
由山神溝不坪彙積紆繞程途致賊酋得以
處處預爲準備是小全川之事始終由阿爾
泰董天弼貽誤所致今阿爾泰已經革職董
天弼厥罪維均董天弼調度乖方終無可辭
已有旨將董天弼革去提督留于軍營當兵
如再退縮玩悞卽在軍營正法尋

命拏解成都監禁十二月天弼改由蒲松岡
小路進攻抵達木巴宗賊由對河南山突犯
我兵擊敗之鄂克什土司得出遂克木耳宗
諭日董天弼自辦小金川以來屢次失機且
敢捏詞諱飾其罪寔無可追是以前有旨將
伊革去提督以兵丁留于軍營効力贖罪如
尙不知悛改卽拏解成都監禁請旨辦理今
伊于十五日攻解達木巴宗之圍並收復鄂
克什各寨克攻木耳宗等語此次官兵奮勉

必係常保佳帶領滿洲兵丁鼓勇直前因而
緣營知所觀法是以稍有起色但董天弼究
係在事出力朕不肯竟置之不論已傳諭溫
福等宥其一死仍留軍營効力贖罪尋提督
阿桂奏天弼千軍營事務尙屬經練請代總
兵和邦額管理火藥軍械三十七年二月將
軍溫福偕阿桂克資哩飭天弼率兵五百駐
舊營四月起補副將五月總辦資哩臥龍岡
防範督催事尋擢總兵

漢名目作
二月奏報攻克大板昭木了寨獲卡十六大
礮三十六因言如意垣北日喀爾薩爾應分
兵防範疏入

諭日董天弼奏攻克大板昭木了寨等處情
形若于溫福至布郎郭宗之前督兵攻破賊
寨自當優敘勞績乃溫福于初十日晚攻克
布郎郭宗十一日早攻克抵木達擒獲澤旺
而董天弼所奏攻克大板昭等寨則係十一
十二兩日此乃賊衆聞知大兵已得布郎郭

宗等處勢難復拒因而畏罪逃竄蓋天弼不
過得其空寨而摺內尙鋪張派兵勦擊欲居
克獲之功總由沽染綠營惡習務爲粉飾言
之能無汗顏朕于軍營功過悉皆核寔豈爲
此等虛詞所惑惟新稱誘賊出卡士兵堵截
卡門賊不能退驚惶被戮等語此等士兵尙
屬出力著溫福等查明量加獎賞又據奏如
意垣北地名喀爾薩爾亦爲通金川要路且
係我兵後路現在分據布置防範等語此事

甚有關係昨溫福奏董天弼駐守布朗郭宗
已如所請並諭劉秉恬駐美諾率同經理著
溫福傳諭董天弼務須寔心妥辦勿再稍萌
虛僞故智以致貽悞干咎尋授領隊大臣三
十八年正月仍

命爲四川提督二月

諭天弼帶兵七百駐丹坦天弼偕總督劉秉
恬合疏言布朗郭宗一帶美臥溝曾頭溝瑪
爾嘴大板昭蓉爾薩爾路通金川西南族拉

角克溝尤爲接壤除將溫福所留官兵分駐各隘外核磨至丹坦七八站丹坦至緯斯甲布軍營又五六站賊匪潛行請添調川兵一千六百以一千赴美諾分撥布朗郭宗等處以六百赴丹坦分派要地防護糧餉

上從之三月

上以總兵五福赴丹坦

命天弼駐布朗郭宗六月天弼退居美諾小營賊乘虛夜襲抵木達布朗郭宗等處皆失

守

諭日昨據阿桂奏劉秉恬初二日來扎稱昨夜三更賊襲抵木達等處董提督現往官寨未知下落可見董天弼毫無準備遂爾乘勢滋擾今復據劉秉恬奏該處被賊竟由董天弼不在官寨駐守嚴防另立小營以致賊人覘窺空虚乘夜肆其搶佔董天弼之怯懦玩愒寔爲罪不容誅昨已降旨將伊革職等因據報現在不知下落卽或事急自戕或竟爲

賊所害亦屬死有餘辜其子並應查拏交部
治罪所有原籍及在所資財從前曾加恩賞
還者仍着嚴行查抄以示懲儆八月劉秉恬
疏報天弼失事時夜由小營馳守底木達硯
寨途遇賊右脇中鎗死下部知之子聯毅乾
隆三十五年舉人以天弼駐守貽悞發往伊
犁効力年滿四十六年

恩賞內閣中書五十五年任淮安府同知卒

劉統勳列傳

劉統勳山東諸城人雍正二年進士改庶吉士散館授編修入直

南書房七年充湖北鄉試正考官九年遷右中允十年閏五月轉左八月充河南鄉試正考官十一年遷侍讀十二年十月充

日講起居注官十一月遷左庶子十三年八月在

尚書房行走十月充順天武鄉試正考官尋遷詹事府詹事乾隆元年六月擢內閣學士

八月署刑部侍郎九月充武會試副考官十月

命隨大學士嵇曾筠赴浙江學習海塘工程
二年三月授刑部左侍郎仍留浙江五月疏
言新任督撫提鎮往往奏請隨帶人員備委
用在大吏平日真知灼見自應有幹練之才
足收臂指之益惟是先寄耳目於數人卽付
腹心以要缺補用不循資格輿論指爲私交
更相仿效滋弊多端除河工軍前効力外請

概停奏帶以杜偏袒鑽營之習若調任後本省本標寔不得人而舊屬內果有出衆之員許據寔保奏送部引

見疏下部議如所請三年三月還京疏劾江南太倉州丁憂在籍御史毛之玉至浙拜謁總督藩司受餽遺

上以之玉違例于謁交部嚴議降三級統勲據寔奏聞可嘉紀錄二次五月管理

武英殿事務四年六月丁母憂回籍六年六

月

特命補刑部侍郎九月服闋來京擢左都御史十月疏禁督撫提鎮名標中軍積弊四事一 中軍例以副將叅將遊擊充之承辦公務支發錢糧爲各營領袖原非爲上司服役乃督撫提鎮出署輒步隨至躬爲料理車馬旂幟甚爲失体一中軍朝夕相見往往代籌米鹽瑣務不但体統有虧恐開鑽營之路一道府州縣等官以督撫署內之事中軍無不用

知至省輒先往候而又與文員兩無統屬遂
宴會往來藉端營私一督撫提鎮衙門遇歲
時令節張燈結彩中軍每以兵丁子弟充優
伶雜戲平時則醫卜星相碁師琴客藉其梯
引均應嚴禁部議從之十二月疏言大學士
張廷玉歷事

三朝遭逢極盛然而晚節當慎責備恒多臣
切聞輿論動云桐城張姚兩姓占却半部搢
紳今張氏登仕版者有張廷璐等十九人姚

禁近時蒙

召對嚮用方隆我

皇上用人行政無非出于至公訥親之居心
行事當亦極圖報稱但臣慮訥親以一人之
身承辦事務太多或有疎失又任事過銳恐
逢迎者漸衆兩疏入

諭曰朕思張廷玉訥親若果聲勢赫奕擅作
威福劉統勳必不敢如此陳奏今既有此奏
則二臣並無聲勢可以箝制僚案可知此國

家之祥瑞也朕心轉以爲喜且大臣辦公責任綦重原不能免人之指摘卽伊等辦事亦豈能竟無差錯聞過而喜古人所尙大臣爲衆所觀瞻見人直陳已過惟當深加警惕所謂有則改之無則加勉若有幾微芥蒂於胸臆問則非大臣之度矣大學士張廷玉親族人衆因而登仕藉者亦多此固家運使然然其親族子弟等或有矜肆之念爲上司者或有瞻顧之情則非大學士所及料也今一經

查議人人皆知謹飭轉于張廷玉有益至訥
親身爲尙書若干本部之事稍涉推諉不肯
擔當則模稜成習公事何由辦理但所辦之
事其中未協之處亦所不免況朕時加教誨
戒其自滿自足年來已知恪遵朕訓矣今見
此奏益當留心自勉至于職掌太多如有可
減之處候朕酌量降旨近來叅劾大臣者每
多過當殊不知以今日之勢論之若有擅權
營私者朕必洞照隱微斷無不能覺察而陷

于不知之理彈刻大臣有閔國體此等奏摺
若不發出宵小無知者必且以忝大臣爲倖
進之階其爲害于人心風俗寔是非淺鮮著將
二摺發出諭衆知之尋

命往勘海塘十一年正月充

經筵講官三月署漕運總督九月還京十二
年充順天鄉試正考官十三年三月

命會同大學士高斌查辦山東賑務五月查
勘河道奏濟南府屬德州哨馬營有滾水埧

分消暹河盛漲而埧身過高宜改令祇資減
洩東昌府屬聊城縣暹河東岸有減水閘引
河四歷久多淤宜挑濬通暢令注入海泰安
府屬東平縣之戴村埧爲汶水分入太清河
關鍵其過汶入暹之石埧過高宜稍令低並
將埧西歸入大清河之水道疏通沂州府沂
河西岸之江楓口所建滾水埧二候秋汛無
虞再加培以衛蘭山郟城一帶田廬
報聞十四年十月充

國史館總裁十二月遷工部尙書十五年七月兼管翰林院掌院學士

命赴廣東會鞠糧驛道明福建禁折收一案鞠寔擬斬如律八月遷刑部尙書十六年充會試正考官十七年三月以查驗通倉短少米石不寔

詔革職從寬留任十一月軍機處行走十八年四月以審擬懦怯債事之把總謝又榮罪名錯謬部議革任

詔免之七月

命偕署尚書策楞往勘江南河工八月合疏
言臣等巡歷河干通查工料寔多虧缺不清
察其積弊之由總在牽前扯後工員率取入
已上司漫無查考以一聽論之每年冬河臣
核減錢糧並不勒追補項卽令留爲辦料之
用次年核減仍復如是惟指工改消彌了局
此本聽本任牽前扯後之弊也其調任陞任
仍屬河員者所欠錢糧並不寔交復帶至新

任稟請別廳交料其收料之員輒報收料若干用在某工便可完結此廳員虛報牽前批後之弊也又廳員陞任他處如平越府知府施廷熾離任已久所欠核減帑項數千尙待補苴此陞任官員牽前批後之弊也至緣事離任之員河臣查明欠項僅咨追而不叅奏致歷年虧欠至九萬兩之多此緣事離任官員牽前批後之弊也現在查出外河同知陳克濟虧空二萬五千二百餘兩海防同知王

德宜虧空一萬八百餘兩本年高郵州二閘
因湖河異漲被衝聞未衝之前文武員弁咸
謂有料尙可堵塞而該管下河通判周冕並
無物料致束手任其衝決河臣高斌祇以誤
事掣回委員另辦請徹底清查

詔革高斌及協辦河務安慶巡撫張師載職
留工効力其侵帑各員革職拏問勒限一年
完繳周冕革職鎖押二閘漫口虧空物料勒
限半年完項九月疏言臣由桃源縣前赴徐

州途中接銅術廳李焯河營守備張賓等稟
稱銅山縣小店汛南岸堤工危險比臣星赴
小店則已衝開口門一百四十丈溜勢全掣
奪河之勢已成

上以李焯張賓平日任意侵蝕貽誤堤工又
現奉清查自知獲罪必重今乘水漲遂任其
衝決不加搶護

命卽行正法統勳尋疏言張家馬路漫口大
溜直趨東南正河業經斷流今水下注洪澤

其流漸緩湖身必停淤日積河底豈能借以
刷深治河之道究以多方設法道歸正溜爲
是固不可使湖河并勢又不可急于堵閉漫
口蓋當此波濤猛急苟非正溜順流卽築埧
進埧亦祇虛糜工料且工料未集何能徒手
以禦洪流應待水勢稍落隨方疏濬使正流
仍歸故道若干圖中硃筆畫處開濬引河則
離南岸頂衝旣遠去灣取直乘勢東趨較之
從張家馬路河身迂曲者似爲便捷可傳諭

劉統勳等悉心籌畫至所奏毛城鋪石林口
兩處果能分減大溜無碍正流不防隨宜疏
導十月疏言臣現駐銅山率領河員于漫口
附近舊河內勘定引河二道南三百餘丈北
五百餘丈計日可成蒙

御筆指畫北岸一道開濬誠屬有益候淤河
稍堅陸續開工惟開放之期最爲緊要早則
溜勢不順新河易淤遲則將有用之河不能
及時分溜容臣屆期相度開放此處迤下百

餘里爲朱家海口雍正年間曾經衝決彼時
河臣齊蘓勒素稱勇幹而進埽逼緊深至五
丈餘屢走屢築連年始成今裏頭之外已築
堤基又於堤基之外兩旁用稻中寔以土名
鈔心堤層層礮寔逐次前進直至深水三四
十丈漸近中泓之所下埽步步得寔節節交
鍵腊底可以竣工又言正河身內所挑南北
小門河二道串成大河溜勢半回趨正河直
達清口今大門河已放水趨東匯先挑小門

河之水同歸正河身後雖近尾閭一段底係淤沙易致壅滯然人夫衆多不致阻得不惟合龍時洩水分溜來歲挑伏秋汛可大減頂衝之勢於新築堤工有益

報聞十二月統勳奏張家馬路堤工于本月十二日合龍黃河大溜復故道策楞奏二閘漫口亦于是日合龍

諭曰今年江南秋雨過多河湖異漲銅山決口奔溜南趨朕特遣衆臣協力堵禦而在事

諸臣俱能體朕宵旰之心寔心奮勉黃流復
歸故道二閘漫口適又同日告成奏績神速
若有默相從此運道民生均資利賴朕心寔
爲嘉悅劉統勳策楞舒赫德等在工專辦口
久宣力居多著交部從優議敘其餘在事員
弁一併議敘統勳偕策楞條奏稽查工料四
事一各驢庫貯少者至數千多者至數萬舊
料塵積復領新料本年未銷又領次年廳員
請領欸項不由道詳河臣約計歷年之數給

發有無核減俱不詳查致挪新掩舊陋弊相
沿請嗣後預辦上游鹽河等項銀兩由該管
道員承領霜降後分發各廳收工備用仍報
河臣委驗其在銷算以後之款仍令廳員照
舊承領責成該管道會同河庫道查明有無
舊欠具結轉詳方准給發統限冬底運柴到
工其雜料限領銀一月到工並照州縣倉庫
例盤查一河工有歲修搶修之分而每年核
算則在霜降後埽埧工程已歷三汛廳員任

意浮開無憑查驗請于秋防告竣後將該廳營所管工程分三等以逼臨大溜當衝最急者爲一 etc 次險者爲二 etc 又次者爲三 etc 或拆修或鑲修或改築或加帮確估申詳該道核轉河臣督該道沿堤踏勘限正月內與工三月內完竣該管道親往各工驗收不得轉委至伏秋大汛臨期搶護難以預定令該管道駐劄河干親估親收詳河臣親驗一切物料工程向係廳員按月申報往往以少報多

河臣核減者勒限交完年清年款陞調緣事
指無作有甚至甫請驗料卽稱某工動用甫
經驗工卽報蟄陷加鑲獎端木一查廳營同
駐一工最爲親切運到何項物料承修何處
工程無不深知確見請嗣後除廳員照常申
報外并令該營守備汛弁逐一據實摺報該
管道府按所報數目比較抽驗一河員查工
俱于霜降時照水大小約計准銷並不按工
考驗致調任離任輾轉遷延請于銷算時經
河臣核減者勒限交完年清年款陞調緣事

離任必交代清楚方准新任出結狗隱題叅
賠補

詔如所議行先是大學士陳世倌奏黃河入
海向祇六套六櫃今增至十致海口壅塞十
九年正月

命統勳等往勘奏言河海交會之所河水遇
潮停阻頗積淤沙而南大口門出水深通無
庸疏濬至櫃套均在七畝港之上櫃一里
十櫃僅十里套則七八里或十里不等十套

計八十餘里不但十櫃去海口甚遠河流通塞與增櫃無涉卽十套下河身數十里分流入海並無阻遏

報聞尋

命清查江南河工未結之案統勲奏言水利工程陸續題銷或丈尺數目不符或水方土方各異屢經部駁不准銷算一案不銷遂致全案稽遲而外省輾轉行查至延二十餘年之久官更吏易若再往返駁詰徒滋案牘現

查出未銷銀百十一萬三千五百兩有奇請
限十月內確核題銷工部于覆到日詳核應
銷者卽准銷結案應減者卽核減著追

詔如所請行二月疏言河臣顧琮奏請于祥
符虛家莊建支河埧榮澤陽武埧內加築土
埧並估挑引河奉

旨命臣等詳度臣自陳留沿埧而西查支河
南由古城村北由盧家莊分流東注宜建土
埧堵旁流俾由古城村前歸入正河臣復自

陽武十三堡及五堡迤南之三垣迤西之原
武榮澤等處詳勘形勢其地土鬆沙厚堤內
灘地易成支河兼正河漲濫卽成漫流自西
而東均趨堤根宜幫築三垣埽工及陽鳳大
堤並建攔河土垣資防護至引河一節臣思
上乏來源中經沙地難免淤墊應停估挑從
之四月晉太子太傅五月
命協辦陝甘總督事務

賜孔雀翎十一月疏言陝甘沿邊一帶至巴

里坤軍營雍正七年專設塘站馳遞軍機文
報乾隆元年撤兵時議裁今議明歲進兵請
酌照舊例增設查陝省自神木縣至定邊營
九百五十五里設正站九馬各三十四腰站
二十馬各十七甘省自花馬池營至嘉峪關
二千二百七十里設正站七馬各二十五腰
站六十二馬各十六協站七馬各十其口外
自嘉峪關至巴里坤千六百五十六里設站
二十七馬各二十六十一月疏言西路軍營

戰馬約需六萬匹派兵遞送廷議分設五大站臣千分站之中寓脫卸遞更之法第一站安馬十分每分千五百匹二三四五等站各千五百匹每起官兵按站換馬不必回空卽留爲後起更換之用官兵旣可按程長驅而各站馬行五日卽得休息三日仍另備數十匹或百匹以濟疲乏再各標營馬已儘數調撥備戰未便全無守禦今有現議設站之北口解來馬二萬三千七百餘匹及西安駐防

兵并固原提標兵騎赴肅州馬八千八百餘
匹臣擬於此內以七分留甘三分還陝並阿
拉善換存馬分補缺額

詔如所議速行二十年二月疏言巴里坤營
壘久廢倉庫無存糈節若儘數運往必修葺
堆貯之所而大兵進勦後又宜乎分兵防守
事多未便請將進勦口糧應官運者自哈密
馱載應裹帶者運往巴里坤散給從之六月
以平定準噶爾議敘加三級七月充平定準

噶爾方畧副總裁尋

命查勘巴里坤哈密駐兵事宜九月去阿
睦爾撒納叛擾伊犁定西將軍永常自木壘
退師巴里坤統勲請棄巴里坤退守哈密
諭曰劉統勲奏西路情形一摺乖謬已極伊
犁平定之後阿睦爾撒納肯思叛竄阿巴噶
斯哈丹不過一鄂拓克之宰桑爲所煽誘猶
奪台姑伊克明安宰桑查木叅等率衆來請
于附近軍營居住而永常妄生疑懼退回巴

里坤今噶爾藏多爾濟之子諾爾布林沁帶
兵于餘已殺退阿巴噶斯等衆則西路全勢
並無變動若使永常仍駐木壘率來歸之衆
令爲前驅奮往直前早可通伊犁聲息而追
尋阿睦爾撒納遁竄踪跡西陲當早經安貼
無事矣乃永常詎怯于前劉統勳附和于後
寔出情理之外軍營所恃全在領兵大臣今
一將軍一總督無端自相恐怖衆心其何所
恃耶劉統勳摺內所云諾爾布林沁來告之

說未可深信夫諾爾布林沁爲守護游牧始則懇求內移繼則率衆勦賊現將阿巴噶斯之得木齊班雜擒送來營尙何不可信之有又云內外之界不可不分試思各部自歸誠以來悉已隸我版圖伊犁皆我疆界尙何內外之可分西路諸台吉宰桑皆知遣人來告軍營求以兵力壯其聲勢其自効之意顯然可見而永常劉統勳乃望風疑畏甚欲全調陝西滿漢標營馬匹以向年巴里坤孤懸塞

外馬駝被刦爲詞夫雍正年間準噶爾以其
全力鴟張寇竊視今日之一舉平定諸部歸
誠者相去天壤三尺童子莫不知之劉統勳
作此種種乖謬之語搖惑衆聽貽誤債事且
班第等在伊犁係辦理軍務大臣劉統勳並
不與永常亟謀安接台站竟請退回哈密而
置班第等于不問伊身爲總督現在巴里坤
一切軍營應辦事務何莫非其專責卽如軍
營馬匹現俱疲乏卽云騎回之馬不無疲瘦

而所有一切馬匹何以不豫飭喂養臆壯劉
統勲所辦何事糜費錢糧不能適用其罪允
無可追昨據治大雄奏到伊將安西官兵忽
而遣調忽而停止馬匹豈不更加疲乏永常
已降旨革職拏解來京劉統勲如此乖張貽
誤軍旅重務若以其漢人爲之寬恕而不治
以應得之罪則是朕歧視滿漢且復何以用
人何以集事耶劉統勲著革職拏解來京治
罪劉墉亦著革職拏交刑部永常劉統勲在

京諸子並孛交刑部所有本籍及任所貲財
並著查出爲償補軍需馬匹之用十月
諭曰劉統勳因永常日本壘退回巴里坤輕
信浮言張皇乖謬律以阻撓軍機搖惑輿情
卽置之法寔無可追但念劉統勳所司者糧
餉馬駝其軍行進止原係將軍之事設令模
稜之人緘默自全轉可不致獲罪是其言雖
刺謬其心尙可原也况永常尙不識死綏之
義何怪于懦弱書生劉統勳在漢大臣中平

日尙奮往任事朕于萬無可寬之中求其一
綫可生于以自新之路劉統勲著從寬免其
治罪往發軍營在司員內辦理軍需効力贖
罪倘伊以爲士可殺而不可辱欲來京甘受
典刑亦惟其所自處伊子俱著釋放劉墉著
加恩令在編修上行走自効二十一年六月
諭曰刑部尙書員缺著劉統勲補授劉統勲
未到任之前汪由敦仍辦刑部尙書事劉統
勲從前妄議棄巴里坤退守哈密正當逆賊

初叛之際朕恐其搖動人心阻撓軍務且果如其言則今此之直進伊犁何其甚易若使阿睦爾撒納久保伊犁則亦不至如此窮竄也是以將伊犁革職治罪然當其時劉統勳因目擊永常匆遽自木壘撤出驟聞其言未能深察是以張皇失措夫永常身爲將軍膺闔外之重寄尙且怯懦退回甘心僨事劉統勳本係書生未嫻軍旅其所陳奏識見固屬冒昧舛謬尙爲乃心公事假令彼時藉口於職

在文臣辦理軍需不預師行進止模稜觀望
緘默自守轉可安然無事矣且如策楞玉保
等皆統兵大臣於阿睦爾撒納窮蹙逋逃距
軍營密邇乃仍徘徊不進坐致遠颺彼三人
者皆滿洲蒙古世僕勇敢舊風未遠而皆選
懦至此以劉統勳文法漢人相提並論則其
過爲可諒而其心轉爲可嘉矣七月奉

旨給還本籍家產閏九月

命勘江南銅山縣孫家集漫工十月疏言孫

家集向無堤工以備盛漲例于秋汛後補築
水衝溝渠今兩年未經補築致成渠分溜
詔解總河富勒赫任以劉統勳曾署十一月
漫口合龍

上嘉其妥速下部議敘二十二年三月充會
試正考官四月赴徐州督修近城石堤五月
充

經筵講官是時雲南巡撫郭一裕愆恩總督
恒文購金製爐以致闔省喧傳乃訐恒文抑

勒短價各款

命統勲往會鞠得寔恒文賜自盡一裕發往
軍臺効力贖罪十一月山西布政使蔣洲侵
帑勒派通省彌補與寧道楊龍文逢迎不法
統勲奉

旨鞠寔均擬斬如律十二月晉太子太保二
十三年正月遷吏部尙書奉

旨禁禁城內騎馬先是徐州黃河北岸無堤
議者以爲留洩漫水五月巡漕給事中海明

疏請補築統勲往勘以爲可行自大孤山至
蕪家山置亂石垣洩漲且可衛田

上嘉允之二十四年正月協辦大學士事務
二月西安將軍崧阿里疏參原任將軍都賚
扣剋兵餉統勲往鞠得寔擬斬如律六月山
西歸化城理事同知普喜訐將軍保德同知
呼世圖侵帑通同掩飾統勲奉

旨與巡撫塔永寧會鞠保德呼世圖共侵帑
一萬八千餘兩保德又於穆納山私伐木植

受銀千五百兩

上以保德身爲將軍貪黷敗檢卽行正法閏
六月

諭曰劉統勳等查審呼世圖侵帑掩飾一案
究出普喜骹法婪贓及根敦札布恣行科斂
等款贓據確鑿揆其情罪均無可追然亦不
甚懸殊乃劉統勳等于呼世圖則擬以斬普
喜根敦札布則擬以絞不知普喜贓至萬餘
且署道員時呼世圖正其屬員而有心弊混

應盤查時亦並不盤查根敦札布以軍需名
色科斂入已其罪視呼世圖有過之無不及
劉統勳等徒以庫帑婪贓視爲差別不知民
務爲重庫帑爲輕朕爲秋審不曾屢降諭旨
乎而塔永寧欲因此以曲庇普喜劉統勳亦
佯爲不知朕寔不解著軍機大臣會同三法
司另行核擬尋均擬斬如律三十五年八月
兩江總督尹繼善奏蘇州布政使蘇崇阿稟
稱存公耗羨二項書吏侵蝕至七十餘萬兩

命統勲偕侍郎常均往查十月奏言臣等抵
蘓州盤查藩庫並無短少蘓崇阿所奏報與
存貯數目不符疑書吏作弊嚴刑追究致誣
服而蘓崇阿卽指謊供爲確據駕空懸坐

詔革蘇崇阿職發往伊犁効力贖罪時江西
學政謝溶生疏劾巡撫阿思哈收受屬員餽
送

命統勲等卽赴江西會鞠得阿思哈因生女
收受司道金錫綾緞及會頓南道董榕代購

什物短發價值各款擬絞如律二十六年二月充會試正考官五月授

東閣大學士兼管禮部事務尋兼兵部事務八月借協辦大學士公兆惠查勘河南楊橋漫工令疏言臣等赴工相度先將月堤堵築候大溜斷再接再築大堤以資鞏固仍于楊橋原淤河身內開挑引河

諭曰速堵決口爲要朕日夜望之統勲又言現開引河九百三十六丈引溜歸入正河並

將正河身內濬渠疏引十一月奏報合龍

上嘉統勲等董率有方尅期竣事下部議敘
二十七年三月

上南巡以高寶河湖入江之路未暢

命統勲偕兆惠往勘尋合疏言湖河之水以
五埧爲來源江海爲去路歸江多一分之水
卽下河爰一分之利自邵伯以下向設灣頭
開壁虎橋鳳凰橋西灣埧東灣埧金灣滾埧
金灣六閘共七處宜洩湖水由盩河歸廖家

溝石羊溝董家溝芒稻河四河分流下注金
溝堤引流緊接六開地是上游由董家溝下
注宣漢湖河是爲便捷惟滾堤僅寬十五丈
未能暢達請將新挑引河量爲展寬使有建
餽之勢六開盭河向設南中北各二開北開
爲盭運要津應自中開迤南改建石堤三十
丈將中開存留開下土堤接築加長并挑引
渠以順水勢既與盭運無碍而片濶亦資暢
達其西灣滾堤照東灣一体落低並于西灣

河頭酌濬寬深諸河歸江之路益增宣洩之形益暢

諭曰所議甚合朕意應如是者四月以直隸景州被水

命查勘德州運河統勲疏言運河自臨清以上疏洩閘坦共入處而臨清迤北性藉四女寺哨馬營兩坦宜洩必宜疏通以防盛漲漫及下游但兩坦支河俱會老黃河故道入海袤延三百餘里居民於淤灘種植河身易致

於塞請將德州州判移駐兩支河交匯之邊
陵鎮專司河捕責成山東糧道董理其地在
直隸者移會天津道商辦

詔如所請二十八年兼管翰林院掌院學士
命爲尙書房總師傅三十年正月兼管刑部
事務二月教習庶吉士七月充

國史館正總裁三十三年十月

命往江南酌定清口疏濬事宜十二月時統
勲年七十

御書賚元介景額

賜之三十四年復勘挑運河三十五年兼管
吏部事務三十六年三月充會試正考官三
十八年閏三月充四庫全書正總裁十一月
卒

諭曰大學士劉統勳老成練達品行端方雍
正年間著舊服官五十餘年中外宣猷是爲
國家得力大臣自簡任總辦兼綜部務兼持
公正符畀方殷並命爲諸皇子總師傅久直

內廷勤勞懋著雖年逾七旬精神甚爲矍鑠
異其可常資倚任今晨肩輿入直至東華門
忽嬰痰疾比聞之卽遣御前大臣尙書公福
隆安賞藥馳往看視已無及遽聞溘逝深爲
軫悼著加恩晉贈太傅入祀賢良祠朕卽日
親臨奠醑並賞內庫銀二千兩經理喪事其
任內革職降級之案概予開復伊子西安按
察使劉墉著諭令卽馳驛來京治喪守制應
得卹典仍著該部察例具奏尋

賜祭葬如例諡文正三十九年三月

諭曰故大學士劉統勳其子于月內扶柩歸里著照從前史貽直之例沿途文武官弁在二十里以內者均至柩前吊奠並遣人護送俾長途妥穩進行以示優眷故臣之意四月諭曰大學士舒赫德子敏中各賞古今圖書集成一部俾其收藏傳付子孫守而弗失故大學士劉統勳原欲一体賞給不意其猝爾身故未及身預因念伊子劉肅尙克世其業

亦著加恩賞給一部四十四年

御製懷舊詩列五閣臣中

詩曰從來舉大事要欲衆論定小利亦何費
小失亦何病阿逆之初叛衆志已紛競統熟
督陝甘儲需任所勝欲棄巴里坤是殆亂軍
令治罪易廷桂並令隨軍進五年大功成釋
罪重從政賞罰寓矜全順應自取聽十餘年
黃閣總兼部務仍遇事既神敏秉性原剛勁
進者無私惑退者安其命得古大臣風終身

不失正是年

恩賜其孫鑲之為舉人子墉現在任禮部尚書

漢名臣傳卷二十九終

漢名臣傳卷三十

史貽直 裘曰修 馬彪

史貽直列傳

史貽直江南溧陽人父夔由編修官至詹事
貽直康熙三十九年進士改庶吉士散館授
檢討五十年充雲南鄉試正考官五十一年
提督廣東學政五十二年丁父憂服闋補原
官五十六年遷贊善累遷侍讀學士署掌院
學士雍正元年三月

命在南書房行走擢署吏部右侍郎尋授內閣學士仍署吏部右侍郎七月寔授

御製詩賜之曰率屬分曹地望崇位躋卿貳
賴和衷彤墀迹躡中臺履玉佩聲含曉殿風
勿憚賢勞親吏職好將兢業亮天工公忠不
負衣冠選槐棘均叨雨露同十一月充武會
試副考官二年二月轉左侍郎閏四月充
經筵講官五月疏言直省武鄉試請照會試
例擇弓馬嫻熟技勇出羣者另編好字號下

部議行尋充

大清會典副總裁八月充會試副考官三年
四月山西巡撫伊都望疏參原任川陝總督
年羹堯干管河東鹽務將其子年富年斌偽
編商民隱佔鹽窩並私行印票又授意咸寧
知縣嚴士俊與曲沃知縣魏士瑛誣參鹽商
王欽菴及富民高科等私販勒罰銀
命貽直借刑部侍郎高其佩往鞫得寔部議
羹堯已于別案革職俟提拿至京正法一等

子年斌應革職年富巳干別案拿問從重歸
結嚴士俊等論罪如律十二月調工部右侍
郎四年十月轉左十二月兼理戶部侍郎事
五年三月充會試副考官八月調戶部左侍
郎十二月兼理吏工二部侍郎事尋兼管順
天府府尹六年八月轉吏部左侍郎仍兼理
戶部侍郎十月

命往福建察審原任巡撫朱綱劾按察使喬
學尹及巡臺御史禪濟布劾臺灣知縣周鍾

瑄並與原任巡臺御史景考祥互揭二案七年正月審明學尹故出人罪應杖流鍾瑄加征耗穀誑入已應絞禪濟布受吏役私餽又重債牟利景考祥庇年侄冒籍均應交部嚴議

上獎其將擬公當四月署福建總督閏七月疏言各營巡哨兵之設原以防海口而察奸宄及包攬客貨偷過關臣據閩海關監督準泰咨呈立飭該營將備查拿嚴禁

諭曰可嘉之至大凡國家事体皆當不分彼此一秉至公方無忝封疆大臣之任也八月疏言倉穀向有存七糶三之例惟福興泉漳四府積穀年久有司因其地產米甚少買補最難因循不敢糶易紅朽堪虞查四府額貯穀九十五萬五千五百餘石每年臺灣應碾應泉漳平糶兵米及廈門金門兩標兵米共八萬三千餘石若停臺灣碾米照一米二穀以穀十六萬六千餘石運至廈門令福興泉

漳四府屬按積穀之多寡分運各倉將舊穀碾米爲平糶兵米之需各倉陸續轉換旋易旋補輪至六年可盡易新穀存倉嗣後歲歲遵照更易經久可行至臺灣改米爲穀運腳自增四府由廈門運穀入倉亦不能無費查臺灣米賤內地米貴四府倉穀雖照時價酌減平糶尙有盈餘卽以此項加增腳費亦足敷數又言臺灣各營換班兵向派內地千把總管押過臺送往各營收伍卽將期滿兵帶

回此輩經過番社恃勢役番勒供酒食柴草
牛車稍不如意輒肆凌虐臺灣鎮臣因非已
屬不便嚴加約束番社每受擾累請嗣後內
地弁員押兵至臺灣時鎮臣于本標另委妥
員轉押

詔均如所請行十月疏言臺灣革職叅將林
子龍經總兵陳倫炯以縱兵聚賭廢弛營伍
等款揭叅臣到任後提審事均無據卽招會
婪贓一狀亦歷審並未入已子龍曾効力戎

行亦得兵民心若遽棄殊爲可惜請量加錄
用得

旨復子龍原官八年三月請移福清縣縣丞
駐平潭從之四月調署兩江總督賚直以本
籍疏辭

詔弗允五月請整葺營汛資防禦

上嘉是之六月授左都御史仍署總督尋請
以舊隸江寧府之溧陽縣改隸鎮江府從之
九年正月還京兼理吏部戶部事時大軍征

子関有丹河夾兩山之中紆折三百七十里
巨石淤沙脩極諸險夏秋間豫陝兩省民借
之灌田築堰蓄流涓滴不容滲漏雨後山水
驟發輒斷緯路輓運寔多未便臣前因楚米
解陝艱難奏請停運于河南府及陝州沿河
各屬積穀就近輓輸則疏濬此河尤屬可緩
上聽其言十二月調戶部尙書總理陝西巡
撫事十二月疏言西安糧駟二道同駐省城
所理事煩簡不均請將通者益法事宜改歸

驛傳道管理將糧鹽道改爲督糧道驛傳道
改歸驛鹽道部議如所請十三年三月四川
巡撫鄂昌因乖謬不職被劾革審

上以鄂昌前署陝西巡撫時貽直曾保薦

訓飭之四月請升直隸同州爲府裁知州州
同吏目缺設知府通判經歷各一改西安府
同知爲同州府同知增置附郭一縣設知縣
典史各一其同州原轄之朝邑郃陽韓城澄
城四縣直隸華州與所屬之華陰蒲城潼關

三縣並現屬直隸耀州之白水一縣俱歸同
州府轄直隸耀州與所屬同官縣改歸西安
府轄部議從之定所設同州府附郭縣曰大
荔七月

命還京十一月貽直隸奏三事一科道銓儀
之宜用正途也國家用人惟才原可不論出
身但六科有封駁之任御史爲風憲之官吏
部掌握銓衡禮部職司典禮請照舊例用正
途出身之員一官員遷擢之宜循資格也資

格雖不足以致奇士而可以造中材捐棄階
資則倖進者不以爲獎勵之公而陰喜進取
之獨巧沉滯者不自咎才具之拙而徒怨進
身之無階請照舊例循階按級以次銓除果
有才猷出衆治行卓然者仍許破格薦擢一
河南開墾捐輸之宜速罷也臣聞河南各屬
報墾無慮數千百頃非河灘砂礫之區卽山
岡确磽之處皆自古不毛之土非人力所能
施甚至墳側河隄皆欲墾以犁鋤數年後按

欽陞科捐斤鹵爲膏腴勘石田以上稅小民
將有鬻兒賣女以應輸將者又勸捐一節郡
縣官手持簿籍不論鹽當紳民慰以好言令
其書寫貲鏹隨之寔有損國體但承上官意
指屬員安敢有違請

特簡廉明公正大臣撫綏其地則情弊立見
而河南百萬生靈食福無旣疏下總理事務
王大臣議如所請是月

命貽直往署湖廣總督乾隆元年五月疏言

舊例州縣官虧空倉穀革職留任勒追嗣九
卿議每穀一石作銀一兩定罪侵蝕至千兩
以上那移至二萬石以上俱擬斬候臣思銀
省穀價平時不過三四錢貴亦不過五六錢
若以銀一兩計是該犯寔止虧空銀數錢而
罪已入干一兩之律况積數愈多獲罪愈重
往往計贓罪止徒流而竟入干斬絞重刑者
有之再州縣倉穀之外尙有米粟高粱麥豆
青稞各色雜糧其價有倍於穀者有僅值穀

之半者今概照每石作銀一兩定罪如侵蝕
倉穀至千石卽擬斬其有侵蝕倉米九百九
十石仍擬千石以下准徒之類是同一侵蝕
贓輕而其罪獨重贓重而其罪轉輕揆諸計
贓論罪之條既有未協參以一米二穀之末
尤爲未符恐啓法司故出入之弊請于各項
倉糧內酌中定價通行各省如遇承審虧空
之案視其侵那何項照核定價值分別計贓
科罪庶立法平允部議侵那米一石者作銀

一兩穀及雜糧一石者作銀五錢治罪永爲
例八月疏言武昌沿城西南一帶當江漢二
水之衝舊有長堤日就傾圮應及時修築臣
遴員確勘自望山門外玉惠橋起至武勝門
外土城磯止正岸綿亘千三百一十九丈護
岸六百八十八丈工科需銀十萬一千九百
三十七兩有奇卽于藩庫所存商捐修築銀
及一切公項內動支無庸動正項限三年分
段脩完

詔如所請行二年三月兩淮鹽政尹會一條
奏湖廣例銷淮鹽因壞接川粵隣私侵越請
將不銷官引之州縣清查或募水商專運或
令官運官銷或設公店發賣下湖廣總督酌
議貽直奏言楚省所銷淮鹽每年計七十餘
萬引淮南運赴漢日小販轉運各口岸行銷
內有距漢遠而距川粵近之湖北巴東歸州
興山長陽湖南道州寧遠永明江華新田九
州縣時或買食隣私蓋因商販不肯賠本而

運鹽民情萬難舍賤而買貴如巴東等處萬
山中距漢口二千餘里運費每斤非三四分
莫辦而本地鹽價貴不過一分商販安肯販
墊已資運赴折本莫售之地此募水商轉難
也准鹽旣難運行而該地之民距川粵行鹽
地近輒就起集趁墟之便以米穀買換零鹽
若令官運官銷勢必照本發賣強民舍賤買
貴誰肯率從如照隣境之價則必賄賂運費
州縣養廉有數何以堪此此官運官銷之難

也至設公店之議更不可行巴東等處地瘠人稀卽盡食淮鹽爲數無多勢必減價行銷是欲淮南商舍現獲之原實而清無益之綱地鮮有不陽奉陰違者夫兩淮鹽課楚省約居其半每年通計額引有增無損與其更張而公私交困執若仍舊而商民兩安部議如賄直所奏行時湖南城步等充苗蒲寅山等糾党肆劫貽直借巡撫高其倬調兵督勦盡擒之

諭曰此次辦理苗獠之案史貽直高其麟調
度有方俾兇首党惡各犯不至漏網甚屬可
嘉着交部從優議敘加三級九月疏陳洞庭
湖舵桿洲石臺工程善後五事一臺北面應
增築護堤以緩水勢一存剩帑銀應交商生
息以資歲修一歲修石料應預爲貯備一歲
修應責成專員經營並立勸懲之法一舵桿
洲等處應增設救生船部議從之尋
命回部辦事三年七月調工部尙書十月調

海峽自任 卷三一
三
刑部五年五月兼理兵部事九月調兵部尙
書教習庶吉士

御製詩賜之曰中樞掌九伐峻望近三台經
畫資心膺許謨佐鼎梅常存葵藿志不愧棟
梁材書思恒有納嘉猷佇猷來七年正月遷
吏部尙書七月署直隸總督十二月協辦大
學士九年正月授

文淵閣大學士

命紫禁城騎馬十年三月充會試正考官加

太子太保十三年以雲南知府樊廣虧空叅
本錯擬票簽

諭革職從寬留任詳陳世倌傳十四年兼理
工部事十五年三月

上西巡回鑾貽直接

駕後遽退

召見不至

訓飭之八月兼理刑部事十八年兼理吏部
事二十年前任廣西巡撫鄂昌與逆犯胡中

藻唱和案發詞連貽直爲次子署甘肅布政使奕昂屬鄂昌事

諭曰鄂昌與史貽直札稿內有玉成佳器之語朕初不知所指召問史貽直則據奏曾經致書通侯並未有所請托今訊之鄂昌則供稱史貽直致書與伊有河道之缺已補甘藩之任尙懸乞爲鼎力玉成等語而史貽直尙不承認及刑訊鄂昌又問及此條仍與初供無異鄂昌所犯之罪甚重何獨于此一事而

加刑堅訛且伊向日尙與史貽直相厚何至
誣賴史貽直又已年老本不至因此事而革
職刑訊也但爲伊子請托于前又不據寔陳
奏以圖掩飾且向日亦非安靜之人本應重
治其罪念其近年尙屬勤慎奔走着從寬以
原品休致勒令回籍閉戶家居尋奉
旨史奕昂來京以京員用二十二年正月
上南巡貽直迎
駕于沂州

命在家食俸

賜詩曰歸林緣舐犢辭閣匪思鱸能改無過
矣知仁何碍乎迎蓋方出戶咨改挈同途風
度猶然在江山秀助腴三月

諭曰原任大學士史貽直從前爲伊子致書
是以令其休致兩年以來家居安靜業已改
悔茲朕南巡前來接駕見其精神未衰尙堪
任使且宣力年久本係舊臣現在內閣需人
史貽直着仍補授大學士入閣辦事六月

諭曰聞大學士史貽直中途患病旅次恐無
良醫深爲軫念着派乾清門侍衛扎拉豐阿
帶同御醫栗世功馳驛前往診視七月至京
兼理工部事十二月加太子太傅二十三年
二月充

經筵講官二十五年八月

上以貽直爲康熙庚辰進士今週甲尙在朝
洵昇平人瑞

賜詩曰庚辰先進杏花芳週甲重看葢榜黃

早識家聲孝山史羣稱風度曲江張本衙門
有新佳話國史院無舊等行寧獨措紳慶人
瑞贊予文治底平康十一月

諭日大學士來保史貽直年俱八旬嗣後凡
遇祀典不必隨班行禮二十六年正月貽直
生辰

賜詩曰皤皤黃閣領朝裾矍鑠聯行尙弼予
前度庚辰淡墨榜兩看辛巳澣金書滿千卷
似沉抄罷開八秩過白注餘聲望老成需贊

治名高漫卽擬懸車十一月恭祝

太后七旬萬壽貽直與來保預香山九老會
御詩比之宋臣富弼文彥博有元豐三相今
猶在履道諸賢詎可方之句十二月

特命于紫禁城內乘輜二十七年以年老請
解任

諭曰大學士史貽直年逾八旬精力雖非強
健然在大臣中齒宿資深足爲班聯盛事茲
以老病奏請解任情詞懇切因念部務煩劇

高年難以兼顧所有工部事務着不必兼攝
以示体恤至內閣地禁事清朕已恩准史貽
直以肩輿入直原可無庸解退嗣後可令自
行酌量或嚴寒盛暑卽不必每日進署俾可
從容頤養副朕優眷至意尋

諭曰史貽直已不兼工部事務着于戶部飯
銀內每年賞銀五百兩二十八年正月貽直
第三子山西知府奕瓌俸滿引

見請留京侍養

特命以四品京堂用五月貽直卒遺疏入
諭曰大學士史貽直練達老成年登耄耋敷
歷中外參贊綸屏宣力

三朝勤勞夙著前以衰老乞休奏請解任朕
降旨慰留並令肩輿入直俾得從容曠養近
聞患病遣醫診視尙冀速痊茲遽溘逝深爲
軫悼着派皇六子前往奠醊加贈太保入祀
賢良祠並賞銀二千兩治喪應得卹典仍着
該部察例具奏尋

賜祭葬如例謚文靖子奕昂官至兵部侍郎
表曰修列傳

表曰修江西新建人乾隆四年進士庶吉士
散館授編修八年擢侍讀學士充

日講起居注官九年遷少詹事十二月充湖
北鄉試正考官十三年遷詹事十四年四月
命祭告南鎮會稽山十一月

命南書房行走十五年六月充浙江鄉試正
考官十月遷內閣學士十六年八月遷兵部

右侍郎十二月充江南鄉試正考官十七年
署吏部侍郎十八年六月充浙江鄉試正考
官九月調吏部右侍郎十月署戶部侍郎十
一月充

經筵講官尋充會典館副總裁十九年三月
以察議侍郎張泰開保舉瞻徇事不寔部議
革職奉

旨從寬留任十月調戶部右侍郎先是胡中
藻逆詩案發供天津道張紹渠之弟紹衡曾

述曰修言堅磨生集已有人進

呈

上面詢曰修並無此語

命提舉張紹衡質訊嗣紹衡供此語得自裘
日修屬寔曰修執奏如前二十年五月

諭曰此事面質對其言出自裘曰修已無
疑義若謂裘曰修有意通信何難密札胡中
藻令其并行銷燬滅跡而乃假諸張紹衡之
口此固不然但從前查辦胡中藻詩集朕原

特交蔣溥密辦事閱數年裘日修同事內庭
偶爾閒談亦情理所有而張紹衡向胡中藻
說及原在未經發覺之前俱出無心於胡中
藻本案初無閑涉自可無庸辦理乃裘日修
面承詢問堅執以爲並無此言是以將張紹
衡提拏質對俾此事水落石出而裘日修以
業經諱飾于前因卽遂非于後今旣供証確
鑿則裘日修面欺之罪寔無可追着交部嚴
察議奏六月議革職尋

命授右中允十一月遷侍講十二月授吏部
右侍郎二十一年二月充

經筵講官四月軍機處行走七月以宣化莊
頭吳士望控生員孫禮等墾荒斷渠

命曰修借總管內務府大臣德保往勘所墾
地與渠水並無碍飭令分墾毋牽混九月
恩賞分戶部飯銀每年五百兩

命赴巴里坤辦理軍務十二月奏言肅州備
用之馬多多益善此次解送五千匹若不敷

用西安滿洲營可得千餘綠營可得三千臣
已屬巡撫盧焯預備俟臣抵肅商之督臣黃
建樞如有撥調卽行文令續解可應時無誤
又西安現運米送巴里坤若令晉省解肅之
駝帶運亦可稍減腳費得

旨允行二十二年正月奏言西陲地廣回民
不下數十部落而厄魯特人介處其中當策
妄阿喇布坦時恣殺掠回民切齒已久是以
從前我師所至輒爭先効順此次進勦厄魯

特必竄逸或闖入回地臣聞伯克額敏和卓
爲回部知名之人受

恩最重請頒

勅令彼宣諭諸回部以我兵所誅惟厄魯特
且爲回部除害若有竄入境者能擒而殺之
一体賞賚勿被煽生疑懼

諭曰大凡此等外夷我力勝則彼不招而自
來若我力竭雖詳諭百端彼之觀望自若卿
所言雖亦一策徐徐度之可耳五月喪日修

還京

命往山東河南上江會勘水道疏濬事宜
諭曰朕此次南巡親蒞河工相度險要指授
在工諸臣並特派侍郎夢麟會同總河白鍾
山疏荆山橋一帶總河張師載巡撫高晉協
辦徐州府黃河兩岸堤工其徐州護城石工
則委之副都御史德爾敏下河諸工則委之
副總河稽璜六塘河以下各工復委之侍郎
夢麟分在責成各有專屬凡以爲積歲被災

羣黎籌疏洩之方捍禦之策者宵旰靡寧異
收寔濟業經屢頒明旨矣近據山東巡撫鶴
年奏報山東之金鄉魚臺等州縣未涸地畝
尙有一千餘莊因思此方積潦再經伏兩秋
霖將益苦汎濫而上江之宿虹靈璧等處河
南之永城夏邑等處在在皆有積水計漫溢
地界不下數百里此其受病非一朝一夕驟
至蔓延蓋其始皆由於地方官漫不經心偶
遇水災不急爲籌度日復一日因循釀害積

水日益增淹地日益廣以至高下田廬盡成
巨浸及至受害既深自非大動帑項厚資工
力不能奏効而大小各官又莫能深悉受害
之由確得祛患之術惟恐議疏議築虧帑貽
累遂爾噤口束手坐視其民爲魚而莫展一
籌現今水患已不可勝言若不及時徹底籌
辦將來其何所底止耶此亦朕南巡未了之
事着侍郎裘日修馳驛前往山東河南上注
現在積水各州縣往來周視寬以時日熟察

情形咨詢輿論勿憚再三其在山東者與鶴
年會商在河南者與圖爾炳阿會商在上江
者與高晉會商其地方官有熟悉水道之員
聽其酌量差委務在通盤籌畫無分疆域凡
可以登民衽席計安全而謀樂利者果歸寔
用毋惜多費帑金朕痾瘵一体南顧疇咨輶
轉憂勤之意皆諸臣所共悉其深体而共勉
之以副委在六月日修由山東查勘至河南
七月由河南至上江八月偕安徽巡撫高晉

奏籌宿州靈璧虹縣疏濬事言宿靈璧虹等處每年所以被水之由緣豫省虞夏商永四邑之水畢滙宿州所恃以宣洩者惟濰河之一道上游毛城舖等處減洩之黃水累年浸灌水過沙停積漸成淤至上年天然閘峯山四閘陸續開放而毛城舖至本年底始行堵閉黃河直流已經一載是以徐洪口一帶竟成平陸濰河上段之在宿州者現已全行淤墊濰河既淤豫省諸水及宿州四境山

水散流漫衍遂于徐溪靈壁則有斗溝拖尾
河沱河虹縣則有荀家溝岳家河須一律疏
濬虹縣又有潼河受水極大向由林子河經
歸仁閘以東之涵洞入安河今林子河淤已
久亦宜舍舊圖新從潘家山南之徐家冲開
通以達董家溝歸安河入洪澤湖較爲徑捷
凡此皆宿靈壁虹三州縣積水情形就臣等
所見酌擬之辦法也至烏雀嶺董家溝安河
係虹縣泗州宿遷桃源四州縣錯壤須會同

辦理董家溝在宿遷境內已全淤安河則界
桃源宿遷泗州三州縣亦間淺阻金鎮鎮劉
李瑛田家集陡門等處上下八十里爲入洪
澤之咽喉尤爲緊要皆須逐段開濬必此處
較上游深通而後濰河一帶之水順流直下
於洪澤施工次第當由此起現行文下江督
撫諸臣確勘詳估及時辦理惟是下游之下
復有下游洪澤一湖以清口爲出路前蒙
皇上指示河臣將草填拆卸以暢其流江南

官民皆仰頌

聖明照燭于數千里之外但每歲係應期開
放俾上游之水隨來隨去則來者雖多而去
者能速不致壅闕于一時

諭曰裘曰修等奏會勘宿靈璧虹三州縣積
水情形於該處水勢之來源去路頗爲明晰
所言歷年受病之由及目前利導之法已具
得其要領前曾降旨令在事諸臣將勘明工
程及時辦理現奏宿靈璧虹等處疏濬各工

應與舉者卽行興舉不必會商往返致稽時
日朕爲百姓生計並不惜費惟期用之于寔
永遠消患而已總之侍郎裘日修夔麟河臣
日鍾山稽璜張師載並各該督撫受命同事
祇如一人原無分此疆彼界所見旣確卽應
一力擔承務期歲前竣事始于河工有裨而
不誤明春耕種爲要至毛城舖爲濰河土游
欲濰河之無淤決計惟有堅閉毛城舖苟非
盛漲不得開放設不得已如今歲之自行漫

溢卽當于斷流之後將淤沙盡力挑濬若少
因循則今年淤一尺明年卽淤二尺河身墊
高節節阻碍年復一年其淤更甚故逐年挑
濬深通是爲要務河臣當永久奉行其濬河
下游皆達于洪澤湖而洪澤以清口爲出路
前經指授河臣于洪前將草坦拆卸俾得暢
流已有成效嗣後卽以此爲成法不待盛漲
一遇水勢漲發隨時的量拆卸草坦預爲洩
水之地從前惟恐運河水少故須蓄以濟運

今則惟恐其多情形迥異此所當因時審度
不可執一而論者也向來河員習氣欲保堤
工則以開毛城舖爲長策至于下游之清口
則又墨守舊規憚于拆卸草坦以至出水不
暢啓閉兩失河工日就做壞而沿河州縣歲
受其災河臣能如此等肯綮處恪遵所示機
宜以時蓄洩當無後艱所有現議應開支河
赴辦竣工去累年淤阻泛濫之積不特宿靈
璧虹等州縣漸有起色上游豫東諸積水皆

有所歸民生利賴所關甚鉅諸臣其共勉之
九月日修由潁亳一路復至河南借巡撫胡
寶琮奏籌豫省疏濬事言黃河以南之水羣
縣以土俱人于黃至崇澤以下北阻大堤南
則連山橫亘諸水所經惟以正東及東南兩
面爲去路正東則土江宿州之泲濰河也向
因沙灘徐溪口等處梗塞致省城之巴河响
河豐樂河皆無出路下阻則土淤並此諸河
在在淤墊幹河旣淤一切溝渠又無出路此

商虞夏承四邑颶年水患之由也東南一面
則以江南潁州府之阜陽太和亳州等州縣
爲出潞淮水之大木能宣洩而兩省犬牙相
錯之處陵阻亦多豫省之水需滯而不下則
豫省先受其患極湲而潰奔流四溢其患又
且及于上江此開封陳州逾下及于歸德之
柘城鹿邑汝寧逾下及于西平土蔡颶年被
水之由也今淮河砂礮一帶業奉

旨興挑穀毫一帶臣曰修前與高晉會勘東

面東南面去路無阻然後中州諸水可得而
治臣等博採輿論謂宜先開幹河繼開支河
繼開溝血分要工次工緩工次第興修東面
之幹河在商邱爲豐樂河在夏邑爲响河在
永城爲巴河是係一河而旁安惠民溝陸隣
溝毛家河虬龍溝歧河民便溝諸水河身既
狹加以日久沙淤深不過四五尺宜大加挑
治東南面之幹河大沙河爲最卽古潁水堤
岸殘缺應補築次則開封之賈魯河卽古汴

水自尉氏以下周家口以土宜一律挑濬又
惠濟河自杞縣以下尤淤阻濬河自鹿邑以
土漫口甚多並幹河之當挑濬者此外如永
城之漕溝夏邑之毛家河小引溝觀首幫引
河白河三岔河虞城之惠民溝商邱之北沙
河大澗溝鹿邑之溝水河汝寧府之洪河汝
河宜通加挑濬一律通流所挑工卽以加一
兩岸之堤但一經漫水汕刷便成決口擬於
河身最狹及沙鬆溜急處普加磯夯臣等一

盤一畫由引河以達於支河由支河以達於
幹河其不能歸河者于田間多作溝渠導引
或窪地臆爲澤藪以資停蓄總使源源之水
既下注無虞而潢汗野潦亦有所約束而不
至于散漫得

自如蠶速行是月日修復至山東借總河張
師載于濟寧土下查勘尋借巡撫鵠年奏言
館陶臨清等州縣濱運河兩岸向有民埝以
禦漲水而衛田廬因係民築民修僅堆填浮

土不及夯礮堅寔今年兩河驟漲直注東省
致旁決甚多雖經堵築水落後殘損坍塌處
亟應增培高厚若仍責之民修不免虛應故
事懇

恩准照直隸永定河堤工之例每夫日給米
一升仍責成地方官督令寔力修補

詔如所請十月偕新任巡撫蔣洲奏言山東
水道應疏濬處兗州爲要曹州次之皆緣微
山湖積水不消致宜洩無路臣曰修與前撫

臣鶴年于六月間相度地形奏開伊家河今
臣到工復將原估十大河頭再展寬數丈使
湖水建瓴而下則濟寧魚臺滕縣嶧縣以及
江南之豐沛二縣地畝可普行潤出至水消
後更有應辦者就兗州言之魚臺縣有舊運
河一道界微山湖西面上接濟寧之牛頭河
金鄉之涑河柳林河應一併挑濬使下游直
接江南茶陵十字河頭而脈絡貫通上游則
濟寧金鄉以下各州縣滙注之水皆有去路

而水患可除又泗河自濟寧姚安莊以下河
身愈下愈狹至今泛溢未消白馬河則中段
之董家口與泗河相接狹不能容致淤阻應
將二河之尾挑濬俾兩河分流消納亦易府
河係泗水分支向有金口閘建涵洞二今淤
塞入河底來路既建去路亦斷若將涵洞改
建水閘楊家坦亦改建石閘用板啓閉則土
下通流節宣有制洸河合流入馬場湖每多
旁溢查濟寧之與文鎮以下舊有河形年久

淤塞亦應行挑濬就曹州言之則應分二道
其西南自豫省之延津滑縣封邱直隸之長
垣東明等處坡水漫溢而來是以明代築太
行堤時卽沿堤開河一道名順堤河順軌東
流自微山湖水漲此河不能下達致多淤墊
應疏濬其東北則曹范壽張陽穀等處上承
濮州定陶各坡河之水從沙河趙王河入運
今歲衛行異漲運河爲其頂阻倒漾而上遂
多淹漫現于八里廟增建滾坦此處正當沙

趙二河之衝于地勢最爲得宜總使平槽之水濟運有餘而泛漲之時消滅亦易再查沂沐二水皆爲幹河沐河至江南沛陽縣入海尙屬安流沂河入江南之駱馬湖多淤阻應一併疏通以除水患

諭曰覽奏俱悉朕正慮及沂州府屬每被水災奏內有疏通駱馬湖語宜速相度妥辦又奏山東運河情形言南陽以下至韓莊閘水勢未消臣等亟思措置之方于來源去路並

加講求查南旺舊制原係三分南行七分北
上今則北少南多現于分水口兩岸接長南
埧收短北埧俾順勢北行再將何家埧減低
二尺放入北運則南下之來源已少于粗艘
回空後嚴閉南閘盡放北閘暫使汶水全往
北流俟伊家河放水運河下段堤岸盡出凡
不能施工之處可次第興修庶明歲重運道
行不致遲悞至南陽以上水勢已消各工段
及時修築

諭曰恐汝等分身不及今又遣劉統勳前往
專司運河一切工程此奏可與之妥酌爲之
是月日修復至上江偕高晉奏言潁州府屬
地勢平衍北高南下各河道均以淮河爲歸
宿達洪澤湖祇以積年上下淤阻遂多漫溢
今豫省旣將上游疏濬安省應一體籌辦其
在豫省連界應濬者亳州之兩河口及三道
河泥河太和之茨河明河南邱之大沙河均
照豫省寬深丈尺興工本境應濬者亳州之

宋陽河霍邱之高塘河及茨河淝河下流其
堤岸均一律脩整

諭曰接連豫省之河應較豫省加寬方可容
受也又言宿州上承豫省及下江蕭碭諸水
又洪湖受毛城鋪減洩之黃水來源甚多查
濉河沖出之南北二段既經估挑其上段正
身地居中夾若併加開濬三河並行以中段
接洪湖減洩之黃水以南段接豫省永夏諸
水以北段接下江蕭碭諸水均順其自然之

勢使分途下暢至毛城舖爲濰河土游仍格
守

聖訓堅閉毛城舖非盛漲不得開放其橫垣
引河悉心籌辦務于河道民田兩無妨碍又
濰州舊有運糧溝二道大半淤阻若將此二
溝挑治並濰河下游淤淺處一律疏濬增建
石閘以時啓閉既可分新沖南段之水以通
濰河而由濰入淮糧船從此直達宿城旣增
上游澳水之區又資往來運送之便兩岸民

田積澇均可分洩

諭日所奏皆善可妥協辦理尋調戶部右侍郎十一月奏言全淮俱入洪湖而去路又以清口爲咽喉叠奉

諭旨令來歲及早多拆東西草埧以暢其流今值初冬東埧蓄水之期向來口門祇留十八丈至二十丈不等收束太緊今擬酌留三十丈則湖水暢出且今歲多出一分來年可多受一分于宣洩有益

論曰甚合機宜欣慰覽之又奏言上江諸水
開通後歸安河以達洪湖自歸仁集下至陡
門出口之路蘆葦叢生淤墊較甚上游數百
里東下之水至此皆爲所格連年患由於此
惟是水而淤漫無從扎堤若概用甬工不但
天寒艱于入水亦且蘆根糾結甬具難施查
沿湖一帶漁船頗多募四五百隻掘取蘆根
兼撈淤土爲力較易尾闈諸道則壅遏之患
可減至安河河頭亦有應爲籌計者查歸仁

集外奎河潼河柏家湖林子河羅家河水俱
入安河來水既衆咽喉尙屬狹隘宜開董家
溝一路又勘得歸仁堤迤下舊有涵洞年久
湮塞擬再開通又分林子河一支由此經行
則安河進水之地亦有所分而壅遏無患
詔如所請十二月日修復至河南借胡賓瓌
奏言開歸陳三府之豐樂河响河巴河渦河
惠濟河賈魯河爲諸河之幹現已陸續工竣
其支河三十餘處有應續議挑濬者臣等再

加履勘如商邱之兩沙河虞城之苑家堤遂
平縣之石羊河上蔡縣之柳堰河泥河小茅
洞新蔡之三岔河各相機疏築中州全省水
患可與無虞

上嘉尤二十三年四月上江河工告竣日修
與協理河工安徽巡撫高晉俱蒙

恩議敘

御製詩有爾晉惟方伯日修汝亮工之句六
月奏言偏災地方慮糧食短少例免米豆稅

以招商但既經免稅必設法稽查始則定地
給票販米繼則沿途照票放行既售又須回
票注銷胥役在在需索較照例所納之稅增
倍且票中填明往售之地中途雖有善價不
得隨便他售商販却顧不前致災地米糧稀
少是欲通商而商反以爲累欲便民而民轉
受其不便請照舊收稅商免守驗需索米豆
自然疏通

詔九卿議奏允行七月京師米貴

命發官米減價平糶以日修等董其事奏言
今歲市價較往年倍增若減價太多恐奸徒
乘機居積適滋弊端臣等酌議每石減價文
先行試糶數日後市價稍平糶價以次遞減
并將平糶錢交庫爲搭放兵餉用不必發五
城易銀庶吏胥不得高下其手從之十月充
方畧館副總裁十二月以天津民人潘濟控
益商牛兆泰一案詞連日修與兆泰奇書事
諭曰袁日修與益商牛兆泰係屬姻親寄書

可也而使菴道之婿持書寄菴商雖無囑托
之言明有囑托之意軍機行走之人尤當甚
密防閑爲要此何爲者耶妻曰修不必在軍
機處行走二十四年六月江南飛蝗延及以
東

命偕內閣學士海明往勘尋奏蝗起自海州
其撲捕不力之地方官治罪如律閏六月充
江西鄉試正考官十一月

賜曰修繼母郝氏入旬衍慶生母王氏七秩

連祺二十五年二月

命偕侍郎伊祿順赴甘肅清查軍需九月授
倉場侍郎十月奏言每年漕艘抵通必至石
坦換剝船由五閘轉運入京此一帶河道自
大通橋以下至通州之東水閉長四十餘里
淤積既久河身愈高遇雨大則冲潰堤岸關
水盡沒雨水微弱之年則又淺阻膠舟漕運
阻滯查每年修堤挑濬名爲歲修與其逐年
勞費不若爲一勞永逸之計大加挑濬嗣後

可節省過半

允之二十六年七月河決楊橋

而赴河南同巡撫常鈞查勘災賑並疏洩事
宜日修奏言豫省河水漫溢當先求堵禦次
籌疏洩黃水歸槽溝渠始能料理至火區宜
先行撫卹但有司拘于成例以查明申報上
司委員監放然後給發飢民迫不及待致填
溝壑應請一面查點一而給放無俟彙齊造
冊所至寔多又賑廠爲惠最溥有司恐聚集

貧人生事往往阻格不行不知各縣俱設粥廠則彼境之人不入此境又於一縣中分東西南北四鄉則自然散布不致叢擠在官費不甚鉅而飢民寔賴全活

上可其奏八月奏言南北兩岸漫口雖有二十餘處辨料尙易惟橋梁口寬數百丈必料物雲集方可葺事查河工定例每料百斤價銀九分仍自運到工此次決口大工請酌增價一倍使附近料物源源而來遠者亦不致

聞風退阻大工可速就

諭曰所見得要如所議速行是月

欽差大臣劉統勳馳奏駐揚橋督工曰修查
勘下淤至類毫一帶九月奏言黃河既斷正
流由賈魯惠濟二河下灌倘下游不能容納
又生旁潰則爲患滋大臣查賈魯惠濟二河
所受黃水多有通連之處其斷續堤拾缺口
爲出水之路者則留資宣洩其爲河水灌入
者則概行堵禦俾順勢而下導之中流不致

復生決裂又言豫省決口上流未斷江南穎
亳一帶種麥無期此時糧價尙平冬春恐致
騰踴請一概賑恤給與折色其穎屬所貯倉
糧俱留爲來春糶借之用此數州縣糧價不
昂則河南光州固始等出米之鄉俱可盡留
本省丁災黎有益

上報可曰修尋返楊橋勒南北兩岸各工奏
言曹縣漫口關係東省運河今大河正流直
衝北岸將來汎水一發仍慮新堤難保臣聞

視河心老灘已成崖岸河形爲其所逼是以偏趨必當挑濬挽留俾河行中道應于楊橋決口工畢詳加估辦

報聞十月奏言沁水出五龍口沿河而下較魚水濁色滅而性之湍悍過之加以丹水從北來其力更厚今歲異漲堤不能制大幹東流至懷慶府城從北門灌入復繞城至尋村冲開決口奪溜南趨不出故道致武陟一帶被浸決口大小不等亟應補築高厚以防來

歲洪水查沁水堤埝惟武陟縣境之木壘店
係官工餘皆民修此次工大費鉅請借帑興
工以紓民力又言被水最重之州縣民人有
避赴隣境者聞賑來歸請查明戶口居址一
休賑恤得

旨嘉允

諭曰裘日修辦理豫省災賑將竣且聞伊子
裘麟病故伊母年高未免轉增倚閭之望著
令其回京任事十二月豫省河工告竣交部

議敘

御製中州治河碑又有嘉其不惜工不愛帑不勞民水用洩土計方上源下游以次就治之語是月丁亥回籍二十八年二月

諭曰直隸連年積水未消現雖多方宣洩終不如豫省之妥善從前河南疏濬清河工皆係侍郎裘曰修協同辦理此時裘曰修服制將闕着卽馳驅來京督辦直隸水道溝渠事務賜詩曰水由地中行南北勢殊異南土勤溝

洫鮮害而多利北方盡平衍利少害常致率
旱澇偶逢畎澮總棄置北年夏秋澇乃見洪
波積蒿目乏良方屢命疏消試覆稱海不受
是誠無別計嗟嗟我災黎視爾頻受診相與
待天時益用增慙愧發帑與截漕十求一二
濟康知天津垣洩潦寔遲滯重臣令馳巡情
吏亟抵罪導宣入海河涸壞已耕暨水大金
底形難較津南倍卽今此愁旱而彼仍望霽
然盡一分力庶獲一分惠繡衣分督濬漸有

可耕勢此均治標策末爲探本義豫省及上
江往年稔每逮夢麟與汝修承旨克奏績駟
駟召來京期寔爲民甚投艱非奪情寧宜顧
浮議輕車汝其憂宜防汝其志集思見毋執
周視陳母避委輸必源尋下醜求高自功要
在人爲守株免安企孰急宜先圖孰緩宜後
治孰壅宜剔髮孰澤宜讓棄代賑防中飽舉
事懷抑植勉汝永逸謀副予勤求意四月署
吏部侍郎六月

上又以直隸山東界生蝗

命偕尙書阿桂董辦撲捕事宜尋奏言吳橋
寧津樂陵南皮益山慶雲海豐等縣濱河近
海窪處甫經涸出濕熱所蒸蝗蝻蠕動塊飭
各州縣分路撲捕又直隸之有運河猶南省
之有長江各水皆由此入海每有宣洩不及
之患務將減河廓清並多求出路以益暢達
報聞七月奏督捕滄州靜海霸州文安等處
飛蝗復

諭竭力毋忽九月日修奏查辦直隸河渠事
竣請假回籍迎養

諭曰濰河久未疏濬應豫爲籌畫著斐日修
于歸途之便卽會同高晉等查勘辦理十月
日修奏言勘辦濰河必厚蓄清水以刷淤泥
方爲挈要各閘隨宜啓閉遇應開黃壘閘則
堵南服河頭應開西流閘則堵北服河頭使
水匯入濰河力足沖刷庶無淤積之患

上嘉納之十二月奏言濰河源係沙底卽下

過黃水之時但值清水盛漲兩岸亦不無坍塌是以兩旁淤沙停積河底淺滯應查明段落擇其淺狹者疏令寬深再南北二河口於秋冬水弱時築堵垣堵截俾兩河清水全歸淮河至四月水長仍啓垣分洩于蓄洩似屬合宜

詔如所議行二十九年三月福建提督黃仕簡據叅將溫泰言總督每年受廈門洋行陋規一萬圓巡撫受八千圓具疏劾奏

命曰修偕尙書舒赫德往查四月會奏起獲
洋行底簿查出道府廳員與總督墊買物件
等款請革職並將巡撫定長解任質訊是月
舒赫德傳

旨命曰修暫署福建巡撫事務

諭曰道府等既有收受陋規之事自應如此
辦理定長卽有應得處分不過失察及保舉
非人何必遽行解任著傳諭舒赫德等就案
悉心分別妥辦毋事張皇急遽轉致畸輕五

月日修以汀州府知府高靈于長汀縣鍾准
啓私鑄之案未親審奏請革職

諭曰高靈讞牘未及躬親雖有不合按例處
分其罪尙不至竟行褫職况該員正在俸滿
引見何難於給咨送部隨摺聲明候朕臨期
甄別不必汲汲糾劾若此表曰修搆象伊始
未免意存風力而不知其事寔不值如此一
辦也高靈仍著送部引見日修等尋奏黃位
簡所劾受一萬八千之數屬虛洋行年例督

撫衙門寔有八千圓領辦燕窩呢羽貼費其
各參員代總督楊廷璋墊買價銀俱係各員
名下陋規屬寔奉

旨黃仕簡率臆具奏本應議處但所奏尙屬
有因從寬免其交部楊廷璋交部嚴加議處
着卽解任回京候旨七月

諭曰前黃仕簡奏廈門洋行陋規朕以此
案關係督撫婪索多贓寔堪駭異非徹底跟
究無以肅法紀而昭創懲因命舒赫德等前

生查辨舒赫德等自應向溫奉究詰原單所
開總督一萬巡撫八千之數寔是在有無收受
確據如彼毫無指証然後逐層研究遞及道
府廳員勒索陋規墊買物件各情由方合讞
案重輕先後乃舒赫德等初至閩省置原叅
一萬入于之陋規虛寔是于不問僅從起獲底
簿將屬員代買物件支節推尋所辦未得窺
要竟似朕差伊等赴閩專爲查訪督撫過失
毋怪乎楊廷璋前此之不能允服轉疑舒赫

德等有意吹求也節經朕降旨示以端緒伊等詳悉研訊黃仕簡據溫泰所開督撫收受陋規數目全屬子虛惟究出屬員等代購物件一節自應分別辦理朕前命舒赫德赴閩時曾面諭以此案如果督撫婪贓屬寔是必當重治其罪定長或有應行質訊之處即可傳旨將伊解任聽審其巡撫印務令喪曰修暫行署理原以封疆大臣受恩深重設罔領國憲貪贖公行則其身家性命尚不能保更何

有子一官若黃仕簡所忝既無確據定長惟
發價購買燕窩呢羽等物亦係沿習舊例初
無不可輕貸之處則從前舒赫德之違令解
任尤爲誤會朕意矣此案舒赫德等查辦入
手未得閉鍵節經訓示更正及審明定讞則
楊廷璋之罷斥總督解退閣務及定長之從
寬仍留原在皆視其所自取恐中外之人未
能深晰此中就裏特將案情原委明白宣諭
知之十二月署倉場侍郎三十年正月遷月

部左侍郎五月兼管順天府事六月充

經筵講官三十一年二月充會試副考官十

月

諭曰江南淮徐支河一帶所有官修河堤前
經特派衷曰修等查辦距今爲時已久且韓
家堂現辦漫口其下游支河汊港不無淤墊
亦應酌量疏濬著派衷曰修高恒前往會同
高晉悉心查勘至淮徐河道或有毗連山東
河南地方並著一併閱看十一月奏言豫省

上從其言八月調工部尚書三十三年八月
調刑部尚書尋丁憂回籍三十四年

諭曰來日修丁憂回籍已一年有餘着補授
刑部尚書俟伊葬事完竣來京供職三十五
年四月仍兼管順天府事五月刑部改擬贖
縱參犯一案佐領額爾圖驍騎校孟貳初擬
發遣枷杖得

旨令按律改正再擬絞立決

諭曰此案前因該將軍傅亮定罪過嚴漫無

區別是以降旨交刑部另辦乃該堂官意存
寬縱概以發遣枷杖完結經朕面加訓飭令
其按律以正今又于定律絞候之外加以立
決則所謂過猶不及均非情理之平也閏五
月

命督捕武清東安一帶飛蝗

諭曰袁日修等奏在永定河武清東安連界
撲捕蝗虫忽見飛蝗南來漸往西北周元理
卽帶領員役尾追視其所落之處撲打自應

庚子年五月二十二

吳

如此辦理至摺內又稱府尹寶光鼎前往迤
南一帶照飛蝗往來方向尋覓所辦甚屬錯
謬表曰修平日尙屬曉事如卽親往查勘富
不至爲人朦蔽今旣目擊情形自應迅赴蝗
起處所查明貽誤之地方官添奏治罪而留
寶光鼎在彼督捕方合事理乃竟安坐武清
等處僅聽寶光鼎前往一查塞責全不知寔
心任事已屬非是至摺內稱將來或于隱僻
無人之河淀等處查得一語尤爲取巧其意

不過以隱僻河淀尋覓難子周到隱爲玩愒
劣員預留地步此等伎倆豈能于朕前嘗試
耶著交部嚴加議處仍著卽往迤南一帶切
寔根究倘于起蝗處所之諱匿不報州縣復
爲徇庇開脫表曰修能任其咎乎尋

命降補順天府府尹部議照鴻臚職例革職奉
旨帶于新任十二月調工部左侍郎仍管順
天府尹事三十六年二月

命赴滄州一帶會同直隸總督楊廷璋等查

勘運河情形奏言現今閘座高出河面數尺口又不甚寬兼有閘牆間隔水勢不免壅滯應改用減水石坝並將坝底龍骨石拆低一尺則河水不待平槽即可預殺其勢並疏下流引河至岐口歸海處一律深挑至捷地開形勢兜灣將來改坝應移近河邊裁曲就直以順水性至減河每年過水之後往往受淤必須節節疏通使水得順流達海方無旁溢之慮

上從之是月補工部尙書六月

命南書房行走七月充

經筵講官八月倉場侍郎武爾達等奏河道淤積久請挑濬利漕

命曰修等會同辦理九月

諭曰直隸被水之處順天所屬者居多表曰修于近京水利情形較爲諸悉著往來調度查勘總司其事三十七年正月

諭曰永定河北運河等處督辦工程著表曰

修協同直隸總督周元理董率各員妥協辦理二月奏言直隸河工需用僱夫錢請照京城發兌官錢之例許辦工各員一体交銀領買從之四月奏言治河之道挑渚爲要汎水未發之先旣發之後逐段詳勘一有新淤卽當乘時急辦惟水中嫩淤人夫不能站立難以施工請設立濟船給之器具人夫可于船上用力而所挑之士卽以入船運至兩岸寔爲事半功倍

詔如所議行又言直隸諸水千支萬派總由
三汊河爲入海之路運河西岸則大清河會
永定而出子牙河會三支黑龍港而出全資
西岸疊道諸橋穿連而東入海河今東岸
自南倉以下改爲疊道俾盛漲時可徑達坵
場河澹不專恃海河一道爲出路但西岸向
祇十一橋今陸續增建九處多其出路上游
不致受害至格定一堤原爲隔別清渾而設
查子牙運河自莊兒頭以下漸清其來路甚

遠而出口祇有大紅橋一寔爲太偏是以前
來于格淀之尾間王家河俞家河各建一橋
與清河通流然兩橋口回過水有限兩面冲
激堤工不能經久每歲徒費增修莫若自當
城以下改爲疊道水大聽其自漫水小仍于
行人便利並酌增涵洞數座不專恃王家河
俞家河兩橋則出水暢順而子牙下流澄清
之水亦不致受淤得

旨諸凡皆妥尋以審擬維縣知縣胡錫瑛盜

賈倉穀及科斂一案意涉寬縱部議銷加一級免其降級六月奏言向來河官祇講築堤不言濬河不知治河不爲疏築二字而築不如疏其理甚明直省之弊近水居民與水爭地如兩河之外所有淀泊本以潴水乃水退一尺則佔耕一尺旣報陞科卽呈請築埝有司見不及遠以爲糧地自當防護堤埝直插水中水從決口而入被淹更甚請
勅所司于一切淀泊毋許報陞陞科並不得

御前侍衛前往看視比因病体加劇奏請解職未允所請並賜詩示慰昨又降旨晉加官銜俾其舒心攝養以與速痊茲聞溘逝深爲悼惜着加恩派散秩大臣一員帶侍衛十員往奠茶酒所有在任革職降級之案俱着開復應得卹典仍着該部察例具奏尋

賜祭葬如例諡文達四十年

恩授其子行簡爲內閣中書准其一體會試

馬彪列傳

馬彪甘肅西寧人乾隆五年由行伍拔把總
二十二年陞千總隨征西路軍營奮勇有功
十月遷典漢鎮標中軍守備二十三年遷波
羅協中軍都司二十五年遷西安城守營叅
將尋授慶陽協副將二十六年六月擢川北
總兵十二月調肅州總兵三十年高臺縣毛
木縣丞邱天寵私伐巴彥濟魯薩樹木圖爾
古特員勒羅卜藏達爾札入控詞連彪

上命理藩院尚書五吉同總督楊應琚會審

得寔天寵擬罪如律彪以擅給路引褫職
諭送部引

見尋

賞遊擊銜駐雅爾三十四年五月署雲南永
北總兵十月授昭通總兵三十六年九月將
軍溫福以彪屢經出師勇往幹練請領黔兵
三千馳赴金川軍營十二月隨溫福克巴朗
拉碉卡

賜戴孔雀翎三十七年正月大軍由達木巴

宗分三路趨資哩彪偕侍衛額森特等自北
山進攻奪其調卡賊四百餘據山頂彪斬首
百餘與大軍會資哩特彪領騎兵二千駐資
哩北山梁東西距三十餘里賊夜犯都司黃
壯畧守備王廷玉營彪偕侍衛巴三泰馳援
賊敗遁失劈山砲三

上以彪督勦奮勉免議處二月都司徐大勇
守色布色爾賊據十里外高峯叅贊大臣五
岱檄彪率兵三百協勦未赴副將色倫泰陣

亡五岱劾彪逗遛請革職自脩資斧効力贖
罪

詔革職仍留任尋由顧藏噶爾駐色布色爾
時提督阿桂代叅賚五岱軍次喇卜楚克山
麓逼木蘭垣令彪伏兵東崖下扼水礮五月
進攻色爾果彪隨叅賚豐昇額等砲擊東塢
寨乘勝至哲木克郭羅羅美羅喇嘛寺等
寨皆克之奪礮卡五殺賊四十生擒十四獲
聞敘功加三等六月攻美美卡彪率兵二百

由山梁小路進礪外賊二百餘來援截殺甚多美美卡至日噶爾橋有小路曰兜烏賊毀橋築卡以拒彪伐木造橋濟兵賊棄卡遁十一月彪與提督哈國興兵合克喀木色爾穆拉斯郭寨遂據兜烏

詔予開復尋由達克蘇山後攻明郭宗彪以兵一千自柘寔廸下攻賊棄礪寔三十八年正月擢西安提督二月偕侍衛烏爾圖納遜分兵攻達爾圖大彌賊由卡逸出者皆擊斃

之閏三月偕領隊大臣華善署總兵官達以
兵六千駐宜喜五月賊四百餘伏林箐圍我
前哨兵擊敗之斬賊三十餘三十九年彪以
日旁兵三百宜喜兵三千二百攻達爾圖礮
未克十二月賊由沙貝山溝分三隊襲宜喜
營又賊四百餘夜撲達爾圖營成一二百餘復
由東南角來犯彪擊之斬級甚多餘負傷竄
四十年大軍克乃當抵獨松彪追擊之中巴
布哩下巴布里及瑪雅岡角木賊皆棄寨逸

閏十月彪與副將欽保伏兵克爾瑪鎗砲齊發賊潰我軍乘勢四路進逐克托烏古山梁十一月副將軍明亮令彪借總兵敖成攻甲索克之敘功加一等四十一年金川平赴西安提督任

命圖形

紫光閣

御製贊曰西師効勇早著旂常命勘逆番盡力以禮堵稍渡河奪卡據水用濟我軍井井

有理四十六年三月搽拉爾逆回蘇四十三
等滋事

上命彪領兵二千赴河洲四月賊眾捷龍尾
山大學士公阿桂領彪等由山左進勦據山
梁砲擊賊營復以綠旗兵二千及舊練士兵
皆由華林山東扒賊營擒勦有功四十九年
正月調湖廣提督閏三月卒于任

諭曰馬彪前在中營勞績茂著簡任西安提
督亦能寔力整飭營務昨因湖廣係水陸要

道是以將伊調任不意在途染疾甫經到任遽尔溘逝深堪憫惜着加恩晉贈太子太保賞給雲騎尉世職照例襲替並賞銀五百兩以資喪費所有應得卹典該部察例具奏賜祭葬如例諡勤襄子藍翎侍衛鳴玉襲世職現候補都司

漢名臣傳卷三十終

漢名臣傳卷三十一

李紱 顏希深 彭啟豐 劉吳龍

何國宗 曹秀先 吳紹詩 曹順

李紱列傳

李紱江西臨川人康熙四十八年進士選庶
吉士散館授編修累遷侍講學士五十四年
充武會試副考官五十六年充

日講起居注官尋充雲南鄉試正考官五十
七年九月充武會試正考官十二月奉

命祭告南海五十九年六月充浙

考官九月擢內閣學士十二月遷左副都御

史仍兼學士六十年二月充會試副考官榜

發下第舉子壅至紱寓喧闐匿不奏為御史

舒庫所劾革職發永定河工効力雍正元年

正月

特旨給還原職署吏部右侍郎尋充

經筵講官六月

命赴山東催漕七月遷兵部右侍郎九月奉

命截留湖南等帮漕粮于天津收漕二年三月督運抵通得

旨嘉獎四月授廣西巡撫八月奏言廣西賀縣界大金蕉木兩山產礦砂五里外爲廣志梅尚泆又數里爲宿塘寨礦徒蟠據時時竊發臣抵任後擬嚴禁聞督臣孔毓珣珣條陳開採恐傷協叅之誼因而中止近經平樂府報稱礦徒二百餘流入蕉木山知縣會同富賀營守備干總三路驅逐始退又聞廣東連山

通鑑卷一百一十三
縣宜善司巡檢以梅崗宿塘等處礦徒梁一
等聚集多人泆兵子弟往附勢難防緝願罷
職歸臣思開礦甚有關係目下卽幸無虞將
夾或恐滋事

諭曰礦砂之利窮民私採猶當禁之何況明目張膽而行之者此中利害朕甚知之今旣聚眾白稱頭目是斷不可一日姑容少寬禁捕今將批諭孔毓珣之旨抄錄示汝汝等可協力設法嚴禁永令地方無此等事方好須

再三畱心籌畫而爲之慎勿輕忽孟浪凡事
悉如此據實入奏纔是此奏朕甚嘉之如宜
善司巡檢所言卽使太過朕亦樂聞而不加
責也諸如此類何妨預防于未然耶十月疏
陳練兵事宜一先定操地次定操期嚴賞罰
一陣法各有所宜四門方陣止可施于平原
曠野而廣西援勦嘗在山溪之間背山而戰
用一字陣山曲用三才陣夾溪用雙龍陣入
面受敵用八門陣四圍合攻用圓陣亦曰風

雷掃地陣羊腸鳥道月山路連環陣宜令演
習如式一兵丁無論馬步各帶腰刀然馬上
步下宜知用法一獵獵士苗所用鳥鎗較營
鎗更長可及百五十步惟炮可以制之五子
炮施放便利宜增製一山賊不時出沒調兵
勦於帳房鑼鍋宜豫備

諭曰畱心武備殊屬可嘉但須實力行之方
有成效先是康熙五十三年廣西巡撫陳元
龍奏准開捐五十五年停止共捐穀百十七

萬八千餘石至是紱奏言臣聞開捐之始每石折收銀一兩一錢發州縣買貯止三錢而穀價常在三四錢以上勢難購買率以價銀遞相交盤歷任撫臣責州縣買補臣抵任嚴催尙欠四萬餘石請寬限一月補足免將現在州縣官叅劾得

旨俞允會提督韓良輔條奏墾荒六事

命紱議行紱疏言經費有出然後開墾可行廣西捐穀偏積于桂林柳州梧州南寧四府

久貯恐致朽壞請卽動支爲開墾費

諭曰朕觀李紱之意不過爲開銷廣西青年捐納穀石之計此項捐穀原係陳元龍經手其間有名無寔首尾不清之處甚多朕知之最悉此時李紱難于料理故借開墾之名以爲開銷虧欠之地可着陳元龍等往廣西將此項徹底清楚倘有不清着李紱德寔叅奏至墾荒諸款皆巡撫職所應爲之事不必瑣瑣陳奏十二月

諭日捐穀一事李紱務須徹底清查如有虧
空卽著落陳元龍等辦理清楚此事原屬舊
案與李紱無涉伊若以從前未經查清今卽
隱諱瞻徇是將他人虧空認爲已有後經發
覺罪皆歸于伊身紱因疏叅當日收捐穀價
數倍于正項請將管捐之右政使今任福建
巡撫黃國材等質問

詔許諸臣將分肥寔情供奏免其治罪並令
國材解任赴質嗣審明督撫司道府廳共分

肥銀八十二萬四千七百餘兩勒限分賠有
差

諭曰爾于此事秉公執正寔屬可嘉初綬署
吏部侍郎因議敘年羹堯子富等捐造營房
一事不肯從優爲羹堯所嫉及奉

旨天津截漕估變米價盈餘銀五千一交守
道桑成鼎貯庫綬赴廣西成鼎以原銀解交
綬以事屬直隸因具摺送直隸巡撫李維鈞
會奏維鈞匿不以

閏三年二月紱摠寔陳明

論曰此一事大奇乃伊等誣捏欲傾陷汝也
年羹堯來京陛見時奏汝巧取此項適李維
鈞亦在都中朕因不信其言向李維鈞降旨
云李紱斷不爲此舉李維鈞解會朕意卽回
奏云李紱原未全吞論理此項伊可以入己
伊因路遠止取數百兩作盤費其餘未經交
發仍爲伊封好收貯在彼但伊應將此項奏
聞纔是朕隨諭李維鈞旣如此爾應寄字詢

鴻卷自存 卷三十一
間看李紱作何回覆此彼時之言也殊不料
伊等蓄意如此朕今始洞悉矣爾若根基不
牢則已墮其術中大約皆係年羹堯之所指
使但此等作爲朕頗不解其意何居鄙哉小
人寔爲可愧前項旣經伊等送到粵西朕又
已了然明日可卽畱充公用是月以審擬生
員陳爲翰毆斃何壯深一案擬絞候部駁仍
照前具題部臣改爲斬候奉
旨著九卿等會同詳議尋議應如紱所擬從

之四月奏言南寧思恩太平三府屬土司界
連安南土夷劫掠成習伊國王未必盡知應
行令自行禁戢但總督有行文安南之案而
撫臣並無舊案可稽督臣遠駐廣東文書往
還需時請嗣後遇土夷爭奪細故一面咨會
督臣一面卽行文安南庶事可速消

允之六月奏言太平思恩府界流言安南內
亂奸徒潘騰龍冒認莫姓子孫其黨黃把勢
陳亂彈等以護送歸國爲名互相煽誘臣嚴

通志卷之三十一
飭文武員弁查拿拏治

諭曰所奏已悉封疆之內極宜整理振作至
于安邊柔遠最忌貪利圖功須當慎之又慎
八月疏言柳州府轄二州十縣地廣事繁賓
州上林等州縣獯獷錯處請改賓州爲直隸
州轄附近之上林來賓遷江武宣四縣其與
柳州相近之七州縣仍歸府轄再梧州府治
西南至鬱林州三百餘里請改鬱林州爲直
隸州轄北流博白陸川興業四縣其與梧州

相近之五縣仍歸府轄又泗城土府及三江
地方上林安隆二營請俱改歸泗城副將轄
下部議行九月奏言獯獯頑梗修仁之十排
天河之三壠尤甚劫掠積案纍纍修仁十排
臣已捕獲渠魁三壠遁入百里萬川重阻所
種田在隘口外乘秋稼未收發兵守隘斷其
收穫殺到者許以免死其爲首八人現俱投
到
諭獎其辦理得宜旋授直隸總督四年三月

抵任先是左都御史蔡廷荐其故吏已革知縣黃振國起月爲河南信陽州知州巡撫田文鏡劾振國貪劣不法綏由廣西來京

陛見奏言振國無罪文鏡以綏與振國同年易其袒護至是綏疏辯奉

冒訓飭五月廣西提督韓良輔等條奏雲南廣西接壤貴州安籠鎮之土司及改流地方均歸安籠鎮節制

詔綏前往與雲貴總督高其倬會議尋合疏

言雲南廣羅協廣南營廣西泗城協上林營
鎮安營距安籠鎮遠恐鞭長不及惟廣西安
隆一營較近但改隸後該鎮又須受兩廣總
督提督節制隔省咨呈未便均應照舊管轄
部議從之十月奏請增置隸河員天津州州
同青縣子牙河主簿各一隸天津道轄涿州
霸州州判吏目各一宛平良鄉固安永清東
安武清六縣縣丞主簿各一隸永定河道轄
北運河同知通判各一要兒渡縣丞東陽村

主簿各一薊州灤州州判各一玉田縣縣丞
豐潤縣主簿各一隸通永道轄霸州清河吏
目一隸清河道轄又請將河間天津所屬旗
民案件改歸新設之天津理事同知轄部議
如所請十一月奏言在京部科及直隸藩臬
等衙門向有積年書吏盤據招搖役滿雇人
承辦仍陰主其事謂之缺主臣遵
昌嚴查逐令出境並飭各州縣毋許容留一
人但訪得部科缺主尙有潛居通涿昌平等

處者請

勅部科諸臣查開姓名移咨一併驅逐得旨俞允尋奏言各省候選訓導之歲貢前經田文鏡奏請預行驗看臣思廩生必二三十年而後出貢又三十餘年而後選官亦未必俱能得選現在驗看未老人員至得選時已老豈能懸斷其可否供職且教職領憑必經巡撫考驗又何必預驗于十年二十年之前徒令窮老寒士奔走跋涉廢業失館請將此

例停止

上以其識慮卑淺

訓飭之十二月

諭曰爾自被擢用以來識見寔屬平常觀人目力亦甚不及朕但取爾秉彜之良直率之性而已凡朕一切誨諭如果傾心感服將來智慮自當增長擴充若涇涇固執鄙見妄自矜高不但終見棄于朕恐將來噬臍莫及爾其欽承毋忽會御史謝濟世疏劾田文鏡及

黃振國事

諭曰李紱自廣西來京陛見卽奏田文鏡叅劾黃振國及汪誠劄言綸甚爲寃抑張球居官聲名甚劣王文鏡並不糾叅且言黃振國此時已爲田文鏡監斃滅口未幾黃振國從河南解起來京依然無恙不知李紱受何人意指而捏造此不稽之言敢于冒昧陳奏也至田文鏡所叅黃振國各案朕差侍郎海壽史貽直到豫已審訊明白定擬具奏其張球

一、案田文鏡早經認罪，請罪部議。亦于張球、譚盜案內，將田文鏡處分。至汪誠、邵言、綸，皆係庸劣不堪之人。田文鏡叅奏處，並無冤抑。力謝濟世所言黃振國、張球、邵言、綸、汪誠等事，乃與從前李紱所奏以一胎合朕思封疆大臣能爲國家寔心任事，卽爲國家棟樑。朕之股肱，若不保護而受人傾陷，則朕何顏對天下封疆大臣乎？此種結黨營私、排擠傾陷之惡習，不可不嚴加懲治。是以令內閣九卿

等公同研究謝濟世所奏各款皆茫無憑據
俯首無詞則其受人指使情弊顯然謝濟世
既自命爲報効國家之人著革職令往阿爾
台軍前効力贖罪此案亦免深究尋

召綏來京補工部右侍郎五年二月署廣西
巡撫韓良輔奏天河縣獄內拘禁莫東旺一
名係李綏批飭枷責造贓結案之犯遷延一
載尙未發落致蠻獠糾眾劫去得

旨著李綏明白回奏尋奏稱莫東旺一案經

臣審結卽赴直隸新任其因何遲延一載尚未發落之處無由得知

諭曰舊令尹之政必以告新令尹古人于罷官之後尙以國事爲念豈有李紱身任總督不將此事明白付交接任之巡撫囑其早行完結之理著交部察議尋

諭曰雲貴總督鄂爾泰會奏稱廣西泗城土司甚屬不法飭廣西巡撫提督懲治朕會降旨詢問韓良輔據奏請往雲南與鄂爾泰

面加商酌朕思此事甚有關係非韓良輔與
鄂爾泰面議不可昨都察院奏原任廣西州
判程且控告王司羅文剛一案羅又剛糾眾
肆惡吞噬十一村落竟敢與官乘相抗不容
設立塘汛李紱身爲封疆大臣邊巡畏縮苟
且彌縫但爲掩飾一時之計而予地方之利
害民生之休戚毫不關心甘汝來時爲臬司
亦因循怠忽不能整頓昨令廷臣詢問二人
俱俯首無詞李紱甘汝來相繼爲廣西巡撫

著二人前往廣西辦理土司之事縱前疎縱之克徒羅文剛等着卽交與李紱甘汝來速行擒拿不得容其免脫韓良輔前往雲南時李紱一同前往李紱甘汝來負朕擢用深恩今加寬宥容其効力贖罪務將廣西境內不法之苗夷與地方不法之奸民悉心料理俾盡革凶頑遵奉國憲以安良善以靖地方倘疎縱之羅文剛等不能擒獲及伊等料理土司之事虛文掩飾以卸目前之責將來仍有

克苗妄行于犯王章旨定將李紱甘汝來從
重治罪如礦賊盤據兩廣之間兩省官員互
相推諉以致宵小肆行良民時受其擾著李
紱甘汝來會同阿克敦將兩省疆界一一清
查分別防範管理使沃地各有專責匪徒無
計潛藏毋得仍前怠忽自于重罪三月紱由
廣西赴雲南與鄂爾泰等酌籌粵黔分界泗
城段流等事會直隸總督宜兆熊等疏奏原
任大名府知府會逢聖原任清宛縣知縣王

游虧空錢糧

上以二人均緩所保荐令明白回奏閏三月
戶部議覆緩在總督任內奏懷來縣倉廩塌
塌小民竊食顆粒無存之處應行令確查
諭曰官倉米數至六千餘石之多豈有小民
敢于私取竟至顆粒無存之理明係李緩有
意市恩庇獲知縣借曰巧于開脫今部議行
令確查與李緩本意不合可即將米石令李
緩補賠以成就其市恩之意八月宜兆熊等

侵叅大城縣知縣李先枝私派累民

河白李紱任直隸總督時將李先枝題陞天津州知州朕調來引見看其人甚屬庸常故令仍回知縣原任今以私派被叅劣欵現有明據嘗見科甲出身人員多夤緣黨庇之惡習而貪黷枉法者尙不多見今李先枝目無國法公然私派科欵苦累小民寔爲科目中之匪類而李紱乃敢在朕前特荐題補天津要缺是李紱不但有心袒護且必有賄受李

海峽月在三十一
先枝請託之處著將李先枝革職拿問其私
派情由該督等一併嚴審定擬再將如何請
託李紱之處究出具奏李紱受朕深恩不思
報効敢于營私欺罔甚屬可惡著革工部侍
郎職前因廣西貴州查勘疆界及於拿羅文
剛二案將李紱發往廣西彼時降旨若不能
拿獲羅文剛卽將李紱在廣西正法今羅文
剛已經緝獲是李紱在廣西無可辦理著行
文令李紱來京現在應行質問案件甚多且

李紱曾在朕前奏稱蔡廷爲人相疎鹵莽賄
有之若貪婪不法之事臣可保其必無今蔡
斐諸事敗露在四川任內受賄貪贓劣蹟昭
著李紱敢于庇護私黨在朕前妄奏此處亦
應審問十二月議政大臣等會議紱罪凡二
十一款私受門生大城知縣李先枝請託
爲保題狗額師生罪一將貪婪無厭之蔡廷
保奏固結黨援罪二袒護同知黃振國及息
縣知縣邵言綸固始縣知縣汪誠密奏被叅

冤抑又捏稱田文鏡欲致死黃振國滅口罪
三蠻獠莫東旺一案不早結致劫獄罪四天
津道葉前係不應送部引
見之員故違

諭旨送部罪五奉

旨天津建造營房漠不關心任意遲延罪六
猖將不應離任之通永道高鏞等題請離任
另補罪七將庸劣之廣西上林縣知縣柏宏
智妄行特荐罪八所解慶豐司羊毛等項不

據寔查明混爲咨覆罪九奏請帶往廣西之
都司岳咨縱兵肆通礦賊奉

旨詢問並不認罪罪十西隆州土目王尙義
等歷爭歪架等寨並不早結罪十一明知清
苑縣知縣王游虧空不查叅反飭阜城縣知
縣陸象交代勒逼出結又密奏王游爲直隸
第一好官罪十二擅增直隸兵米價值罪十
三順義等十八州縣靜海等二十七州縣虧
空錢糧擅批豁抵罪十四與蔡琿表裏爲奸

奏大名府知府會逢聖操守並無不好罪十
五收受直隸守道桑成鼎銀五千兩巡撫李
維鈞銀一千二百兩罪十六被審清苑縣知
縣姜任修發審串供不嚴究罪十七上年田
文鏡奏報豫省糧船正月出境李紱安奏偶
遇大水僥倖出境將來恐未必能及今年糧
船出境更早又稱誤聽人言罪十八與布政
使德明張适面奉

諭旨回奏時俱舛錯罪十九以故殺馬順之

楊四稱爲救父情急妄引鄭雄救母之例減等罪二十不早除逆賊羅文剛致脫逃反叅州判程且浮躁罪二十一律應斬決妻子財產入官奉

旨李紱旣知悔過認罪情詞懇切且其學問尙好著草職從寬免死令在纂修八旂誌書館効力行走其妻子財產入官之處俱著寬免七年十月以謝濟世在阿爾台軍前供出昔年叅田文鏡出于李紱蔡珽之授意

上召見廷臣合綬隨入

諭曰朕在藩邸懶于交接人所共知並不知
蔡珽李紱之姓名因馬爾齊合通曉醫理常
在府中行走後補授清江理事同知朕問明
於醫理之人伊舉蔡珽以對朕因令其來見
而蔡珽辭以職居學士不便往來王府且醫
理粗淺不能自信朕聞其言深爲嘉許後年
羹堯來京力稱蔡珽才守職見寔是超羣類朕
告以招之未來之故年羹堯因見蔡珽面言

面蔡珽仍堅辭如前朕是以更器之次年
蔡珽補授四川巡撫時朕扈從避暑熱河蔡
珽以身屬外員行遠在卽向年熙轉求欲到
朕園中一見朕相見時則極稱李紱才品操
守爲滿漢中所少是時朕方知李紱姓名也
朕御極之初延訪朕才以資治理因起復李
紱原官旋授侍郎又命辦理漕務旋授爲廣
西巡撫伊具摺密奏黃國材收捐積弊且
黃國材廣通聲氣其子弟親戚布滿朝

今

臣盡發其私必謀傾害朕諭以爾但公忠爲
國朕必加恩保護豈料伊在朕前如此陳奏
而暗中則爲黃國材事事周全其工于欺妄
如此至署直隸總督徇私廢公沽名邀譽倉
穀虧空則代爲隱免屬吏貪庸則曲爲庇護
以致吏治廢弛人心玩愒又如塞思黑從西
大通調回朕令暫住保定俟各督撫是鎮回
奏到日再降諭旨未幾李紱奏稱塞思黑患
日奏報病故而姦那黨與及庸愚無

知之人遂有朕授意于李紱而戕害塞思謨
之誣語今李紱在此試問朕曾有示意之處
否乎在塞思謨之罪原無可赦之理其從前
之所以將伊暫留保定者蓋因阿其那允禔
俱在京師其事未曾定案而邪黨眾多人心
叵測不得不留意防範豈料伊遂伏冥誅而
李紱並不將塞思謨自伏冥誅之處明白于
眾以致啟匪黨之疑議則李紱能辭其過乎
至田文鏡之在河南公忠爲國而李紱蔡瑛

以其叅劾黃振國汪誠等遂極力陷害朋比
爲好指使謝濟世捏款誣叅欲令言臣挾制
朕躬必遂其私怨而後已此風何可長也李
綏蔡珽著交部訊取確供入于謝濟世案內
歸結尋廷臣遵

旨訊綏並請交刑部治罪得

旨寬免十三年八月

今上御極九月

命給特郎銜管戶部三庫事十月補戶部左

侍郎仍管三庫十一月奏言近來督撫諸臣
往往疏請揀發人員備往使而候選之員亦
籍之以僥倖蹊進及赴該省缺少人多有四
五年不得官者多羈棲失所而九卿驗看又
不過取辨哉頃別無考驗之法且揀發分發
變簡爲煩徒費章疏應請停止疏下部議除
雲貴川廣需人仍准題請揀發餘省概停從
之乾隆元年正月奏請增派翰詹科道磨勘
試卷得

欽定四庫全書
卷三十一
三
旨允行五月以保舉新進士過多又在朝班
囑九卿保舉奉

旨詢問綏奏臣多言滋事今凜承

天語訓誨永絕妄言

諭曰朕卽位以來並未有因臣工多言卽加
以處分者今李綏明係妄舉乃自謂妄言避
重就輕希圖朦混著交部嚴加察議尋議降
二級調用十一月補詹事十二月充三禮館
副總裁二年五月

遺祭夏禹王等陵十月丁母憂六年三月充
明史綱目館副總裁尋補光祿寺卿六月充
江西鄉試正考官八月授內閣學士綬平日
講學謂朱子道問學之功居多陸九淵尊德
性之見爲卓

上寤其言八月以病致仕

陸鏞

上問有所欲陳否綬以慎終如始對

賜以詩曰

三朝會侍陞七十意懸車進退誠無忝邱園
信有諸病餘官樂志老去尙耽書素悃依間
魏高年息闔廬學嘗兼慕陸節應上同蘇尤
喜臨辭闕嘉謀寔起予十五年卒孫友棠原
任工部右侍郎

顏希深列傳

顏希深廣東連平州人由貢生捐同知乾隆
十四年選授山西大原府同知十七年遷山
東泰安府知府二十五年調濟南府遷山東

督糧道二十七年五月遷四川按察使人
覲

諭曰顏希深母年老尙欲隨任赴川伊亦不
敢奏請改補近地母子俱知大義情寔可嘉
轉用惻然顏希深著調補江西按察使十二
月疏請卓荐保舉赴部引

見人員照各省路程定限逾者查議部議從
之又奏言江西考核運滿守備千總由糧道
山東則由藩司五年軍政江西衛所守備千

總糧道與藩司各出考冊送漕撫二臣山東惟運糧千總歸糧道出考衛守備俱歸藩司辦理臣思衛所千總守備所司僉丁押運監造諸事悉糧道專管稽察最切近藩司衙門衛弁交涉事少請嗣後俱照江西例辦理部議運弁甄別藩司會同糧道考核五年軍政如希深請他省均視此得

旨允行二十八年六月疏言正六入等月例不行刑但接奉決囚部文轉行甚急若至州

縣適當正六入等月勢必停罷匝月州縣衛
署逼近監獄鈞封文到闕動耳目恐致疎脫
臣思臬司爲刑名總滙州縣道里按籍可稽
請嗣後臬司奉到部文計出停刑日期專差
馳遞到日州縣可卽奉行下部議行十月遷
福建布政使疏請督撫二司奏事俱由驛遞
上貴之三十二年正月調江西布政使二月
丁母憂三十四年服闋仍授江西布政使三
十五年十月疏言各省鄉試外簞例設受卷

既封贍錄對讀掌卷五所調用州縣官十餘員撤棘始出州縣官身膺民社八九月間正值征收糧漕請嗣後所管事竣陸續出闕回任下部議行三十六年丁父憂三十八年九月服闋來京

命馳往四川角木交一路同鄒寶辦理糧務十二月補河南布政使仍舊軍營三十九年二月疏言木池糧台因限于山勢舊營不能與糧台毗連寔存疑守兵四十名臣孔商叅

贊舒常添撥五十名將糧合山地開平安營
防獲其後路各營臣會同黃峇鎮臣李時擴
曉諭官兵甯心守禦督將備官操演不但技
藝熟練而鎗聲遠近相聞亦可牽控賊勢
上深嘉之四月疏言軍報最忌洩漏律有舖
司折動原封之條該管官無處分明文懇
勅部嚴定處分

報可五月疏言綽斯田布逆賊境糧運緊要
前奉

諭旨令習練夫役持械防護臣現操演兵夫
飭糧員置戈茅令壯夫結隊護運使賊無從
窺伺又疏言角木交一帶密菁深林賊借以
藏身臣飭斬伐林木使附近賊窟有徑可通
處毫無遮蔽所伐木周布夫役棚房安柵借
備竊發其呀喟周叟等站亦一体辦理兩疏

入

上嘉之六月

賞戴花翎時木池站不戒于火燉火藥五萬

一千餘劬希深具疏請罪並請與鎮臣李時
擴等分賠四十二年二月擢湖南巡撫六月
奏湖南正佐各官多調署別缺更有苗疆人
員亦署內地缺吏目典史例不出差湖南則
屢差委更替現俱查明釐王以專責成

上是之八月奏請于省城設普濟堂收養老
民四十三年三月遷兵部右侍郎四十四年
轉左四十五年二月署貴州巡撫三月調署
雲南巡撫四月署貴州巡撫七月卒

彭啟豐列傳

彭啟豐江南長洲人雍正五年一甲一名進士授修撰入直

南書房七年閏七月署

日講起居注官充河南南鄉試副考官十年充雲南鄉試正考官十三年二月遷左中允六月充江西鄉試正考官十月充順天武鄉試副考官乾隆元年充山東鄉試副考官三年遷侍講五年遷右庶子六年六月充江西鄉

試副考官七月遷侍讀學士九月遷右通政
尋遷左都御史十一月疏言臣由江西驛路
經宿州州境蒙

恩賑恤水災知州許朝棟不寔心經理饑民
戶籍六七口僅登記三四任甲長胥吏索取
報冊錢鳳陽知府梅疏健並不到厥親查

勅下兩江總督那蘇圖查奏尋奏覆許朝棟
照料不周已飭員前往協辦七年遷通政使
提督浙江學政十一月條陳學政事例一請

定條對經義畫一章程乾隆元年

諭令學臣于歲科考試文藝後就四經中舊說異同別彙處摘錄發問依義條對後陝西學臣嵩壽奏請于四書經義外摘錄本經四五行令作講義大都敷衍塞責且既試條對又作講義亦屬繁複請嗣後不用講義欽遵諭旨

御纂諸經中專取先儒異同令其條對一請嚴甲商濫保商童之例查浙省商童由鹽道

錄送學政衙門收試雖有廩保商結爲憑在
往招別籍之人冒考頂替請嗣後甲商如有
混保冒籍入場者照不應律治罪一請隨場
出題考試歲貢查向例考貢之年出題一次
考究將卷彙齊送部伏思先後一題則考過
一糊凡陸續赴考者預知題目皆可宿購請
嗣後各屬就近送考隨時命題不拘先後一
題例廢得各展所長一鄉場對讀不敷請兼
用四等武生查鄉場對讀例用五等文武生

浙省科場需用二百名不敷則用樂舞生或
臨期招募臣思考居四等原無不許鄉試之
例四等文生有碍場期固難對讀若四等武
生鄉試在十月中並無妨碍請嗣後各省如
五等生員不敷對讀兼用四等武生俟對讀
後免其錄遺准入武場鄉試當亦踴躍從事
下部議行十二月遷左副都御史八年遷內
閣學士均曾留學政任十月擢刑部右侍郎
十年四月疏陳浙省利弊四事一浙省山高

水駛猾吏奸民侵佔蓄水之湖洩水之溝以爲田地上年藩司潘思渠疏請禁估官湖部議除已報墾地畝餘蓄水處劃界限不許再墾然如餘杭南湖發源天目注茗下灌杭嘉湖三郡自前撫朱軾加意濬治今以沙淤其他會稽餘姚慈谿等湖皆僅存其名請

勅督撫次第開濬一江南漕米每石收費五十四文半給運丁半歸州縣爲修倉鋪墊人工飯食紙張以及折耗等費浙省杭嘉湖運

丁設有漕截一項由州縣徵給而州縣漕費並未議及收漕賠累爲苦每石漕米私加一二升至五六升蠹役乘機竊取運丁嚇詐勒加請

勅漕臣援江南例每石收錢二十四文爲州縣修倉鋪墊等費嚴禁浮收一浙江額設均平夫銀供夫役差徭之用差簡可以敷用差繁每苦賠墊

欽差馳驛官員照勘合定數易以應付本省

官員來往吏役任意多索或卽折銀請

勅兵部按官員大小差使煩簡核定人夫名
數俾州縣有成例可遵一浙省黃若大平地
多斥鹵產鹽甚旺兵丁借端挨戶搜查稍有
食鹽存積多方嚇詐一不遂欲卽指爲私煎
私售甚或並數家數人之鹽湊數扳誣祈
敕各省文武大臣禁兵弁借名搜緝指食鹽
爲私鹽下部議行尋丁父憂十五年五月授
吏部右侍郎八月提督浙江學政十八年調

兵部左侍郎二十年二月疏請終養得

旨昨因論臣工終養一事降旨宣諭今日稽
璜彭啟豐各具摺呈請終養此奏若在降旨
之前出白伊等至情迫切固當曲体允從之
特以面聆朕訓感發天良則所請乃導之自
朕而伊等本未有迫不及待之情此亦如禮
部鄉賢在可准不可准之間其去畱朕得而
權衡之又當各視其人矣彭啟豐才本冲平
辦理部務亦屬竭蹶且伊孫內廷翰林以文

學爲職而上年扈蹕和詩視前遠遜所學日漸荒落著照所詰准其回籍終養二十六年十月署吏部侍郎二十七年四月報滿寔授五月

諭曰昨引見京察一等各員核之各堂官保列名單其中等第參差率不甚相遠惟吏部郎中阿敏爾圖各堂官俱列一等而彭啟豐獨列爲二等不免有心示異非偶然品題高下之比阿敏爾圖係滿洲世族朕習見熟知

伊果有出眾長才堪膺重任外而封疆內而
卿貳當已早經擢用豈尋常曹司必待畱心
甄擇而定者况京察等次不過就本任職守
而言並非卽爲一生定評卽如阿敏爾圖在
部郎內安分供職而又能持正無私顧惜顏
面若選司之銓務銀庫之出入以該員素守
論之寔可信其無他彭啟豐之意不過以其
族望所在非特爲區別何以知其獨立不懼
彭啟豐人不如其學學不如其文亦從無一

言建白一事指陳乃欲干隨眾具摺之中小
示異同如此獨立誰則不能朕衡量人才如
各部院兼攝大學士尙書侍郎等亦祇令竭
其分各抒己見並不倚爲黜陟其間或同或
異原不加之責備試問吏部各堂官列阿儼
爾圖于一等是保爲封疆乎卿貳乎卽彭啟
豐之斤斤示異若此爲京察大典乎爲取巧
市名乎其事固不煩言而易曉第恐不能自
用之人妄生議論以爲卽如彭啟豐之不與

人同究可謂能自立崖岸或人謂因有此舉始有此旨中外得悉朕甄材用人之意然朕之勤政與否能識人與否二十年于此矣天下宜共悉固不待朕之朝綸暮綍以口舌化天下也六月充浙江鄉試正考官十二月遷左都御史二十八年六月遷兵部尙書充經筵講官三十年充順天鄉試正考官三十一年

諭曰史奕昂朕念其爲大學士史貽直之子

且曾任藩司辦事尙無貽悞服闋來京候補
其階級與侍郎相等是以擢用兵部侍郎偶
值名對之次諭及兵部大臣大學士尹繼善
在軍機處行走不能每日進署記言年齒近
邁且係初理部務彭啟豐又屬碌碌無能爲
之人鍾音蔣棟亦未能練習部務汝與期成
額尙屬辦事應隨處留心此原不過令其于
日行事件稽查司員勤惰查察書役弊端而
已乃伊恃有此諭遽爾沾沾自喜大言不慚

之結習未除也史奕昂姑從寬降爲三品卿
銜令其回籍彭啟豐學問尙優辦事本非所
長今復意存積稜並不據實奏對殊失大臣
之體史奕昂兵部侍郎員缺卽著彭啟豐降
補三十三年京察

諭曰侍郎彭啟豐才識拘牽服官竭蹶著以
原品休致三十六年詣

闕恭祝

孝聖憲皇后八旬萬壽

庚子五月專

卷三十一

旨

賜遊香山時

詔分大臣爲三班九老致仕者九人啟豐預
焉四十一年

上東巡啟豐迎

銜山東

恩賞給尙書銜四十九年卒

劉吳龍列傳

劉吳龍江西南昌人雍正元年進士改庶吉
士二年十月揀選改授吏部主事累遷郎中

六年遷監察御史仍兼郎中事七年十月疏
言吏部稽俸廳事向無專責請歸併稽勲司
管理入旂承驗歸驗封司辦理下部議行十
二月轉刑科給事中八年疏言各省學政歲
科試將歲貢造冊報部以訓導王銓名次先
後或由教官申詳或學政書吏隨意繕寫吏
部憲所開先後補用同年出貢冊開在先者
得缺早後者守候多年請照恩貢拔貢例遇
訓導缺出同年出貢者吏部堂官代爲掣籤

部議從之十年充廣東正考官尋轉禮科掌印給事中十一年四月遷光祿寺少卿五月授安徽按察使十三年二月遷光祿寺卿八月

命管理北路軍需事務乾隆元年四月

詔回在六月疏言北路軍需有運送科卜多截畱察漢叟爾等處應追腳價銀二萬九千餘兩在車號戶名下著追已追一萬四千九百餘兩其未完者查明寔係無產無力請量

爲豁免商人因公賂異情有可原者將承追之冊核明原委分別定議得

旨允行十一月提督順天學政二月遷通政使擢左都御史六年四月疏言步軍統領衙門番役私用白役生事害民請照部院承帖寫送查例將番役年貌籍貫按季造冊出具並無圓扁子印結以憑考核提緝人犯官給差票獲犯日番役向該管地方呈票驗明掛號應緝之犯旂人會同該旂都統民人會同

順天府府尹巡撫御史訛取確供互相覺察
疏入議行六月劾浙江巡撫盧焯受賄營私
命副都統旺扎爾往會總督宗室德沛查審
得寔盧焯論罪如律九月擢刑部尙書七年
二月充會試正考官四月以疾請解在
命在在調理派醫診視尋卒

上諭曰劉吳龍質樸老誠操守廉謹敷歷中
外宣力有年今聞溘逝朕心深爲軫惻命散
秩大臣帶領侍衛在奠茶酒並賞帑銀五百

兩爲喪葬之用應得恤典著察例具奏
賜祭葬如例謚清愨

何國宗列傳

何國宗順天大興人康熙五十一年進士改
庶吉士

內廷行走學習算法五十二年五月

命御前校對九月彙編

御製律歷淵源十月授編修五十四年遷中
允五十六年三月充

日講起居注官四月遷侍講五十九年十月
遷庶子雍正元年五月遷侍讀學士六月遷
少詹事三年三月擢內閣學士七月

命閱視黃運河道四年正月疏請於戴村埧
增築石埧一五月奏言東昌府城南有七里
河口下歸徒駭河北有魏家灣河口下歸
馬頰河德州南有減水閘下歸老黃河皆運
河東岸洩水入海故道與大鹽河小鹽河爲
四支河各渠皆歸此四河以洩民田之水年

久淤塞應挑濬

諭曰爾等特蒙朕之差委勤慎二字時刻不容少間七月奏言山東汶泗泉源紆迴二千餘里請設管泉通判一專司疏濬又言高家堰以南石堤之上臨湖鑲墊葦柴高三四尺不等但大堤頂寬八丈三尺鑲墊僅丈餘應于柴工後將土堤一律加高于歲修案內逐漸增修

諭曰何國宗議設管泉通判一員甚是著議

准行其高家堰加修堤工關係緊要若干歲
修案內逐漸增修恐致遲緩著照何國宗所
議卽動正項錢糧估計興修九月奏運河自
臨清以北賴衛水濟運而衛水發源百泉益
以丹河洹河其流始盛向例三日開閘濟運
一日閉閘灌田日久弊生至運河淺阻臣等
查勘百泉議分作三渠中爲官渠東西各一
爲民渠東口門寬五尺五寸西口門寬四尺
五寸小民灌漑有資亦無損于漕運洹河萬

金渠口外有石埧一上年水溢止露埧頂二
十丈餘埧入水將石埧拆去十五丈迎水入
渠今水消埧南淤成沙灘灘南有石橋一涵
洞四十有三請自東頭第十洞處許民于需
水灌田時自築石子埧北接沙灘灘東開小
渠一引水入渠其西三十三洞盡行疏濬無
庸折去石埧沮河之水自可一分灌田三分
濟運下部議行十二月充

經筵講官是月署山東巡撫塞楞額以州縣

供應國宗等應于何項開銷請

旨

諭曰前差何國宗等七人往山東查勘水道朕俱給與夫馬廩糧不使煩擾地方其筵路踏勘不通驛遞之處令州縣酌量應付今據塞楞額奏稱歷城等二十二州縣詳報供應欽差食物車馬等項用過銀兩無項可抵除德州泗水恩縣高唐聊城五州縣情愿將用過銀一千五百九十九兩自行捐備不請開

銷外其餘州縣用過銀七千六百二十餘兩
應于何項開銷等語何國宗等查勘河道既
已給與驛站夫馬廩糧其餘遠地之處地方
不遠所費日用之費甚屬有限今覽塞榜額
所奏各州縣應付將及萬金之多何國宗不
惜地方物力負朕任使交部嚴察議奏尋議
降三級調用五年十月補大理寺卿六年十
一月遷內閣學士尋遷工部侍郎八年正月
命同侍郎牛鈕督修北運河減水坝並濬引

河工程二月奏勘河西務城北老崖舊堤及
要兒渡舊河口魚鱗堤俱大溜頂衝宜保護
堅固方資捍禦請先撥銀二萬兩發通永道
辦料興工庶不貽悞

上嘉其合宜三月奏減水引河經原任通永
河道高鑛將堤門加寬四十丈則引河亦須
通身加寬舊引河南岸廢堤折去方爲暢順
但工作特久應先于新引河中間沿舊廢堤
開一深槽直達場河淀並將河口淤高及舊

河內淤淺開挖自然水流較暢再查塌河淀
下口有陳家溝舊河一道東堤頭舊河一道
賈家沽新河一道計三河寬不及三十丈一
于賈家沽新河旁再開洩水河一寬三十丈
方足暢流歸海得

旨允行是月又奏言三里淺險工應建挑水
埧一並將鷄嘴埧修整其堤灣回留處應修
排椿一路又筐兒巷埧門急溜汕刷應建挑
水小板埧一大板埧一順水排椿一路又孤

雲寺係大溜頂灣排椿損一應修補西岸華
家口係舊河上口原有一河堤一頂衝汕刷
僅存靠堤陡岸壁立舊河地勢窪應修葺工
一段張家莊老莊刷去僅存月堤應建挑水
板堤一後接排椿火燒屯險工舊有排椿應
修補又上年水漫堤頂二十處應加倍令河
道動道庫歲修銀修濬估報水利營田衙門
詔如議速行九年四月兼河東總河田文鏡
疏戴村向建玲瓏亂石滾水三堤汝水漲由

填面滾入鹽河歸海沙從三埧洞隙隨水滾
瀉冬春水弱築土堰滙流濟運自國宗等增
築石埧洸水漲發並尾閘洩水又無罅隙通
沙瀕河連年被患汶水沙淤有碍運道請拆
石埧仍修爲玲龍亂石滾水埧得

旨何國宗勘議銷悞貽害地方著交部嚴察
議奏尋議革職乾隆二年

命充算書館總裁四年五月充國子監算學
總管六年十二月充律呂館總裁九年二月

詔給三品頂戴在樂部大臣內行走十月律
呂書告竣議敘加一級十二月授左副都御
史十年三月兼管欽天監正事十二年因議
御史馮鈐條奏含糊題覆降一級晉任十三
年六月遷工部侍郎二十一年正月

命同侍衛努三哈清阿率西洋人往伊犁測
量度數並繪地圖十月奏言由巴里坤分西
北兩路查勘臣努三從山後至伊犁將博羅
塔拉齊爾哈布塔克拜塔克瀚海等處勘明

繪圖臣何國宗哈清阿越托來嶺將博克達額琳哈畢爾噶山及吐魯番伊拉克哈喇沙爾等處南北度數測量自海都河上行由裕勒都至小裕爾都斯冷布齊垓所至地方繪圖復回至巴里坤將兩路地圖合繪呈覽

報聞旋

命將諸部節氣及日出入時刻入時憲書十一月署左都御史二十二年正月授禮部尙

海
書四月因京察保送親弟何國棟照狗庇例
降三緩訓用旋得

旨何國宗年老龍鍾著革任五月

諭曰何國宗罷職以來家居無事算法尙伊
世學著賞給編修在

尙書房行走二十四年遷內閣學士二十六
年遷禮部侍郎二十七年原品休致三十一
年卒

曹秀先列傳

曹秀先江西新建人乾隆元年進士改庶吉士散館授編修時恭修

世宗憲皇帝寔錄秀先充纂修官兼經史館校勘六年丁父憂九年服闋補原官充山東鄉試副考官十年遷浙江道監察御史尋請假回籍十七年仍補原官八月秀先胞姪舉人曹詠祖與監試御史蔡田交通關節事發時田詠祖俱正法部議曹秀先應革職

諭曰曹秀先與曹詠祖交通關節之事經王

大臣等審明並不知情且搜獲時卽認係伊
姪筆跡據寔舉出尙無大咎但伊姪在京質
緣作弊不能約束教訓失察之罪寔所應得
曹秀先加恩免其葦職著降二級留任十八
年近畿蝗生秀先疏請

御製祭文頒發郡縣有蝗敬謹膳黃祭告乃
稽古典舉蜡祭支州縣僱募捕蝗錢糧令同
城教職佐雜會同給發並嚴飭不得假手吏
胥致滋混冒

諭曰曹秀先請頒發祭文所見甚爲迂謬
蝻害稼惟當寔力扑捕此人事所可盡至於
祈神保養禮亦宜之若欲假文詞以期感格
如唐韓愈祭鱷魚其鱷魚之遠徙與否究亦
無稽未必非好事者流附會其說朕非有泰
山北斗之文筆似此好名無寔之舉深所弗
取所請不必行餘著議奏尋議蜡祭不必行
餘如所請十九年轉刑科給事中二十一年
丁母憂二十五年服闋補吏科給事中巡視

南坡二十七年擢鴻臚寺少卿二十八年遷
光祿寺少卿二十九年遷通政使叅議三十
年擢國子監祭酒充浙江鄉試正考官尋禡
江蘓學政三十二年擢內閣學士三十三年
遷工部右侍郎留學政任三十四年六月
命赴浙江會同巡撫承德審長興縣監生李
公麟控庫書陳維商等私加火工飯食一案
分別治罪如律十月充

經筵講官三十五年調戶部右侍郎兼理工

部右侍郎事尋調吏部右侍郎充江南鄉試
正考官三十六年扈

駕東巡

遣祭尹吉甫墓請

御製詩表其墓

許之尋

命祭告東嶽及少昊金天氏諸陵暨

闕里三十八年充四庫全書館副總裁三十
九年進所輯山莊正雅集

御製詩賜之卽以爲序

詩曰憶年十二始來斯

聖祖恩深最受

知豈意肯堂肩仔已恒勤養

志色難思惟滋夕惕朝乾勵却匪風吟月弄

衰輯事成慙正雅那更表語頌浮規八月

充順天鄉試正考官十二月晉禮部尙書四

十二年

尙書房行走

賜紫禁城騎馬四十二年

命在尙書房總師傳上行走四十三年以隨同尙書丞貴指名保題主事李漱芳議革職詔從寬留任四十四年五月扈

蹕熱河

召見奏請建承德府學並頒發書籍

允之四十五年三月充會試正考官四月偕考官尙書德保等奏言會試向例房官閱卷止迴避本省自戊戌科改分南北兩項尋以

多寡不均奏明通融辦理臣等伏思此例一行以一人迴避八九省闈中臨時調劑既費周章且既顯示以迴避之門卽隱導以揣摩之漸于防閑中亦有關係請仍舊例爲便秀先上年奉

命會議兩項分卷當時寔爲防弊起見今日擊卷數多寡不齊諸多周折不敢迴護悞公下大學士九卿議行四十六年禮部恭擬壬寅年祀

祈穀壇日用次辛

諭曰所議甚多不當天子父

天母

地祇承之義不可稍弛從前雍正七年恭奉
皇考世宗憲皇帝諭旨以定例正月上辛若
在初五日以前則改于次辛但元旦朝賀乃
朕躬之禮儀若因此而展祈穀之期于心寔
有未安著于上辛行禮煌煌

聖訓寔萬世不刊之論朕御極以來遇正月

初三日以前上辛因必須隔年齋戒是以改用次辛其有初四日上辛亦改用次辛行禮者則因

聖母皇太后祝釐初祉朕千元辰恭率王公大臣拜賀

東朝儀節不容稍闕至明歲正月上辛並非向年可比矣該部何亦改次辛况冬至南郊禮成有於次日受賀者所謂禮緣義起而義以方外尤必敬以直內如爲臣下意在尊君

不敢輕易朝正令典亦當備查在例具奏請
旨乃禮部遽行題達何昧昧一至于此所有
禮部堂官著交部嚴加議處尋部議秀先應
革職

命從寬畱任四十七年四月

常等

天燈及

更衣渥次陳設不備奉

旨嚴責下部議革任

漢書卷之三十一
加恩寬免仍註冊十月因纂輯明臣奏議休
例乖舛下部嚴議行

詔免十一月

諭曹秀先不勝摠師傅之在著回原衙門辦事四十九年六月秀先卒

諭曰禮部尙書曹秀先由翰林洊擢正卿曾在尙書房行走教皇子書學問優長奉職勤慎茲聞溘逝殊爲軫惜着加恩晉贈太子太傅其任內降革罰俸處分俱予開復所有應

得恤典仍著該部察例具奏尋

賜祭墓如例諡文恪

吳紹詩列傳 子垣壇附

吳紹詩山東海豐人雍正二年由生員保舉
分刑部學習十二年授七品小京官乾隆二
年丁父憂六年服闋補原官奏留本部以額
外主事用九月累遷至卽中十一月授甘肅
鞏昌府知府十五年遷陝西督糧道十八年
二月總督永常叅紹詩採買兵糈浮銷價值

漢名自傳 卷三十一 三
敷草職審究巡撫鎮首鞠係折中造報並未
侵蝕入已但不據寔開銷照將增出錢糧私
下銷補別項例擬罪十九年發軍臺効力以
母病納贖回籍二十二年春

上南巡紹詩迎

盜

諭仍以道府用五月授貴州督糧道七月遷
雲南按察使二十四年閏六月疏言兇犯脫
逃承緝官以六個月扣限查叅定有任俸勒

緝按年罰俸令降級留任處分接緝官以到任日起限一年不獲罰俸一年卽免續叅查逃犯年遠不獲寔由初叅限內承緝不力接緝在初限叅滿後自與承緝不同若前官甫經承緝或以初叅限期未滿卽行去任則接緝卽與承緝無異往往以處分稍輕緝捕不力請接緝在二三叅限後者仍照例處分其初叅未滿及甫報驗者應分定處分以嚴責成部議承緝官在未滿初叅限內離任接緝

宮罰俸一年之外再限一年限滿不獲仍罰
俸一年議上從之十二月奏言學政按試各
郡有考場作弊及生監詞訟例發提調官承
審學政非刑名衙門不諳律例地方官非學
政專轄辦理多不認真請嗣後學政批發提
調後卽咨督撫提調奉批審明擬議一報明
學政一詳解藩臬核轉督撫以免歧玩下部
議行二十五年八月調甘肅按察使十二月
遷布政使二十六年十二月疏言甘肅駐防

將軍副都統及所屬滿員應給粳米者涼州莊浪均給折色惟寧夏滿營額支粳米千五百七十八石向由寧朔縣採買供支豐歉不一照部價未免派累價外請增又糜帑項請將二縣採買粳米改爲額征分散各戶將應征粟米一石准以粳米七斗抵交

敕寧夏駐防應支粳米與莊涼一體給價無庸改征二十七年閏五月疏言鎮番縣柳林湖前督臣劉於義奏招墾千九百八十餘頃

歲給老農口食銀五百四十兩並借給牛具
工本籽種自雍正十三年至乾隆四年除扣
還借項分收糧二三萬石至六萬石不等近
自乾隆二十二年至二十六年統五年所收
均勻核算每年僅分京斗糧一萬七千五百
餘石若不立定科則必遞年減少臣查安西
瓜州民種屯田乾隆二十四年督臣楊應琚
奏准照民田陸科納賦柳林湖同一屯田應
一體按則分別改徵糧石照鎮番縣額賦歲

收倉斗糧萬八千一百三十八石二斗零折
京斗二萬五千九百一十一石七斗零較前此
每年分收之數有盈無絀且給照陞科俾成
民產歲省老農口食銀而民世業盡心磽确
悉成沃壤

敕下總督楊應琚等議行二十八年八月廿
州涼州所屬旱紹詩請將張掖永昌鎮番碾
伯高臺五縣城垣並撫彝廳隆德涇州坍塌
城工查修代賑

敕下甘肅巡撫常鈞議行又疏言臨洮道管
連省驛傳駐蘭州查臨洮府已于乾隆三年
移省城改名蘭州府原府治改名狄道州道
衙尙沿臨洮舊名又洮岷道轄鞏昌府秦階
二州而洮州所岷州皆鞏昌府所屬以廳州
名冠道銜名寔不符請將臨洮道改爲甘肅
驛傳道兼轄蘭州府洮岷隴右道改爲鞏秦
階道下部議行九月丁母憂三十一年正月
服闋擢刑部右侍郎二月授江西巡撫三十

三年二月疏請本年輸免江西漕糧南昌饒
州南康廣信于本年豁免瑞州臨江吉安撫
州建昌贛州改至明歲

詔可先是江西賑艘有屯田以濟運乾隆二
十四年因屯租不敷撫臣阿思哈奏請清查
加收餘租資津貼用後署撫臣明德查勘分
別陞除九江等衛所屯田餘租率徵解不前
至是紹詩奏南昌九江二衛收租過重贛州
袁州鉛山三衛所租重田缺額題請減租部

議令總督高晉詳勘高晉奏原額屯田六千
一百二十九頃七十餘畝徵餘租銀十三萬
一千五百五十二兩續報瑞昌縣墾科田五
十八畝徵銀九兩零又勘寔成熟田六千五
十九頃餘照附近民田科則減銀二萬八百
九十六兩零從之十月奏上猶縣營前山場
溝流鉄砂堆積壅溪碍民田挹注恐小民爭
取滋事臣勘山場廣十餘里每人日得砂百
斤給煎鉄五十斤募民給腰牌在溪洵取每

砂百斤給飯銀三分五厘募商設廠收買置
灶二座照銅錫十分抽二例納稅由縣解藩
庫留充地方公用令分駐營前縣丞就近彈
壓奏入

報聞是月查審九江關監督舒善侵虧踈縱
諭責之三十四年

上聞建昌府知府黃肇隆倚勢妄作

敕紹詩查勘七月紹詩列款以

聞並及肇隆逢迎布政使揆義事時揆義已

擢湖北巡撫解任來京褫肇隆職

命總督高晉審擬抵罪

諭責紹詩交部嚴加議處部議革任

詔寬免尋擢刑部尙書十月調禮部尙書先是南昌等縣被水紹詩將離任始奏請緩征諭曰災地應緩漕糧事閑閭閻生計吳紹詩何不早爲籌畫即時入告今屆十月之抄州縣征糧已將一月吳紹詩平日全不以民事爲事茲因離任在卽方知更無可諉始以一

奏塞責殊屬非是著交部議處尋部議草職
諭曰吳紹詩自簡任巡撫以來于地方政務
未能振作有爲恐久益因循貽悞第念其尙
無大過又係刑部司員出身於刑名素所諳
習是以加恩用爲刑部尙書嗣因任內不能
察劾屬員之案屢經發覺是其昏耄無能已
可概見豈堪復膺劇任因調禮部尙書或尙
可勉供職守昨于南昌等縣緩征漕糧一事
不及早入告遲至十月杪始行奏聞全不知

以民事爲重是以降旨交部議處災地收成
歉薄小民豈能復事輸將封疆大臣如果先
時陳奏朕無不力沛渥恩以紓民力乃吳紹
詩以明知應緩之類遷延不辦直待開征將
及一月始以一奏塞責是誠何心現在雖已
傳諭速予停緩而該省輾轉施行更需時日
是急公者納糧旣不免拮据而疲窘者徒受
催科之累此皆吳紹詩於閭閻生計漠不關
心有以悞之也吳紹詩近日累經部議降革

並從寬予以前任此則玩現民漠並非過屬
因公寔難復爲曲貸且其年亦衰老不能復
望其改悔奮勉矣昔宋仁宗於吏部選人坐
失入人罪者卽終身不遷朕今亦倣其意以
事係民生休戚者爲督撫黜陟並爲明白宣
示俾皆曉然於其咎寔自取且使凡爲司牧
者咸知警惕三十五年三月

諭曰吳紹詩向任刑部司員干刑名案件尙
爲諳習著以刑部郎中用三十六年擢刑部

漢名目傳卷三十一
侍郎十一月恭逢

孝聖憲皇后八旬萬壽列香山九老

賜宴及豐貂文騎三十七年調吏部侍郎三十九年以老病乞休

詔原品致仕四十一年三月

土京巡紹詩于德州迎

盜加尙書銜十月卒

諭曰原在吏部侍郎加尙書銜吳紹詩老成謹愼宣力有年前歲以老病乞休准其回籍

頤養今春東巡時尙能遠出迎送特晉階以示優眷方冀其延享遐齡不意遽爾溘逝所有應得恤典該部察例具奏

賜祭葬如例諡恭定子一長垣由舉人捐郎中三十五年選兵部

特調刑部三十六年父紹詩擢刑部侍郎

上曰吳垣係特調之員不必迴避三十七年弟垣內遷刑部侍郎乃調吏部四十年遷監察御史四十一年丁憂四十三年服闋補原

州縣旱疏請緩徵平糶募商赴川買米接濟
命將如何招徠勸諭情形確查奏聞九月覆
奏湖北商民赴川買米濟本地民食均許給
照票注明買米若干回日給驗如川商運赴
江浙糶賣路經湖北者四川於稅票內注明
所往省分湖北卽驗放行惟是舟行由宜昌
至黃州經由湖北境千餘里沿途停泊驗放
轉多遲滯臣飭沿江市鎮川商願停泊出糶
者聽其投驗稅票如順流東下不及投驗或

以免江寧蘓州兩布政使輾轉下部議行又
言江蘓省賦甲他省奏銷案內部查款亦較
多每因一欸未清致懸全案請嗣後除向無
專案咨題者仍歸摠案其專案請銷者屆奏
銷事于動撥各欸下注歸某案察核有報銷
案內動用而奏銷報完銀米者于動欸下注
明某案內報完以便察核所有乾隆六年以
後部查未結各欸卽照此辦理以清陳案部
議有專案報銷各欸如所議行向無專案者

亦另立專案報部限五年完結江寧安徽均
畫一辦理三十七年二月擢刑部侍郎十月
命往河南會同巡撫何燭審准寧縣民控知
縣採買私派運費鞠虛抵罪三十九年以向
內監高雲從採聽紀載革職交刑部查審擬
罪詳見觀保傳

諭曰吳壇于採聽紀載一事寔不意其竟至
于此但念其辦理刑名尙爲練習若竟于廢
棄未免可惜著加恩以刑部主事用四十年

海行自任
卷三十一
十月遷郎中十一月

命會同安徽巡撫李質穎查審壽州高克敬
控鄭文穎挾仇陷害案各論罪如律十二月
丁未生母憂四十二年正月服闋補原官四
月

命隨侍郎喀寧阿往審山東東阿知縣浮收
案治監生曲九苞誣控及典史受賄罪四十
四年正月授江南南河庫道二年兼江蘇布政
使四十五年四月擢巡撫六月疏言吳縣有

名捐公田萬二千五百畝承種民戶除宗地
漕銀米外歲收利息爲添補運漕之需乾隆
三十一年撫臣明德奏將每年應征租米二
千二百二十七石遞年抵補吳縣無著錢糧
餘米一千數百石留備地方公用此項旣非
正供歉年悉照原額征收自三十二年至四
十三年遭賊一萬九百餘兩查正項錢糧災
緩積欠均沐

殊恩而餘租舊逋轉未邀

恩蠲除恐積久日多益增民累請歸本年
恩蠲案內一体豁免嗣後遇歉年勘明隨征
賦蠲緩

上從之又奏言江河險處舊設救生官船五
十六隻康熙四十七年撫臣于準奏撥漁船
六分泊京口瓜州及謝家莊並置丹陽民田
五百畝名普生莊歲收租息供漁船江食救
生賞項乾隆十四年撫臣雅爾哈喜奏裁船
三十四僅存二十八分撥上元江寧江都丹

徒儀徵江陰清江山陽清河寶山等處京口
浙江僅醫救生船一漁船六查普生莊租息
支有盈餘京口漁船熟習風色練于駕馭請
添募船四月給銀三兩分泊京口瓜州金山
等處

上嘉之八月卒

賜祭葬如例

曹順列傳

曹順陽川閩中人由行伍拔外委乾隆三十

二年隨征蛮獠有功拔把摠三十六年將軍
 溫福調征金川以功授千總三十七年七月
 大兵攻固卜濟山梁賊柵二阻木蘭琪路順
 隨溫福赴固卜濟山下賊迎拒官兵攻之賊
 匿柵內發鎗石有賊目寔出南門順斬之奪
 門焚柵痛殲逆賊焚斃者百餘獲刀鎗衣物
 無筭下部議敘尋遷貴州興化營守備十一
 月

賞戴孔雀翎遷四川松潘右營都司十一月

由康薩爾進據了口山峯賊悉力抵一日內
退而復進者七順與三等侍衛穆哈納等擊
斃賊遂克擦庸碉寨及附近木棚石卡我兵
復由舍圖柱卡分道斷賊柴噶爾博山後路
順領土兵循山場進放鎗縱火與叅贊大臣
豐昇額兵掎角進賊不能支穴寨後竄順擊
斃之餘皆墜箐死克石碉十二平房七遂據
遜克尔宗

諭曰曹順屢次出力自應格外加恩著傳諭

撫查明曹順之子現年若干先行奏聞俟其
服闋後卽行送部引見四十一年金川平
命圖形

紫光閣

御製贊曰始由偏裨洊至總戎騎牆殺賊受
傷捐軀賞延於世爲之惜悼季世朱門歌舞
以笑子子元襲騎都尉又一雲騎尉現官甘
肅花馬池營叅將

漢名臣傳卷三十一終

漢名目録

卷三十一

三十一

041-832

漢名臣傳卷三十二

張泰開 周煌 程景伊 吳嗣爵

馬會伯 李湖 宮兆麟 胡煦

鄭大進 吳士功

張泰開列傳

張泰開江蘇金匱人乾隆五年授內閣中書
七年進士改庶吉士九年

命在尚書房行走十年散館授編修十一月

遷中允十二年遷侍讀十一年充

日講起居注官十二年正月遷都察院左僉都御史十一月授內閣學士十四年授禮部侍郎十五年提督順天學政十六年調工部侍郎仍舊學政任十八年九月調禮部侍郎十月在

尙書房行走十九年二月國子監學錄缺員吏部以九卿所保舉人引

見

上以泰開所保之鄒志伊係同部侍郎鄒一

桂之子顯有膽狗同官情弊交部嚴議革職
四月

特旨給編修銜在

尙書房行走二十年三月

上閱胡中藻堅磨生詩鈔悖逆泰開重師門
周顧大義爲之作序出貲刊刻

命革職卽議罪如律

諭曰張泰開本一庸懦無能之人其出貲刊
刻由被勒索序文又係胡中藻自構張泰開

著從寬免其治罪卽行釋放仍在尙書房行走効力贖罪九月授編修二十一年十月詔免泰開從前罰俸二十二年七月充

日講起居注官十月授通政使

命爲尙書房總師傳二十三年十二月授左副都御史二十五年三月充會試副考官二十六年五月提督順天學政十一月授刑部侍郎二十七年四月調禮部侍郎十一月奏言宣化府向係科歲並試邊方文風樸陋士

予試後卽各管別業三年再考始理舊業文理荒疎學臣歲試南竣復接科試竭力搜羅難於足額請三年兩次分考勤加訓勵文風士習均有裨益下部議行二十八年授左都御史二十九年十二月充

經筵講官三十一年正月擢禮部尙書

命在紫禁城內騎馬三十二年四月

命以禮部尙書專管左都御史事五月實授左都御史三十三年六月以老病乞休

通志卷之三十二
三
諭曰張泰開在尙書房行走有年頗著勤慎
茲年踰入秩因病乞休著加恩賞給太子少
傅禮部尙書銜准其休致回籍

御製詩餞之日年過懸車又一旬南旋嘉興
錫恩綸飄蕭白髮三千丈啟迪青宮二十春
安得蘓仙授梅橘真成疏傅理歸輪梁溪水
是還鄉水愈疾應知速倍神三十九年九月
以疾卒

賜祭墓如例謚文恪

周煌列傳

周煌四川涪州人乾隆二年進士改庶吉士散館授編修六年充山東鄉試副考官七年充會試同考官十二年充雲南鄉試正考官二十年十二月

詔借侍講全魁冊封琉球中山王尙穆尋遷右中允二十一年遷侍講二十二年復命奏渡海泊舟姑米山遇風禱天妃靈應事請加天妃封號別頒

諭祭文與海神並祀下部議行以隨往兵丁
在琉球滋事失約東部議革職

士念其出使外洋遭遇風險從寬留任纂輯
琉球國志畧呈

覽嗣

命武英殿排印頒行二十二年三月大考二
等准其開復十二月遷左庶子

命在尚書房行走二十四年遷侍講學士二
十五年充福建鄉試正考官疏言閩闈舊設

十二房因易經卷少議裁一房今查詩經卷
及四千同考四員未能分被裕如請增一員
以復舊額十二房之數部議從之二十六年
擢內閣學士提督江西學政三十一年擢刑
部侍郎三十二年調兵部侍郎三十三年提
督浙江學政三十八年五月

命偕侍郎永德往四川會訊壁山縣民控武
生鄧貴榜勒派侵冒案十月復

命會審蓬溪縣生員黃定獻控知縣借軍需

澤名目傳卷三十二
勒派案俱鞠虛議罪如律四十四年二月充
四庫全書館總裁十二月擢工部尙書四十
五年三月充會試副考官以中式前列試卷
語意粗雜磨勘大臣奏請應議部議罰俸九
月調兵部尙書四十六年八月煌赴熱河
行在帶領武職引

貝時川省查辦咽喉匪

上召煌詢之煌據所見聞奏對

諭旨文綬辦理咽喉匪一案平日不能督率文

武屬員緝捕以致竄入楚黔鄰境已屢經降
旨嚴飭並降爲三品頂戴從寬釋在今其督
緝茲據周煌奏川省囑匪近年每邑俱多至
百十餘人常川騷擾並有朋頭名號戴頂坐
轎乘馬白晝搶奪如入無人之境通省官吏
罔聞兵民不問甚至州縣吏役身充囑匪如
大竹縣衙役之子號稱一隻虎等語可見囑
匪肆行不法已非一日文綬身爲總督乃竟
漫不經心以致養癰貽患甚至白晝搶奪拒

捕傷差公然無忌若不及早嚴辦將來兇羽日多安知不釀成藉四十三之事此時務須痛加懲創盡絕根株以戢凶暴而靖地方並諭新任四川總督福康安防護皇原籍村庄四十七年二月

命在尙書房爲總師傅十月以辦理名臣奏議草率交部議處尋免之十一月

諭旨周煌不勝總師傅之任着回原衙門辦事十二月

命在紫禁城內騎馬四十九年調左都御史
五十年正月以病乞休

上念其奉職有年小心勤慎

詔以兵部尚書致仕加太子少傅銜四月卒
諭曰原任左都御史周煌由翰林洊擢正卿
在尚書房行走有年老成端謹奉職克勤今
春遘疾陳請解任曾晉秩太子少傅加兵部
尚書銜准其回籍調理前兩次祇迎道左特
親加詢問諭令加意調攝以冀痊可茲聞溘

逝深爲軫惜着加恩晉太子太傅派散秩太
臣帶領侍衛十員往奠所有任內降革處分
俱予開復應得卹典該部察例具奏尋

賜祭葬如例謚文恭子興岱現官內閣學士

程景伊列傳

程景伊江南武進人乾隆四年進士改庶吉
士十年散館授編修十三年三月充會試同
考官遷侍讀六月大考二等遷侍讀學士十
四年正月

命在尙書房行走十五年丁母憂十八年七月補侍讀學士仍在尙書房行走九月充

日講起居注官十月充武會試正考官遷詹事十九年充內閣學士二十年擢兵部侍郎二十三年十二月民人潘濟控天津鹽商牛兆泰欠引地價銀益道王愷伯之壻張曾教持京札十餘封爲兆泰囑托經大學士傅恒查奏各札與本案無涉

諭曰朕斷不以尋常青札往來之故處分伊等但侍郎程景伊札中有承之中樞晨夕內廷殊多曠廢今秋來與木蘭之役稍得心專職業等語亦可謂無可致之殷勤訴中情之充誦者矣大約小翰林輩方進本衙門行走則以入直內廷爲捷徑及積久受恩滿志又以晨夕入直爲苦此卽韓愈所謂丁寧婢于者也今程景伊自問兵部之事朕果賴彼以理乎本不過旅進旅退可有可無之人伊豈

不自知而醜顏爲是語乎似此居心安可授
經皇子着解退其尙書房行走俾其專心部
務以觀其作何盡職二十四年閏六月調禮
部右侍郎七月鄉試屆期入旂大臣子弟應
試者並不循例自陳程景伊與禮部尙書伍
靈安等代爲請

旨朦混具奏部議革職

詔改革職晉在十一月以西陲大功告成
命祭告炎帝虞帝陵二十六年九月充武會

禮記卷三十一
試正者官二十八年四月奏言外籥官有年
老抱病難勝任者已派員幫辦嗣後請令該
堂官開送時將老疾者驗明扣除

上是之十一月充續文獻通考副總裁二十
九年二月疏言擅廟致祭向例俱有撰定成
文其中亦宜因時變通如本年三月祭

歷代帝王廟

皇上親詣行禮上年奉

詔廟易黃瓦典禮攸崇應請

勅翰林院另擬祭文進呈

欽定以申昭格如所請行三十年正月署吏部侍郎十月授吏部右侍郎兼署工部左侍郎三十一年正月調工部十月仍調吏部侍郎三十四年擢工部尙書充

經筵講官三十五年調刑部尙書三十六年二月調吏部尙書三十八年八月協辦大學士九月充三通館副總裁十月

命紫禁城內騎馬十一月充

漢和目錄卷三十三
國史館副總裁三十九年十月充四庫全書館總裁十二月覆勘各省鄉試卷四川頭場首題又日新康誥日六字庫士連下全無義理卽欲避熟趨生以防雷同勦襲何至如此割裂請

敕禮部定議有似此命題小巧者據實查叅議處

上是其言下部議四川考官罰俸如例四十年教習庶吉士四十一年四月

上東巡回鑾駐蹕黃新店景伊與在京大臣
官員迎

駕未候

召見俱已退班

上以景伊係協辦大學士永貴係吏部尙書
二人旣散衆人遂尤而效之

命交都察院議處尋議降二級畱任

上責都察院徇情改爲革職畱任四十二年

五月

命景伊與修明史各本紀十一月

諭曰前因四庫全書館呈進各書每多稽緩
經總裁等議設總校六員分司校閱各總裁
仍隨時抽閱以專責成本日召見程景伊據
奏應進各書經總校閱看後如總裁等全爲
檢閱不特耽延時日且總校等轉得有所推
諉若不將如何抽看之處定有章程亦非核
實之道此後總裁等于每十本內抽閱二本
粘貼總裁名簽其未經抽閱者于書面粘貼

總校名銜如有錯誤各無可訶等語所奏自屬可行嗣後四庫館校閱各書卽照此辦理各總裁等務宜悉心校勘毋致再有舛誤十二月充

玉牒館副總裁四十四年十二月晉

文淵閣大學士兼吏部尚書暫兼管吏部事務並充

文淵閣領閣事

國史三通館總裁是月濟寧州參軍知州藍

亮名互專三

三

應桂呈請捐復景伊未詳核情節率標先行
侍郎和坤以應桂身為州牧縱兩堵冒籍實
屬私罪不應准其捐復奏

諭曰程景伊于藍應桂捐復一事不與各堂
官商酌竟標先行准其捐復辦理實屬錯誤
朕姑不深究着交都察院議處尋議降一級
抵銷四十五年正月

上南巡

命景伊暫京辦事三月教習廣吉士五月

上回鑿

召見景伊病後衰弱

溫諭安心調理勿勉強行走七月卒

諭曰大學士程景伊品行端醇老成練達歷膺部務懋著勤勞簡任綸扉正資倚畀昨因其抱恙未痊特命加意調攝並屢次存問方冀速痊今聞溘逝深爲軫恤着派散秩大臣帶同侍衛十員前往奠醑應得恤典該部察例具奏

卷三十一

三

賜祭一壇諡文恭

吳嗣爵列傳

吳嗣爵浙江錢塘人雍正八年進士授吏部主事乾隆二年游遷至卽中六年六月授保寧府知府奏書部十二月提督湖北學政九年調福建學政十三年四月授淮安府知府九月授淮揚道十六年二月調兩淮鹽運使十八年八月調淮揚道十月丁憂

論曰吳嗣爵現在丁憂昨因河員諸弊叢生

是以特由運使調用目今河防緊急一應堵
築漫口工程稽核工料正資人料理在任守
制之例朕從不開但河工與地方官員不同
實不得已吳嗣爵着給假兩個月治喪事畢
卽赴淮揚照例在任守制二十四年四月
命隨侍郎夢麟勘辦六塘河以下積潦七月
遷江蘇按察使十二月遷布政使二十三年
三月調湖南未赴任以前奏緩征江寧等三
千五州縣積欠事與巡撫託恩多覆奏不符

諭曰前據江寧布政使吳嗣爵奏江寧等三十五州縣應征口糧積欠銀兩奏銷例限五日爲日無多請特降諭旨緩征等語朕以江蘇所屬州縣民借口糧積欠如果應緩征以紓民力該布政使自應稟請巡撫具奏當卽批令告之巡撫請旨今據調任巡撫託恩多奏稱江寧等三十五州縣二十一二等年連獲豐收民力尙紓各官俸免處分並將屆奏銷未便再請緩征徒使催征不力各官俸免

處分等語乾隆二十年江省被災朕多方賑恤格外加恩並于勘不成災例無撫恤之江寧等三十五州縣亦令一体酌借口糧以資接濟今此各州縣于二十一二等年既連獲豐收又非淮徐海等州之連年被災者可比吳嗣爵以特恩擢任藩司乃蒞任之初並不告知撫臣託緩征之名寔卸已之過且爲催徵不力各員圖免處分具摺瀆請可謂不知朕恩何以居方面大員之任本應交部嚴加

議處但念其尚習河務姑從寬發往江南河
工以河務同知補用二十五年正月補宿虹
同知三月授淮揚道三十年三月調淮徐道
三十三年七月以搶護徐家庄險工迅速合
宜下部議叙九月署理河東總河因鹽運使
任內兩淮南人侵蝕堤引應繳公費銀嗣爵
不能詳請早定章程部議降三級調用

詔從寬改爲革職留任三十四年正月奏言
加河廳屬丁廟閘雁翅裂縫六里等閘石剝

落應修補新石運河廳屬南旺埧分水口對
岸口埧卸應修補捕河廳荆門上閘底漏水
應補換新石底板戴村埧南北中三道長百
二十六丈北埧衝埧二十六丈中埧下碎石
坦坡及兩邊石脫落應修補至運河兩岸土
工臨清以北係民堰南旺以南係官堤由臨
清至南旺官堤民堰錯雜借以保衛田廬爲
艱船縲路現將民堰卑薄殘缺之處督民修
築官堤冬內沙外坡堯灣近溜請酌量緩急

濟南府志卷三十一
輪流幫修

上嘉之六月署河南巡撫三十五年四月奏
言南旺湖北高南下在運河西岸適當分水
口之衝伏秋汶水漲發由關家常鳴等斗門
灌入祇能收水入湖不能出水濟運乾隆二
十五年河臣張師載奏于寺前開下建涵洞
二復以涵洞出水無多于迤上土地廟前遇
漕艘至日開堤洩湖水濟南旺以南運河臣
思湖水濟思涵洞旣不敷宜洩運年開提年

築計非經久查所空堤工當南旺湖下游出水甚暢應卽于其處添建石閘一啟閉由人實屬便捷奏入

報聞三十六年京察

上以嗣爵官力稱職下部議欽七月復以防護黃河盛漲堤工穩固議敘加一級八月調江南河道總督三十八年七月奏清口舊有木龍五架臣奏將第一架移于第五架迤下七十丈建立新長淤灘一百三十五丈查架

溜勢稍緩原長五十丈應改造減去二十丈
足資捍禦卽將改減去之木于新移木龍四
十丈之下緊對陶莊再移建一架新淤更資
保護溜勢更可北趨

敕將舊立第二架木龍一併移置挑留審處
妥辦四十年閏十月奏言丁家集黃河向流
北岸因河勢生灣溜向南趨北岸漸長新灘
挺入河心致本年南岸外灘民堰被冲毛城
舖過水較大下游不能容納臣勘南岸漫坍

民堰五百餘丈就臨河灘面堵所冲特槽補築民堰俟堵閉斷流毛城舖迤下洪灘二河水立見消涸至來年毛城舖過水須由丁家集迤下唐家灣分洩不致壅溜有得下游惟河頭勢順河唇高仰不能收分洩之益今改正河頭測量河唇挑深淤墊引渠臨黃築子堤以資收水北岸嫩灘形勢巽濟應于傍裏黃河故道取直挑引河千一百六十五丈深九尺於來春相機開放俾河改由北岸東下南

岸丁家集一帶更無旁注之虞奏入

報聞十月奏言襄河廳屬運口設惠濟通濟
福興三閘每閘有正越二閘惠濟首閘尤爲
淮水入運關鍵今閘底閘墻迎水雁翅年久
損壞若并一閘開攔卽少一重束水本年淮
漲入運河俟水消先築埧斷流春融興修泚
前可一律竣工從之四十一年三月奏言清
口通湖引河五爲洪澤湖尾閘禦黃濟運上
年伏秋汎內黃水倒漾亭沙湖水加長俟高

堰誌椿水消疏濟

命會同總督高晉籌辦尋會奏測量張福口天然引河太平引河俱深通惟張家莊河尾裴家場河身前此水僅二尺餘濟後河尾現深四尺五寸河頭水淺宜多添器具續濟總以深五尺爲度愈寬深愈爲得濟奏入報聞是月授吏部侍郎四十二年以老病疏請解任得

旨原品休致四十四年卒子璫現官河南布

政使

馬會伯列傳

馬會伯甘肅寧夏人康熙三十九年一甲一名武進士授頭等待衛四十五年授直隸昌平營叅將四十八年遷通州副將五十年調湖南衡州協副將五十三年調雲南督標中軍副將五十七年擢永北鎮總兵五十九年大軍赴西藏進勦策零敦多卜

詔會伯與總兵趙坤統綠旗兵往會都統法

喇軍十月西藏平敘功加十等予左都督銜
雍正元年十一月

覲

賜御書有儒將風匾並貂冠花翎時其從弟
覲伯任山西大同鎮總兵駐甘州

命會伯往署鎮事

賜白金五百兩二年正月回永北任三年三
月擢貴州提督十月疏言黔省土瘠兵貧臣
捐谷千石四營將備捐千石貯俟青黃不接

時濟兵食秋後還倉來歲秋收臣等再捐二千石

上善之先是廣順州屬長寨等處狃苗性獷悍川販李奇等爲主謀焚掠無忌總督高其倬奏移大定協并兵于長寨等處設汛分防至是建營房狃苗糾眾抗阻會伯偕總兵石禮哈搜勦狃首惡阿草阿紀李奇等誅之脅從苗詣軍前乞命諸寨平會伯復馳赴長寨宗角者貢谷隆關羊城壘查勘督建營房得

旨嘉獎優敘加三級四年三月調甘肅提督
未至

命署四川提督旋授四川巡撫五年正月疏
叅按察使程如絲營私網利

命侍郎黃炳往審得實治罪如律四川巡撫
衙門向有稅規耗銀三萬九千五百餘兩會
伯飭令稅口儘收儘解併入正項富順縣向
發墨票販賣私鹽巡撫歲收規銀一萬四百
兩會伯革除請引增課以布政使繳條狼耗

規銀六千六百餘兩按察使繳鹽茶耗規銀六千五百餘兩榮經縣茶規射洪遂寧蓬溪南部雲陽五縣鹽規銀五千六百餘兩留爲巡撫養廉及犒實用奏入

報聞又言清查隱糧八條一朋名納糧之田宜分界立戶一紳衿大戶宜令倡首增糧一糧戶令認墾荒田一爭控田地按名丈量一土棍挾眾阻撓從重治罪一道府不善董率嚴加處分一州縣衛所優劣分別勸懲一委

後賄求捕役捏爲自首請嗣後概不准寬減
仍將捕役治罪一誣告人命不得輕准和息
凡刁惡之徒挾嫌索詐每借人命捏告被誣
人畏累議和得遂所欲具呈求息請嗣後地
方官立即審明照誣告人死罪未決擬罪不
得聽其和息一洗冤錄宜重加校閱人命全
憑檢驗傷痕而傷痕常有疑難定例州縣額
設忤作各給洗冤錄一本令其學習今洗冤
錄翻刻多誤請

諭曰此任朕屢經斟酌委用滿員恐與岳鍾
琪掣肘委用文吏則能諳軍机實心能事者
甚少再四躊躇然後委託于汝慎勿有辜任
用十一月擢兵部尚書仍辦理軍需兼管肅
州總兵事八年六月
諭曰馬會伯辦理軍需以來諸凡推諉貽誤
措置顛倒著革職仍令署理甘肅總兵事務
効力贖罪乾隆元年卒

李湖列傳

李湖江西南昌人乾隆四年進士十三年授
山東武城縣知縣調剡城二十年遷寧海州
知州二十六年遷泰安府知府調直隸大名
府復調保定府三十三年遷通永道調清河
道三十四年遷直隸按察使三十五年遷江
蘇布政使十二月陳奏社倉三條一社長以
司事三年爲限遊木社殷寔監生或誠實鄉
民充之一春借秋收州縣官核實社長所報
應借戶口記簿定期赴領委佐雜教職督發

秋後示期征收禁刁民強借過期不交者北
追一社長于春借秋還赴官稟報到倉開驗
如官吏假造冊出結苦累社長嚴叅德治從
之三十六年擢貴州巡撫七月侍郎錢維城
自黔鞫獄還奏古州兵米以折交爲便請
敕巡撫查明妥辦湖奏言貴州兵糈俱於駐
劄地方征給無需挽運惟古州丹江浪洞鎮
遠地拱清江及八寨牙丹坡東等處苗疆米
少不敷定議輓運今因一二流弊盡翻全局

悲艱歲汎地米昂採買價騰浮于運費有碍
民食兵精查平越府及黎平平趨開泰等縣
現收折色本汎便於採買卽明立章程官爲
改折以杜積弊而省運費其各屬撥濟營糧
並無折交仍循舊例從之又條奏鉛運章程
一現存未運鉛九百餘萬斤年久停滯無由
清厘新舊並催恐挪移滋弊請勒限一年運
竣舊鉛再運新鉛一積年存運鉛斤及發過
脚價先查追領銀撥運之戶其承辦出結官

督催不力上司分別攤賠一舊鉛運費暫于
存貯鉛本腳價內先行借支俟起運後勒追
歸款輓運可免稽滯一威寧水城廠鉛向來
直送永寧前撫臣劉藻奏改由大定轉運府
局馱馬少仍向威寧募雇應仍舊例一鉛斤
工本運腳銀歸藩庫兌收貴西道按季領發
一各廠起運會歸畢節宜堵北路胥歸中路
以杜統徑偷藏之弊其自廠至中西兩路直
抵永寧按站設卡令書手巡役關會催察一

派佐貳官駐永寧兌收按旬彙報並知會原
廠查對廠簿卽可知已發未到之數下部議
行三十一年五月調雲南巡撫六月酌議銅
務十條一欸欠宜分別追賠廠民領本銀開
採欠銅無可著追者督臣奏請豁免自三十
七年爲始于通省應交工本銀兩預扣平餘
抵補至課長尅扣分肥爐戶侵吞入已惟概
以廠欠追賠積欠日多嗣後請照常人盜倉
庫錢糧例計贓科罪一禁沿習陋規銅廠初

開各衙門俱有使費廠員發銀亦多尅扣現
已勒禁工本銀向皆廠員赴省具領應令藩
司按廠核明銀數包封粘印由該管道府轉
發廠員同課長驗明發給一京銅改解紫板
查礦砂鍊淨色紫名曰紫板再用松炭鎔液
形似蜂窩名曰蠟壳外省向用紫板京局解
運蠟壳年久砂乏附近松木無餘每至停爐
待購請暫改用紫板俟松木滋生仍解蠟壳
一酌給水澆銀兩廠礦開深水積提洩維艱

請核給工費于錢局及銅斤餘息項內支銷
一多備各廠食米銅廠坐藩山等市遠米昂
前督臣明德奏借工本銀官爲採買運廠給
食湯丹容舊廠運米尙覺不敷請照新廠例
備卒年食米動支工本銀發附近州縣代買
貯官聽爐戶分買每米一石收息銀二分爲
建倉費用並購煎鍊所需油炭一體借給一
酌增爐店貯銅以濟京運查湯丹等廠額辦
京銅由東川尋甸運至四川爐店兌發水陸

迢遞每年市運開帑之時尙非厥銅抵瀘之
候向有存銅一百數十萬金通融兌撥自以
爐銅改給陝西採買並墊發沉失等項遂不
敷撥京運始待本年現辦之銅供本年起運
之用前撫臣諾穆親奏添撥尖山銅一百萬
斤運瀘備兌尖山礦旺請再加撥一百萬斤
俟運足仍將尖山厥銅給外省採買一銅運
宜歸大路以杜停留查湯丹等厥運京銅尋
東由尋甸起運東川一路陸運至昭通一由

永喜縣之黃草坪下船一由豆河關之塩井渡下船尋甸一路陸運至威寧州抵川屬之羅星渡下船水運抵瀘灘險停泊向多誤限請堵小徑統歸大道按站設卡銅斤出廠編號給照填明發運日期銅斤數目逐卡查驗經由州縣按旬造報一外省辦銅宜定期咨會以免守候各省委員在滇尙有三十五六兩年未領額銅嗣後每年將各廠辦獲銅斤除核運京局及本省鼓鑄餘銅若干勻撥各

陽年已作... 三二二
省關與咨會令委員領銀來滇隨到隨給金
錢廠銅胚照色稍低定例高低搭配惟貴州
咨請改撥請照各省例畫一配給一外省運
費宜寄貯司庫向例各省銅本解交雲南藩
司脚價聽委員收貯赴廠領運每以守候需
時運貨人取利或販物營私至領銅不能起
運請嗣後各省所發運脚銅本併貯滇南藩
庫俟撥定廠分銅數核明給發地方官代雇
夫馬以遠銅運一廣植材木裕用滇省以開

礮煎鹽柴炭價增議勘驗官山官地許民報
種存案十年後准剪伐售賣補種新樹照則
陞科管業有益厥灶下部議行三十八年七
月時湯丹碌碌等四場積欠甚多湖與總督
彭寶奏請在應領工本內每銅百斤扣銀五
錢戶部以辦銅拮据議駁

勅令湖等孰籌另議尋奏請照黔省例概以
餘銅一分聽厥民通商自售以裕成本生計
所採銅供京局添爐加卯帶鑄歲可收息二

萬餘兩卽以扣歸四場積欠十三萬九千餘兩之數不過七年可以清理

詔可十月奏言省局積存息錢十八萬八千餘串請放給兵餉撥充銅本減爐二十五座每爐酌減八卯節省之銅卽撥濟隣省從之三十九年五月以辦理金川兵妥速議敘加一級九月奏言白琅黑安四塩井薪本運脚不敷督臣彭寶已奏增賣價撥補惟迤西迤南各小井煎辦尙形拮据按版恩耕抱母香

盬磨脂等十一井購材遠彌涉井原定薪本
不敷雲龍井涵原短塞草溪井煎辦積壓請
於賣價每盬百斤增銀三錢以銷售之有餘
補薪課之不足原定薪本每盬百斤加銀二
錢以紓民力雲龍井額盬內削減三十萬斤
草溪井酌減十五萬斤卽于威遠等州縣加
價內撥補足額有盈無絀下部議行四十年
二月以容隱彰實貪婪部議革職

諭曰李湖前在直隸任內辦事頗屬認真朕

特加賞識彼時直隸大員如方觀成周元禮
於實力辦公之外兼辦差務惟李湖在直則
專畱心地方吏治似不以辦差爲急務而其
受朕監賞轉在此也嗣以加恩擢用自應倍
加奮勉以副委任乃自簡任滇撫以來諸事
竟遠遜于前卽如籌辦銅斤酌撥銅款等案
屢經戶部指駁其不能實心任事可知節次
傳旨申飭念其尙屬因公錯誤暫爲姑容今
彰寶于保山縣令王錫取用什物等項計銀

四萬餘兩之多李湖同在滇省豈竟漫無見聞乃隱忍緘默從無一字奏及其心尙可問耶李湖着草在帶布致使銜自備餐券前往四川軍營會同鄒寶等辦理軍需奏銷事務四十三年授湖南巡撫四十五年調任廣東廣東素多盜番禺之沙灣菱塘近大洋綿亘百數十里尤稱盜藪假風便捕魚出洋轉劫或散布內地行劫湖莅任會同督臣巴延三籌訪各盜姓名居址出入途徑偵各盜首以

七月望前歸家設祀密飭文武官預分捕役旬日間拏誅盜首二百餘人疏至

上嘉之議敘加一級四十六年條奏安輯章程一沙灣南岸市橋村北岸新造墟向設巡檢各一分司緝捕南村駐縣丞一秩微不足彈壓請移同知一員在菱塘沙灣適中之坑頭村兩巡檢可隨時調遣遇盜警會石碁營弁堵緝一沙菱漏口甚多石碁村逼臨獅子洋爲舟行總匯請立亭營以扼其要一石碁

水師汎房並列村內宜移漏口旁易干盤詰
水陸各汎酌添弁兵一石碁營在陸路汎地
俱屬本鄉宜設櫓船快槳船各一官漏口市
頭村石壁汎各設快獎船一市橋汎設四櫓
船一令千把總帶兵巡緝一菱塘漏口無船
汎與內河巡船不相接連應令左翼鎮派樓
船一配兵巡徼一移駐汎兵率眷遷徙每兵
酌給房二間一各村兵船令沙菱巡檢編號
給印照刊船戶姓名俾一望瞭然凡大船樑

頭七尺以上者限用四槩小船六尺以下用
兩槩禁民間私造洋船一新設移駐各員必
久任專其責成請在外揀調照海疆例五年
俸滿保陞遇有盜案文職以巡檢爲專管所
員爲兼轄武職以千把外委爲專管守備爲
兼轄將領爲統轄如失察沙菱民人偷越各
屬行劫照失察奸民出口例叅處一石碁村
有鼠山又有土堆形同田鼠性善竊故多盜
請剷毀鑄鉄貓鎮壓以順輿情下部議行十

一月卒

諭曰廣東巡撫李湖老成練達才守兼優簡任巡撫以來辦理地方事務實心實力正資倚畀茲聞溘逝深爲軫惜着加恩晉贈尙書銜其任內降革處分並予開復應得卹典該部核議具奏

賜祭葬如例謚恭毅入祀賢良祠四十九年恩授其子李采爲內閣中書

宮北麟列傳

宮兆麟安徽懷遠人由貢生捐授湖北安陸府通判乾隆十六年遷江西南昌府同知十八年遷福建興化府知府二十七年遷山東濟東道二十八年調山東糧道三十一年六月遷湖南按察使時桂陽州民侯七郎毆斃大功服兄侯欵添賄其兄侯學添誣服知州張宏燧草率定讞巡撫李因培駁審適調福建奏明案多可疑

勅新任巡撫常鈞詳訊兆麟鞠實審解會審

官窺常鈞庇宏燧多觀望常鈞以兆麟不與
會審承審各員聯銜會印侯七郎又極口呼
冤奏另委審兆麟亦以侯七郎實係正寃侯
學添得賄頂兇入告

命侍郎期成額會湖廣總督定長審理尋訊
明正寃侯七郎抵罪宏燧廻護原招故出人
罪擬流會審知縣李蒔等革職

命常鈞來京方案之既定猶未入奏也兆麟
以長沙府知府李拔所訪宏燧買金託湖

潘司赫昇額行賄翻案密稟期成額等奏

聞逮訊宏燧無買金行賄事其差借武陵縣銀五千係迎合巡撫李因培藩司赫昇額抵解桂陽代完武陵叅茸知縣馮其柘虧空因盡得赫昇額前任湖南藩司與宏燧交結保薦宏燧常鈞遂題陞知州狀均議斬詳因培傳常鈞奉

旨革職三十二年兆麟調雲南按察使三十三年三月遷雲南布政使十月擢廣西巡撫

三十四年雲南軍營需硝

勅兆麟籌辦四月奏言廣西歲產硝八萬四千餘斤除各營製火藥歲餘八千五百餘斤臣先將舊存硝七萬七千餘斤解至剝隘交滇員查收復于通省各營額貯火藥五十二萬九千餘斤內撥二十萬一併運滇所需製備工價運價核實咨滇解粵歸款庶免遲延並省到滇製配得

旨嘉允十二月調湖南巡撫三十五年三月

調貴州巡撫時桐梓縣刁民聚眾滋事

命速赴任緝捕此麟會同

欽差湖廣總督吳達善等緝獲正法復奏言
起釁由桐梓縣協辦兵差按畝派馬眾疑董
事紳士有侵漁弊一唱百和釀成大案奸民
聚眾罪有應得州縣遇派辦公事亦當防董
事侵漁早爲清算使知派皆實用疑釋心平
乃置之不問地方官之闕茸可見貴州兵差
大概皆然臣飭各府州縣將兵差領公項

若干派民若干有無餘剩勒限算清書簿傳紳士保里同董事查閱使百姓曉然仍詳報查核不卽清算者叅革

止是之七月古州黨堆寨逆苗香要等不法借吳達善等督兵捕誅之

上以所辦地遠妥善議敘加一級光麟因條奏善後事宜一下江營四面皆苗南界廣西爲古州扼要地舊設兵五百餘撥丙姝西山及各塘汛存城兵止二百三十請撥古州鎮

標兵二百移駐下江營一定且營在古州上
遊山後背生苗原設兵二百六十除安設塘
汛只存兵百九十五請添設古州鎮標兵一
百駐防一下江城原設吏目一秩卑不足彈
壓應汰請移貴陽府通判駐下江隸黎平府
分設古州廳屬下江一帶苗寨令管理其吏
目經理兵米卽交通判支放定爲苗疆久任
要缺在外揀補二党堆寨苗民老响以阻香
要謀殺土弁所差全家遇害臣令于寨地廟

祀並將其死義被旌及香要等叛逆伏誅用
苗語譯出榜于廟使眾歲時展拜知警一下
江營向有牆圍四百三十丈高一丈內駐兵
三百餘戶日久牆傾臣等捐修改立土城得
旨如所議行九月奏言本年入夏米昂臣飭
屬將常平倉米不拘存七糶三之數減價濟
民查通省貯米八千三萬餘石今自三月開
糶至七月各處倉儲皆虛查卽岱廳龍泉修
文安平清麟安南遵義桐梓酉陽夔安

捐潭十一縣開州永寧平遠黔西正安五州
向有餘米三萬四千餘石畱爲上年平糶交
價解存道庫前撫臣圖爾炳阿奏明改征折
色貴州山多不通舟楫與其征收折色多糶
常平不苦仍征本色畱備下年平糶少糶常
平則採買亦少民免苦累倉廩亦不至有虛
懸奏入

報聞先是四五月間兆麟請于隣省湖南四
川廣西買米運黔糶濟至秋豐收復請停運

上飭其冒昧于前曷令以遇事須要詳籌兆
麟又奏請

簡發知府三員赴黔

諭曰知府有董察屬員之責民生吏治攸關
簡用時特加詳慎若如官兆麟所奏勢必將
部中分別繁簡司員發往此端一開各省效
尤踵至需人日多不特遇有要缺簡用無人
並于吏部選法有碍且此等發往人員既在
外省其權皆在督撫倘因得缺稍遲或擇缺

漢行傳卷之三十一
三
美惡必至負綠請託遂開倖進之門宮兆麟
率尔陳奏殊不可解傳旨嚴行申飭十月
諭曰宮兆麟自調在黔省以來觀其所辦諸
事時露輕率冒昧之意如前此奏請簡發候
補知府及停發兵米二事未能詳度事理率
意陳奏業經降旨訓飭昨觀音保到京質審
事竣因與該撫曾經共事令軍機大臣傳旨
詢問該撫居官如何據稱宮兆麟爲人拙率
喜于自誇遇事不能精細其言實屬切當看

來官兆麟之爲人應對是其所長而于辦事
殊少實際是以外間有缺嘴之號朕亦頗有
所聞巡撫爲封疆大臣責任甚重倘遇事不
能審慎精密徒以口給便捷爲能必致貽誤
公務卽如觀音保在濟司中歷任有年朕因
其人粗率是以未經擢用巡撫今粗率如觀
音保尙以官兆麟爲粗率則其氣息更甚又
不問可知矣但該撫現在未蹈罪愆猶當加
以諄切訓誨使知所悛改著傳諭官兆麟速

行猛省痛改前非凡事實心實力出以持重
周詳毋謂旣得茲撫竟自志足意滿一任誇
張痼疾不能力區矯創以致自貽伊戚悔之
無及也十一月

命來京陛見尋降補甘肅按察使三十六年
二月

諭曰去秋宮兆麟奏屬員賢否擢稱金祖靜
兩耳重聽因臬司爲刑名總匯若果耳聾卽
于聽斷非宜傳諭宮兆麟俟三寶回黔後卽

令金祖靜來京初不必告之以故今日閱金
祖靜摺則稱撫臣恭錄廷寄轉行宮兆麟所
辦甚屬錯謬寄信諭旨理宜慎密豈可輕洩
于人若抄錄轉行則更無此情理前因宮兆
麟在湖南臬司任內辦事尙能認真是以特
加擢用及簡任巡撫以來見其辦事粗率動
多舛誤看來不過專恃口給毫無實際之人
難勝封疆重任因將伊降補臬司尙不意其
糊塗不曉事竟至于此昨來行在召見看其

精力亦漸就衰恐並不能如前此之奮勉著
傳諭明山侯官兆麟到任後傳旨申飭並爲
畱心察看如其辦事仍不着緊要或神氣日
漸衰頽卽據實奏聞毋稍徇隱三月以貴州
巡撫任內失察殿員王藻元等虧欠鉛斤草
職回籍十一年三月
上東巡兆麟迎

鑿

詔給三品銜四十六年卒

胡煦列傳

胡煦河南光山人初任安陽縣教諭康熙五十一年進士改庶吉士五十二年授檢討五
十三年正月

召見于乾清宮畫圖講易奏對稱

旨

命直南書房同大學士李光地分纂周易折
中五十四年正月在

蒙養齋行走五十六年正月預修卜筮精蘊

六月充湖北鄉試正考官五十七年三月遷
司經局洗馬八月預修卜筮彙義十二月轉
鴻臚寺少卿六十一年三月遷光祿寺少卿
十二月遷鴻臚寺卿雍正元年正月擢內閣
學士八月

命往盛京審理私創人參各案同刑部侍郎
馬晉泰錄囚百五十八人論罪如律

諭曰刑部禁止私創人參舊例不論已得未
得俱解送刑部往返拖累故于盛京刑部監

禁每年差官前往審理朕思伊等俱係圖利
窮民春夏被獲監至九月十月方得審結延
挨日月身受寒暑甚屬可憫寧古塔有將軍
辦事御史盛京有將軍刑部併副都御史丞
福嗣後各地方所獲者卽審理速結年底彙
奏將審理偷創人參之部院堂官停其遣往
二年正月

命祭告少昊等陵四月充順天武鄉試副考
官五年三月擢兵部右侍郎九月充武會試

知貢舉十月兼署禮部侍郎六年兼副都御史事二月教習庶吉士十月協辦禮部侍郎事七年九月充順天武鄉試正考官八年六月

尚書房行走充明史總裁官會試知貢舉九年正月授禮部右侍郎六月以年老衰庸革職十年六月河東總督田文鏡劾煦長子孟基本邱姓子冒胡姓中式舉人部議斥革乾隆元年八月煦詎

闕

召見

諭白原任侍郎胡煦年逾八旬服官年久着
賞給原銜回籍其繼子胡孟基復還舉人幼
子胡季堂賞給蔭生入監讀書以示朕眷念
舊臣至意九月卒

諭曰胡煦在京病故賞給銀五百兩經理其
喪事應得卹典察例具奏

賜祭葬如例二十五年河南巡撫胡寶琮疏

請入祀鄉賢祠三十七年

詔徵天下遺書河南巡撫何焯以所購書目呈進

諭曰何焯奏覆購訪遺書一摺並將購得書籍目錄開單進呈因憶籍隸該省原任侍郎胡煦平素究心理學會有著述朕所深知今卑內並不見其姓名傳諭何焯再悉心蒐求彙單具奏季堂時官江蘇按察使奏請以其父所著周易函書約存十八卷約註十八卷

別集十六卷下法詳考四卷校定由原籍彙
奏李堂現官刑部尙書

鄒大進列傳

鄒大進廣東揭陽人乾隆元年進士十年授
直隸肥鄉縣知縣十二年調南皮縣十六年
遷大名府同知丁父憂服闋補河間府同知
二十年調北運河同知二十二年遷正定府
知府二十九年遷山東濟東道時高塘荏平
等縣積雨漲阻道路大進相度宣洩巡撫崔

漢平年自任
應階疏薦其能遷兩淮鹽運使三十六年丁
母憂服闋

諭曰鄭大進歷任道府運使尙能辦事現在
服闋來至熱河着卽前往浙江署理按察使
事務尋授湖南按察使四十年遷貴州布政
使四十三年正月擢河南巡撫七月河決儀
封者城以所奏涉掩飾部議降三級調用
詔畱任又以堵築時和驛入堡水涌工場降
二級畱任四十四年正月調湖北巡撫十二

月署湖廣總督奏言湖北安陸荊州二府濱襄江川江借堤垸爲衛今夏漲發鍾祥潛江荊門江陵等縣堤潰已一律趨修惟潛江之長一垸地窪沙積原處築堤難固應于地勢較高之董家堤按老堤之楊家巷至鎮龍山築月堤一道鍾祥縣之浪堤垸地頂衝應自永興垸起至保安垸止築月堤俾水發江寬不致地逼受衝劉家巷堤在殷家灣草廟之間漲刷堤身一併修築估工費銀七萬八千

餘兩借帑委員領辦分年征還歸欵

報聞四十五年二月奏言武昌郡城瀆江荆
襄水滙流繞城而東沿江石岸沖卸土年連
次水發汕刷堤根虛懸應于現修武昌城工
時併修免致水浸城根下所司知之四十六
年正月奏荆關設口岸十一處關書隸役多
土著應照乾隆六年以前交該道府經理臣
等會奏分別保畱更替每年奏銷由關員造
冊送督臣核奏其監督養廉應裁從之三月

疏言楚省邪教貽害風俗前督臣班第奏請酌量柳責完結原祿就事權衡使愚民不致株連而收令徃徃視同自理詞訟率不通詳請嗣後俱據實通稟聽院司核辦其諱匿及曲法輕縱者嚴叅

上是之四月奏言通城縣額征漕糧三千六百餘石由縣境溪河轉運冬春水涸灘限工費人勞請照通山當陽二縣例征銀解貯藩庫以近水之武昌黃岡等縣漕耗餘米撥兌

漕船足額下部議行十一月授直隸總督
命赴永定河下口查勘河工奏言六工以下
河身內向有居民乾隆十五年給價遷移嗣
因下口改流奏令覈回繳原給房價減糧地
畝照舊征收茲查永定河南北兩岸自頭工
至六工邨庄已盡遷移六工以下水勢遷徙
靡常屢將北埝改築展寬現今修守之北堤
與原設之南堤遙隔五千餘里其中居民五
十餘邨水漲卽以船爲家當今遷移以清河

流臣勅明永清縣內柳堤等處共旂民二百
八戶已勘定地址飭令陸續移居其河身較
遠之邨仍准暫住禁築垣修房以杜佔居之
弊

報聞四十七年二月

賞戴花翎及黃馬褂五月奏言保定省城九
龍河發源望都縣九龍泉經由清苑縣張登
鎮安州之依城河新安之長流河至在邱之
十一橋入淀年久積淤自望都縣之響閣及

殷家營高嶺邨三間外中間相隔綿長六十餘里瀉若建劄請于望都之樊邨建石闌一清苑之再邨鄧邨營頭邨建石闌三其望都之舊闌三座清苑之石橋十座坍塌者修葺低者增高鎮安新安等州縣亦多淺阻均宜一律疏濬從之八月加太子少傅十月卒
諭曰直隸總督鄭大進老成練達宣力有年簡擢畿封正資倚任茲聞溘逝深為軫惜應得卹典該部查例具奏

賜祭墓如例謚勤恪

吳士功列傳

吳士功河南光州人雍正十一年進士改庶吉士乾隆元年散館改吏部主事洊遷郎中四年遷監察御史巡視南漕五年五月疏劾漕標遊擊因三省貪婪得旨交總督赫玉麟鞫實擬罪如律十二月巡

視南城奏言各省督撫奏請帶往人員雍正六年

論令俱着回京請旨另用近部院大臣簡用
督撫有奏請將所屬司員帶往以道府等官
題補若爲地方起見未到任之先于該省地
方情形尙未深悉何由知道府等缺必伊帶
往之人方克勝任若爲人才起見果係廉幹
可勝任道府之員無難據實保奏不拘省分
皆可量才酌用何必以伊所奏之人帶往伊
該管省分自行題補督撫縱公正無私而於
隨帶人員託爲心腹寄以耳目恐偏聽之弊

安知到省屬員不私相交結希爲先容以取
悅上官請嗣後仍照舊例概行停止下部議
行六年御史觀音保叅奏士功等徇庇南城
指揮郭從儀

勅都察院會同吏部查奏尋奏郭從儀違制
用刑士功等卽行指叅並無徇庇得

旨觀音保降二級調用三月御史仲永檀奏
向來密奏留中事件多洩漏

上勅王大臣詢問永檀舉出土功叅奏尙書

史貽直

諭曰胥中密摺宣洩于外伊旣舉出吳士功
恭奏史貽直一件查土年吳士功果有此奏
現交王大臣查詢翌日又

諭曰朕諭旨一道御史吳士功恭奏尙書史
貽直一摺目今姑且不究着與二人閱看後
封貯內閣若伊等將來不知悛改再有過犯
將此取出一併從重處分七年授山東濟東
泰武道八年九月丁繼母憂十二年服闋補

直隸大名道十二年調山東兗沂曹道十三年正月調湖南糧道山東巡撫阿里衮奏留辦理賑務尋復以士功端方練達熟悉民情奏留山東閏七月

詔調山東糧道十四年遷山東鹽運使十九年遷陝西按察使十月以辦理軍務台站議敘加一級二十一年調湖北按察使二十二三年三月以前在陝西辦理馬匹議敘加一級七月

上以豫省災賑平糶需米

勅下江西湖北巡撫在該省相近河南各州縣倉貯內酌撥運交豫省收貯其動撥穀數卽將本年應運漕糧截留歸欵士功時護理湖北巡撫奏湖北本年額征應運漕米十五萬一千一百餘石遵

旨截留歸欵楚地潮濕米難久貯請以一米改收二穀還倉本年旣經截漕所有隨漕征解銀除應給減欵丁船等項米折銀兩並折

色月糧外其餘無需支解名款及節省漕糧水脚共銀四萬一千九百餘兩請卽爲撥運豫米之用豫米現卽開運先借支司庫公項俟各屬解到截漕銀照數歸款疏入報

聞是月遷陝西布政使十月護理陝西巡撫十一月奏宜君榆林葭州懷遠府谷神木靖邊寧遠各州縣先旱後潦督臣黃廷桂奏撥寧夏米麥五萬石分賑懷遠靖邊等縣自寧赴陝中阻黃河沿邊早寒河水卽難挽運臣

先期飭催早運抵陝其奏撥級德米脂清澗
吳堡四州縣米二萬石協濟榆林葭州山路
崎嶇水雪載塗更難馱運蒼黎待哺孔亟臣
飭添雇騾駝趕運俾早沾實惠

諭令竭力妥爲之是月調直隸布政使奏藩
庫錢銀交代新任接收出結督撫盤查保題
定例甚嚴但日久視爲具文請嗣後撫藩離
任奏請陛見之日卽將在任庫項曾否挪借
有無虧空之處另摺附奏其或在任不久調

補遠省資斧不足欲借庫項者一併擬實陳
奏新任撫藩接印後亦于交代限內另摺奏
聞仍照例出結保題則挪借之積弊可除
上以所奏簡而易行着爲例二十三年三月
仍調任陝西護理巡撫印未幾擢福建巡撫
諭俟新撫鐘音到陝後再赴福建新任四月
奏延安府兵糈向例各縣民運交府倉分防
弁兵赴府支領山高路遠往返五六百里民
運赴府費倍正供兵領回縣耗費過半查甘

泉宜川延川延安俱駐弁兵請將四縣民糧
各在本縣征收支給本縣汛兵從之六月奏
隴州沂陽縣跬步皆山歲征屯豆五百四十
九石有奇鄉民赴城完納往返需費不貲現
今積豆萬餘石本地營汛既不動用隣封難
資協濟商賈不願販雜與其坐視霉爛莫若
改征折色請于二十三年爲始每石改征銀
六錢五分解司充餉舊存豆召糴銀報部從
之八月莅福建任二十四年四月奏言私鑄

錢文原有銅鉛之別宜按錢數多寡定罪乾隆九年刑部議准福建按察使王廷諍候奏私鑄鉛錢不及十千之犯照例聲明請旨發遣二十二年九卿定議私鑄銅錢不及十千者照情有可原免罪減等例改發巴里坤等處種地蒙

恩俞允查閩省有私鑄鉛錢不及十千之犯從前未與未減擬絞監候伏思鉛錢非銅錢可比不久即成無用其中已停復鑄者情

罪較重仍擬絞候其偶然私鑄鉛錢不及十千較私鑄銅錢不及十千之犯情罪更輕請照例發遣給官兵爲奴俾墾田効力下部議行六月奏緝獲南洲巨盜劉良福等十八人附近匪竊七十餘人

諭曰閩省地屬海疆民風素悍南洲濱水向有積匪恃爲淵藪正當力爲懲創以除稔惡而衛商民該撫等能董率屬員設法緝捕積盜不能漏網深屬可嘉下部議叙加一級入

月與總督楊廷璋奏請酌改南洲塘汛及巡哨章程詳見廷璋傳十一月奏言閩屬械鬥皆由地方官遇民詞不早審結釀成命案臣發給冊式令各州縣將審結讞語挨日填註按月冊報臣隨時駁正記其優劣一載以來詳知奮勉案件隨到隨結可免拖累滋事上嘉之十二月奏言閩省九府二州積年平糶常平缺額穀三十一萬八千六百餘石已買足還倉台灣府屬積年平糶未買穀十五

萬三千一百石令如數買補又收捐監穀積貯加多而浙西歉收來春需糶濟民食臣酌撥台灣十萬石聽浙江招商運賑因風汎不便先以內地沿海府縣撥給使台灣穀運到還倉一轉移間無妨于閩有益于浙

諭曰此汝認真妥辦所致可嘉也二十五年二月奏言寄居台灣皆閩粵海濱民人前任巡撫鄂彌達奏請有立業台灣愿入籍者准呈明給照搬眷入台嗣經督臣郝王麟以流

商民眷均已撥取奏請于乾隆五年停止十二年督臣喀爾吉善復奏請定限一年後不准給照迄今十有餘年禁絕往來愚民妄冒險偷渡臣一年中盤獲偷渡民人二十五案男婦九百九十名口分別遞回原籍已經發覺者如此其偷渡在洋被害者更不知凡幾伏思內外民人均

朝廷赤子向之在官爲匪者悉隻身無賴若既報墾土立業必顧惜身家各思保聚請嗣後

在合立業良民有的屬在內地者許先在台
灣該管廳縣冊報眷口姓名年歲移原籍查
覆到日該管道府給路照回籍搬接過台其
內地的屬有欲過台完聚先由內地該管州
縣造冊移明台地確查覆到詳請給照過台
責成廈門同知及汛員遇過台眷口驗明人
照相符合行如人照不符濫行給照汛員文
武官失察徇隱者亦處庶良民不敢僥倖行
險地方官自顧考成防範嚴明海防民生均

有裨益下部議行三月奏偕提督鎮臣率文武官緝獲行劫馬頭山盜犯林成功等及夥犯五千餘人

諭曰汝等文武如此和衷協力何愁地方不安靖也其屬可嘉五月條奏稽查濱海漁船事宜一漁船應取船主澳保甲結也嗣後漁船赴縣領照先取族鄰澳甲保結令船主開具年貌籍貫出具不敢爲匪甘結核明入照並取十船連環互結存案查驗放行一漁船

出口逾期不還應責澳甲船主查報也查漁船例于三月中旬四月下旬出口至五七等月回棹九月十月出口年底回棹向冬逗遛滋事應責令澳甲船主先向進口漁船查明未回漁船現泊何處因何未回稟地方官發管押回澳甲船主不稟分別治罪一漁船帶貨應行稽查也漁船捕魚爲業非比商賈貿易卽偶有携帶應令赴置貨地方洗口驗明餘單如單外携帶多貨沿海汛員查出移探

查明來歷一商漁船隻應于帆檣大書名號
也嗣後應令各船于帆檣照原編字號書福
建某府某縣某號船戶某人或商船戶某人
大書深刻令遠望瞭然便于稽查如無帆檣
字號或與船照不符者根究拏捕庶匪舟無
從遁跡

諭曰立法可謂詳明行之尤宜實力又奏言
泉州府屬惠安縣西北環山東南面海所轄
良興梅峯仙塘竹溪等十二舖延袤四十里

去縣治遠請移仙遊縣白嶺司巡檢駐良興
舖之前塗部議允行尋以閩俗械鬥多大族
欺凌小族疏請

敕部定議如雨造各恃人眾致傷多命者照
例入情實其族小戶丁少被大姓欺凌克毆
情急抵禦者照尋常聞毆擬緩決其恃強糾
眾欺凌小戶復斃多命仍擬情實部議駁
諭曰刑部議駁吳士功條奏械鬥案件請分
別戶族強弱辦理一摺部臣所見甚是閩省

地處海濱民風刁悍聚眾械鬥最爲向來惡俗該撫身任封疆正當執法鋤奸務在安善良而移風俗乃欲將族大族小分立科條使械鬥者以趨避其詞而司讞者因而高下其手是欲博莠頌之浮譽而不知守彌教之常經法司所指伊尙能置喙乎吳士功自任巡撫以來辦理事件時露沽名習氣非明切訓示恐自久竟成痼疾悔之已晚試思朕慎持國憲臣工內有能條奏敷陳巧爲嘗試者卽

看傳諭該撫令其刻自提撕慎勿故智復萌
自貽伊戚二十六年正月總督楊廷璋劾提
督馬龍圖挪用存營公項銀

命解龍圖任交廷璋會同士功嚴審定擬五
月會奏嚴鞫龍圖借用公項銀已于委員盤
查時歸補應照知入欲告而自首例減罪二
等擬杖徒

諭曰此案馬龍圖于未經查叅之前預爲彌
補據實檢舉請之自首尚屬有因今聞敗露

始多方攢奏抵項且將登記數簿扯毀焚燒
另造私冊掩飾則于先侵後吐之外又增一
舞文之弊矣此而謂之自首凡前此所辦侵
貪重案歷歷可數誰非于發覺後冀圖挪補
卸罪者何不皆以自首貸之有如此失出之
理乎方朕御極之初此種伎倆尙不肯爲其
所愚今臨御二十六年辦理案件一切情僞
知之熟矣乃欲以三尺之童不能售其欺者
竟敢于朕前常試將視朕爲何如至于從來

外省奏案例稱督叅撫審此案立意必且出自吳士功而該督楊廷璋遂因而附和之耳獨不思博虛名而弛法紀朕豈能置之不問者吳士功縱不自惜楊廷璋又何爲自以身命殉之乎此案斷無兩人同聲之理究係先出何人之意着該督撫據實明白回奏尋覆奏定案係楊廷璋主稿而督叅撫審吳士功實爲主政有往來商確原札可核諭旨吳士功身爲巡撫以提督大員營私舞

弊此何等重案乃敢妄逞伎倆欲從中高下
其手且明自張胆冀于朕前直售其欺居心
尚可問手卽據扎內所稱幕友援引例文云
云欲揚廷璋酌定之處尤堪駭異楊廷璋與
士功爲封疆大臣卽馬龍圖亦提督大臣豈
有二人胸中竟無定見悉借幕友主張此語
豈可靦顏告之同官奏之君父者其幽意幹
旋不問可知况原審內有事前彌補之說朕
核叅將姚應慶供內該犯定媳送聘借銀五

百兩曾于養廉項下扣清此項銀兩于未經
奏奏之前預爲彌補尙可自稱事前至買辦
燕窩等銀一千餘兩俱係盤查時攢奏抵項
且扯毀數簿以私冊掩飾其爲事敗般捏更
何待言如此而猶欲以自首脫罪有是理乎
朕臨御二十六年歷事不少人之情爲素所
洞悉吳士功本係張廷玉用人其生平貌爲
直慝而城府甚深亦累所共曉第以其人尙
小有才且歷外任年久巡撫缺出一時不得

其人因而擢用乃伊一得志又以聞省去京
稍遠卽肆無忌憚卽如伊向因與張廷玉甚
厚未免有得罪史貽直之處今又與史貽昂
修好以冀改釋前恨則其人之居心邪正亦
從可知矣朕本欲爲之隱惡揚善而伊乃敢
顯爲此攬權嘗試之計此而付之不問朕又
將何以用人吳士功着革職發往巴理坤自
備資斧効力贖罪二十七年四月

諭曰據楊廷璋德福奏查閩縣民楊魁等假

控偽寶敕書承襲世襲一案先經呈投撫標
効力原任巡撫吳士功爲撫臣敕書旣經目
驗何以懵然不省撫署內又豈無檔案可以
查核一任惡犯玩弄若此其所司果何事耶
著傳諭已理坤辦事大臣永寧等面詰吳士
功令其據實奏覆並令自揣應得處分卽行
贖罪自効五月永寧等覆奏士功稱罪無可
追年已就衰情愿捐銀贖罪交直隸藩庫修
理城工


諭曰吳士功歷任大員身罹罪譴若于斥退
之後卽得優遊事外則虛糜廩祿不思奮勉
者轉自以爲得計且此輩歷任所得養廉無
非國帑民膏捐資贖罪情法亦屬允協豫省
現有應修城工卽係伊桑梓之地此項贖罪
銀兩卽交與河南巡撫胡寶瑗收存藩庫以
爲辦理城工費用吳士功着加恩准其回籍
二十年九月故子玉綸官至兵部右侍郎以
曾任福建學政聲名平常降授檢討

K820-49

2

1573196

X
A
T
H
A
T
I
S
I
S
S
U
E
I
S
A
N
E



21101000158023

041-956